

JOH. BARTHOLDI
SS. Theol. D. Ejusdemque in ill
Professoris Publici

THEOL
MORA

IN VSV

Exercitiorum Academ

ET

XXXII. DISPUTATION
PROPOSI

EDITIONI HVIC

ACCESSER

DE

GENTILIVM STA

CONDITIONE POST

DISSERTATION



Helmsta

Typis & Sumtibus SALOMO

ANNO cl

OLDI NIEMEIERI

in illustri Academia JULIA
Publici ac Ordinarii

LOGIA RALIS,

VSVM

ademicorum adornata

ET

TIONIBVS PUBLICIS
POSITA.

HVIC SECUNDÆ

ESSERVNT

DE

STATV ATQVE

POST HANC VITAM

ATIONES DVÆ.



Helmstadt,

LOMONIS SCHNORRII,

o clb lccc iv.

T 1240

54

4

e

PIO ET CHRISTIANO
LECTORI


S. P. D.

JOH. BARTHOLDVS NIEMEIERVS. D.

VIX octo lapsi sunt anni, ex quo ad
THEOLOGIAM MORALEM succinctis
thesibus complectendam, eamque in usus exer-
citorum Academicorum adornandam ani-
mum convertere nobis datum fuit. Primam occasionem
rei præbuerunt Viri Plurimum Reverendi & Clarissi-
mi, DN. JOHANNES FRIEDERICVS *Stieglitz*/Atenste-
tô - Halberstadiensis, Ecclesiæ Bahrendorffensis in Ducatu
Magdeburgico hodie Pastor, & DN. JVS TVS *Albrecht*/
Northeimensis, Scholæ Hamelenis h.t. Rector, de Ecclesia
& Republica literaria optimè meriti merentesque, qui sa-
cris studiis tum quidem in hac Academia operam dantes
singula sanctæ hujus disciplinæ capita alternis vicibus ex
cathedra Academica magna sui cum laude defenderunt.
Quod opus etiam adeò alacriter successit, ut semestri spa-
tiò illud fuerit absolutum. Quamvis verò exempla magnò
numerò fuerint impressa, factum tamen est, ut brevi illa di-
stracta fuerint, adeò ut eadem superiori hyeme Auditori-
bus nostris sacra hæc studia tractantibus deesse inceperint, ac
proinde de nova editione nobis fuerit cogitandum. Quam



dum adornavimus, animus quidem erat succinctas quasdam notas, quæ in promptu nobis sunt, passim inferere, quò ipsò tamen cum Auditorum nostrorum commodis moram injectum iri videremus, Typographus etiam festinatione suâ nos non parum moverit, hâc quidem vice libello huic nostro nihil vel addere vel in eo immutare voluimus, adeò quidem, ut nec priorem Præfationem, nec Programma exercitiis hisce præmissum inde tollere voluerimus. Ne tamen sine omni additione libellus hic coram erudito orbe iterum compareat, eidem Dissertationes duas *de Gentilium statu atq; conditione post hanc vitam* annò 1694. publicæ luci donatas subjungendas esse duximus. Circa quam doctrinam etiam in Anglia occupatus fuerat *Richardus Baxterus*, ob scripta ascetica in lucem edita clarissimus, qui tamen d. 8. Xbris 1691. ex hac vita decessit. Hic in sua Theologiæ Christianæ Methodo, de fœdere gratiæ agens, quæ alii pro salute gentilium olim protulerant, perpolire annisus est, gentiles fide in Christum destitutos propter fœdus gratiæ & misericordiæ divinæ universalis omnibusque hominibus oblatae non promiscuè omnes damnationi æternæ esse addicendos statuens. Quam hypothesin *Carolus Robothamus, Ecclesiæ Anglicanæ Presbyter Norfolciensis*, editò Londini annò 1694. librò, cui titulum fecit: *Disquisitio in hypothesin Baxterianam de Fœdere gratiæ*; sub examen vocavit, atq; inter alia fidem in Christum unicam salutis viam esse commonstravit. Cujus libri summam collectores Actorum Eruditorum Lipsiensium in Tomo III. Supplementorum Sect. II. p. 66. sqq. recensent. Quò etiam Benevolum Lectorem remittimus, eundem etiam atq; etiam rogantes, ut porrò nostris laboribus benignè favere, eosdemq; quâ datum fuerit, ratione adjuvare haud gravetur. Scriptum in illustri Academia JVLIA d. xix, Aprilis, annò clò lccc iv.




PRÆFATIO

PRIORI EDITIONI PRÆMISSA.

NOn unum nostræ in sacro Theologiae studio adhibitæ industriæ specimen intra proximè elapsam triennium Tibi maturoque tuo iudicio exhibuimus. Etenim Tractatum DE SYMBOLO APOSTOLICO mox secuta est disquisitio DE GENTILIVM STATV ATQVE CONDITIONE POST HANC VITAM; quam quidem quæstionem duabus Dissertationibus ita tractavimus, ut orthodoxa sententia cum Sacræ Scripturæ testimoniis, tum venerandæ primitivæ Ecclesiæ consensu & suffragiis confirmata & contra dissentientes modestè asserta fuerit. Hunc laborem superiori annô excepit liber DE DISCIPLINA ECCLESIASTICA, quatuor Dissertationibus comprehensus & absolutus, Veteris præsertim Ecclesiæ circa istud negotium instituta exhibens, cujus alteram per *δεύτερας Περὶ ἡλίας* locupletan-

tandam editionem molimur. Addemus sūo tempore DE
 CONJVGIIIS JVRE DIVINO PROHIBITIS
 librum. Et sicuti per otium id acturi sumus, ut THEO-
 LOGIAM DOGMATVM FIDEI nervosè in-
 gratiam Auditorum nostrorum ac S. Theologiæ Studio-
 forum queamus complecti, ita hâc vice, Lector Bene-
 vole, Tibi damus THEOLOGIAM MORALEM
 triginta duabus succinctis Disputationibus comprehen-
 sam & in usum Academicorum exercitiorum adornatam.
 Cui quidem rei duo egregii ob virtutem, industriam,
 eruditionem ac morum probitatem tam conspicui, quàm
 istis nominibus nobis charissimi juvenes occasionem
 suppeditârunt. Hi postquam in quartum annum in hac
 Academia magna sui cum laude essent versati, & studia
 sua non solum ordine, sed & alacriter tractâssent, ali-
 quoties etiam in publico essent auditi, ingenii sui vires
 denuò periclitari novumque ad egregios in sancta disci-
 plina jam tùm acquisitos profectus confirmandos atque
 augendos comparatum exercitium quærere incepe-
 runt. Commodum accidebat, ut Collega optimus,
 B. D. *Henricus Wideburgius* lectiones suas publicas ad E-
 pitomen Theologiæ & πένυ B. Georgii Calixti denuncia-
 ret, easdemque publicis Disputationibus repetere inci-
 peret. Sicuti itaque ille *Fidei Christianæ* capita singulis
 hebdomadibus excutere animum induxerat, ita præcla-
 ri isti, quos jam tùm laudavi, juvenes me rogârunt, ut
 ego *sacra morum dogmata* in certa capita digererem,
 eaque pari ratione singulis hebdomadibus publico eru-
 ditorum examini exponerem, dudum edocti, *Christia-
 nismum non solum recta dogmata fidei, sed & honestam
 vitam requirere*, juxta Theophylactum Enarr. in Joh. III.
 fidum-

fidumque Ecclesiæ ministrum tam *ad fidem*, quam *ad bonam conscientiam retinendam*, I. Tim. I. 19. suos & voce exhortari & exemplô docere debere. Præclaro huic solertissimorum juvenum vices Respondentium inter se, ultrò dividendum, desiderio ut refragarer, tantum abfuit, ut potius omnibus, quibus liceret, modis illud adjuvandum existimaverim. Feci id verò tantò lubentiori animô, quantò de eorum ex cathedra Academica æquè, quàm contra eandem differendi promptitudine eram certior. Vix enim in hanc Academiam delati meæque disciplinæ commissi, animum Philosophicis scientiis imbueri sategerunt: quod adeò feliciter ipsis cessit, ut intra unius anni spatium universæ Philosophiæ campum prospero cum successu nostrâ sub directione decurrerint, eò autem confectô & absolutô labore in una atque altera disciplina Philosophica examina cum laude sustinere cœperint. Quæ cum pariter ex animi sententia cederent, sanctæ Theologiæ studio diligenter excolendo animum propius admoverunt. Fundamentis verò solidè locatis illustriorum Scripturæ locorum expositionem, ac difficiliorum controversiarum tractationem inædificârunt, quin & post exercitium in Ecclesia cum fructu dicendi Historiæ Ecclesiasticæ ac Venerandæ Antiquitatis studium adjecerunt. Quâ in re cum B. Dn. Henrici Wideburgii, tum meâ fidei manuuctione sunt usi. Neque tamen reliquis venerabilibus Dominis Collegis nostris suam industriam probare intermiserunt. Unde factum, ut jam tum superiori annô in publicam cathedram Theologicam potuerint deduci, ex qua etiam quisque eorum tribus vicibus suam in respondendo promptitudinem cum eruditione conjunctam toti Academiae luculen-



culenter ostendit. His exercitiis postquam defuncti fuerunt, proximis octo mensibus in Moralis Theologiæ studio voluerunt quàm maximè esse occupati; quam sanctissimam disciplinam triginta duabus succinctis Disputationibus comprehensam alternis vicibus magnâ sui cum laude inter commilitonum suorum applausus & gratulationes ita defenderunt, ut singulis fermè hebdomadibus in publica cathedra comparuerint. Dubium non est, quin istiusmodi suis virtutibus magnis sacrorum studiorum Patronis ita se sint commendaturi, ut ampliori nostrò elogiò haud indigeant. Præsentem verò *παραγγελίαν* methodo sacrae huic scientiæ accommodavimus, ita quidem ut in parte communi ante omnia finis, cum ultimi & externi, qui est æterna hominis salus, tum proximi & interni, qui est pia & Christianò homine digna vita, rationem habuerimus; inde progressi sumus ad subjectum hujus scientiæ, hominem nempe justificatum & renatum, ejusque conditionem expendimus: tandem devenimus ad media, quæ in hac disciplina sunt, virtutes & actiones hominis renati, easque non solum secundum sua principia, verum etiam secundum normam, cui congruere debent, spectavimus. In parte speciali rationem habuimus triplicis statûs hierarchici, ad cujus ordines singula vitæ genera non incommode reducuntur. In hac verò opella adornanda non parum laboris injunctum nobis fuisse deprehendimus: Præterquam enim quòd non æquè facile sit fertiliores doctrinas ita ubique coarctare, ut doctrinæ sua maneat integritas, atque paucis verbis multa sic exprimantur, ne quod ceteroquin observationem meretur, temere omitatur, simul etiam in tanta brevitate perspicuitati nihil dece-

decedat quicquam, artis etiam omnino est, ubique adeo emphaticis uti verbis, ut quorsum ea respiciant, Lector primò intuitu animadvertat. Quicquid tamen horum assequi licet, circumspèctè conati sumus, nec facillè quicquam adhibuimus, quod non vel doctrinæ ordinem ante omnia respiceret, vel rem proponendam significanter exprimeret, vel dogmatum moralium probationem in se contineret, vel ea complecteretur, quæ ad objectionem unam atque alteram removendam essent comparata. Ubique autem Scripturam Sacram doctrinæ nostræ fundamentum esse voluimus, quamvis dicta ejusdem potius fuerint indicanda, quàm operosè deducenda; dedimus etiam operam, ut formam sanorum verborum religiosè sequeremur, atque ita hòc quoque pactò juventuti optimè consuleremus. Vnde, ubicunque licuit, rem vel Scripturæ sacræ, vel venerabilium Patrum, vel etiam librorum Symbolicorum, in Corpore præsertim Doctrinæ à Serenissimo Academiæ Fundatore seriò nobis commendato, exhibitorum verbis sumus elocuti. Quamvis verò exiguus hic libellus in usus Academicos, ut deinceps materiam docendi ac disputandi præbere possit, potissimum sit adornatus, nulli tamen dubitamus, quin & alii rerum harum intelligentes eundem in suos usus convertere, præclarasque, quibus animum suum olim paverunt, doctrinæ occasione ejusdem in memoriam sibi revocare, suòq; cum oblectamento in animo circumferre possint. Quod ipsum ut cum benevoli Lectoris emolumento fiat, totò corde exoptamus. Cæterum libello huic nostro cum tempore uberiores poterunt accedere Annotationes ampliolem declarationem iis, quæ concisè dicta sunt, allaturæ. Continebunt hæ non tantum



pleniorum locorum Scripturæ, quorum indicium facien-
dum fuit, illustrationem, verum etiam primitivæ Eccle-
siæ Patrum accommodata testimonia & cum gravitate
conjunctas *παρρησιᾶς* exhibebunt, simul etiam illustrio-
rum quæstionum non solum earum, quas vel verbô in-
dicavimus, sed & aliarum plurium accuratius examen
ita instituent, ut ad similes quæstiones practicas deciden-
dias, casusque conscientiæ solvendos attentus Lector in-
strui queat atque præparari. DEVS ter Optimus ter
Maximus conatibus nostris nunquam non felices adspiret
successus, honestum otium sacris studiis excolendis
summopere necessarium clementer nobis indulgeat, la-
boresque nostros in divini sui Nominis gloriam Eccle-
siæque salutem nunquam non dirigat. Vale, Benevole Le-
ctor, nostrisque studiis ex animo fave, eaque, præsertim si
occasionem nactus fueris, benignè adjuva. Scribebam

Helmstädt in Illustri Academia JVLIA, d. xxx.

Julii Annô clō lpc xcvi.



PROGRAMMA

DISPUTATIONIBUS THEOLOGICIS

EX

THEOLOGIA MORALI

INSTITUENDIS

PUBLICE PRÆMISSUM.

Summæ & sanctissimæ disciplinarum

THEOLOGIÆ

in illustri Academia JULIA

STUDIOSIS

S. P. D.

JOH. BARTHOLDUS NIEMEIERUS. D.

QUò amplior est SS. Theologiæ campus, eò majorem sollicitudinem in se experiuntur, qui postquam eidem se commiserunt, cœptum iter feliciter cupiunt emetiri. Ut verò difficultates, quas sibi objectas vident, tantò facilius superare possint, non variis ambagibus se committunt, non mœandros quærunt, sed unicè hoc agunt, ut regiam, quâ incedant, viam maturè inveniant & assequantur. Cumque sanctissimæ hujus disciplinæ studium non solum linguarum ac Philosophicarum disciplinarum apparatus

(b) 2 requi-

PROGRAMMA.

requirat, verum etiam nunc per Scripturæ sacrae eruditam interpretationem sese diffundat, nunc ad erudiendum & pascendum Christi gregem respiciat, nunc quæ in Ecclesiæ antiquitate sunt recondita, altius rimetur, nunc fidei æque ac morum dogmatibus è sacra Scriptura & primitivæ Ecclesiæ consensu eruendis ac confirmandis invigilet, nunc bella Domini contra hæreticas pravitates & heterodoxias quaslibet gerenda proponat, atque ad orthodoxam veritatem masculè asserendam, os autem contradicentibus obturandum excitet, is sanè, qui in S. Theol. operæ facturus est pretium, rectè fecerit, si ordine servatò unam partem post aliam, quantum fieri potest, excolat, in aliquibus autem *ειρηνη* attingere omnibus viribus annitatur. Ejus profectò mentis sunt duo egregii, ob virtutem, industriam, eruditionem, imò & pietatem ac morum integritatem valde mihi chari & aliis in exemplum proponendi Juvenes, DN. JVSTVS Albrecht/Northeimensis, & DN. JOHANNES FRIEDERICVS Stieglitz/ Atensteto-Halberstadiensis; qui postquam bonis literis probè innutriti in hanc Academiam venerunt, solidi illius triennii, quod apud nos exegerunt, tempora non malè collocarunt. Ante omnia per totius Philosophiæ amoenissima vireta per me ducti, deinceps S. Theolog. excolendæ admoti sunt, in qua etiam partim me manu ductore, partim alio-

PROGRAMMA.

aliorum celeberrimorum Virorum solidioribus doctrinis impigrò labore & vigili industriâ id consecuti sunt, ut in non vulgarem sanctissimæ disciplinæ peritiâ penetrârint, ejus etiam rei ex cathedra Theologica maximâ sui cum laude pulchra ediderint specimina. Quibus exhibitis novum moliantur opus. Animum quippe induxerunt, totam *Theologiam moralem triginta duabus succinctis Disputationibus* nervosè complecti & singulas singulis hebdomadibus publico eruditorum examini submittere. Quâ in re cum meam potissimum requisiverint operam, tantum abest, ut tam honesto desiderio me potuerim subtrahere, ut potius illud pro viribus duxerim esse adjuvandum. Laudabilis hujus operæ *proximò die Saturni*, Bono cum Deo, in Theologorum Auditorio faciemus initium, primam Disputationem proposituri, quam reliquæ suo ordine ita sequentur, ut tempus earundem habendarum ex hoc loco maturè simus denunciaturi. Vos, Domini Studiosi, hac occasione humaniter rogatos & invitatos volo, ut his diatribis frequentes interesse haud gravemini. Exemplum, quæso, capite ab his recti exempli commilitonibus vestris, & per eos ad similia, imò & majora tentanda vos finite acui atque excitari. Horum sanè exercitiorum fructus non ad eos tantum pertinebit, qui vel respondendo theses sunt defensuri, vel eruditus dubi-

rationibus impugnaturi, verum etiam ad eos se diffundet, qui nobis attenti futuri sunt auscultatores. Hi enim si juxta Aristotelis præceptum vel eruditam objectionem, vel ejus solutionem, vel etiam instantiam, distinctionem, loci alicujus Scripturæ explicationem, aut simile quid observaverint, & ex Disputatione domum secum retulerint, suæ quoque eruditioni bonam per nos accessisse partem, gratâ mente agnoscent ac fatebuntur. Sapiens hoc consilium his verbis expressit Aristoteles.

IX. Topic. XIV. §. 15. ὅπως δ' ἐκ τῶν γυμνάζεσθαι διαλεγόμενων, πειρατέον ἀποφέρεσθαι ἢ συλλογισμὸν περὶ τινος, ἢ λύσιν, ἢ ἀντιτάσσειν, ἢ ἐνστάσιν, ἢ εἰ ὁρθῶς τις ἤρεται, ἢ εἰ μὴ ὁρθῶς, ἢ αὐτὸς, ἢ ἕτερος, καὶ ὁρᾷ ἢ ἐκείνους. *Omnino ex Dialectica exercitatione entendum est referre aut solutionem, aut propositionem, aut objectionem: aut notare, rectène quispiam interrogarit, an non rectè, sive ipse, sive alius, & quâ ratione utrumque acciderit.* Valete omnes, & studia vestra ad Dei gloriam & Ecclesiæ salutem dirigite, sic etiam vitam vestram institute, ut qui noveritis, in Dei conspectu vos vivere, cui aliquando rationes reddere oportebit! Gratia Spiritus Sancti habitet in vobis efficaciter! P. P. in illustri Academia J V L I A ipsis
Calendis Decembris Annô Salutis
reparatæ cło lcc xcv.

(●) ○ (●)

SYLLABUS DISPUTATIONUM.
PARS GENERALIS
DE FINE.

- Disputatio* I. de Theologia Morali in genere.
II. de Beatitudine æterna.
III. de Pia Christianorum vita.
IV. de Vitæ Piæ Perfectione.
V. de Piæ vitæ consequentibus.
VI. de Piæ vitæ ad salutem æternam habitu-
dine.

DE SUBJECTO.

- VII. de Theologiæ Moralis subjecto.
IIX. de Homine renato secundum carnem
& spiritum considerato.
IX. de Lucta Carnis & Spiritûs.
X. de Affectibus.
XI. de Homine renato secundum ætatem, se-
xum, conditionemque vitæ spectando.

DE MEDIIS.

- XII. de Actionibus Hominis renati.
XIII. de Actionum Hominis renati principio
supernaturali.
XIV. de Principiis naturalibus actionum ho-
minis renati, earundemque differen-
tiis.
XV. de Conscientia.
XVI. de Speciebus Conscientiæ.
XVII. de Lege Dei æterna, nec non Lege na-
turæ.
XIIIX. de Legibus positivis, tam divinis, quàm
humanis.



Disputatio XIX. de Virtutibus Christianis & bonis operibus in genere.

XX. de Peccato, ejusque differentiis.

XXI. de Decalogo.

XXII. de Primo Decalogi Præcepto.

XXIII. de Secundo ac Tertio Decalogi Præceptis.

XXIV. de Quarto & Quinto Decalogi Præceptis.

XXV. de Sexto & Septimo Decalogi Præceptis.

XXVI. de Octavo, Nono, ac Decimo Decalogi Præceptis.

PARS SPECIALIS.

XXVII. De Ordine Ecclesiastico, --- Prior.


XXVIII. - - - - - Posterior.

XXIX. De Ordine Politico, - - Prior.

XXX. - - - - - Posterior.

XXXI. De Ordine Oeconomico, - - Prior.

XXXII. - - - - - Posterior.



DISPUTATIO THEOLOGICA PRIMA DE THEOLOGIÆ MORALIS NA- TURA IN GENERE.

§. I.

QUAMVIS Deus O. M. hominem ad æternam vitam & absolutam ejus beatitudinem condiderit, aliud tamen ad eam pertingendi medium *in statu integritatis fuit propositum*, quàm deinceps *in statu instaurationis & gratiæ*, qui *statum peccati* excepit, ex merâ Dei *φιλανθρωπία* fuit ordinatum.

II. In integritatis statu medium ad æternam salutem pertingendi erat perfecta legis, *mandati illius ad vitam*, Rom. VII. 10. impletio; quam legem homo non solum *ὁρῶς*, rectè & in *spirituali* suo sensu, ibid. v. 14. intelligebat, sed & vires ei servandæ ex asse pares à Domino legis nactus erat; imò *ad immortalitatem creatus* Sap. II. v. 23. *faciendo* secundum eam legem *ex vi indissolubilis vitæ in æternum manere* poterat, sicut de humana Christi natura elegantissimè dicitur Hebr. VII. 16. 24. tempusque expectare, quò secundum Dei beneplacitum in meliorem vitam absolutissimamque beatitudinem reapse transferretur. *Quod Dei consilium cum aliunde, tum à posteriori ex Henochi atque Eliæ translatione innotescit.* Genes. V. 24. II. Reg. II. 11. 12.

III. Ex quo verò *invidia Diaboli per unum hominem peccatum, & per peccatum mors introivit in mundum, & reatus venit in omnes homines ad condemnationem*, Genes. III. 13. Sap. II. 24. Rom. V. 12. 18. 19. 21. *lex impotens fuit facta ad salvandos homines, infirmata in carne*, Rom. II. 3. *in qua non amplius habitat bonum*, cap. VII. 18. & *peccatum regnare cœpit in mortem*, cap. V. 21.

IV. Nihilominus Deus, qui dives est in misericordia, propter *multam charitatem, quâ dilexit nos, cum in peccatis essemus mortui*, Eph. II. 4. 5. *Filium suum unigenitum in plenitudine temporis misit in hunc mundum, factum ex muliere, ut eos, qui legi erant obnoxii, redi-*

meret, & illi adoptionem acciperent. Gal. IV. 4. 5. Atque sic exactissima legis impletio ab homine fuit amota, & humeris unius illius inter Deum & hominem mediatoris 1. Tim. II. 5. imposita, simul etiam omnium nostrum peccata luenda in eum fuerunt conjecta, Esa. LIII. 6. ut unus pro omnibus moreretur. II. Cor. V. 15. Rom. IV. 25.

V. Sic ergo non est in alio quaquam salus, præterquam in Christo Jesu, nec aliud nomen est sub cælo, quod datum sit inter homines, per quod oporteat nos servari. Act. IV. 12. Quod ipsum salutis medium ita est amplectendum, ut credamus in Filium Dei unigenitum, Joh. III. 16. perque hanc fidem justitiam ac merita ejus ad nos pertrahamus nobisque applicemus. Gal. II. 20. I. Tim. I. 15. Credimus namque per gratiam Domini Jesu Christi nos servatum iri, quemadmodum & illos, Patres. Act. XV. 11.

VI. Hanc fidem Deus credentibus vult imputare ad justitiam, Rom. IV. 23. 24. Gal. III. 8. finemq; fidei, salutem animarum, ex immensa bonitate porro donare. 1. Petr. I. 9. Hæc enim est illa promissio, quam ipse pollicitus est nobis, vita illa æterna. 1. Joh. II. 25.

VII. Unde ex operibus legis non justificatur ulla caro, sed justitia p Dei venit per fidem Jesu Christi (in Jesum Christum) in omnes, & super omnes, qui credunt, Rom. III. 20. 22. Gal. III. 11. & quicumque crediderit in Filium Dei, non est periturus, sed vitam æternam habiturus. Joh. III. 16. XX. 31. Marc. XVI. 16.

II. Eo ipso tamen nec usus legis intercidit, nec obligatio ejus prorsus est sublata. Dum enim homines per fidem regenerantur, in Christo creantur ad bona opera, ut in illis ambulent; Ephes. II. 10. quibus etiam ita student, ut qui noverint, sine sanctimonialia neminem esse visurum Deum. Hebr. XII. 14.

IX. Fides itaque salvifica inclinatur ad dilectionem Dei, I. Joh. V. 1. 2. 3. & proximi, 1. Joh. III. 23. atque sic in Christo Jesu valet fides per caritatem efficax, Gal. V. 6. quæ demum fides est viva. Jac. II. 14. 17. 18. 26.

X. Hanc fidem, uti & bonam conscientiam retinere debet bonam militiam militaturus. 1. Tim. I. 18. 19. Tenendum exemplar sanorum sermonum cum fide & charitate. II. Tim. I. 13. Ipse Servator homines ita cohortatur: Agite poenitentiam, & credite Evangelio. Marc. I. 15. fides autem requirit, ut feramus fructus poenitentia dignos. Matth. III. 8. Qui igitur

igitur crediderit, salvabitur, Marc. XVI. 16. & qui spiritu actiones carnis mortificant, vivent. Rom. II. 13.

XI. Cum ergo religio duobus constet: dogmatum piorum notitiâ & bonis operibus; ita ut neque dogmata sine bonis operibus Deo grata sint, neque opera, quæ absque piis dogmatibus sunt, Deus accepta habeat; dicente Cyrillô Hierosolym. Catech. IV. Illumin. utrumque hunc finem meritò respicit Theologia habitualis; quæ etiam si unus sit habitus, rectè tamen in duas partes dispescitur, quarum altera vocari potest *Theologia fidei*, altera *Theologia morum*. Illa fidem respicit in homine justificando, hæc dirigit piam vitam hominis justificati, præsertim adulti & tempus benè operandi habentis.

XII. Quandoquidem autem Theologia fidei proponit ea, quæ creditu ad salutem sunt necessaria, non potest non de Sacramentis quoque agere: per ea enim fides quoque confertur, vel collata obsequatur & confirmatur. Et porro quia qui credit, fit quoque membrum Ecclesiæ Christi, hinc & de Ecclesia, ejus collectione, gubernatione & conservatione agit. Illud fit in parte ejus generali, hoc in parte ejus speciali.

XIII. Moralis Theologia ante omnia respicit finem suum partim ultimum & externum, partim verò intermedium atque internum. Ille est vita æterna, hic vita homine Christianò digna. Deinde inquit in subiectum, quod est homo renatus & justificatus, præsertim adultus. Denique sollicita est de mediis, quæ sunt virtutes homine Christianò dignæ, & actiones inde promanantes, voluntati divinæ conformes. Hæc absolvunt hujus disciplinæ partem generalem.

XIV. Ea generalis vocatur, quòd tradat ea, quæ omnibus ac singulis ex Deo natis incumbunt. Quandoquidem tamen homo etiam considerandus est in ordine ad certum vitæ genus & ordinem, vel prout in certo aliquo statu hierarchico est constitutus, illam conditionem, & ex ea nascentia diversa officia expendit pars specialis Theologiæ Moralis.

XV. Disciplinam hanc practicam esse, ex fine ejusdem, præsertim proximo ac interno, quem operum pietatis praxin & vitæ sanctimoniam esse diximus, facile constare potest. Ac per conse-

quens amat hæc disciplina illam tradendi methodum, quæ *analytica* vocari solet.

XVI. Principium cognoscendi hujus scientiæ est Scriptura Sacra. Unde nimium falluntur, qui lumen naturæ, sepositâ Scripturâ, rationem sufficientem Deum, prout par est, colendi suppeditare, & ad tam perfectam vitam, cui *merces copiosa in cælis* est proposita, Matth. V. 12. hominem plenè dirigere arbitrantur.

XVII. Facile etiam constat, sacrorum Morum Theologiam à Morali Philosophia non parum esse diversam. Quò usque autem quæ in Morum Philosophia docentur, nostræ disciplinæ interferviant, præclare docet B. D. Meierus Introduct. in Theol. Morak. cap. III. §. VI. IX. X.

XVIII. Post Scripturam Sacram morum dogmata ex Ecclesiæ Canonibus, iis præsertim, qui vel universalis Ecclesiæ, vel civilis Majestatis autoritate muniti sunt, deduci possunt. Quibus unusquisque particularis Ecclesiæ, ejus præsertim, in qua quisque vivit, sanctiones, quibus hodie *Agenda Ecclesiastica* suo modò respondent, jungi queunt.

XIX. Patrum etiam Ecclesiæ scripta multum huc conferre possunt, sive dogmaticè, sive paræneticè in hac disciplina versari velis. Recentiores verò Scholastici, præsertim Jesuitæ, hanc disciplinam ut plurimum non solum *ἀμεθοδως* tradiderunt, sed & aliqui ipsorum horridis suis commentis miserè eandem defecdarunt.

XX. Describimus *Theologiam Moralem*, quòd sit *habitus animi practicus*, quò morum dogmata ad vitam piè, justè ac temperanter coram Deo instituendam necessaria ex sacra Scriptura deducuntur, indeq; confirmantur, ut homo renatus, præsertim adultus, agnoscat, quid sibi vel agendum vel omittendum incumbat, nè fide & gratiâ divinâ in hoc, æterna autem vita hereditate in altero seculo excidat, sed ut bonam conscientiam servans in hac vita in statu gratiæ apud Deum perseveret, post eandem verò alterius ejusq; beatissima vita possessionem consequatur.

DISPUTATIO THEOLOGICA SECUNDA,
DE

BEATITUDINE ÆTERNA.

§. I.

Non solum fidei σωτηρία ψυχῶν, *salus animarum, tanquam τὸ τέλος, finis* atque meta est proposita, I. Pet. I. 9. sed & eadem meta fixa est sincero pietatis, quæ ex Deo est, studio: quippe quod veræ fidei indivulsò nexu cohæret.

II. Etenim pietas ad omnia utilis est, & habet promissionem non solum hujus, sed & future vitæ. I. Tim. IV. 8. Liberati à peccato ejusque servitute, servi autem facti Deo, habent fructum suum in sanctimoniam: finem autem vitam æternam, Rom. IV. 22. Add. Rom. IIX. 13. II. Tim. IV. 7.

III. Qui verò est finis bonorum operum & sanctimoniam, idem finis quoque est doctrinæ de bonis operibus, atque ita Theologiæ moralis, hominem ad piam Deoque placentem vitam dirigentis.

IV. Est verò Beatitudo æterna ex parte hominis finis ultimus, atque aliàs ideò *externus* finis vocari solet, quòd ea nullò operum nostrorum meritò nobis obtingat, sed tantùm tanquam gratuita *merces*, & tanquam *hereditas*, quam filius in sua potestate non habet, à Deo concedatur, atque ab eo piè sit expectanda.

V. Aliàs vitæ quoque sanctimonia in gloriam Dei dirigitur. Phil. I. 11. I. Cor. X. 31. Sed hic finis non est ultimus in ordine ad hominem, sed in ordine ad Deum; non est ultimus tantùm in ordine ad Theologiam moralem, sed simpliciter.

VI. Quòd ipsò autem hæc Beatitudo est finis ultimus, eò ipsò etiam eandem oportet esse bonorum, quæ in hominem cadere possunt, præstantissimum, bonaque omnia subjecto huic proportionata inque ejusmodi statu convenientia complecti, quorum perfectio ad eas partes, per quas homo est homo, ita sese diffundet, ut beati omni ex parte *benedicti Patris celestis* vocari possint, Matth. XXV. 34.

VII. Tanta verò hujus finis est perfectio, ut Scriptura S. statum secundum eundem non infrequenter *negativè* describat. Ita I. Cor. II. 9. dicitur: *Nec oculus vidit, nec auris audivit, nec in cor hominis descenderunt, quæ Deus is, qui ipsum diligunt, præparavit; quæ verba desumpta sunt ex Esa. LXIV. 4. Conf. Matth. XXII. 30. Apoc. VII. 15. 16. 17. XIV. 13. XXII. 3. 5.*

II. Interdum Scriptura finem hunc ex parte *positivè*, ex parte *negativè* describit. Ita beatam vitam post corporis resurrectionem possidendam vocat *hereditatem*, non qualemcunque, sed ἀφθαρτον, καὶ ἀμύραν, καὶ ἀμάρτυρον, quæ nec perire, nec contaminari, nec marcescere potest. I. Pet. I. 4. Coronam ἀφθαρτον incorruptam, I. Cor. IX. 25. Gaudium immobile, non tollendum. Joh. XVI. 22.

IX. Aliàs vocatur *Vita æterna*. Matth. XIX. 16. 29. XXV. 46. Joh. III. 16. Rom. VI. 22. 23. Gal. VI. 8. I. Petr. I. 9. I. Joh. II. 25. Quò ipsò non tantum perpetua & nunquam interrompenda duratio notatur, sed & status simpliciter perfectus & felicissimus, qui cum ista incessabili duratione est conjunctus. Non enim est vera vita, nisi ubi feliciter vivitur; judice Augustinò Enchir. ad Laurent. cap. XCII. Atque ita *vita æterna* idem est, quod *salus animarum*, I. Petr. I. 9. *salus æterna*. Hebr. V. 9.

X. Solet & *visione Dei* circumscribi. Vident quidem homines, ii præsertim, qui *spe beati* sunt, Rom. II. 24. Deum etiam in hac vita, partim in creaturis: Deus enim non est passus, se esse ἀπαρτυρον, expertem testimonii. Act. XIV. 17. vident etiam eum oculis fidei; sed visio & cognitio Dei, quam in hac vita nobis possumus polliceri, est tantum *abstractiva & Viatorum*; quæ autem huic in altera vita succedet, fiet *per adspectum*, II. Cor. V. 7. eritque *intuitiva & Comprehensorum*.

XI. Hanc respicit Apostolus I. Joh. III. 2. Scimus, fore, ut cùm Filius Dei patefactus fuerit, similes ei erimus: quoniam videbimus eum, sicuti est. Matth. V. 8. Beati mundi corde, quoniam ipsi Deum videbunt. I. Cor. XIII. 12. Cernimus nunc per speculum & per ænigma, tunc autem coram, ὡς ὦπτον ὡς πρὸς ὦπτον, facie ad faciem; nunc cognosco ex parte, tunc verò amplius cognoscam, prout amplius edoctus fuero. Postquam enim advenerit, quod patefactum est, tunc quod est ex parte, tolletur. ibid. v. 10.

XII. Peragetur illa visio Dei intuitiva, (quæ tamen abstractiva

vam non prorsus tollet,) non oculò corporis: potentia enim vīdendi in oculo, quæ materialis est, ad rem immaterialem percipiendam non elevatur; sed oculò mentis h. e. intellectu. Quemadmodum enim *mundi corde* h. e. ex quorum corde nullæ malæ exsurgunt cogitationes aut cupiditates, sunt *beati*, ita & corde *videbunt Deum*. Matth. V. 8. *Quid autem aliud est, corde videre Deum, nisi mente eum intelligere atque cognoscere?* Frequenter enim *sensibilium membrorum nomina ad animam referuntur*; inquit Origenes libr. I. de Princip. Et libr. VII. contra Celsum: *Mentitur ergò Celsus, contra nos dicens, quòd speremus nos Deum videre oculis corporeis, & auribus vocem ejus audituros, & manibus sensibilibus eum contrectaturos*. Conf. Augustin. Epist. VI. & CXII. cap. 15.

XIII. Visio illa clara & intuitiva requirit 1. objectum præstantissimum intellectui intimè & clarè præsentandum; quod est Deus. 2. potentiam cognoscendi, quæ est intellectus. 3. Principium supernaturale, quò intellectus in actu primo constituatur ad intuitivam visionem eliciendam; quod vocatur *Lumen gloriæ*.

XIV. Ut adeò visio illa Dei intuitiva pendeat partim ab intellectu, partim à lumine gloriæ, diversâ quidem ratione, attamen ut causis subordinatis. Unde malè Simon Episcopus Disp. Theol. part. III. Disp. XXIV. §. IX. statuit, *ad visionem sive cognitionem beatam eliciendam lumen aliquod gloriæ necessarium non esse futurum, quò vel species ipsa (nulla autem erit species) roboretur, vel potentia elevetur ad visionem illam eliciendam*.

XV. Intellectus beatorum hòc gloriæ lumine collustratus intuiturus est Deum secundum essentiam, quæque in Deo sunt formaliter, clarè cognosceret. Quæ verò vel sunt extra Deum, vel si sunt quidem in eo, attamen non nisi virtualiter & eminenter, cujusmodi sunt decreta Dei libera, eorumque effectus, ad objectum hujus visionis non pertinent. Unde *Abraham nescit nos, Israël ignorat nos*. Esa. LXIII. 17. Conf. II. Reg. XXII. 20. Et *Angeli*, qui tamen *semper vident faciem Dei Patris*, Matth. XII. 10. *diem & horam extremi judicii ignorare dicuntur*. Marc. XIII. 32.

XVI. Non autem æterna beatitudo concludetur intra solius intellectus actum, sed dum Scriptura in hunc intendit digitum, simul omnia, quæ ab eo pendent, aut eum sequuntur, designat.

XVII. Diffundit enim se hæc intuitiva visio in voluntatem beatam.

beatorum ita, ut hæc summum bonum ab intellectu clarè cognitum non possit non amare. Cujus amoris voluntas inferiores facultates ita facit participes, ut in nullum bonum alienum expeditionis actu ferantur.

XIX. Atque hinc oritur *impeccabilitas* beatorum, quam & cum sanctis Angelis communem habebunt. Ea verò ut voluntatis ipsorum libertati aliquid deroget, tantum abest, ut potius maximæ ipsius perfectionis sit index.

XIX. Sed nec corpus à participatione hujus beatitudinis excludetur. Præterquam enim quòd beatorum sensus tam externi, quàm interni miris modis in beatis sint perficiendi, *corpus* etiam eorum futurum est *incorruptibile, gloriosum, potens*, quoad qualitates *spirituale*, I. Cor. XV. 42. 43. 44. imò ita illud *transformabitur, ut conforme fiat corpori Christi glorioso*. Phil. III. 21. Conf. Matth. XVII. 2. XIII. 43. Non itaque satis est beatos fore *ἰοῦντες*, Matth. XXII. 30. Luc. XX. 36. sed & oportebit eos esse *ὁμοίους τῷ Χριστῷ*. I. Joh. III. 2.

XX. Ex tanta beatitudinis perceptione non potest non ad animam redire solidum *gaudium* & summa voluptas perfectissimæ operationis & felicitatis consequens ac complementum. Hinc Beati dicuntur *ingresse in gaudium Domini sui*, Matth. XXV. 21. 23. eòq; pactò Deò frui. *Ea enim re FRUI dicimur, qua nos per se ipsam deletat*; inquit Augustinus libr. XI. de C. D. cap. XXV. & libr. 83. Quæst. XXX, *FRUI dicimur eare, de qua capimus voluptatem*.

XXI. Quamvis autem beatitudo quoad essentialia omnibus beatis æqualiter contingat, sicuti & eorum fides est *ἰοῦνη*, II. Pet. I. 1. accidentales tamen dotes, *Aureola* aliàs vocatæ, in ipsis diversæ erunt. Matth. V. 12. II. Corinth. IX. 6. I. Corinth. XV. 39. 40. 41. Add. I. Corinth. III. 8. Rom. II. 6.

XXII. Hujus beatitudinis *ωἰστέουσιν* habebunt animæ piè defunctorum; quarum statum si quis cum conditione Regis electi, donec per coronationem in plenum jus immittatur, comparare velit, nos non repugnabimus.

XXIII. Beatitudini huic opponitur *Damnatio aterna*, pœnam partim *damni*, partim *sensûs* afferens. Quam si quis evitare per Dei gratiam annitetur, coelestia gaudia consequetur.

DISPUTATIO THEOLOGICA TERTIA,
DE
PIA CHRISTIANORUM
VITA.

§. I.

SAcra morum disciplina piam vitam non tam ab homine considerato, ut est convertendus, quam ut jam tum est conversus, non ut est regenerandus, sed prout jam tum renatus, & porro per Spiritus S. gratiam renovandus & sanctificandus, imò actu ipsò renovatus & sanctificatus est, requirit.

II. Hunc hominem vocamus *Christianum*, h. e. in Christum credentem. Quò pactò vox *Christiani* adhibetur Act. XI. 26. XXVI. 28. 1. Petr. IV. 16. Talis dicitur *μὴς*, Act. X. 45. xvi. 1. Tit. I. 6. *Christi esse*, Gal. V. 24. Rom. IIX. 9. *esse in Christo*, II. Cor. VI. 17. Gal. I. 22. *Fidelis in Christo*, Ephes. I. 1. *Filius Dei*, Matth. V. 9. 45. Joh. I. 12. Rom. IIX. 14. *Amicus Dei*, Jac. II. 23.

III. Quod ipsum ergò hominem facit *amicum*, imò *filium Dei*, per illud quoque homo formaliter in esse *Christiani* constituitur. Hoc ipsum verò est *fides*. Jac. II. 23. Joh. I. 12. I. Joh. III. 1. 2. Gal. III. 26. Benè Augustinus: Qui Christum habet in se, Christianus est, qui verò *Christum in se non habet*, *Christianus dici non potest*.

IV. Fidem hanc sequitur professio ejus externa, Matth. X. 32. Conf. Rom. X. 9. 10. 1. Petr. III. 15. & qui hanc professionem suscipiunt, dicuntur *nominare nomen Christi*, II. Tim. II. 19, confiteri *Jesum esse Christum*. Joh. IX. 22.

V. Externa autem hæc professio secundum se non facit *Christianum*: siquidem ea nonnunquam impeditur; cujus rei exemplum habetur Joh. XII. 42. Quò pactò Christianus quis potest esse *in occulto*, licet talis non sit *in propatulo*, uti in simili casu de Judæis dicitur Rom. II. 28. 29. aut *τὸ ἔργον*, licet non sit talis *ὀνόματι*, quæ distinctio ab Eusebio H. E. libr. I. cap. iv. fuit annotata.

VI. Externam fidei professionem edere quoque solent hy-

poctitæ, quos tamen *Dominus nunquam novit*. Matth. VII. 21, 22, 23. imò & eandem suscipiunt, quorum tamen vita professioni fidei non respondet. 1. Cor. V. 11. Conf. Tit. I. 15. 16.

VII. Fidem, per quam filii Dei constituimur, sequitur observatio mandatorum Domini, ac studium bonorum Deoque placentium operum. Gal. V. 6. Hoc studium si fidei professioni accedat, hominem Christianum poterit indicare.

II. Etenim *qui Christi sunt, crucifigunt carnem cum suis affectibus & cupiditatibus*. Gal. V. 24. *Quisquis in Christo manet, datâ operâ non peccat; quisquis peccat, non vidit eum, neque novit eum* notitiâ affectivâ, sive non credit in eum. 1. Joh. III. 6. *Per hoc scimus, nos Christum nôsse, (in eum credere) si mandata ipsius observamus. ... Qui servat mandata ejus, verè in hoc charitas Dei expleta est: per hoc scimus, nos in ipso esse*. 1. Joh. II. 2. 4.

IX. Sic ergò observatio mandatorum Dei est formale consequens veræ fidei, & per eam fides sese prodit, ipseque Christianus agnoscitur. Benè Cyrillus Hierosolym. in Catech. *Nihil nobis proderit Christianorum appellari nomine, nî etiam ipsa subsequantur opera, Etenim scriptum est: Si filii Abrahami essetis, opera Abrahami faceretis*. Joh. II. 39.

X. Pariter S. Jacobus cap. II. 18. *fidem ostendi ex operibus asseverat, adeò quidem, ut sicut corpus absque spiritu (respiratione) mortuum est (signotenus:) ita & fides absque operibus mortua sit*. v. 26. Et tantum abest, fidem absque operibus esse, ut fides dicatur *συνεργεῖν τοῖς ἔργοις* h. e. ἐργάζεσθαι ἔργα, ἐνεργεῖν δὲ ἀγαθῶν, atque operibus consummari. *Perfekte non credunt, qui non ceteris omnibus operibus student; qua fides inculcat; inquit Augustinus Exposit. Psalm. CXV.*

XI. Ex operibus hujusmodi cognoscimus Christianum, non quidem prorsus infallibili ratione, tali tamen, quæ nobis, tanquam hominibus, est accommodata. Quòd si quis enim in externa conversatione se Christianum simulet, locum habebit illud: *Novit Deus, qui sint sui*. II. Tim. II. 19.

XII. Gentilium quoque operâ non rarò quidem bonitate suâ externâ se commendant, sed multum differunt à Christianorum piis operibus, eorundemque perfectione. Unde quamvis
Deo

Deo ut auctori naturæ placeant, non tamen placent ipsi ut auctori gratiæ. Imò ideò ipsi non placent, quia persona ipsi non placet. Propterea tamen Deus nullius *περὶ σωποληΐας* erit accusandus.

XIII. Vitæ Christianò homine dignæ, & ex qua Christianus agnoscitur, norma est lex Dei moralis, Decalogò generaliter comprehensa & in Mose, Psalmis ac Prophetis, ac denique à Christo & Apostolis distinctius & copiosius explicata.

XIV. Etenim is, qui à nobis requisivit fidem, *si salvi esse velimus*, Symb. Athanas. ad certas quoque leges nos voluit esse obligatos. Et quò ipsò mandata Dei servamus, ostendimus, nos diligere Deum. *Quisquis enim in Deo manet, non peccat.* I. Joh. III. 6.9.24.

XV. Studium hoc adimplendi voluntatem Domini est ipsa *vita Christiana*; quam ideò *Christianam* vocamus, ut simul modum ac rationem vivendi connotemus.

XVI. Vocatur aliàs *Pietas*, 1. Tim. iv. 8. Quò pacto tamen *Εὐσέβεια* non tam totam Christianam religionem denotat, uti fit 1. Tim. vi. 3. quàm alteram Christianismi partem, quæ exhibet *Agenda*, in his sive partibus sive officiis consumendam, ut homo *εὐσεβῶς*, piè erga Deum, (est hæc *εὐσέβεια* specialissimè ita dicta,) *δικαίως*, justè erga proximum, & *σωφρονῶς*, sobriè ac temperanter erga se ipsum vivat expectans beatam illam spem & illustrem illum adventum gloria magni illius Dei ac Servatoris nostri *Jesu Christi*. Tit. II. 12.13.

XVII. Non solum autem actu externò debemus *bonum profequi*, à malo autem *declinare*, Esa. I. 16. verùm etiam internos actus voluntati divinæ conformes esse oportet. Hi enim externorum actuum principia sunt. Matth. xv. 19. 20. Fugienda igitur est concupiscentia prava: Rom. vii. 7. hæc enim *postquam concepit, parit peccatum*. Jacob. I. 15. Vid. 1. Pet. II. 11. Rom. vi. 12. XIII. 14.

XIX. Pravæ cupiditatis repressio in homine renato fit ex vitiorum ac peccatorum detestatione, hanc verò parturit dilectio Dei. *Qui enim servat sermonem Domini, in eo charitas Dei expleta est, neque is diligit mundum, eaquæ, qua in mundo sunt: si quis enim diligit mundum, in eo charitas Patris non est.* I. Joh. II. 5. 15. Amicitia namque mundi est inimicitia adversus Deum. *Quicunque ergò voluerit amicus esse mundi, inimicus Dei constituitur.* Jac. iv. 4.

XIX. Benè Gregorius M. Expos. Moral. in Hiob. cap. II.

Alique se amores (mundi & Patris) in uno corde non capiunt, neque in eo seges superna charitatis pullulat, in quo illam spina infima delectationis necant.

XX. Studium hoc pietatis in homine Christiano continuum & non interruptum esse debet. *Renovari debemus in dies, ἡμέρα καὶ ἡμέρα* II. Cor. iv. 16. & per continuum virtutum Christianarum exercitium quemlibet oportet *adolescere in virum perfectum & ad mansuram statura adultæ Christi.* Ephes. iv. 13.

XXI. Quò periculosior enim est conditio eorum, qui *mundi inquinamenti, quæ per agnitionem Domini & Servatoris Jesu Christi effugerunt, rursus implicati superantur, eò vigilantius opera est danda, ne pia vita malâ actione interrumpatur, nec ultima conditio deterior fiat priore.* II. Petr. ii. 20. 21.

XXII. Pietatis itaque actiones non solum edendæ sunt abundanter, *πλεοναχῶς*, II. Petr. i. 8. sed & *τελείως*, ad finem usque vitæ. i. Pet. i. 13. *Qui enim perseverabit usque ad finem in sincera fide & vitæ probitate, is demum servabitur.* Matth. x. 22. xxiv. 13. *Esse fidelis usque ad mortem, & dabo tibi coronam vitæ.* Apoc. ii. 10.

XXIII. Hujusmodi piam vitam respicit Moralis Theologia tanquam finem, inculcans, *Deum erexisse cornu salutis, ... ut serviamus ipsi cum sanctitate & justitia in ipsius conspectu cunctos dies vitæ nostræ.* Luc. i. 69. 74. 75. *nos esse conditos in Christo Jesu ad bona opera, quæ Deus preparavit, ut in illis ambulemus.* Ephes. ii. 10. Conf. Tit. ii. 14. Gal. V. 15.

XXIV. Quandoquidem tamen finis hic ad ulteriorem finem, nempe ad salutem æternam dirigitur, Rom. ix. 13. Apoc. xxi. 14. erit tantum finis hujus scientiæ proximus & internus.

XXV. Quidquid homini Christiano vel credendum vel agendum incumbit, pertinet i. ad articulos fidei. 2. ad Sacramenta eorumque usum. 3. ad morum integritatem juxta normam Decalogi. Quibus 4. accedit obligatio ad ea observanda, quæ ex se quidem sunt indifferentia, lege tamen aliquâ positivâ, in specie civili aut Ecclesiasticâ, determinata.



DISPUTATIO THEOLOGICA QUARTA DE VITÆ PIÆ PERFECTIONE.

§. I.

Sicuti fides Christianorum cum die ad robur ita est deducenda, ut *linum fumigans* Esa. XLII. 3. Matth. XII. 20. in calidissimum ignem exardeſcat, ita nec minùs qui per fidem ex Deo nati ſunt, in continuo pietatis ſtudio, ita adoleſcere ſatagunt, ut tandem viri & in Chriſto perfecti evadant.

II. Dum verò homo renatus vitæ ſuæ actiones ad normam legis divinæ dirigit, non ſolùm externam legis obedientiam, qualem etiam moratiores gentilium præſtiterunt, ſibi incumbere perſentiſcit, ſed & vel maximè internam legis obedientiam à ſe exigì intelligit.

III. Utraque illa legis obſervatio vel ſecundum rigorem pacti legalis, vel ſecundum *ἐπιεικειαν* pacti Evangelici conſiderari poteſt.

IV. Secundum temperamentum gratiæ homines renati, quamvis *habeant* peccatum, I. Joh. I. 8. peccatum tamen *non faciunt*; cap. III. 9. nec ſiunt *regnare* peccatum, ut *obediant* ei. Rom. VI. 12. Atque hòc pactò gratiâ Spiritùs Sancti adjuti legem Dei implere poſſunt, *nec mandata Dei ipsis ſunt gravia*, I. Joh. V. 3. & *jugum* mandatorum divinatorum, quod *Patres portare non potuerunt*, Actor. XV. 10. ipsis *ſit leve*, Matth. XI. 30. Ac proinde nulla eſt condemnatio in illis, qui ſunt in Chriſto Jeſu, qui non incedunt ſecundum carnem, ſed ſecundum ſpiritum. Rom. IIX. 1.

V. Quòd ſi verò rigorem legis reſpiciamus, renatis ſufficere poteſt, quòd Chriſtus *legem pro nobis impleverit*, Matth. V. 17. Gal. IV. 4. 5. atque à legis maledictione nos redemerit & liberaverit, Gal. III. 13. *factus nobis juſtitia*, I. Cor. I. 30. ita ut per ejus, qui eſt ſini legis ad juſtitiam unicuique credenti, Rom. X. 4. obedientiam multi conſtituti ſint juſti. Rom. V. 19. Vid. Coloſſ. I. 28. II. 10. Eſt hæc Chriſtianorum perfectio imputata.

VI. Ipsi autem renati adeo exactè & perfectè legem Dei implere non possunt, ut *justitiam, quæ aliàs est ex lege, præstantes, utvant per illam.* Rom. X. 5. Gal. III. 32.

VII. Cùm enim *lex spiritualis sit*, Rom. VII. 14. omnimodamque atque sic & internam obedientiam requirat, lucta carnis adversus spiritum in renatis reliqua Rom. VII. 14. seqq. Gal. V. 17. eos satis monere potest, quàm longè ab exacta perfectione adhuc sint remoti.

II. Renati quidem non perficiunt, quod caro concupiscit, sed crucifigunt potius carnem cum suis affectibus & cupiditatibus. Gal. V. 16. 24. Rom. VI. 6. quamdiu tamen istà crucifixione & suppressione concupiscentiæ opus habent, imperfectiorem suam in proprio sinu perferunt.

IX. Quod si quis esset, qui cum juvene temerario inciperet gloriari: *omnia hæc, quæ in lege morali præcepta sunt, observavi à juventute mea,* Matth. XIX. 20. ei legis impletio foret medium salutem consequendi, nec ei Christi meritò foret opus. *Si enim data fuisset lex, quæ actu posset salvificare, verè ex lege esset justitia. Sed conclusit Scriptura omnia sub peccatum, ut promissio ex fide daretur credentibus.* Gal. III. 21. 22. Et *lex impotens est facta ad homines per modum medii & propositæ conditionis salvandi, non quidem ex se, sed vitiò hominis, infirmata in carne.* Rom. II. 13.

X. Sicuti ergo Israëlitiæ legem quidem acceperunt per dispositionem Angelorum, nec servarunt, Act. VII. 53. Gal. III. 19. ita nec in sanctis posita est stabilitas. Hiob. XV. 15. Conf. cap. XIV. 4. nec in conspectu Dei justificabit se omnis vivens. Psalm. CXLIII. 2. *Non est homo, qui non peccet.* 1. Reg. II. 46. Add. Eccles. VII. 21. *In multis labimur omnes.* Jac. III. 2. 1. Joh. I. 8. 9.

XI. Ingenua igitur est confessio Apostoli: *In nullo quidem mihi conscius sum, sed per hoc non sum justificatus.* 1. Cor. IV. 4. Meritò proinde non ex humilitate, sed ex veracitate, non solum pro aliis, sed & pro nobis ipsis quotidie oramus: *Dimitte nobis debita nostra:* Matth. VI. 12. Luc. XI. 4. imò *ab occultis peccatis munda me:* errores enim quis intelligit? Psalm. XIX. 13.

XII. Optimè proinde S. Cyprianus libr. III. Testim. ad Quirin. ex diversis Scripturæ locis asserit: *neminem sine sordibus & peccato esse.*

esse. Quam sententiam S. Augustinus libr. iv. advers. duas Pelagian. epist. cap. x. pro justitiæ nostræ imperfectione allegat.

XIII. Eandem justitiæ nostræ imperfectionem agnovit S. Cyprianus in Exposit. Orat. Domin. quem locum quoque tetigit Augustinus libr. iv. ad Bonifac. cap. ix. qui & in gratiam Pelagianorum distinguebat inter *κακίαν* & *ἀμαρτίαν*, dicens, Christianum quidem *sine crimine esse posse, sine peccato autem eum non esse.* Conf. Concil. Milevit. capitul. vi. vii. iix.

XIV. Sicuti verò olim hæreticorum nonnulli, & hodierni fanatici externam quandam sanctitatem præ se tulerunt, ita & renatis possibilitatem non peccandi tribuerunt, eosdemque *ἀπείθεῖς ἢ ἀναμαρτήτους* fecerunt; imò ad absolutam perfectionem, qualem Deus requirit, ipsos adscendere posse perhibuerunt. Quam tamen sententiam non omnes eidem fundamento inædificarunt.

XV. Inter alia dicunt, Deum non exigere impossibilia. Ita Volkelius lib. II. de Verit. Rel. cap. xxii. Limborchius Theolog. Christ. libr. V. cap. lxxix. num. ix, Angelus Mariana: *An Deus nobis impossibilia imperat?*

XVI. Sed quæcunque Deus reposcit, jure reposcit. Neque ea sunt impossibilia secundum se, licet sint impossibilia homini suâ culpâ viribus ad legem implendam necessariis sese exuenti. Æquè verò minùs Deus juri suo renunciare tenetur, quàm creditor jus suum amittit pecuniam suam à debitore culpâ propriâ ad inopiam redactò repetendi. Vid. Matth. xlii. 24. 25. 26.

XVII. Quòd igitur Deus peccata quotidianæ incursionis, utut sint contra legem, Rom. vii. 7. in filiis suis dissimulet, hoc ipsum divinæ gratiæ & merito Christi est tribuendum. Reliquos verò justitiæ divinæ rigor etiam hâc in parte premit.

XVIII. Requiritur quidem Matth. v. 48. ut *simus perfecti, sicut & pater noster, qui est in cælis, perfectus est*; ut *simus sancti, quemadmodum ille est sanctus.* I. Pet. i. 15. 16. Ast vocula *καθὼς* non exactam æqualitatem, sed qualemcunque tantum similitudinem denotat. Neque ex eo, quod tales esse debeamus, colligitur, quòd tales acti simus, aut esse possimus.

XLIX. I. Joh. III. 9. dicitur: *Quisquis natus est ex Deo, non potest peccare, seu peccatum facere, eo quod ex Deo natus est. Verum non potest; idem est, quod: non deest, non convenit.* Et porro particula *omn* reduplicative est accipienda: *qui enim ex Deo est, is quatenus & quamdiu est talis, sciens volensque non peccat: qui enim peccatum data opera committit, is porius ex Diabolo est.* I. c. v. 8.

XX. Apostolus fidelibus quidem *perfectiorem* precatur. I. Thess. V. 23. Phil. I. 9. 10. 11. III. 15. Col. I. 9. 10. 11. Hebr. XIII. 20, 21. Sed ea talis est, quæ renato est possibilis, cumque gratiæ statu consistit; non quæ in omnimodâ evacuatione omnium, etiam primo-primerum moruum, aut in impossibilitate gratiam divinam, saltem ad tempus, totaliter amittendi est quærenda.

XXI. Perfecti dicuntur fuisse *Noa*, Gen. VI. 9. *Abram*, Gens XVII. 1. *David*, I. Reg. XI. 34. XIV. 8. *Acton*, XIII. 22. *Psalms*, VII. 9. CXIX. 10. *Assa*, I. Reg. XV. 11. & 14. II. Paral. XV. 17. *Jofias*, II. Reg. XXII. 2. II. Paral. XXXIV. 2. *Zacharias & Elisabeth*; Luc. I. 6. *Paulus*, Philipp. III. 6.

XXII. Exempla verò hæc ita consideranda sunt, ut non absolutam graduum perfectionem nobis pingant: talis enim cum statûs integritatis amissione desit, nec nisi in humana Christi natura est conspicua. Hebr. V. 9. I. Pet. II. 22. sed tantum perfectionem *inchoatam, conditionatam, partium, comparativam*, licet ea non absque sinceritate, sed cum infucato erga Deum amore conjuncta fuerit. I. Tim. I. 5. I. Pet. I. 22.

XXIII. Quod si enim horum actiones ad *ἀνεξαρτησίαν* velimus exigere, sponte suâ necessum habebunt fateri: *Eramus, ut immundus, omnes nos, & tanquam vestimentum iniquitatum omnes justitia nostra.* Esa. LXIV. 6.

XXIV. Quicquid igitur perfectionis est in vita Christianâ, suâ imperfectione est temperatum: cum autem venerit perfectum, id quod ex parte est, cessabit. I. Cor. XIII. 10. Propter infirmitates tamen istas, quas voluntatis consensus non comitatur, Deus filios suos non abjiciet, sed credentes in Filium justificabit & glorificabit. Rom. IX. 30.

DISPUTATIO THEOLOGICA QUINTA,
DE

PIÆ VITÆ CONSEQUENTIBUS.

§. I.

Pla & Deo placens vita sicuti fidem supponit, ita & homīni renato bonam affert conscientiam. *Procurans enim honesta non solum coram Deo, sed etiam coram hominibus.* II. Cor. II. 21. Rom. XII. 17.

exemplō Apostoli in hoc sese exercet, ut conscientiam habeat sine offēdiculo apud Deum, & apud homines semper, A.ctor. XXIV. 16. & fidem retinens retineat quoque bonam conscientiam: Finis enim mandati est charitas ex puro corde, & conscientia bona, & fide non simulata. I. Tim. I. 5. 19.

II. Testimonium itaque conscientia renatis cum gratia Dei in mundo versantibus est gloriatio, II. Cor. I. 12. ita, ut Deo servientes, inq̃ omnibus honeste conversantes, bonam ac puram conscientiam se habere confidant. A.ctor. XXXIII. 1. II. Tim. I. 3. Hebr. XIII. 18.

III. Conscientia hæc actiones renati sequitur, estq̃ue judicium quàm maximè practicum de factis propriis (quò etiam referuntur dicta & cogitata, horumq̃ue ut & factorum debitorum omissiones) secundum legem.

IV. Judicium hoc, sicuti quàm maximè est practicum, ita & secundum tres actus, quos Syllogismus practicus complectitur, optimè consideratur.

V. Primus actus est notitia legis divinæ, & quæ huic connexa, præmiorum ac pœnarum. Is actus est *συντηρήσεως* seu habitus principiorum practicorum, in quibus est fundamentum bonitatis actionum, & differentia ab actione moraliter mala. Ratione hujus actus Conscientia ipsius Dei lex dici solet, & gentes sibi met ipsis sunt lex. Rom. II. 14.

VI. Alter actus est facti proprii ac particularis notitia & recordatio, ejusq; ad legem illam comparatio, imò subsumtio. Qui actus est *συνειδήσεως*. Ratione hujus actus Conscientia est testis, imò mille testes.

VII. In foro humano & externo domesticus testis suspectus esse solet, ac proinde contra eum exceptio locum habet; ast in foro divino & conscientia, quod internum est, sicuti non est alius, quàm domesticus testis, ita & is omni exceptione major est.

IIIX. Ratione hujus actûs Conscientia appellatur *Liber vita*, exactè designans, quid quisque per omnem suam vitam egerit. Apocal. XX. 12. Vid. August. lib. xx. de Civ. Dei cap. xiv. Qui *liber vita* cujusq; pii respondet *libro vita agni*, Apoc. XXI. 27. in quo *scripta sunt nomina* electorum Phil. IV. 3. *in caelis*, Luc. X. 20. inde autem *deleta* dicuntur eorum nomina, qui, quòd *Dèo peccant*, inter salvandòs non numerantur. Exod. XXXII. 32. 33. Psalm. LXIX. 29. Apoc. III. 5.

IX. Hos actûs sequitur tertius, qui est illatio atque conclusio, per quam fertur judicium determinans, an rectè in qualibet actione fuerimus versati, an malè? Quoad hunc actum Conscientia est *judex*.

X. Quod autem subsumptione actionis propriæ atque singularis sub lege, ejusque ad legem sive examinatione sive applicatione factâ inferitur, non potest non verum & certum esse, & per consequens ipsum judicium Conscientiæ hòc pactò verum, imò & certum est.

XI. Ast si quis vel legem ignoret, eamque secundum latitudinem suam meditari aut ad animum revocare detrectet; vel etiam sub lege aut voluntate Dei minùs rectè subsumat; vel denique concludere reformidet, quamvis positis præmissis conclusio non facilè animo nostro se subducatur, falsum & prævum, sive erroneum solet emergere judicium. Quale etiam nascitur, quando quis naturæ perversitatem secutus aliam Majorem, & per consequens alium Syllogismum substituit, eum in finem, ut judicium contra se militans hòc pactò si non effugiat, saltem declinet. Vid. B. G. T. Meierus Theol. Moral. part. I. cap. IV. §. 5.

XII. Ex hujusmodi errore fit, ut Conscientia interdum sit *Aræta*, id quod ex se malum non est, magnum reputans peccatum, aut grandia peccata pro nullis vel non tantis habens; cujusmodi Conscientia in Pharisæis notatur Matth. XXIII. 23. 24. Interdum *Lata*, nonnulla quidem pro peccatis habens, alia non item. Interdum *Nulla*, nullum actum commissum aut omissum pro peccato habens. Hæc in hominè *in mentem reprobam dato* Rom. I. 24. 28. se exerit, in quo conscientia callò quasi obducta fit *cauteriata*. I. Tim. IV. 2.

XIII. Quando Conscientiæ judicium verum est & rectè institutum, ea est vel bona, vel mala. Id quod habet ab objecto, de quo ferendum est judicium. *Bona* enim Conscientia actiones nostras bonas & le-

& legi divinæ conformes esse judicat. *Mala contra Conscientia actiones nostras malas & à lege divina diffformes esse pronunciat.*

XIV. Sunt quidem inter hominis actiones nonnullæ indifferentes, sed quia illæ non malæ sunt, saltem benè egisse & bonæ conscientiaè testimoniò erigi censemur, quando non egimus malè.

XV. Bona Conscientia 1. excusat hominem, Rom. II. 15. atque ita eum defendit, ut famæ mendacia ridere, falsasque accusationes contemnere possit. 2. de benè factis in secretiori & interiori foro præbet testimonium, II. Cor. I. 12. 3. efficax contra sinistra hominum judicia affert solatium, Hebr. XIII. 18. 4. ab injustis accusationibus defendit. I. Joh. III. 21.

XVI. Quamvis verò in foro humano & externo ad bonam nostram conscientiam possimus provocare, & magno nobis cedat solatiò, si *cor nostrum à diebus nostris non egerit probrosè*, nec deflexerit, neque propterea *cor nostrum* (conscientia nostra) *nos reprehendat in omni vita nostra*, Hiob. XXVI. 6. imò & in foro interno & divino conscientiaè nostræ testimoniò ac judiciò certi simus, gratiâ Dei nos non excidisse, coram Deo tamen & iudicio ejus conscientia nostra nullum nostrum factum reddit bonum, ac propterea coram foro divino ad conscientiaè nostræ bonitatem non possumus provocare.

XVII. Etenim *sumus ut immundus omnes nos, & tanquam vestimentum inquinatum* (pannus menstruatae) *omnes justitiæ nostræ*, Esa. LXIV. 6. *Quis intelligit delicta?* Psalm. XIX. 13. Et quamvis *quis sibi in nullo sit conscius, per hoc tamen non est justificatus*. I. Cor. IV. 4.

XIX. Potest quidem homo etiam coram Deo provocare ad justitiæ causæ suæ, Psalm. VII. 9. seqq. non tamen pariter ad justitiæ suæ personæ, nec per consequens ad bonitatem & puritatem suæ conscientiaè.

XIX. Quæ igitur renatorum conscientiaè coram Deo inest puritas, illam affert Christi meritum *conscientias nostras purgans*, Hebr. ix. 14. nec non *fides*, quâ *corda nostra purificantur*. Actor. XV. 9.

XX. Bonam Conscientiam sequitur solida animi tranquillitas & inconcussa fiducia, ut *justus instar leunculi confidat*, Prov. XXII. 1. quæ aliàs appellatur *pax conscientia*, & *pax Dei omnem intellectum exsuperans*, Rom. V. 1. Phil. IV. 7. Hanc excipit *suave gaudium in Domino*, Phil. IV. 1. 4. *jugi convivio* comparatum, Proverb. XV. 15. quod tamen gaudium non excludit tristitiam de peccatis admissis, nec curam &

sollicitudinem de peccatis haud admittendis: *cum timore enim & tremore salutem nostram operari debemus*, Phil. II. 12. *ut tristes, semper tamen gaudentes*. II. Cor. VI. 10.

XXI. Ex bonæ conscientiae fiducia oritur quoque *παρρησία* apud Deum, & spes haud vana à Deo impetrandi, quæ nobis conducunt, Hebr. X. 22. Ephes. III. 12. I. Joh. III. 20, 21, 22.

XXII. Vitam piam cum bona conscientia conjunctam comitatur quoque *ἀντιπαιδεία*. Matth. VI. 33. Quod si enim vita ipsa pietati in præmium est proposita, I. Tim. IV. 8. etiam ea, sine quibus vita duci non potest, piis à Deo licet sperare. Hebr. XIII. 5. *Pietatem autem cum ἀντιπαιδεία magnum questum esse ducit* Apostolus I. Tim. VI. 6.

XXIII. Acquiescit hinc bonam conscientiam circumferens homo in voluntate Domini, non solum quando omnis generis bona ipsum circumfluunt, sed & quando calamitatibus à Deo exercetur. Nam & hæ cum vita Christiana conjunctæ sunt. Hebr. XII. 6. Apoc. III. 19. Prov. III. 11, 12.

XXIV. Magnum etiam ex pia vita emergens commodum est *bona fama & existimatio apud homines*. Matth. V. 16. Phil. II. 15. Id enim agunt renati, *ut bona & honesta procurent non solum coram Domino, sed etiam coram hominibus*. II. Cor. IX. 21.

XXV. Fit quidem aliquando, ut & *bonæ famæ viros saepe percellat & prosterneat sinistra fama*, ceu Greg. Nazianz. Epist. ad Vitalian. loquitur, ipsi tamen bonæ suæ conscientiae testimoniò freti *gaudere & exultare solent, copiosam mercedem in cælis expectantes*, Matth. V. 11, 12. Luc. VI. 22, 23. II. Pet. III. 14. 16. approbantes interim se in omnibus ut seruos Dei *per gloriam & ignominiam, per convitia & laudes*, II. Cor. VI. 8. *conversatorem studentes habere inter gentes honestam, ut pro eo, quod loquuntur adversos eos velut maleficos, ex bonis operibus, quæ spectarint, glorificent Deum in die visitationis*. I. Petr. II. 12. Tit. II. 8.

XXVI. Mala Conscientia hominem accusat, est testis eum convincens, iudex condemnans, imò peccati vindex & severus ultor ac *flagrum post peccatum*, ut Azorius Tom. I. Inst. Mor. lib. II. cap. IX. vocat. Tit. III. 11. Hebr. x. 27.

XXVII. Est ea semper perturbata, erubescens, Rom. vi. 21. pavidæ, Prov. xxix. 1. inquieta, Sap. xvii. 10. 11. instar vermis mordens, interdum cum spe remedii, interdum spem remedii abiciens; quò pacto fit *Desperata*, In damnatis est *vermis non moriturus*. El. LXVI. 24. Marc. ix. 44.

DISPUTATIO THEOLOGICA SEXTA,
DE
PIÆ VITÆ AD ÆTERNAM
SALUTEM HABITUDINE.

§. I.

Theologiæ moralis finem proximum & internum vitam piam & Christiano homine dignam, finem verò ejusdem remotum atque ultimum, qui & externus vocari solet, ex parte hominis beatitudinem æternam esse diximus.

II. Non immeritò autem horum finium unus ad alterum refertur, sicuti & talem relationem indicare videtur Apostolus Rom. VI. 21. *Liberati à peccato ejusque servitute, mancipati autem Deo habetis fructum vestrum in sanctimoniam, finem autem vitam æternam.*

III. Non itaque prorsus nulla inter piam vitam & æternam beatitudinem est habitudo. Est enim *pietas utilis* sicut *ad omnia*, ita & *ad futuram vitam*, cujus & *promissionem habet*. I. Tim. IV. 8.

IV. Habitudinem istam agnoscunt, qui fatentur, non esse in hominis ad salutem æternam adspirantis arbitrio, sive velit actiones suas ad legis divinæ normam dirigere, sive ab eadem deflectere, sed *necessario debere bona*, non sponte electa, sed à Deo mandata *opera fieri*, Apol. A. C. p. 90. 100. 133.

V. *Necessum autem est bona opera facere cum propter voluntatem Domini*, Joh. XV. 12. I. Thess. IV. 3. Rom. XII. 2. Eph. V. 17. Tit. II. 14. Aug. Conf. Art. xx. Apol. A. C. p. 64. 95. tum ut *firma sit nostra vocatio*, h. e. ne vocatione nostrâ excidamus, si iterum peccemus. Apol. A. C. ad Art. xx.

VI. Vult enim Deus, ut *qui crediderunt, studeant bona opera tueri*, Tit. III. 8. atque ita *fidei fructus* ferant. Fides enim, per quam filii Dei & æternæ vitæ hæredes constituimur, est *bona voluntatis & justæ actionis genitrix*, ut Prosper scitè ait, atque æquè minùs sanctimonia vitæ à fide potest separari, quàm calor ab igne.

VII. Et porrò justificati hoc agunt, ut *vocationem & electionem suam* (quæ à parte Dei sunt: dona ἀμετάμελητα, Rom. XI. 29.) quantum in se est, *firmam efficiant*, adimplendo conditionem, sub qua vocati &

electi sunt, sanctimoniam vitæ, quæ est *testimonium vere fidei*, juxta Luther. Tom. I. Jen. f. 511. ita studentes, ne bonarum actionum omissione, aut contrariarum commissione *impingant*, aut penitus corruant, II. Petr. I. 10. gratiamque Spiritus Sancti amittentes salute æternâ excidant, atque ita *αἰδούμεοι* fiant. I. Cor. IX. 27.

II. Sanè dum sanctimonia vitæ respicit *finem vocationis nostræ*, qui procul dubio est salus atque gloria æterna, I. Thess. II. 12. II. Thess. II. 13. & 14. I. Tim. VI. 12. I. Petr. V. 10. simul etiam nos admonet de voluntatis divinæ adimplerione.

IX. Eleganter namque Hebr. X. 36. dicitur: *ὑπομονὴς γὰρ ἔχετε* *χρείας*, perseverantiâ in fide (quam pietas comitatur,) vobis opus est, ut voluntatem Dei facientes reportetis promissionem, rem promissam, h. e. vitam æternam. Add. v. 38. Matth. X. 22. XXIV. 13. Apoc. II. 10.

X. Apostolus inter vitæ integritatem & beatitudinem æternam ejusmodi instituit analogiam, qualis est inter cursum & metam cursûs inque ea tribui solitum brabæum. I. Cor. IX. 24. 25. *Illi currunt in stadio, ut perituram coronam accipiant, nos autem ut incorruptam.*

XI. S. Bernhardus libr. de Grat. & Lib. Arbitr. pariter piæ vitæ ad salutem habitudinem comparatione viæ & termini viæ exponit, inquit: *Bona opera sunt via regni, non causa regnandi.*

XII. Nec malè sentiunt, qui dicunt, vitæ sanctimoniam in homine justificato sese habere, ut aliquod consequens ad fidem, in ordine autem ad salutem æternam, ut aliquod antecedens: quæ est *relatio ordinis*, seu *nudi antecessûs*.

XIII. Quam in rem Henr. Höpffnerus Disp. I. de Justific. cap. I. Membr. V. Art. I. §. HX. ita: *Propter nos debemus sanctè vivere --- quoad necessariam relationem operum & ad fidem salvificam, & ad vitam æternam: Ad fidem quidem, ratione consequentia, ut effectum & fructum. Tit. III. 7. 8. Ad vitam æternam autem ratione antecessûs, quia fideles per viam bonorum operum, quæ Deus preparavit, ut in illis ambulemus, perveniunt ad salutem æternam. Eph. I. 4. II. 10. I. Cor. VI. 10. Matth. VII. 21. Et Disp. XI. cap. IV. Aph. I. §. IV. Bona opera in justificatis habent relationem quandam ad salutem gloria, sed relationem ordinis tantum seu nudi antecessûs. Et §. V. Bona opera sunt tantum medium ordinis, sine quo ad terminum viæ non pervenitur, non autem sunt medium efficiens organicum. --- Sunt medium viæ quoad ordinem antecessûs & consequentia.*

XIV. Rectè etiam dicitur, sanctimoniam vitæ esse conditionem ex parte subjecti æternum salvandi. Quamvis enim Deus ex gratia vitam æternam donet, non tamen eam absolute largitur, sed sub certa conditione.

XV. Huc pertinent dicta Scripturæ, Matth. xix. 17. *Si vis ad vitam ingredi, serva præcepta*. Hebr. xii. 14. *Sine sanctimonia nemo videbit Dominum*. Rom. ix. 13. *Si secundum carnem vixeritis, futurum est, ut moriamini: sed si spiritu actiones corporis mortificetis, vivetis*. Gal. vi. 8. *Qui seminat carnem suam, ex carne metet interitum: qui verò seminat spiritui, ex spiritu metet vitam æternam*. Matth. V. 20. *Nisi abundaverit vestra justitia plus, quàm Scribarum & Phariseorum, nequaquam ingressuri estis in regnum cælorum*.

XVI. Benè proinde B. Meisnerus in Anthropol. fac. Dec. III. Disp. xxix. §. 21. *Bona opera sunt conditiones ex ordinatione divina necessario præcedentes, sine quibus non sequitur effectus justificationis*. Et in Confid. Theol. Photin. p. 177. *Bona opera sunt conditiones necessaria subjecti in omni salvando, sine quibus non salvatur homo*.

XVII. Cum autem non omnis conditio, nedum ejus impletio sit causa efficiens rei promissæ, Bona opera homini justificato nonnullis dicuntur esse necessaria ratione præsentis, nimirum ut retineat fidem & bonam conscientiam, vitet pœnas temporales & æternas, & consequatur præmia in hac & futura vita; verba sunt Davidis Rungii Disp. xiv. in Epist. ad Rom. part. I. Tit. I. §. 27. *non autem ratione efficientiæ, in qua tamen necessitate præsentis etiam relationem ad salutem esse, observat Gerhardus Confess. Cathol. Tom. II. part. 3. p. 773.*

XIIX. Omnia minimè bona justificatorum opera in ordine ad salutem æternam sese habent ut causa meritoria. Pontificii duplex meritum statuunt, unum *de congruo*, quod sit meritum improprie dictum, alterum *de condigno*, quod meritum proprie dictum esse volunt; quam ipsam tamen distinctionem tantum ad eludendas Scripturas confictam esse, observat Apol. A. C. p. 128.

XIX. An Bona opera salutem æternam mereantur de congruo, non necessarium esse disputare judicat Becanus Part. I. Opusc. vii. sub fin. quòd nihil certi de eo affirmare possimus. Merito autem de condigno justificatos æternam salutem promereri disputat Becanus Opusc. III. c. III. & Bellarminus lib. V. de Justif. cap. xvii. dicit, *eam sententiam esse communem omnium Catholicorum, conformem quippe Concil. Trident. Sess. vi. Can. xxxii. à qua tamen sententia Veteres Scholastici fuerunt alieni,*
quo-

quorum verba producit ὁ πᾶν B. G. Calixtus Digress. de Arte nova §.234. sqq.

XX. Certè Scriptura vitam æternam non aliter nobis obtingere docet, quàm ex mera Dei gratia, Eph. II. 5. 8. 9. adeoque non ex operibus, Rom. xi. 6. Hinc & ea vocatur χάρισμα, Rom. vi. 23. χάρις, I. Petr. I. 13. ἐλεῶ, Tit. III. 5. Jud. v. 21. Docet, eam dari ut hæreditatem, Rom. ix. 17. Gal. III. 29. credentesque, non operantes, justificari & glorificari. Rom. III. 28. IV. 5. IX. 30. Ut de eo non dicamus, nullum veri & propriè dicti meriti requisitum in justificatorum bona opera quadrare, nec perfectam legis impletionem iis esse possibilem.

XXI. Quod si quid est in nobis, quod κατεργάζεῃ æternum gloria pondus, II. Cor. IV. 17. id non de merito est accipiendum, Rom. ix. 18. sed de eo, quod Deo occasionem præbet, ut gloriam gratis conferat. Vid. Rom. V. 23.

XXII. Manet quoque iis, qui bonum certamen certarunt, corona justitia reposita, II. Tim. IV. 7. 8. Ea tamen justitia non est hominis, coronam merentis, sed Dei, ex justitia implendæ promissionis eam daturi, Fatemur, vitam æternam mercedem esse. --- Debetur corona justitia propter promissionem. Apol. A. C. p. 136. Conf. Bernhard, de Grat. & liber. arbitr. circa fin.

XXIII. Fit hoc παρὸς Deus non debitor nobis, sed sibi ipsi, ob veritatem promissionis. Thom. 1. 2. Quæst. 114. Art. 1. ad 3. neque meritis nostris ad æternam vitam, sed pro sua misericordia nos perducit. August. de Grat. & liber. Arbitr. Apol. A. C. p. 129.

XXIV. Respicit etiam pia Christianorum vita gradus gloriæ in vita æterna. Matth. V. 12. II. Cor. ix. 6. Rom. II. 6. qui tamen in omnibus iidem non sunt futuri. Dan. xii. 3. I. Cor. xv. 40. 41.

XXV. Quando verò bona fidelium opera dicuntur mereri præmia post hanc vitam, & gradus premiorum, ita ut modus mercedis ad modum operis conferatur, Apol. A. C. p. 96. 135. 137. certè non aliud sunt meritum, nisi cui merces obtingit ex gratia. Non enim nostra, sed sua dona Deus in nobis coronat, Augustin. in Psalm. Apol. A. C. p. 135. Id quod ex parabola Matth. xxv. 14. sqq. eleganter potest declarari.

XXVI. Impia vita respicit æternam damnationem tanquam stipendium suum, ad quod etiam meriti rationem habet. Rom. vi. 21. 23. Gal. vi. 8.



THEOLOGIAE MORALIS SUBJECTO.

§. I.

Consideravimus hactenus Theologiae Moralis Finem *Cujus*, tam externum & remotum, quam internum & proximum; consequens igitur est, ut & subjectum, in quod uterque ille finis est introducendus, spectemus, quod nonnulli Finem CVI hujus disciplinae vocant.

II. Facile autem constabit, non nisi hominem disciplinae hujus subjectum existere, neque alia ratione, nisi quatenus perfectionis istius, quam Theologia moralis proponit, particeps est reddendus; h. e. quatenus *per patientiam & consolationem Scripturarum*, imò per omnem pietatem, quae ex fide est, *spem habet* promissionis & aeternae beatitudinis. Rom. xv. 4.

III. Is verò, prout disciplinae hujus scientia ad praxin est deducenda, sive prout ea *pragmatica* est, demum erit renatus & justificatus, atque ita per fidem in statu gratiae positus; Sicut subjectum hujus disciplinae, prout ea tantum scientia est, animum perficiens, sive prout *dogmatica* est, non infidelis & extra Ecclesiam positus, nec quilibet in Ecclesia fidelis, sed Theologiae Studiosus est.

IV. Sicuti enim Catechumeni per Catechetas, reliqui, ad *την ἐξουσίαν* contendentes, Hebr. V. 14. per Pastores populariter & ad captum in pietate ad salutem sunt erudiendi; Conf. I. Corinth. III. 2. ita Theologiae Studiosus à Doctore accuratè *καὶ διδασκαλικῶς* eò usque est deducendus, ut sacrorum morum dogmata ex Scriptura Sacra noverit explicare, demonstrare ac confirmare, nec non, quoties opus est, eadem defendere.

V. Homo iste, quem nostrae disciplinae subjectum esse diximus, quò ipsò est renatus & justificatus, peculiarem prae irrogenitis sortitus est statum. Quatuor autem numerare solemus status, secundum quos Theologia hominem, quamdiu in hac vita degit, considerare solet.

VI. Primus est *purorum sive merorum naturalium*, in quo tamen homo à Deo conditus ne ad momentum quidem fuit relictus; nec leviter errarunt Pelagiani, hominem in puris naturalibus conditum esse, inque iis perseverare, nec gratiâ divinâ indigere contententes. Vid. Augustin. de Hæres. cap. xxcix. Add. Vossius in Hist. Pelag. lib. III. part. II. 2. Est

Status integritatis & innocentia, sive *imaginis divinae*. 3. **Status peccati & miseria** incumbentisq̃ue iræ divinæ ac reatûs ad æternam damnationem.
 4. **Status gratia & reconciliationis** in Christo factæ.

VII. Totidem status post hominis mortem sunt observandi. Etenim 5. est status *inchoata beatitudinis*. 6. Status *inchoata damnationis*. Hi status incipiunt à morte hominis, & durant usque ad extremum iudicium. 7. Est status *gloria & perfecta beatitudinis*. 8. Status *damnationis consummata*. Duo posteriores status exactò extremò iudiciò sument initium.

IIIX. Ex his statibus quartus hujus est loci, inq̃ue eo esse oportet hominem cùm sinceræ pietati, quæ coram Deo valet, studentem, tum ad æternam salutem contendentem, qualem hîc consideramus, quique uti finis hujus disciplinæ demum est capax, ita nec minùs ipsius Theologiæ moralis subiectum fuerit. Sicuti enim nemo Deo placentem vivere potest vitam, nisi qui ab iniquitate sua purgatus & ad Deum conversus fide salvificâ instructus est, ita nec alium ad vitæ sanctimoniam veramq̃ue pietatem deducendum inq̃ue ejus operibus quotidie exercendum Theologia moralis sibi proponere potest.

IX. Quemadmodum itaque qui usum rationis non habet, est *πενήγομένον* & *πρὸς ἀπὲν*, i. Eth. IX. §. 6. ita & qui fidem non habet, & per consequens extra gratiæ statum est positus, Hebr. xi. 6. virtutum Christianarum & pietatis actionum non est capax. Apol. A.C.p.137. fin.

X. Homo hujusmodi renatus, eòq̃ue ipsò in statu gratiæ positus, in Scriptura Sacra vocatur *homo novus*, Ephes. IV. 24. Coloss. III. 10. *nova creatura*, II. Cor. V. 17. Gal. VI. 15. *opus Dei creatum in Christo Jesu in bonis operibus, quæ preparavit Deus, ut in illis ambulemus*, Ephes. II. 10. *homo internus*, Rom. VII. 22. II. Cor. IV. 16. Ephes. III. 16. *occultus cordis homo*, i. Petr. III. 4. quòd secundum interiores & in oculos non incurrentes animi recessus regenitus novis qualitatibus à Spiritu Sancto sit instructus.

XI. Primum gratiæ Spiritûs Sancti opus est, quòd verbò Legis in homine operetur Pœnitentiam. Rom. III. 20. VII. 7. Pœnitentiæ terminus à quo est *status peccati*, terminus ad quem *agnitio peccati*, *dolor de iisdem*, ac denique *fides*.

XII. Cùm verbò legis cor hominis est contritum, adhibet Deus Evangelium, Marc. I. 15. Joh. I. 29. 36. atque ita *oleum misericordia non nisi in vas contritum infundit*, ut Bernhardus loquitur, simul etiam cum verbo Evangelii confert vires ac facultatem credendi. Hic actus vocatur *Conversio prima*

prima, item transitive sumta, cujus terminus à quo est quidem status peccati, sed in homine peccata sua agnoscente, deq; iis dolente; terminus ad quem sunt vires & facultates credendi. In hac Conversione facultates hominis merè passivè sese habent.

XIII. Per verbum Evangelii *εὐαγγέλιον* Spiritus S. eidem additâ Deus in nobis accendit fidem. Joh. xvii. 20. Rom. i. 16. X. 8. i. Petr. i. 23. Qui actus vocatur *Regeneratio*; cujus terminus à quo est *carentia fidei*, quæ est *mors in peccatis*; Col. ii. 13. terminus ad quem *fides salvifica & vita spiritualis*. Gal. ii. 20. Rom. vi. 13.

XIV. Per Conversionem istam primam homo incipit esse *filius Dei*, per regenerationem autem & fidem accensam actu ipso est *filius Dei*. Joh. i. 12. Rom. ix. 14. 16. 17. Conversio supponit peccata actualia, quæ *Regenerationem non semper antecedunt*, ceu patet in infantibus baptizatis.

XV. Neque etiam vulgare Spiritus Sancti opus gratiæ est *Conversio secunda*, quæ *intransitive* talis est, in qua facultates animæ supernaturali gratiâ adjunctæ credendi actum eliciunt. Terminus ejus à quo dici potest *potentia credendi in Christum*, in Conversione prima collata; terminus ad quem erunt *actus fidei*, ope Spiritus Sancti ab animæ facultatibus eliciendi.

XVI. Conversionem secundam excipit *Justificatio*, homini remissionem peccatorum, & meritorum Christi fide apprehensorum imputationem asserens. Ejus terminus à quo erit *fides in Christum*; terminus ad quem *imputatio satisfactionis Christi*, ac *peccatorum remissio*.

XVII. Justificationem ordine naturæ sequitur *Renovatio*, homini justificato ex gratuito Dei dono cor novum & vires supernaturales afferens, quibus instructus carni adversus spiritum luctanti resistere, motusque inordinatos ita cohibere potest, ne *cupiditas concipiat*, voluntatemq; *inescatam abripiat*. Jacob. i. 15. Terminus ejus à quo est *vetustas carnis*, sive *vetus homo*, qui est crucifigendus, mortificandus, deponendus, exuendus. Terminus ad quem est *novus homo*, qui induendus, Ephes. iv. 22. 23. 24. Coloss. iii. 9. 10. Rom. vi. 6. *lege Dei adeò delectatus*, ut, cum antea assuetus fuerit, carnis cupiditatibus locum concedere, nunc totus in eo sit, ut carni resistens secundum spiritum agat. Rom. vii. 22.

XVIII. Differt Justificatio à Renovatione in hoc, quod illa ex parte Dei sit actio immanens, ut ut connotatum, in quo nullam intrinsecam mutationem efficit, respiciens; hæc verò sit actio transiens in subjecto aliquâ mutationem intrinsecam efficiens. Illa tollit ab homine peccati reatum, hæc in eodem tollit peccati dominium. *Renovationem etiam Spiritus Sanctus in iis, qui per fidem sunt justificati, operatur*. Form. Concord. p. 686.

XIX. Supervenit deniq; *Sanctificatio*, quâ hominem renovatum Spiritus Sanctus ita adjuvat, ut in actibus externis sanctè sese gerat, voluntatem

Dei ubique adimpleat, atque ita opere ipso inculpate vivat. Terminus à quo dici possunt *vires sancte & inculpate vivendi*, à Spiritu Sancto concessæ; terminus ad quem erit ipsa *sanctimonia, & ambulatio in nova vita*. Rom. vi. 4. Ephes. ii. 10.

XX. Hos actus neque *προκειµένω*, neq; etiam τῶ *χρόνω*, sed tantum τῷ *λόγῳ* & connotatis suis discernendos tantum non omnes pingit historia filii deperditi, Luc. xv. ii. sqq. eos verò si expendamus, patebit, non alium hominem Theologiæ moralis subjectum esse, nisi qui ad piam Deoque placentem vitam est ducendus, inque ejus actionibus exercendus. Talis autem demum est renatus & justificatus.

XXI. In hoc verò homine renato & justificato magnam oportet habere rationem fidei. Hæc verò si refertur ad objectum suum, meritum nempe Christi, est medium cum justificationis, tum salvationis; Joh. xx. 31. sin refertur ad fructum suum & effectum, virtutes nimirum Christianas & actiones pietatis, principii rationem habet, adeò quidem, ut, qui hoc ipso principio destituitur, sicuti Deo non placet, ita nec talia edere possit opera, quæ Deo peculiariter sint accepta.

XXII. Dum verò dicimus, hominem renatum & justificatum esse subjectum nostræ disciplinæ, hoc ipsum de subjecto *Quod* est intelligendum. Subjectum enim *Quo* sunt facultates hominis rationales, tam ex, quæ per essentiam, quàm quæ per participationem sunt tales, adeoq; tam superiores, quàm ex inferioribus illæ, quæ voluntatis, penes quam est τὸ *κέραιον*, imperium admittunt.

XXIII. Hinc jubemur *renovari spiritu mentis nostræ*, ut qui olim eramus *tenebræ, cogitationem habentes obscuratam & abalienatam à vita Dei propter ignorantiam, quæ erat in nobis ex obscuritate cordis nostri*, nunc simus *lux in Domino*, atque ut *filii lucis incedamus*; qui olim *deceptricibus cupiditatibus corrumpebamur*, nunc *incedamus in justitia & sanctimonia vera*. Fructus enim spiritus est *in omni bonitate, & justitia, & veritate*. Ephes. iv. 18. 22. 23. 24. V. 8. 9.

XXIV. Suò modò, indirectè tamen & tantum per accidens, huc quoque pertinent sensus externi, imò & corpus cum membris suis externis, quatenus istud oportet esse *templum Spiritus Sancti, qui est in nobis*; 1. Cor. vi. 19. 1. Cor. iii. 16. Hebr. iii. 6. hæc autem sunt *arma justitiæ Deo*, h. e. sanctarum operationum organa. Rom. vi. 13.

XXV. Hoc pacto Apostolus Thessalonicenses totà vitā sanctos & integros esse vult, iis precatus, ut *Deus pacis eos sanctificet totos*; & integer eorum *spiritus, & anima, & corpus inculpate in adventum Domini nostri Jesu Christi serventur*, h. e. ut intellectus nihil dictitet, voluntas & appetitus nihil expetat vel fugiat, nihil exequantur organa corporis unquam, quod voluntati Dei non sit conf orme, 1. Thess. V. 23.

HOMINE RENATO SECUNDUM CARNEM ET SPIRITUM CONSIDERATO.

§. I.

Hominem renatum ac proinde in gratiæ statu collocatum Moralæ Theologiæ subiectum esse, hætenus est indicatum. Huius verò actiones ut tantò melius in sacra hac disciplina pensari & dirigi possint, in earundem principia est inquirendum.

II. Ipse quidem homo renatus est principium *Quod* actionum suarum in eo tamen duo agendi principia *Quibus*, quorum alterum *Caro*, alterum *Spiritus* appellatur, debemus animadvertere.

III. *Carnis* nomine plurima in Scriptura sacra designantur, ceu videre est apud B. G. Calixtum Concord. Evangel. libr. II. cap. V. & Flacium in Clave Scripturæ. Hòc locò denotat facultatum hominis corruptionem, earumque aversionem à bono & propensionem in malum propter peccatum originis homini adhærentem.

IV. *Spiritus* autem h. l. est vel gratia Spiritûs Sancti in renatis habitantis & operantis, vel motus atque inclinationes Spiritûs Sancti gratiâ excitatæ, secundum quas renati malum averfantur, carnisq; cupiditates compescunt, bonum autem omni studiò prosequuntur.

V. Neutiquam igitur *Caro* idem est, quod *corpus*; *Spiritus* verò idem, quod *anima*; quem errorem in hæreticis quibusdam notavit Augustinus libr. XIV. de C. D. cap. II. III. V. Etenim inter *opera carnis* Gal. V. 19. 20. 21. recensentur quoque ea, quæ in corpus, tanquam in principium suum, non possunt resolvi. Cujusmodi sunt *amulationes, ira, invidia, hæreses, & his similia*.

VI. *Caro* in Scripiura aliàs vocatur *lex membrorum*, Rom. VII. 23. & *lex peccati*, ibid. idque ob perversitatem & contumaciam obstinatham motuum inordinatorum. *Spiritus* verò, qui & *interior* est *homo*, Eph. III. 16. vocatur *lex mentis* cum ratione dictitans, quid agendum sit, quid omittendum. Vid. Rom. XII. 14. Gal. V. 17. 24. 1. Pet. II. 11. Ps. LI. 12. 14. Ezech. XIX. 31. Matth. XXVI. 41. Joh. III. 6. Rom. IX. 5. Ephes. IV. 23.

VII. Ab his principiis sibi contrariis homines appellantur nunc *Carnales*, nunc *Spirituales*. Rom. ix. 4. 59. Et quidem *merè carnalis* est homo irreginitus, qui & *ψυχικός, animalis, Spiritum non habens*, I. Cor. II. 14. Jud. v. 19. *vetus homo*, Eph. iv. 22. Rom. vi. 6. solet vocari. Talis homo est extra statum gratiæ divini, inq; statu iræ; quales sumus ante conversionem & regenerationem nostram, imò ab ortu & origine nostra. *Quicquid enim natum est ex carne, caro est.* Joh. III. 6. & *qui secundum carnem sunt, quæ carnis sunt, sapiunt.* Rom. ix. 5. Imò *naturæ sumus filii iræ.* Eph. II. 3.

II. *Merè spiritualis* erat homo in statu integritatis, quippe qui ratione intellectus erat *lux in Domino*, Eph. V. 8. in voluntate habebat inhaerentem sanctitatem, in appetitu omnimodam rectitudinem citra motus inordinatos. Merè spiritualis etiam fuit Christus secundum humanam naturam: Est enim *sanctus & à peccatoribus segregatus*. Luc. I. 35. Hebr. vii. 29. I. Joh. III. 5. Tales etiam erunt beati in statu gloriæ. Vid. I. Cor. xv. 43. 44. 45.

IX. *Ex parte carnalis*, ex parte etiam *spiritualis* est, qui *declinans à malo operaturus bonum*, I. Petr. III. 11. *ex Deo natus est*, Joh. I. 13. atque ita, tanquam *homo novus*, Ephes. IV. 24. Coloss. III. 10. per istam regenerationem in gratiæ statum devenit. *Est quidem is in carne, sed secundum carnem non incedit.* II. Cor. X. 3.

X. Hòc pàcò Apostolus, utut reginitus, se *carnalem* vocat, Rom. vii. 14. imò suò modò *carnalem*, suò modò *spiritualem*, ibid. v. 25. licet aliàs justificatos *non in carne, sed in spiritu esse* dicat. Rom. ix. 5. 9. Vocantur autem renati *spirituales* à principio actionum in iis prædominante, quod est *Spiritus Dei & Spiritus Christi*, quem in se habitantem habent. Rom. ix. 9. *Quicquid enim natum est ex spiritu, spiritus est.* Joh. III. 6.

XI. Renati igitur in statu gratiæ positi non quidem toti sunt *spirituales*, nec tamen *merè carnales*, utrumque verò sunt ex parte, quoniam utrumque agendi principium in se persentiscunt.

XII. Ratione carnis renati *habent* quidem *peccatum*, I. Joh. I. 8. attamen ab inhabitante Spiritu est, quòd *non faciant peccatum*. I. Joh. III. 6. 9. *nec peccatum in ipsis dominetur*. Rom. vi. 12. Reatus quoq; peccati ab ipsis est sublatus. Rom. ix. 1. In irreginitis autem & carnalibus non solum est peccatum, sed & dominium peccati, atq; insuper reatus ejusdem.

XIII. Etenim hominis carnalis actiones ad rigorem pacti legalis, renati autem actiones ad *implementum* pacti Evangelici exiguntur: *non enim hic est sub lege, sed sub gratia*, Rom. vi. 14. *estque filius Dei*. Rom. ix. 14. I. Joh. III. 1.

XIV. Principia agendi in homine renato cum sint contraria, ad unam aliquam bonam Deoque placentem actionem simul concurrere non possunt, sed unum alteri cedere oportet.

XV. Cum ergo renatus *non secundum carnem incedat, sed secundum Spiritum*, Rom. ix. 4. & *Spiritu Dei se duci* patiat, ibid. v. 14. carnem contundit & subigit, imò eandem crucifigit cum suis cupiditatibus, Rom. vi. 6. Gal. V. 24. *ne in spiritu incipiens, in carne perficiatur*. Gal. III. 3.

XVI. Quandoquidem verò caro non ita facile edomatur, spirituum aliorum hominum non omnino nulla potest esse differentia, secundum suos gradus dijudicanda. Qui gradus pro fundamento habebunt nunc vehementiorem, nunc remissiorem carnis adversus spiritum reluctantiam, nunc majorem minoremve voluptatem, quam quis ex studio sanctimonie vite percipit.

XVII. Primum gradum dixeris esse *Incipientium*, qui peccandi quidem studio miserunt nuncium, interim tamen cum ad bona agenda se convertunt, vehementem adhuc ex habitu & pristina peccandi consuetudine residuam carnis adversus spiritum insultationem persentiscunt, quam subito relinquere & ad novam vivendi rationem se convertere non nullius rem difficultatis esse facile agnoscunt. Hi sunt *infantes in Christo*. I. Cor. III. 1. *Infirmi in fide*. Rom. xiv. 1.

XVIII. Alter gradus fuerit *Proficientium*, eorum nimirum, qui ad habitum perfectionem magis magisque contententes minorem difficultatem ex lucta carnis adversus spiritum persentiscunt, adeoque non amplius tantà cum molestia à peccato se continent, & in pietatis studio se exercent.

XIX. Tertius gradus erit *Adultorum & Perfectorum*, qui sicut in fide firmi, ita etiam pietati sic dant operam, ut quicquid legi divine est adversum, omnibus averseantur modis, cum gaudio & voluptate secundum Dei legem & interiorem hominem incedentes, adeò quidem, ut à carne, reluctante quidem, sed sub dominio spiritus contenta, non impendantur.

XX. Ad hunc gradum cuilibet renato virtute gratie divine est enitendum, orandumque, ut *fortiter corroboremur per spiritum Dei in interiore homine*, Eph. III. 16. & *evadamus in viros perfectos ad mensuram stature adulta Christi*. Eph. IV. 12, 13. ut *stemus perfecti, & completi in omni voluntate Dei*. Col. IV. 12. Talem gradum assecuti esse censendi sunt, qui datà operà *non peccant*, imò *non possunt peccare*, eò quòd ex Deo nati sint. I. Joh. III. 9. V. 18.

XXI. Ut in hunc statum homo renatus deveniat, Moralis Theologia & docendo, & præcipiendo dat operam, eumq; in finem diversa hæc agendi principia confert, ut non minùs, quàm morum Philosophia, hominem ab iis, ad quæ naturæ & assuefactionis vitiò quàm maximè proclivis est, abducendo in oppositam virtutem inclinet. Vid. II. Eth. ix. §. 5. 7. 8.

XXII. Quandoquidem verò ubi summum attingere non licet, minima de malis sumimus, II. Eth. ix. §. 6. hinc & Moralis Theologus eum perfectionis gradum proponit, qui summus est, & inter reliquos eminet, licet neminem per omnia faciat *spiritualem*, nec ullius renatorum perfectio plenissima & absolutissima sit, ita ut ne minima quidem ex parte augeri possit amplius: talis enim quamdiu hic homo vivit, in nemine est; ut verba Augustini Epist. xxix. ad Hieron. nostra faciamus.

XXIII. Cujus rei causa partim est *Caro* nobis adhærens, quæ per *Spiritum* non extirpatur, partim quòd *Spiritus Sanctus*, quamvis in nos effundatur *πλσίως*, Tit. III. 6. plenà tamen mensurà non detur, sed pro modo ac mensura gratiæ. Ephes. IV. 7.

XXIV. Spiritus interim id agit, ut carnem magis magisq; depascat & in servitutem redigat, ne exæstuet, sed ut ipse regnum obtineat. Si quid de cetero homini renato adhæret imperfectionis, id ei non imputatur, sed meritò Christi tegitur. Rom. ix. 1. Christus enim *unicà oblatione perfectos effecit in perpetuum eos, qui sanctificantur*. Hebr. x. 14.

XXV. Actiones, ad quas caro impellit, quæq; ab homine carnaliter eduntur, non nisi carnales sunt, per quas carnis desideria explentur: actiones autem, ad quas spiritus nos excitat, sunt spirituales. Vid. I. Cor. II. 14. 15.

XXVI. Spiritualis enim homo *delectatur lege Dei, sapit ea, quæ sunt spiritus, peccato moritur indies, nec quod caro concupiscit, perficit, sed deposità pristina conversatione in novitate vitæ ambulat*. Contrariò modò se habet homo carnalis. Utriusque plenior descriptio ex Rom. VI. 2. 4. 6. 7. 11. 12. 13. 14. 16. cap. VII. 4. 5. 6. 14. 15. 16. 17. 18. 19. 20. 21. 22. 23. 24. 25. cap. IX. 1. 5. 6. 9. 12. 13. 14. 15. cap. XII. 2. I. Cor. IX. 24. 25. 26. 27. II. Cor. IV. 16. VII. 1. Gal. V. 16. 17. 18. Ephes. IV. 22. 23. 24. V. 15. Col. III. 8. sqq. potest consignari, quàm tamen in opera jam tum nos sublevavit B. D. Gebhard. Theodorus

Meierus in suæ Theol. Moral. part. secund. Disp. III. cap. I.

§. XXI. XXII. XXIII. XXIV. p. 74. --- 96.

LUCTA CARNIS ET SPIRITUS.

§. I.

IN homine renato *Carnem & Spiritum* esse diversa agendi principia, facile constat. Cum verò *Caro* aliorum impellat, quàm quò *Spiritus* inclinatur, & caro contra spiritum concupiscat, ea verò à spiritu ita sit edomanda, ne voluntatem in consensum pertrahat, eòque ipsò cupiditas concipiat, hominemque *inescatum abstrahat*, atque ita peccatum pariat, Jac. I. 14. 15. fieri aliter non potest, quin hæc agendi principia in renato sibi invicem reluctentur.

II. Talis lucta in irrogenitis sese non prodit, quippe in quibus *spiritus* à carne dominium sibi arrogante est excussus, imò suffocatus & extinctus. 1. Thess. V. 19.

III. Istam colluctationem describit Apostolus Gal. V. 16. 17. Postquam enim hortatus fuisset: *Spiritus ambulate*, ejus ductum atque regimen admittite, nec eidem bonum in vobis operaturo resistite, & desideria carnis, h. e. mala illa, quæ caro concupiscit, & ad quæ incitat atque impellit, non perficietis, eòque pactò duo agendi principia significasset, de eorum colluctatione ulterius ita loquitur: *Caro concupiscit, & contra, adversus spiritum, spiritus autem & contra, adversus carnem. Hæc autem adversus spiritum & carnem, inter se opposita sunt, ut non quaecunque volueritis, eadem faciatis.*

IV. Pariter de se Rom. VII. 22. 23. dicit: *Delector lege Dei quoad interiorem hominem, sed video aliam legem in membris meis adversus præceptum meum, rebellantem legi mentis meæ, & captivum me reddentem legi peccati, quæ est in membris meis.* Et. v. 15. 18. 19. *Quod perpetro, non agnosco: non enim quod volo, hoc ago, sed quod odi, hoc facio. --- Velle adest mihi, sed ut quod bonum est, perficiam, non assequor. Non enim facio bonum, quod volo, sed malum, quod nolo, hoc ago.*

V. Augustinus quidem, cum adhuc presbyter esset, & initio sui Episcopatus libr. xxviii. Quæst. lxxvi. & libr. ad Simplician. Quæst. I. explicans locum Rom. VII. non de Apostolo ipso, ob interiorem pugnam conquerente, aut de homine renato eum accepit, sed de eo, qui sub lege ejusque rigore constitutus adeoque irrogenitus sit; qua in re Origenem, ex parte etiam Chrysostomum videtur esse secutus.

VI. Attamen ex verbis Rom. VII. 15. 22. 24. & ab aliis Ecclesiæ Doctoribus rectiora edoctus sententiam istam bonâ fide retractavit, & aliam fuit amplexus. Vid. libr. I. Retractat. cap. I. libr. de Prædestin. Sanctor. libr. II. contra duas Epist. Pelagian. cap. XI. libr. VI. contr. Julian. Pelagian. cap. XI. ubi ad Gregorium Nazianzenum, Ambrosium & ceteros Ecclesiæ notos sanctosque Doctores provocat; quibus jungere licet Hieronymum libr. II. contra Pelagian. Gregorium M. libr. XIX. Moral. cap. V. Anselmum, & alios.

VII. Nihilominus veteres Pelagiani hominem credentem ab illa carnis contra spiritum colluctatione prorsus alienum fecerunt, quod originis peccatum in eo agnoverint nullum. Faustus quoque Socinus libr. de Christo Servat. part. I. cap. IV. & in Refut. Theff. Franzii pag. 438. seqq. & p. 452. seqq. Joh. Volkelius de vera Relig. libr. V. cap. XIX. p. 560. dicunt, *Paulum Rom. VII. non de se ipso, quatenus renatus erat, loqui, sed sub sua persona per prosopopœiam sibi non iniustatam statum conditionemq. hominis sub lege existentis & Christi expertis depingere.*

IIIX. Eodem propendet Jacobus Arminius in peculiari Tractatu & hodierni Remonstrantes. Philippus Limborehius Theol. Christ. libr. V. cap. XV. §. 2. ita inquit: *Esse & remanere in homine regenito naturalem corruptionem & concupiscentiæ innatæ reliquias, quas Deus in hac vita tollere nolit, quibusq. homo regenitus subinde ad peccandum impellatur, à ratione alienum est, & Scriptura adversum. Addit §. 4. sententiam hanc noxiam esse pietati.*

IX. Porro §. 5. ait: *Apostolum Rom. VII. non de se loqui, neque statum hominis regeniti describere, sed sub sua persona nobis statum irregeniti populi nimirum Judaici, & ante legem, & sub lege adhuc constituti, prout usurarium se habebat, proponere, sicuti & alias soleat res odiosas modestiæ causâ & ad vitandam invidiam sub sua persona proponere, quod vocet ὁ ἁμαρτωλὸς ὁ ἁμαρτωλὸς I. Cor. IV. 6.*

X. Easdem tibias inflat fanaticorum non postremus, Robertus Barclajus in Apol. Thef. IV. inter alia dicens, *Apostolum Rom. VII. loqui vel in persona aliorum, vel de suo statu, in quo ipse olim fuerit.*

XI. Constat verò Apostolum disertè dicere, se bonum velle, malum non velle, v. 19. se consentire legi Dei, v. 16. eaq. delectari quoad interiorem hominem. v. 22. mente se servire legi Dei, v. 25. se de peccato in se adhuc habitante dolere, indeq. liberatum esse velle, v. 24. gratias agere Deo, quod propter hanc carnis imbecillitatem e gratiæ statu non deturbetur. v. 25. **Quorum nihil de irregenito dici potest.**

XII. Supponunt Remonstrantes & qui ipsis accedunt, totum hominem regenerari ac renovari, adeoque nullam partem in eo manere posse irregenitam. Inde inferunt, in renato non manere carnem spiritui insultantem, ac proinde nec luctam carnis contra spiritum, sed hanc in irregenitis unicè esse quærendam.

XIII. Verùm enim vero quamvis totus homo regeneretur secundum illas facultates, quæ supernaturalis hujus doni capaces sunt, & renatus propter fidem Deo placeat; quamvis etiam per Spiritus S. gratiam vires accipiat in novitate vitæ ambulandi, visum tamen est Deo, hominem non ab omnibus imperfectionibus facere immunem, ac merè spirituales reddere.

XIV. Sicuti enim per justificationem non ipsum peccatum, sed reatus tantum ab homine tollitur, ita per gratiam renovationis non ipsum peccatum, nec omnes ab eo derivatæ insultationes & cupiditates, sed tantum peccati & cupiditatum ejus dominium tollitur.

XV. Quid? quòd ipse Remonstrantes fateri coguntur, in incipientibus initio majorem esse luctam, quam in progressu, & in aliis eam esse majorem, in aliis minorem, pro ratione majoris vel minoris corruptionis, habitusque peccandi, vel magis vel minus radicati: nec non luctam illam in initio regenerationis aliquandiu durare ob inveteratam peccandi consuetudinem, qua subito tota extingui nequit; annon vel hòc ipso in renatis luctam carnis adversus spiritum superesse fateri coguntur? Ita omnino!

XVI. Dicunt quidem, luctam illam in adultis [qui quòd luctam superarint, non quòd perfectionis metam attigerint, perfecti vocantur,] desinere. Sed non ideo sunt adulti, quòd prorsus nullam carnis adversus spiritum in se amplius persentiscant luctam, sed quòd spiritus in illa lucta facilius evadat superior, & minori cum molestia carnem subigat, imò crucifigat, ipsique spiritu actiones corporis (carnis) mortificent. Rom. II. 13.

XVII. Manet itaque in renatis lucta carnis adversus spiritum, Vid. Apol. A. C. de Implet. legis p. 91. eaque ab iis non tollitur, quamdiu mortalem hanc vivunt vitam, utut in uno possit esse vehementior, in altero remissior. Indicat hoc exclamatio ipsius Apostoli Rom. VII. 24. *Miser ego homo, quis me eripiet ex isto corpore mortis h. e. mortali,* in quo spiritus tot ac tantas ærumnas & molestias persentiscit?


XVIII. Suam pariter ac renatorum miseriam Apostolus in eo quo-

que agnovit, quod concupiscentiam carnis adversus spiritum in se per-
sentiscens, perpetuo peccato se obnoxium esse intelligat.

XIX. Veteres quidem Pelagiani sicuti peccatum originis tolle-
bant, ita à motibus his inordinatis omnem culpæ rationem abesse vo-
luerunt.

XX. Pontificii motus istos eò usque tantum pro peccatis habent,
quatenus *ex peccato sunt, & in peccatum inclinant, non quod peccatum sint*
appellandi. Vid. Conc. Trid. Sess. V. p. 16. Bellarm. libr. V. de amiss. grat.
& statu peccati cap. VII.

XXI. Nec minùs Remonstrantes motus istos inordinatos, quos
primo primos vocant, nisi cum delectationis mora, & proposito id, quod
carni gratum est, agendi conjuncti sint, cujus rei exemplum sit Math.
V. 20. peccatorum numero eximunt. Vid. Limborch. Theol. Christ.
libr. V. cap. IV. §. 8. seqq. cap. XV. §. 13. 14. 15.

XXII. Sed quamvis renati inordinatis istis motibus non delecten-
tur, neque iis consentiant, adeoque concupiscentia carnis non sit si-
mul *cordis*, sicuti tamen ea repugnat legi mentis ac Dei, ita & odio
habetur à Deo; est *avoué*, Rom. VII. 7. Rom. VI. VII. IX. aliquoties
peccatum appellatur. Imò Rom. VII. 24. dicitur *corpus* ( robur)
mortis sive ad mortem.

XXIII. Reverà etiam carnis hæc concupiscentia irrogenitis rea-
tum mortis inducit; in renatis verò ex accidente fit peccatum veni-
ale, quod meritò Christi tectum ad mortem actu non imputatur:
quandoquidem hi sunt *filiis Dei*, Rom. IX. 14. *neque sunt sub lege, sed*
sub gratia, Rom. VI. 14. *spirituales* sunt & Deo placent, Rom. IX. §. seqq.
Unde nulla condemnatio est in iis, qui sunt in Christo Jesu &c. Rom. IX. 2.
ipsisq; omnia sunt pura. Tit. I. 15.

XXIV. Lucta hæc carnis adversus spiritum cum lucta appetitûs
contra rationem, quam Aristot. I. Eth. XIII. VI. Eth. III. describit, non
est confundenda.

XXV. Ut enim appetitus rationi possit resistere, est ex natura
humana, ut est homo; imò in quolibet homine, qui virtutis aut vitii
habitum nondum contraxit, illa reluctancia animadvertitur, de qua
etiam uti & causa ipsius lumen naturæ nos instruit. At verò lucta car-
nis & spiritûs non nisi in renatis se exerit, ac sicuti ex peccato origi-
nis est derivanda, ita nec nisi ex revelatione nobis innotescit.

DISPUTATIO THEOLOGICA DECIMA

DE

AFFECTIBUS.

§. I.

P Rincipia agendi in renatis, *Caro* videlicet ac *Spiritus*, in facultatibus hominī aliās propriis quāmaximē sese exerunt, sive sint superiores, cujusmodi sunt intellectus & voluntas, sive inferiores, quas inter præcipuē est appetitus sensitivus, & quidem prout is in homine est.

II. Harum facultatum Morali Theologo tantò major habenda est cura, quantò impensiores dat operam, ut renatorum actiones rectē sese habeant, quæ rectitudo non obtinetur, nisi in intellectu cognitio boni accendatur, quam deinceps in voluntate & appetitu sequatur expectatio & per membra corporis facta executio. Idem circa malorum fugam est observandum.

III. Istam facultatum animæ ad se invicem habitudinem indicat Philosophus vi. Eth. II. §. 4. inquit: *Quod in intellectu est affirmatio & negatio, hoc in appetitu est rei alicujus appetitio & fuga.*

IV. Quæ itaq; intellectus non cognoscit ut convenientia, eorum cupiditate nec voluntas incenditur, nec appetitus, quò usque is non sensibus solū, sed & intellectuī, imò & voluntati subordinatur, sicuti & si quæ intellectus tanquam disconvenientia & mala esse non judicat, ad eorum fugam facultates istas non inclinat. Imò, si & intellectus, errore aliquò inductus, mala apprehendat tanquam bona, bona verò tanquam mala, aut saltem ut non bona, facultates appetendi ad hunc errorem sequendum se inflecti faciliè patientur.

V. Possunt huc applicari verba Servatoris Matth. vi. 22. 23. *Si lumen, intellectus, quod in te est, saltem esse debebat, tenebrae sunt, quanta erunt tenebrae?* Conf. Luc. XI. 34. 35. Hinc si cæcus cæcum ducat, ambo cadent in fossam. Matth. XV. 14. Luc. VI. 39.

VI. Exemplum hujus rei in gentilibus habemus: quandoquidem enim illi quidem Deum agnoscere potuerunt, & tamen vani facti sunt in rationationibus suis & obtenebratum est despiens cor eorum, Deum non glorificaverunt, nec gratias ei egerunt. Rom. I. 21. Et quia tenebris obscuratum habu-

erunt intellectum, alienati quoque sunt à vita Dei propter ignorantiam, quæ est ipsis, ex obduratione cordis eorum, Eph. IV. 18. 19.

VII. Facultas appetens quamvis ex se non sit rationalis, opera tamen est danda, ut per participationem rationalis fiat. Id verò futurum est, si facultatem ex se rationalem audiat & sequatur, quemadmodum filius patrem.

II. Quia in re renatos gratia Spiritus Sancti non destituit. In cuius enim intellectu Spiritus Sanctus rerum spiritualium cognitionem accendit, ejus voluntatem quoque atque appetitum suaviter inclinatur, ut in illis bonis acquiescat, neque in oppositum eorundem se flecti patiatur.

IX. Duæ sunt appetitus facultates: Concupiscibilis, *ἐνθυμία*, & irascibilis, *θυμός*. Quâ ratione in utraque exurgere soleant affectus, in Philosophia docetur, hîc autem supponitur.

X. Fiunt illæ commotiones ad repræsentationem boni vel mali; quæ si in alia quoque facultate, quàm sentiente, ipsa nimirum voluntate fiat, & hæc de commotione illa participabit.

XI. Affectus Græcis dicuntur *πάθη*, Ciceroni *perturbationes*; quorum tanta sæpe est vis, ut ipsum intellectus judicium impedire, quin & immutare valeant, ad agendum impellentes, vel à facto retrahentes. Voluptas & dolor eos comitantur, uti & immutatio corporis non naturalis.

XII. Affectus sunt varii, ac tot modis sese habent, quot modis facultas appetens potest moveri. Omnino enim pro varietate rerum, quæ appetuntur atque fugiuntur, sicut allicitur vel offenditur voluntas hominis, ita in hos vel illos affectus mutatur & vertitur. August. libr. XIV. de C. D. c. VI.

XIII. Sicuti verò inter actiones hominis nonnullæ ex se sunt indifferentes, moraliter neque bonæ, neque malæ, ita etiam affectus in se considerati, quò usque lumen naturæ de iisdem judicare potest, indifferentes & moraliter neque boni, neque mali erunt. Bonitatem autem moralem, uti & vitiositatem nascuntur à suis circumstantiis.

XIV. Hinc de *Ira*, quæ vehementissimus affectus esse solet, Philosophus agens IV. Eth. V. §. 5. inquit: *Is quidem, qui, quas ob res, quibusq; hominibus oportet, irascitur: præterea verò & quò modò, quò tempore, & quamdiu oportet, laudatur.* Secus qui se gerit, vituperatur. Simile quid Apostolus innuere videtur Ephes. IV. 26. inquiens: *Ira vobis, & ne peccate, sed ne occidat super iracundiam vestram.* Conf. Rom. XII. 19. Hebr. VII. 30.

Benè etiam Chrysostomus Homil. xvi. in e. X. Matthæi: *Non ipsius irasci malum est, sed importune irasci.* Etenim immoderata ira iustitiam Dei non exequitur. Jacob. I. 20. Conf. Psalm. xxxvii. 8.

XV. Nihilominus, si adhibitis principiis revelationis conditionem nostram penitius velimus inspicere, nulla commotionum, in appetente facultate citra Spiritus Sancti in renato operantis gratiam exurgens, absque ἀταξία fuerit. Etenim sunt illæ commotiones, saltem esse possunt, circa mala, possunt antevertere, imò sæpe antevertunt rationis & voluntatis dictamen, sæpe etiam obfuscatâ ratione voluntatem in consensum trahunt, si non prorsus abripiunt.

XVI. Nihil quidem horum ad affectûs, ut est talis, essentiam requiritur, & possunt affectus sine his esse, uti & reverâ sine his fuerunt in homine, quamdiu is in statu innocentiae perseveravit, nec non in humana Christi natura; quòd si verò renati suam conditionem & originis peccatum, mali sibi adhærentis principium & fontem, respiciant, in foro divino affectus suos in ordinatione quâdam deformatos esse, haud inviti largientur.

XVII. Interim de nonnullis affectibus constat, quòd moraliter sint mali, imò ipso nomine vitium designent, cujusmodi sunt ἀταξία, ἀσπένδεια, impudentia, invidia. Idem de quibusdam actionibus dicitur; quales sunt: *furtum, adulterium, cades.* II. Eth. vi. §. 30.

XVIII. Similiter in Scriptura nonnulli affectus nonnullæq; actiones pravitatem sibi implicitam habentes notantur ac proinde operibus carnis accensentur Rom. I. 29. 30. 31. Gal. V. 19. 20. 21. quos inter invidia cum charitate pugnare dicitur, I. Cor. xiii. 4.

XIX. Nonnulli affectus, familiaris nobis insiti, in exorbitantiam facilius inclinant, quàm in mediocritatem, quam tamen alii facilius admittunt. Alii in virtutis & pietatis confinio positi non omni laude destituuntur, adeò quidem ut inter fructus spiritus reperiantur etiam affectus.

XX. Hinc Scriptura commendat nonnullos affectus: Vult enim nos esse φιλόστοργος, Rom. xii. 10. συμπάθεις, I. Cor. xi. 26. I. Petr. iii. 8. præcipit amorem Dei, Psalm. xxxi. 24. Ep. Jud. 21. & proximi, Joh. xiii. 34. Gal. V. 13. I. Joh. II. 10. Timorem Dei, Prov. I. 7. III. 7. non servilem, sed filialem, Rom. ix. 15. 16. Gal. iv. 7. timorem parentum, Levit. xix. 3. Magistratûs, Rom. xiii. 3. 4. periculorum temporalium, Matth. X. 28. fiduciam in rebus adversis, Esa. li. 7. I. Petr. iii. 14. I. Joh. IV. 18. fiduciam

in Deum, Jerem. xvii. 7. odium, quò fugimus & detestamur mala, *maculatamq; tunicam, quæ carnalis est*, Psalm. xcvi. 10. Ep. Jud. 23. Ipem & fiduciam in Deum. Pl. xl. 5.

XXI. Sunt & nonnulli affectus, quos tanquam malos Scriptura improbat; cujusmodi sunt: fiducia in proprias vires, Judith IX. 8. 9. Jer. xvii. 5. in prudentiam propriam, Prov. ill. 5. ira intempestiva, Matth. V. 22. vindictæ propriæ cupiditas, Prov. xxiv. 29. Rom. xii. 19. Damnat etiam Scriptura *αἰσῶργος, αἰσῶνδος, ἀνελεήμονας*, Rom. I. 31.

XXII. Affectus itaque bonitatis & malitiæ, quam ex se non habent, capaces sunt, eamque per circumstantias sortiuntur. *Non affectus habendo, sed iis male utendo delinquimus*, inquit Prosper libr. III. de Vir. cont. cap. xxxi. *Cupiant, timen, latantur & boni & mali, sed illi bene, hi male, sicut hominibus seu recta, seu perversa voluntas est*, ait Augustin. libr. xiv. de C. D. cap. ix.

XXIII. Unde adeò Theologi moralis officium in eo est positum, non ut hominem doceat exuere affectus, sed in ordinem eos redigere, frenum ipsis injicere, ne effervescentes eum in mala inclinent.

XXIV. Quandoquidem verò hoc opus cum molestia, reluctancia, morfuque ac dolore appetitus est conjunctum, renati dicuntur *affectus crucifigere*. Etenim *qui sunt in Christo*, i. e. Christiani, per fidem in Christum regeneriti, *crucifigunt carnem cum affectibus & cupiditatibus*. Gal. V. 24. Qualis autem illa moderatio affectuum esse debeat, disci potest ex I. Cor. VII. 29. seq.

XXV. Incipiunt affectus in motibus *primo primis*, qui Hieron. Comm. in Matth. V. 28. dicuntur *πρωτοίαι, propassiones*; quibus succedunt motus *secundo primi*, Hieronymo dicti *πυθῆ* siue *passiones*, qui quamvis non sint proæretici, sunt tamen spontanei, *nihilq; ipsis deest, quàm peccandi occasio*.

XXVI. Motus *primo primos* renati non exuunt, reprimunt autem motus *secundo primos*, ne peccatum dominetur in mortali ipsorum corpore, ut obediant peccato in cupiditatibus corporis. Rom. VI. 12.

XXVII. Originem affectuum & ex iis natorum peccatorum describit Jacobus cap. I. 14. 15. *in cujus verbis partus à parturiente discernitur. Pariens enim est concupiscentia, partus peccatum: sed concupiscentia non parit, nisi conceperit: non concipit, nisi illexerit, id est, ad malum perpetrandum obtinuerit voluntatis assensum*, inquit August. libr. V. contra Julian.

HOMINE RENATO SECUNDUM ÆTATEM, SEXUM, CONDITIONEMQUE VITÆ SPECTANDO.

§. I.

Quamvis omnibus renatis hoc sit commune, quòd ex quo *Deo* inceperunt vivere per Christum Jesum Dominum nostrum, mortui peccatò, Rom. VI. II. *Evangeliò dignè vivant*, Phil. I. 27. *in nova vitæ*, quæ ex fide est, *ambulantes*, Rom. VI. 4. non tamen satis est, eorum officia in genere in disciplina nostra considerasse, sed oportet quoque eorum officia specialius indagare.

II. Licebit specialiora illa officia designare, si quemadmodum in practicis aliàs fieri solet, ita & renatòs hîc secundum ætatem, sexum, statum atque conditionem vitæ consideremus. Quò pactò singulorum officia non per omnia eadem fore faciliè constabit.

III. Hominis vita in suas dispescitur *ætates*, quas, diversâ licet ratione, enumerant Varro, Hippocrates, Galenus, alii: tum & Hieronymus Comm. in Amos cap. VI. Augustinus in Psalm. cxxvii. Gregorius M. lib. II. Moral. cap. xxy.

IV. Ex ætatis autem diversitate diversas nasci actiones, officia diversa, indicat Apostolus I. Cor. XIII. II. *Neque enim infans adultorum aggre-*ditur opera, *nec adultus gestatur in ulnis nutricis, sed in unoquoque tempore æ-*tatis est aliquid aliud congruens ac conveniens; inquit Gregor. Nyssen. Homil. I. in Cantic.

V. Prima ætas solet appellari *infantia*, quam tamen non tam an- nis, quàm usu rationis in practicis æstimamus, qui in infantibus vel nullus est, vel valdè exiguus.

VI. Unde infantes quamvis in Adamo peccârint, & ab eo peccatum ori- ginale traxerint, ac proinde mors ejusque reatus in eos quoque introierit, non tamen peccant ad similitudinem transgressionis Adam, actu ipsò propriâ suâ directâ atque explicitâ voluntate peccatum committentes, Rom. V. 12. 13. 14. *cùm non nôrint discrimen inter dextrum & sinistrum*, Jon. IV. II. *h. e. non cognoscant bonum & malum*, Deut. I. 39. *nec bonum aut malum*, quod formaliter tale sit, sive bene aut malè operentur. Rom. IX. II. Optat autem Apostolus, ut omnes simus *malitiâ infantes*. I. Cor. XIV. 20. *Malitiâ autem infans est, qui neminem injuriis afficit, sed innocens est, veluti infans*, Theophyl. Comment. inc. I.

VII. Infantiam excipit *Pueritia*, quæ est tempus imperfecti intellectus & iudicii. Imperfectio illa est vel ex parte ipsius potentia, vel ex parte objecti, cuius potentia nondum est capax. Etenim unum objectum facilius potentia se ingerit, quàm alterum.

IX. Sic pueritiæ animus facilius capit, quæ juris naturæ & in Decalogo determinata sunt, quàm quæ sunt jure positivò constituta; & inter hæc facilius admittit, quæ sunt juris divini, quàm sunt juris humani & civilis. Unde & ad ista prius, quàm ad hæc, animus est assuefaciendus.

IX. In hac ætate homo quidem sponte agere potest, non autem ex deliberatione, ac proinde in malis est culpæ capax, doli non item: & quod inde inferimus, contra conscientiam non agit, nisi fortè quis annis puer, moribus factus sit adolescens. Non enim infrequens est, unum magis esse puerum, quàm alterum.

X. Hinc facilè quoque constat, pueros prudentiâ carere, & parum sibi constare. Proinde Apostolus I. Cor. XIV. 20. inquit: *Fratres, ne estote pueri prudentiâ*, h. e. quemadmodum pueri parum sunt prudentes ita nolite in imprudentia iis fieri similes, sed *intelligentiâ* potius *estote adulti*, nec inconstantes & fluctuantes, qui quodlibet dogma sibi persuaderi & obtrudi patiantur. Ephes. IV. 14.

XI. In innocentia tamen oportet nos fieri ut puerulos, ne γομῶν κενόφαλοι peccemus, sive peccatum faciamus, I. Joh. III. 4. 6. 8. oportetque nos regnum Dei accipere, ut puerulos, quorum est regnum cælorum. Marc. X. 14. 15. Matth. XIX. 3. Luc. XIX. 16. 17.

XII. Simul ac homo *ephebus* factus est, ratione suâ perfectè incipit uti, quæ tamen tantos appetitus & ex eo erumpentium affectuum contra se experitur insultus, ut istius ætatis homo gratulari sibi possit, si statum *Continentiæ* & *Semi-Virtutis* attingat.

XIII. Fit tamen, ut tumultuantes affectus hujus ætatis hominem eò usque nonnunquam abripiant, ut in malum consentiat; quò pactò non quidem plenè est malus, sed *ἡμιπονηρός*, inque statum *Incontinentiæ* prolabitur. Quod Hieronymus indicat, dum *juventutem in sapientia copulatam* esse dicit. Conf. Augustin. l. XXI. de C. D. c. XVI.

XIV. In hac ætate homo quidem ex proæresi agit, adeoque non solum culpæ, sed & doli est capax, potestq; & secundum, & contra conscientiam agere, talis tamen nondum est, qui se ipsum sufficienter regere possit.

XV. In hac ætate homo se ipsum probare h. e. vitam actionesque suas ad legis divinæ normam dirigere atque examinare, quin & corpus Domini discernere h. e. communem panem ab eo, qui est *communio corporis Christi*, distinguere, reverenter habere, fructusque passionis ac mortis Domini agnoscere valet. I. Cor. XI. 28. 29.

XVI. Juvenilem hanc ætatem excipit *virilis*, quam qui attingit, eò per-
venit, quò natura ipsum deducere intendebat, perfectus quippe factus
tàm ratione corporis, quàm ratione animæ, ita ut semet ipsum regere,
vitæ suæ modum habere, dequæ bonis sibi prospicere, mala autem aver-
runcare queat.

XVII. Istius ætatis spatium ad *Senectutem* usque sese extendit, in qua
sicuti corporis, ita & animi vigor pedetentim decrescit & per suos gra-
dus usque ad vitæ exitum decurrit. Sicuti verò homo naturæ reliqua o-
pera imitatus sensim ad ætatis perfectionem pervenit, ita & vigor sensim
remittit, adeò, ut pro majore vel minore judicii decrefcentia *senes* rursus
fiant juvenes, imò repuerascant. Unde & *bis pueri* dicuntur.

XIX. Diversitas ista ætatum sicuti diversa officia gignit, siue diversita-
tem ætatis in se spectemus, siue hominum in diversis ætatibus constituto-
rum erga se invicem comparisonem instituamus, ita illam pariter pensi
habet Theologus moralis, ejusquæ rei specimen animadvertit Tit. II. 2. sqq.

XIX. Quamvis enim sacra hæc morum disciplina potissimum respiciat
hominem adultum, utpote in quo tàm fidei, quàm morum doctrina radi-
ces egit, *habetquæ sensus exercitatos ad discretionem boni ac mali*, Hebr. V. 14.
non tamen reliquarum ætatum planè nullam habet rationem.

XX. Quæ enim est pietatis ac sanctimonix vitæ necessitas, ejus studi-
um ut cum lacte materno homini instilletur, tantò ardentiori conatu
opera est danda, quantò magis constat, primæ ætatis homines esse semi-
narium non tantum Reipublicæ, sed & Ecclesiæ.

XXI. Imò experienciâ constat, eum, qui à teneris assueverit *malum*
in se vincere bonitate, Rom. XII. 21. multò facilius *adolescere in virum perfe-*
ctum ad mensuram stature Christi, Ephes. IV. 13. *perfectumquæ*, evadere, Phil.
III. 15. atque adeò iis accedere, quos inter non *sapientia hujus seculi, sed*
sapientia Dei est loquenda. I. Cor. II. 6.

XXII. Ipse sanè Servator sicuti *atate & staturâ*, ita & *sapientiâ crevit ac*
profecit, maturèquæ *in medio magistrorum sedit, eos & audiens, & interrogans*:
Luc. II. 40. 46. ita *fuit quoque parvulos ad se venire, eosquæ in ulnas suscepit,*
utpote quorum est regnum Dei. Marc. IX. 36. X. 14. Apostolus *ὑπὸ ὁπρώτης* in
rudibus annis prima pueritiæ sacras literas novit, easquæ ad pedes Gamalielis
sedens familiares sibi reddidit. II. Tim. III. 15. Act. xxii. 3.

XXIII. Præclarum proinde est monitum S. Ignatii Epist. ad Phila-
delph. *Patres, educate filios vestros in eruditione & disciplina Domini, & docete*
eos sacras literas, & artes honestas, ut non otio gaudeant. Vid. Ephes. VI. 4.

XXIV. Post ætatum diversitatem etiam *sexus* differentia in sacra
Morum Theologia attenditur. Quòd si enim virtutes sunt perfectiones
homi

hominis in ordine ad munus proprium, VI. Eth. I. § 17. & verò naturâ alia sunt officia viri, alia mulieris, non possunt non virtutes viri & mulieris naturâ differre, nec non diversa eorum ad has virtutum functiones esse assuefactio. Vid. I. Polit. iix.

XXV. Quamvis itaque & fortitudo cadat in mulieres, exemplô Deborah, Judic. IV. 9. Judithæ, Judith. xiii. 8. 9. constantia in adversis, exemplô matris septem filiorum, I. Macc. vii. 1. 2. sqq. imò & sapientia, exemplô Abigailis, I. Sam. xxv. 18. 32. 33. Thecoitidis, II. Sam. xiv. 19. aliæque virtutes, neque dubium sit, quin mulieres non rarò virtute viros superent, aliter tamen se habet fortitudo in muliere, quàm in viro. Quæ diversitas circa reliquas virtutes pariter est observanda.

XXVI. Mulieres, ut *vasa infirmiora*, quibus propterea honor sit tribuendus, describit Apostolus, I. Petr. iii. 7. De earum castitate, modestia, cultu & ornatu, præcepta reperiuntur I. Cor. XI. 5. 13. 15. I. Tim. II. 9. III. 11. Tit. II. 3. 4. 5. 6. Auctoritatem verò in viros æquè minùs ipsis permittit Apostolus, I. Tim. II. 11. 12. quàm officium in Ecclesia docendi. Vid. I. Cor. XIV. 34.

XXVII. Deniq; status & *conditio vitæ* notabile officiorum à Christianis requirendorum inducit discrimen, in Morali Theologia non insuper habendum. Non enim oportet homines tantùm spectare, ut sunt Christiani, *in unum spiritum baptizati*, I. Cor. XII. 13. ac prout sunt membra uni capiti adhærentia, sed & prout sunt unius corporis mystici membra, ad diversa officia destinata. Rom. XII. 4. sqq.

XXIIIX. Natura quidem hominem sociavit homini, ut homo est, imò & eundem particulari cuidam destinavit societati; attamen & homo libere aliquam societatem eligere potest. In quacunque autem sit societate, statum & conditionem vitæ fortitur vel per providentiam divinam, vel per gratiam, quæ secundum mensuram cuique tribuitur, vel per casum & temporis directionem, vel denique per proprium iudicium, voluntatem atque inclinationem; quam inclinationem in certum quoddam vitæ genus solemus vocationis divinæ locò habere.

XXIX. Secundum hanc diversam statûs vitæque conditionem variant hominum officia, quæ cum ad Dei gloriam, tum ad proximi salutem sunt dirigenda.

XXX. Revocantur omnes, qui in sacramorum Theologia sua sibi assignata inveniunt officia, ad tres classes sive ordines: *Ecclesiasticum*, *Politicum*, & *Oeconomicum*. Singuli horum ordinum diversas personas, diversa vitæ genera complectuntur, secundum quæ hominum officia variant. Non tamen repugnat, unam eandemque personam ad diversos ordines referri, & secundum eos aliâ atque aliâ ratione spectari.

ACTIONIBUS HOMINIS RENATI.

§. I.

Consideravimus hætenus tam finem Theologiæ moralis, quam subjectum ejusdem, quod istius finis particeps est reddendum. Superest, ut de mediis ad finem hunc perveniendi, qualia sacra hæc disciplina proponit, pariter agamus.

II. Media autem ista non solum fini supernaturali, verum etiam statui gratiæ, in quo homo renatus & Christianus est constitutus, debent esse proportionata; ac proinde non à principiis & viribus naturalibus unice pendere possunt, sed supernaturali Spiritûs Sancti gratiâ debent fulciri.

III. Ista media, quæ & statum gratiæ nobis conservant, & per quæ tanquam in via incedendum est, ut ad *finem* propositum, qui est æterna *animarum salus*, I. Petr. I. 9. Rom. VI. 22. perveniamus, sunt virtutes homine Christiano dignæ.

IV. Virtutes autem istæ non sunt unice per modum habitûs spectandæ, sed insuper prout ad actiones suas tendunt; sicuti & ipsarum habitus crebris actionibus in virtute Spiritûs Sancti acquiruntur.

V. Actiones illæ, quibus Christianarum virtutum habitus parantur, & ipsi habitui, & actionibus ex habitu promanantibus debent esse similes. Conf. II. Eth. I. § 18. IV. §. 1. Arrian. in Epictet. libr. II. cap. xix.

VI. Tanquam hoc manserit discrimen, quod actiones virtutum Christianarum habitum antecedentes ob vehementiorem carnis adversus spiritum colluctationem plus habeant difficultatis, quam illæ, quæ post edomitam carnem ex virtutum habitu proficiuntur. Tales enim actiones sunt conjunctæ cum delectatione, quâ renatus *delectatur lege Dei* & actionibus ad normam ejus exercitis *quoad interiorem hominem*, Rom. VII. 22. cum gaudio, pace ac tranquillitate conscientiæ. Illæ *incipientium* renatorum conditioni sunt convenientes, hæc verò *adultos & perfectos* Christianos decent.

VII. Hujusmodi verò actiones in S. Scriptura à nobis exiguntur. Ita Titum suum Apostolus vult *affirmare, ut qui crediderunt Deo, discant & studeant bona opera tueri*, Tit. III. 8. 14. tanquam *purificati Christo in populum peculiarem, genus electum, regale sacerdotium, gentem sanctam, populum, quem Deus sibi proprium vindicat, studiosum bonorum operum*. Tit. II. 14. I. Petr. II. 9. ut *acuant se invicem ad charitatem & bona opera*, Hebr. x. 24. imò *divites sint in bonis operibus*, I. Tim. VI. 18. nullatenus autem *conformes fiant pristinis, quæ in ignorantia*

ipsorum vignerunt, cupiditatibus: sed sicut is, qui eos vocavit, sanctus est, ipsi quoque sancti in omni conversatione reddantur. Propterea scriptum est: Sancti estote: nam ego sanctus sum. I. Petr. I. 14. 15. 16. Lev. xi. 44. 45. xix. 2. xx. 26. Vid. Phil. iv. 8. I. Petr. II. 12. I. Cor. ix. 24. I. Thess. IV. 7. Ephes. II. 21. Matth. V. 16.

IX. Ejusmodi actiones hominis renati ante omnia huc dirigendæ sunt, ut motus primò-primi injectò frenò cohibeantur & coercerentur, ne cum propria cupiditas nos abstrahere & inescare satagit, ipsa cupiditas concipiat & peccatum pariat, Jac. I. 14. 15. nec, cum pravæ concupiscentiæ motus sentimus, voluntas in consensum pertrahatur, atque ita cum *lex alia à Dei lege sive opere legis in cordibus hominum scripto* Rom. II. 15. aut peculiariter injecto *legi mentis nostræ in membris nostris rebellat, captivi reddamur legi peccati, quæ est in membris nostris.* Rom. VII. 23.

IX. Eadem quoque hominis renati actiones in frenandis affectibus sunt occupatæ, ne illi à recto tramite aberrare & inordinatè ferri incipiant. Quamvis enim affectus, prout naturam animalis sequuntur, ex se sint indifferentes, homo tamen renatus sollicitè & circumspectè id agit, ut illi ad bonum inflectantur, nunquam autem in malum ferantur, multò minus in illud cum impetu præcipitanter ruant.

X. Unde facile patet, homini renato aliud circa motus primò-primos incumbere officium, quàm circa affectus in se spectatos, ut actio bona & Deo placens emergat. Motus enim isti semper sunt inordinati, & sicuti ex malo fonte, qui est ipsum originis peccatum, scaturiunt, ita non possunt non mali esse: siquidem *omnis cogitatio & inclinatio cordis humani est mala à pueritia sua.* Gen. vi. 5. iix. 21. Matth. xv. 19. Marc. vii. 21. 22. Unde etiam est, quòd hujusmodi motus primò-primi in foro divino peccatis annumerentur, Rom. vii. 7. utut renatis in poenam & damnationem æternam ob Christi, qui nostra factus est justitia, meritum non imputentur, Rom. iix. 1. nisi fortè voluntas iis consentiat. Quò pactò *intelligentia carnis est inimicitia adversus Deum, & qui in carne sunt, Deo placere non possunt.* Rom. iix. 6. 8. Vid. Rom. vi. 6. 7. vii. 5.

XI. Ut itaque actio hominis renati proba sit & Deo placens, motus isti prorsus sunt reprimendi, neque executioni danda, ad quæ caro nos impellit, sed ea potius *crucifigenda cum cupiditatibus suis,* Gal. V. 24. *ne peccatum nobis dominetur.* Rom. VI. 6. 12. 13. 14.

XII. Alia verò ratio est affectuum. Hi secundum naturam suam spectati in ipsis hominis facultatibus ita quidem oriuntur, ut, quamvis ex se sint indifferentes, à malo tamen declinari & ad bonum inflecti possint. Circa eos ergò renati opera in hoc versatur, non ut eos extirpet, sed
regat

regat potius, ne inordinatè currant, verùm medium rationis teneant.

XIII. Hæc sanè curâ vel tantò magis opus est circa istiusmodi affectus, qui ob vehementiam suam in excessum magis propendent; cujusmodi sunt cupiditas vindictæ, Rom. xii. 19. cupiditas honorum, Luc. xxi. 24. bonorumque hujus vitæ. Matth. xix. 24. Marc. x. 25. Luc. xix. 25. ira, Eph. IV. 26. aliique. Qui labor tantò est major, quantò altius hi affectus fixerint radices: non enim tunc semper æquè facilè id, quod cum vitio est conjunctum, depascitur, ipsique affectus intra rectæ rationis gyrum modumque in Scriptura præscriptum cohibentur.

XIV. Bona, circa quæ homini renato actiones in Scriptura injunctæ sunt, lispesci possunt in interna, eaque partim animi, partim corporis: & externa; cujusmodi sunt bona fortunæ. Circa quæ tamen renatorum actiones quidem bonæ sunt, irrogenitorum autem actiones circa talia objecta possunt esse malæ.

XV. Bona etiam ita se habent, ut nonnulla eorum sint naturalia, nonnulla spiritualia. Porro Bona, quæ renatorum actionibus exprimi solent, sunt vel Honestæ, vel Jucundæ, vel Utilia.

XVI. His ipsis tot generis mala opponuntur, circa quæ homo renatus non actu appetitionis, sed fugæ potius versatur, adeò quidem, ut hæc fuga & malarum actionum devitatio in eo laudi ducatur.

XVII. Porro & Deus, & proximus sunt objecta, circa quæ hominis renati actiones sese exerunt. Imò & circa se ipsum habet, quod agat vel omittat. Ut de speciali respectu, quem erga proximum ob singulares circumstantias intervenientes unusquisque habet, hæc vice nondum dicamus.

XVIII. Magna verò est actionum differentia. Aliæ namque sunt naturales, cujusmodi sunt concoctio in ventriculo, augmentatio staturæ, Matth. vi. 27. aliæ sunt voluntariæ & liberæ; cujusmodi est cura corporis, de qua extat præceptum Apostoli Rom. xiii. 14. Coloss. II. 23. Quæ posterioris sunt generis, ad præsens negotium spectant, reliquæ non item, nisi quatenus aliquod voluntatis imperium admittunt.

XIX. Deinde actionum aliæ sunt arbitrariæ, quas sive quis susceperit, sive omiserit, nullum committitur peccatum; aliæ sunt necessariæ & hominibus injunctæ, sive simpliciter, sive secundum quid. Hæc pactò opera virtutum renato sunt necessaria, quæ, quamvis libertatem voluntatis supponant, omitti tamen nec possunt, nec debent, aut contraria suscipi ab eo, qui gratiæ statum vult conservare.

XX. Ulterius actiones sunt vel bonæ & honestæ, vel malæ atque turpes, vel denique sunt indifferentes. Actio bona vel mala dicitur à circumstan-

stan-

stantiis; quas vel secundum voluntatem Dei servat, vel illas ipsas insuper habet. Ex actionibus autem honestis nonnullæ sunt naturæ tales, nonnullæ moribus, in specie homini Christiano, præsertim si in certa ætate, sexu, statu atque conditione vitæ spectetur.

XXI. Sunt & actionum aliæ licitæ, aliæ illicitæ. Et quæ sunt licitæ, vel ex se sunt tales, vel certæ alicui personæ: Item licitæ actiones partim sunt illæ, quæ fiunt justè, partim, quæ fiunt impunè. Quò refertur illud Pauli: *Omnia mihi licent, sed non omnia expediunt: omnia mihi licent, sed non omnia edificant, nec ego redigar sub ullius rei potestatem.* I. Cor. VI. 12. X. 23.

XXII. Denique actiones sunt vel internæ & immanentes, vel externæ & transeuntes, dictis aut factis sese exerentes. Quamvis autem Philosophia potissimum actionum externarum habeat rationem, internas autem vix aliter, quàm ut actionum externarum principia consideret, moralis tamen Theologus eò suam dirigit operam, ut & actiones internæ suam rectitudinem, quam coram Deo habere debent, & in qua Deus pro sua gratia acquiescit, consequantur, nec à norma sua defleant.

XXIII. Ad actiones hominis renati, quæ ad virtutum Christianarum acquisitionem diriguntur, necessarium est, ut non solum quoad substantiam actûs, verum etiam quoad modum & reliquas circumstantias voluntati divinæ in sacris literis patefactæ sint conformes. Vid. Num. xv. 40. Deut. IV. 1. 2. 5. 6. 40. Ezech. xx. 10. Jacob. II. 20.

XXIV. Quò requisitò cum Judæorum tam veterum, quàm recentiorum traditiones & *παραδόξα* destituantur, facile patet, nihil quicquam eorum Deo fuisse acceptum, & jure Servatorem de Pharisæis dixisse: *Frustrà me colunt, docentes doctrinas, quæ sunt mandata hominum.* Matth. xv. 9. Esa. xxix. 13.

XXV. Eandem ob causam improbat Apostolus cultum Angelorum, tanquam *εἰδωλοθρησκείαν, καὶ κτλ. ὁ νόμος σοιχείαι ἀπάτην*, quippe quæ res est ipsa illa Philosophia, quæ homines deprædatur, & brabeum propositum eis intervertit. Col. II. 8. 18. 23. Nec minùs Pontificiorum *εἰδωλοθρησκείαι* à forma actionum verè piarum recedunt.

XXVI. Deinde actiones hominis renati debent referri in Dei, tanquam auctoris gratiæ, gloriam, sive id fiat formaliter & explicitè, sive virtualiter & implicitè. Matth. V. 16. I. Cor. X. 31. Phil. I. 11. I. Petr. IV. 11.

XXVII. Denique actiones Deo peculiariter placentes *fidei* meritò Christi nixæ *fructus* esse, Gal. V. 5. 22. imò & *fidem* conscientiæ supponere debent. Rom. xiv. 23. Phil. II. 14.

DISPUTATIO THEOLOGICA DECIMA TERTIA,
DE

ACTIONUM HOMINIS RENATI
PRINCIPIO SUPERNATURALI.

§. I.

Quemadmodum finis *vocationis nostræ*, à Deo ad regnum suum & gloriæ facta I. Thess. II. 12. est supernaturalis, ita & virtutes Christianas actionesque sanctimoniarum ad hunc finem tendentes, non merè naturales esse, sed à principio quodam supernaturali & spirituali pendere necessum est.

II. Homo quidem suarum actionum tam naturalium, quam moralium, III. Ethic. V. §. 20. quin & spiritualium est principium **QUOD**. Actionum verò hominis, prout eæ sunt vitales, principia **QUIBUS** erunt animæ facultates: prout sunt morales, actiones immanentes à facultatibus homini propriis elicite: prout verò eæ sunt spirituales, ac hominis fidelis & renati, ut talis, gratia, virtus ac cooperatio Spiritus Sancti.

III. Hæc verò gratia Spiritus Sancti quamvis sit actionum hominis renati principium **QUO** primarium & principale, solitarium tamen non est, sed habet sibi subordinatas actiones facultatum animæ, ita quidem, ut homo, sicuti virtute Spiritus Sancti adjutus credit, ita & in virtute ejus *ambulet coram Deo sanctè, justè, inculpate*, prout dignum est. I. Thess. II. 10. 12. Unde & *cor novum & spiritus novus* conjunguntur. Ezech. xxxvi. 26.

IV. Ipsum verò hominem, sibi relictum, per vires naturales non posse Deum, ut autorem gratiæ, diligere, voluntatem ejus, quæ est *ἀγαπᾶν*, I. Thess. IV. 3. exactè implere, atque ita vitam æternam filiali fiduciâ, ceu par est, ab eodem sperare, sed ad hos & similes actus gratiâ Spiritus Sancti ei opus esse, ex sacra Scriptura constat.

V. Ita namque II. Cor. III. 5. *Non sumus idonei ex nobismet ipsis ad cogitandum (vel etiam volendum) quicquam, sed quòd idonei sumus, id ex Deo est. Et Deus est is, qui in nobis operatur & velle, & perficere, pro sua benevolentia.* Phil. II. 13. Hinc motus pii ac virtutes Christianæ *fructus* sive effectus Spiritus appellantur. Gal. V. 22. Conf. Ezech. xxxvi. 27. II. Cor. ix. 8.

VI. Pertinet huc admonitio Apostoli: *Ne tristitiâ afficite, multò minùs extinguite, Spiritum illum Sanctum Dei, per quem obsignati estis in diem redemptionis. Ac propterea omnis amaritudo, & excandescencia, & ira, &*

glamor, & maledicentia tollatur ex vobis cum omni malitia. Ephes. IV. 30. 31.
1. Thessal. V. 29.

VII. Hunc in finem quoque Deus *Spiritum Sanctum*, gratia illum *spiritum*, Hebr. X. 29. *Spiritum sanctificationis* Rom. I. 4. dicitur *misisse in corda nostra*, Gal. IV. 6. quæ *missio* gratiosum effectum utique connotat, ita quidem, ut *in nobis habet* tanquam *in templo suo*, I. Cor. III. 16. VI. 16. adeo, ut *qui hunc Christi Spiritum non habet, non sit ejus*. Rom. ix. 9. II. Tim. I. 14.

IX. Inhabitatio illa non est nuda præsentia, quoad indistantiam, nec quoad concursum tantum generalem cum actionibus hominis: neutrius enim ratione pii præ impiis, renati præ irrogenitis peculiare quid habent; sed est præsentia quoad gratiam, & ratione singularis ac gratiosæ operationis atque effectuum donorum gratiæ, quorum ratione Spiritus Sanctus sese habet ut causa particularis & principium primum ac principale.

IX. Hæc S. Augustinus Epist. LVII. ad Dardanum accuratè distinguens, ita ait: *Illud est multò mirabilius, quod cum Deus ubique sit totus, non tamen in omnibus habet.* ... Fatendum est, *ubique esse Deum per divinitatis præsentiam, sed non ubique per inhabitationis gratiam.*

X. Cum autem *Spiritus Sanctus*, in nos quidem effusus *πλεσιως*, Tit. III. 6. dona tamen sua distribuat, sicuti vult, I. Cor. XII. 11. & secundum mensuram Christi, Ephes. IV. 7. facile fit, ut secundum illam mensuram in omnibus sanctis alii sint sanctiores, abundantius habendo habitorem Deum ac sanctum ejus Spiritum; inquit Augustinus l. c. eoque refert petitionem Elisæ ad Eliam: *mensura duarum partium spiritus tui sit super me.* II. Reg. II. 6.

XI. Ita verò gratiosa illa inhabitatio in cordibus nostris, & hanc, nostrò concipiendi modò, excipiens specialis operatio Spiritui Sancto per appropriationem tribuitur, ut neque Pater, neque Filius à gratiosa hac operatione excludatur. *Quis enim audeat opinari, nisi quis inseparabilitatem penitus Trinitatis ignorat, quod in aliquo habitare possit Pater & Filius, in quo non habitat Spiritus Sanctus, aut in aliquo Spiritus Sanctus, in quo non & Pater & Filius;* iterum sunt verba Augustini l. c.

XII. Confirmantur hæc Scripturæ Sacræ dictis Joh. XIV. 23. XV. 5. Rom. IX. 9. 10. II. 13. 14. II. Cor. I. 21. 22. Ephes. III. 16. 17. IV. 30. I. Joh. III. 9. IV. 12. 13. 15 II. Petr. I. 1. Sic ergò *charitas Dei effusa est in cordibus nostris per Spiritum Sanctum!* Rom. V. 5.

XIII. Gratia illa Spiritus Sancti non solum est actualis, quam Bonaventura in IV. Sentent. Distinct. XIV. Artic. II. Quæst. II. num. 26. unà cum aliis Scholasticis vocat *gratis datam*; verum etiam habitualis & ad modum habitus permanens, quæ Bonaventuræ *gratum faciens* dicitur. Prior

ad posteriorem se habere dicitur per modum dispositionis ad habitum.

XIV. Habitualis gratia sub nomine *mansionis* Joh. xiv. 23. xv. 5. *re-*
boris, Ephes. III. 16 κατερίσσεως, στήριγμα, θεός, θεμελίς, I. Petr. V. 10.
στάσις, stationis ac consistentia, Rom. xiv. 4. describitur, estque ipsa *virtus*
Dei, in qua per fidem ad salutem custodimur, I. Petr. I. 5. ejusque dona sunt *fides*,
spes, *charitas*, I. Cor. xiii. 13. & reliquæ virtutes Theologicæ.

XV. Gratia actualis pro diversis λόγοις, ex temporis ratione agen-
di que modo desumendis, dicitur esse vel *Excitans*, vel *Adjuvans*. Gratia
Excitans aliàs vocatur *Præveniens*, Psalm. LIX. 11. *Pulsans*, Ephes. V. 14. A-
ποκ. III. 20. *Expansa*, Esa. LXV. 2. *Exspectans*, Esa. xxx. 18. *Operans*: ac naturā
præcedit Conversionem.

XVI. Exserit sese Gratia hæc excitans & præveniens per motus,
quibus intellectus illuminatur, ut sanctas cogitationes admittat, quibus
exactius assequatur cū obligationem ad mandata Dei servanda, Deut.
xxvii. 26. Gal. III. 10. tūm ad magnitudinem beneficiorum spiritualium,
in Evangelio oblatorum, agnoscendam, Joh. III. 16. 18. Eph. I. 18. seqq. qui-
bus itidem intellectus præparatur, ut virtutum Christianarum natura at-
que officia, I. Cor. xii. 1. seqq. II. Petr. I. 5. seqq. cœlestium item præmio-
rum, pietati, I Tim. IV. 8. æternorum verò suppliciorum, peccatis pro-
positorum Exod. xx. 5. 6. certitudo sibi obversetur.

XVII. Atque hōc pactō renati ἑσονται πάντες διδασκοὶ τοῦ θεοῦ, Joh. VI.
45. Esa. LIV. 13. Jerem. xxxi. 33. θεοδιδασκοί, divinitus edocti, ut alii alios dili-
gant. I. Thessal. IV. 9.

XIIX. Flebitur porrò & suaviter inclinatur per actualem hanc
gratiam prævenientem hominis voluntas, ut ardorem & amorem pia-
rum actionum in se persentiscat, I. Tim. VI. 11. sqq. motuum inordinato-
rum vehementiam reprimere & subigere, affectuumque commotiones
in officio continere studeat, Rom. VII. 6. 12. 19. imò & ubique odiō ac
fastidiō peccati ducatur. Rom. VII. 16. 20. 21. 22. I. Timoth. VI. 11.

XIX. Gratia *Adjuvans* aliàs vocatur *Subsequens* & *Cooperans*, exseritque
se in homine, gratiā Dei prævento, ejusque virtute hominis, qui *gratia*
divina pulsum non spernit, nec obicem ipsi ponit, facultates elevantur, ut
actu ipsō Spiritūs Sancti impulsui consentiat, de peccatis doleat, constans
a peccatis abstinendi propositum concipiat, in firma fidei πλεροφoρiα ac-
quiescat, Coloss. II. 2. I. Thess. I. 5. Hebr. VI. 11. X. 22. nec in bonorum
operum exercitio defatigetur. Secundum hanc gratiam Deus in nobis o-
peratur & velle & perficere Phil. II. 13.

XX. De utraque ista gratia sunt preces Ecclesiæ: *Actiones nostras, Domine,*

præveniē adspirando prosequere. Utramque etiam hōc pactō Augustinus est complexus : *Volentem Deus prævenit, ut velit: at volentem subsequitur, ne frustra velit.*

XXI. Istam verò gratiam Spiritus Sanctus homini non immediatè, per lumen connatum & internum, confert, sed mediante verbō divinō lectō, auditō, expensō. Rom. X. 14. 17. Quod proinde est *potentia Dei ad salutem omni credenti.* Rom. I. 16. I. Joh. III. 9. Conf. Luc. II. 15. I. Cor. I. 21. Jac. I. 18. I. Petr. I. 23. Add. Aug. Confess. Art. V. Artic. Smalcald. part. III. Art. ix. p. 331. F. C. p. 670. Corpus Doctr. Jul. im wollgegründeten Bericht/vom freyen Willen/cap. V. Hoc verbum vocatur *audibile.*

XXII. Confert quoque Spiritus Sanctus suam gratiam, vel collatam confirmat & obsignat per Sacramenta, quæ vocantur verbum *visibile.* Id quod de Baptismo apparet ex Tit. III. 5. Rom. VI. 4. I. Petr. III. 21. De S. Eucharistia idem confirmatur Joh. vi. 53. 56. xv. 5.

XXIII. Sic ergo Spiritus Sanctus in renatis sicuti fidei, ita & piorum motuum est principium. Et motuum quidem, qui fidem in adultis convertendis ordine naturæ præcedunt, principium est secundum gratiam prævenientem, fidei verò actualis & motuum fidem excipientium, adeoque & operum pietatis ac virtutum Christianarum secundum gratiam cooperantem.

XXIV. Quō ipsō autem Spiritus Sanctus in renatis est principium fidei, eō ipsō quoque est principium charitatis; nam *fides per charitatem est efficax*, efficaciter agens; Gal. V. 6. charitatem autem sequuntur reliquarum virtutum Christianarum opera, quæ sicuti sunt *fructus fidei*, ita & Spiritus Gal. V. 22. Conf. Tit. III. 8. II. Petr. I. 5.

XXV. Atque hæc opera, sicuti ex fide, meritō Christi nixa, in virtute supernaturalis gratiæ fluunt, ita & Deo placent, & ad finem supernaturalem ordinantur. Unde & quicquid imperfectionis ipsis adhæret, meritō Christi tegitur & *fide corda nostra purificantur*, Actor. xv. 9.

XXVI. Ex hoc defectu opera infidelium, irrogenitorum & hypocritarum, etiam si speciem bonitatis præ se ferant, spirituales tamen operationes non sunt, cum vitam spiritualem non supponant, adeoque nec habent istam perfectionem, quam lex requirit, nec imperfectioni eorum subvenit *meritum Christi, conscientias hominum aliàs purgans*, Hebr. IX. 14. adeoque nec Deo peculiariter, & ut auctori gratiæ, placere, Rom. X. 14. Psal.

CIX. 7. Esa. I. 11. seqq. nec in finem supernaturalem referri possunt.

PRINCIPIIS NATURALIBUS ACTIONUM HOMINIS RENATI, ET ARVNDENIQUE DIFFERENTIIS.

§. I.

Actiones hominis renati indigent quidem Spiritus Sancti gratia, & facultatibus tamen homini propriis simul dependent, & quidem ita, ut non partem gratia, partem liberum arbitrium: sed totum singula opere individuò peragant: totum quidem hoc, & totum illa: sed ut totum in illo, sic totum ex illa. Bernhatd. de Grat. & Lib. Arbitr.

II. Gratia itaque Spiritus Sancti tanquam principium actionum renat supernaturalis, & facultates hominis propriæ, tanquam principia naturalia & vitalia, ad unum eundemque effectum producendum sibi subordinantur, qui proinde in utrumque principium est resolvendus.

III. Inter actiones hominis aliæ sunt internæ & elicite, aliæ externæ & imperatæ. Atque externæ quidem actiones hominum iudicio sunt expositæ, inque foro externo agentis possunt imputari, internæ autem actiones ab eo demum judicantur, qui est *καρδιουργός*, Pl. VII. 10. CXXXIX. 2. Jerem. XVII. 10. Actor. XV. 8. Deus enim est *Deus scientiarum*, I. Sam. II. 3. inque ejus foro, quod & internum est, actus interni possunt imputari, Rom. II. 15. 16. Zach. II. 17. utut eorum aliqui renatis actu ipso non imputentur.

IV. Actionum externarum aliæ sunt indifferentes, quæ morali ratione agentis non imputantur, aliæ moraliter bonæ, aliæ moraliter malæ. Utriusque generis actiones morali ratione imputantur, atque illæ quidem laudantur & præmiò dignæ esse censentur, hæ verò vituperiò afficiuntur, & poenæ reatum secum trahunt tam in foro divino & interno, quam in foro humano & externo, siue illud sit privatum, siue civile, siue ecclesiasticum.

V. Quæ fora sicuti diversa sunt, ita non repugnat, unam eandemque actionem in diversis illis foris agentis imputari, v.g. à magistratu civili, ab Ecclesia, simul etiam à Deo. Pariter si actio satisfactionem, læso præstandam, requirat, *satisfactio uni præstata non præjudicat aliis, quin ipsi quoque sibi debitam exigant*. Vid. B. G. Calixti Respons. alter. ad Ernest. Hass. Landgr. p. 125.

VI. Cum ergò homo renatus actiones externas earumque omissiones ita faciat suas, ut easdem sibi imputari patiatur, imò in foro divino de iisdem rationes reddere teneatur, Rom. XIV. 12. Matth. XII. 36, non pote-

runt non illæ à voluntate ipsius, quâcunque etiam ratione id fiat, dependere; & quandoquidem voluntas sequitur intellectum ejusque actum, hunc quoque pariter supponent.

VII. Voluntas itaque & intellectus hominis, tanquam facultates ipsius propriæ ac naturales, sunt principia QUIBUS actionum ejusdem, VI. Ethic. II. §. 1. 2. illa quidem proximum, hic verò remotum: quandoquidem voluntas nihil appetit aut eligit, nisi quod ab intellectu fuit cognitum.

IX. Intellectus affectio in ordine ad actiones bonas est veritas, ne errore aliquod vel falsitate depravetur; voluntatis verò affectio est bonitas & congruentia cum intellectu vero, ut hoc pacto actionum qualitas à principii qualitate non sit diversa. Oppositio modò res sese habet, quando actio est mala.

IX. Accommodare huc licebit verba Servatoris Matth. VI. 22. 23. Luc. XI. 34. 35. *Si oculus tuus simplex* (nullâ qualitate pravâ imbutus, sed clarus ac lucidus) *fuerit, totum corpus tuum lucidum erit. Quod si oculus tuus malus fuerit, totum corpus tuum tenebrosus erit. Ergò si lumen, quod in te est, tenebrae sunt, ipsae tenebrae quanta? Considera ergò num lumen, quod in te est, tenebrae sint?*

X. Utut verò voluntas supponat intellectum & cum ejusdem actu congruentiam, intellectus tamen cognitio voluntatis libertatem & indifferentiam non tollit; quamvis, si intellectus falsus sit, voluntas non faciliè in expeditionem boni feratur. Vid. VI. Eth. II. §. 5. 9.

XI. Intellectus interim & voluntas, prout sunt facultates, sunt quidem proxima & immediata actionum elicitarum, externarum verò & imperatarum actionum remota principia: siquidem actiones externæ & imperatae proximè pendent ab actibus dictarum facultatum internis, adeò quidem, ut pro harum diversitate illæ quoque suam fortiantur differentiam.

XII. Etenim si actio non quidem casu fit & per accidens, sed cum moralitate est conjuncta, supponet illa in intellectu aliquam *cognitionem & scientiam*, vel etiam *deliberationem*; in voluntate verò vel *expeditionem*, vel in super etiam *electionem & proæresin*.

XIII. Inde quadruplex actionum humanarum oritur differentia. Sunt enim vel Spontaneæ, vel Deliberatae, vel Voluntariæ, vel Proæreticæ.

XIV. Actio Spontanea & Voluntaria *ἑκούσιων* eadem sunt, differunt autem *τῷ λόγῳ* & ratione principii. Quod si enim actio spectetur, prout à scientia intellectus pendet, est *spontanea*, & quidem nunc magis, nunc minus talis, prout scientia & cognitio nunc est distincta & perfecta, nunc confusa & minus perfecta, nunc plena, nunc semi-plena. Quod si actio refertur ad voluntatis expeditionem, dicitur *volita* aut *voluntaria*.

XV. Pariter actio deliberata & proæretica non aliter, nisi τὸ λόγῳ, distinguuntur. Prout enim illa est à consultatione, eâque vel plenâ, vel non plena, pro ratione horum graduûm est *deliberata*; prout verò ea est ex ejusmodi voluntatis expetitione, quam immediate antegressa fuit intellectûs consultatio, est *proæretica*.

XVI. Actio deliberata & proæretica æquè latè patent, *sponte tamen factum latius patet, quàm τὸ παρὰ τὸν λόγον*. III. Ethic. II. §. 4. 24.

XVII. In principia memorata non solum bonæ renatorum, sed & malæ irrogenitorum actiones resolvuntur: siquidem proæresis & virtuti & vitio est communis, ast in ordine ad illam est bona, in ordine ad hoc mala. Pro diversitate itaque principiorum actiones ipsæ discrepant, imò & ipsarum imputatio variat.

XIIX. Ad spontaneam actionem requiritur 1. ut principium ejus (nempe voluntas) sit in agente. 2. ut agens non ignoret τὸ ἐκαστὸν, in quibus actio versatur, h. e. ut circumstantias habeat cognititas. III. Ethic. I. §. 51. Si cognitionem illam excipit deliberatio, actio ex ea suscepta est proæretica.

XIX. Principium autem agendi non solum est in agente, quando directè, sed & quando indirectè aliquid vult; quando vel per se aliquid expetit atque ex illa intentione operatur, vel quando per alios tale quid conatur. Vid. 1. Tim. V. 22. II. Joh. 11. Qua de re videri potest Thomas 2. 2dæ Quæst. LXVI. Artic. VII. Est & voluntarium aliud voluntate plenâ, aliud voluntate non plenâ; aliud formaliter, aliud voluntate præsumtâ. Est & voluntarium aliquid voluntate eorum, in quos id juris Deus, natura, vel lex transtulerunt; quæ voluntas dicitur *interpretativa*. Circumstantiæ dicuntur esse 1. *Quis*. 2. *Quid*. 3. *Circa quid*. 4. *Ubi*. 5. *Quando*. 6. *Quò* sive quibus auxiliis. 7. *Cujus rei gratiâ*. 8. *Quomodo*. Quò refertur 9. *Quoties*. Vid. III. Eth. I. §. 44.

XX. Circumstantiarum istiusmodi aliquæ sunt principales, aliquæ minus principales. Interdum ad actionem sese habent indifferenter, interdum actionem aggravant aut elevant, interdum etiam ipsam facti speciem mutant. Nonnunquam etiam plures in uno facto concurrere possunt.

XXI. Actioni spontaneæ non solum, sed & reliquis actionum moralium speciebus opponitur actio invita. Quæ enim actio τὸ ἐκ τῶν ὁρῶν excludit, illa neque cum deliberatione, neque cum proæresi conjuncta esse potest.

XXII. Actio invita talis est vel *per vim*, vel *per ignorantiam*. Non omnis autem ignorantia actionem reddit invitam, certè hoc non facit ignorantia juris, præsertim si sit vincibilis, aut supina atque affectata, sed tantum ignorantia facti, & quidem invincibilis, si non in se, saltè in sua causa. Ideoque non tam οἱ ἀγνοῦντες, quàm οἱ δι' ἀγνοίαν πρᾶττοντες inviti agunt.

III. Ethic. I. §. 36. 37. cap. V. §. 18. Porro etiam ignorantia, quæ actionem reddit invitam, debet esse *ἄλυστον*: quod si enim sit *ἄλυστον*, actionem reddet tantum non spontaneam. III. Eth. I. §. 32. 33. 34. 35.

XXIII. Dolor ille ac poenitentia, si seria sit, & cum fide conjuncta, in foro Dei conditio est, à qua remissio peccatorum est suspensa: facit enim peccata moraliter infecta, ut non imputentur, & Deus, peccatō offensus, alienam satisfactionem ex gratia accipiat pro nostra.

XXIV. Inter actiones spontaneas & invitas mediæ videntur esse mixta, quæ si in se spectentur, ad invitas, sin cum circumstantiis suis considerentur, ad spontaneas propius accedunt. III. Eth. I. §. 25. 26. In iis autem rectè versari, res est nonnullius difficultatis. I. c. §. 21. 22.

XXV. Renati hoc agunt, ut, quæ sibi agenda incumbunt, secundum scientiam voluntatis Domini sponte agant: *Probant enim, quæ sit voluntas Dei, bona illa, accepta, atque perfecta*, Rom. XII. 2. *impleti omni cognitione voluntatis Domini cum omni intelligentia & sapientia spirituali, incedentes sicuti Dominò dignum est*. Col. I. 9. 10. II. Ephes. V. 17. I. Thessal. IV. 2. & hujus suæ scientiæ certi sunt. Rom. XIV. 5.

XXVI. Hinc, ut exemplum afferamus, hilarem datorem, qui non ex tristitia aut necessitate, sive invitus & coactus, sed sponte largitur, *diligit Deus*. II. Cor. IX. 7. Rom. XII. 8. Ecclesiastic. XXXV. 11. Et Ministris Ecclesiæ incumbit, ut officium faciant *non coactè, sed sponte & libenter, non turpiter affectantes lucrum, sed promò animò*. I. Petr. V. 2.

XXVII. Peccare verò *οὐ μὴ καὶ φάλη* Num. XV. 30. renati *animum nunquam inducunt suum, neque mandata Domini spernunt*, Tob. IV. 6. I. Joh. III. 6. 8. 9. neque exemplò Josephi Genes. XXXIX. 9. blanditiis se inescari, neque vi aut minis eò se adigi patiuntur, ut in malum consentiant, rati *Deo magis obediendum, quàm hominibus*. Actor. IV. 19. Qui verò *ex Deo nati non sunt*, sponte peccare amant.

XXVIII. Gentiles, saltem moratiores, ignorantia, in qua hærent, non quidem ab omni culpa liberat, poenæ tamen gradus minuit. Luc. XII. 47. 48.

XXIX. Quando ignorantia est facti, simul etiam in se, licet non in sua causa invincibilis, de venia & non-imputatione facti poenitenti non est desperandum. I. Tim. I. 13. Actor. III. 17. Luc. XXIII. 34. Quod verò boni faciunt non-renati nec scientes, nec volentes, id ipsis, ut bonum, in laudem non imputatur; ceu circa Bileamum ex Num. XXII. 5. 8. 9. 12. 20. & Caipham ex Joh. XI. 51. XIX. 14. apparet.

DISPUTATIO THEOLOGICA DECIMA QUINTA,
DE
CONSCIENTIA.

§. I.

Scientia practica, quam homo renatus in suis actionibus sequitur, actionibus rectè est applicanda. *Quamvis enim lex natura & divina actionum nostrarum omnium norma sit, non potest tamen officio suo fungi, nisi cognoscatur, & post factam cognitionem operi faciundo applicetur;* inquit B. G. Calixtus Theol. Mor. p. 18.

II. *Applicatio ista scientia ad actum quando fit, oritur aliquod iudicium, & quidem tale, quod cum directione & dictamine quodam est conjunctum. Quæ scientia facto accommodata cum dictamine conjuncta Conscientia solet appellari. Vid. Thomas 1. 2dæ Quæst. xix. Art. V. in corp. & part. I. Quæst. LXXI. Artic. XIII. in corp.*

III. Conscientia hæc est actus aliquis, in specie iudicium ἐν τῇ διανοίᾳ formatum, per quod, si actionem antecedit, concluditur, quid faciendum sit, vel non faciendum; ac proinde dictamen sibi habet conjunctum, quod ex principiis practicis facto applicatis oritur; sin actiones sequitur; per illud determinatur, benè an secus aliquid fuerit factum.

IV. Atque hinc Conscientia est vel antecedens, vel consequens. Utraque quidem est norma, sed illa faciendorum, hæc factorum. Utraque etiam est iudicium practicum, quia est de faciendis vel omittendis, non alienis, sed nostris, non in genere, sed cum suis circumstantiis spectatis.

V. Hoc iudicium est vel Syllogismus practicus, vel nititur Syllogismo practico, cujus Major est principium aliquod practicum, idque vel primum, vel ex primo deductum. Cujusmodi principia complectitur συντήρησις, τὸ κατὰ φύσιν, διὰ τὰ κατὰ τῶν ποιητῶν ἀναγκαινόμενον, juxta Basilium M. in princ. Proverb. Eò pertinent quoque Leges cum naturæ, tum positivæ divinæ, imò & leges positivæ humanæ ac civiles, in quas vis obligandi ex ordinatione & lege divina fuit derivata.

VI. Hujusmodi principio si συνέδησις opus aliquod proprium vel in actum deducendum, vel jam tùm perpetratum, cum suis circumstantiis jungat, Syllogismus πραγμάτων suas poterit habere, è quibus facile συμπεράσμα deducitur.

VII. Conclusio verò ista, si intrepidà mente & absque hæsitacione inferatur, determinat, an aliquid rectè sit perpetratum, an minùs; vel singula-

rem actionem, quæ adhuc in nostra potestate est, pro ratione circumstantiarum, quibus circumsepta est, præcipit aut prohibet, suadet aut dissuadet.

II. X. Conscientia itaque *consequens* est norma, ad quam actiones perpetratae faciliè se patiuntur examinari; & benè cum eo agitur, cui *testimonium propriæ conscientia*, *συνειδήσεως*, est *gloriatio*, II. Cor. I. 12. ita ut actiones suas ad legem Dei & principia practica examinans nullam earum inveniatur, quæ sub lege prohibente possit subsumi, aut ad legem jubentem non quadret. Conf. Rom. IX. 1.

IX. Sicuti verò *piorum conscientia magnum est gaudium*, ita *conscientia impiorum magna pœna est*; dicente Anselmò in Epist. ad Corinth. Nemo enim seipsum effugere potest, & si te non damnat publica fama, condemnat autem conscientia, nulla pœna gravior est conscientia. ... Conscientia rea semper in pœna est, reus autem animus nunquam securus est, mala mens multis percutitur stimulis. Mid. Hispal. de contemptu mundi p.m. 230. Soliloq. libr. II. cap. XI. libr. III. Sent. cap. xxx. Conf. Chrysost. Homil. XVII. in Genes.

X. Malam hujusmodi conscientiam in Scribis & Phariseis notat S. Johannes cap. IIX. 9. *Auditis his*, & *ἡ τὸ ἴ συνειδήσεως ἐλεγχόμενοι*, & arguente ipsos conscientia unus post alium, adeoque ad unum omnes, exierunt.

XI. Conscientia verò *antecedens* non solum est norma, ad quam agenda & fugienda conferri debent, verum etiam quò ipsò est iudicium juxta legem Dei dictitans, quid hîc & nunc nobis agendum sit, est quoque principium actiones nostras dirigens.

XII. Dictatus iste conscientia habet sese vel per modum præcepti, quò aliquid jubetur aut prohibetur, vel per modum consilii actum aliquem suadentis aut dissuadentis.

XIII. Omne autem præceptum & omne consilium, modò verè sit tale, obligationem inducit, quamvis diversâ ratione. Atque ita etiam conscientia dictatus obligationem secum trahunt.

XIV. Quæ verò obligatio est à Conscientia, in Deum, *unum illum legislatorem*, qui & *servare & perdere potest*; Jacob. IV. 12. ultimò est resolvenda; utpote qui sicuti solus *scrutatur cor & probat reus*, Psal. VII. 10. Jer. XVII. 10. Apoc. II. 19. solus *novit omnia*, ea etiam, quæ in corde latent, I. Joh. III. 20. I. Reg. II. 39. *intelligit & judicat actiones internas ac cogitationes hominum* longè antè, Psal. CXXXIX. 2. ita & solus cogitationes & conscientias hominum lege constringere & dirigere potest. Vid. Sanderfon. de Consc. p. 51. & 147. seqq.

XV. Dictamen itaque Conscientia nescitur lege aliquâ Dei, sive naturalis ea sit, sive positiva. Et hujusmodi lex in illo dictamine sese habet tan-

tanquam principium. Atque ita sicuti lex à Deo suam auctoritatem habet, ita & à Deo est obligatio illa, quam dictamen Conscientiæ inducit.

XVI. Ex lege Dei etiam in leges positivas civiles vis aliqua obligandi derivatur. Rom. XIII. 1. 2. I. Petr. II. 13. sqq. Unde & his non solum vim *cogendi*, sed & vim *dirigendi* tribuere solemus. Ex lege itaque positiva civili potest quoque aliqua obligatio conscientiæ oriri, licet aliter leges naturæ & divinæ, aliter leges humanæ & civiles obligent.

XVII. Porro obligatio in conscientia, ex lege originem sumens, interdum est generalis & mediata, interdum specialis & immediata, atque hæc rursus vel absoluta, vel ex hypothefi.

XIX. Id verò obligat in conscientia, cujus observatio securos nos reddit, voluntatem Dei impletum iri, adeoque nos in grãtia Dei manere, si hoc vel illud, hîc & nunc, egerimus, vel omiserimus; contra cujus transgressio ipsum internum cordis nostri sensum ita lædit, ut quis propriò iudicio convincatur, se peccaturum & poenas promeriturum esse, si hoc vel illud hîc aut nunc fecerit, aut omiserit. Priori modò *secura* & *tranquilla reddi* dicuntur *corda nostra coram Deo*; posteriori autem modò *eor nostrum nos condemnare* dicitur I. Joh. III. 19. 20. 21. Atque ab hoc iudicio *Conscientia* Chrysostomo Homil. XVII. in Genes. appellatur *Judex incorruptus*.

XIX. Obligatur igitur homo in Conscientia, quando sub culpa morali & mortali, adeoque sub metu offensionis & iræ Dei ad aliquid agendum vel omittendum obstringitur. Quò pactò leges divinæ directè obligant. Leges autem civiles quamvis eos, quibus latæ sunt, directè sub culpa & pœna civili, & sub metu offensionis hominum, unde pudor, vel ignominia oriri potest, tantum obligent, indirectè tamen etiam in foro divino ad culpam obligant, præsertim si legibus naturæ & divinis non repugnent, sed ad eas se examinari patiantur.

XX. Utramque obligationem exprimit Apostolus, Actor. XXIV. 16. de se testatus, quòd *in hoc se exercuerit, ut haberet συνείδησιν ἀμερόσκοπον*, conscientiam sine offendiculo non solum apud Deum, verum etiam apud homines semper.

XXI. Facile itaque patet, actiones illas hominis, quæ conscientiæ ipsius adversantur, in foro divino & interno peccatis esse accensendas, nec immeritò Deum ab homine in statum gratiæ & regenerationis veniente stipulari, ne ex quo voluntatem & legem divinam iusta præcipientem & iniusta prohibentem cognovit, adversus dictamen conscientiæ *γυμνῇ κα- Φαλῇ*, sive elatà manu sese opponat aut quicquam committat.

XXII. Cum etiam Baptismus, *lavacrum illud regenerationis ac renovationis Spiritus Sancti*, Tit. III. 5. ejusmodi sit actio, quâ pactum illud Dei solenniter sancitur & stabilitur, non immerito ille *συνειδήσεως ἀγαθῆς ἐπαρώτημα ἐστὶν Θεοῦ*, stipulatio bona Conscientia erga Deum, appellatur. I. Petr. III. 21. Quod pariter ad professionem symboli, tanquam pacti cum Deo initi indicem, tesseram ac significationem extendit Petrus Chrysologus Serm. II. & III. in Symb. Apostol.

XXIII. Conditionem itaque accipit homo renatus, sanctè in se recipiens, bonam & illibatam ubique se servaturum esse conscientiam & à *carnis cupiditatibus ac peccatis adversus animam* & conscientiam militantibus I. Petr. II. II. liberè & consultò committendis abstinere velle, eâ fiduciâ nixus, se quotidianæ incursionis peccatorum remissionem in paterno Dei favore ob Christi meritum tantò facilius esse inventurum.

XXIV. Sic ergò Conscientia est principium, actiones renatorum dirigens, dictamen sibi adjunctum habens. Judicium autem Conscientiæ nunc est *decisivum*, nunc deficientibus rationibus aut dubiorum emergente difficultate *suspensivum*.

XXV. Quando judicium Conscientiæ rem determinat, & quidem rectè, ex propriis, veris ac necessariis principiis, Conscientia est *recta* cum certitudine; sin sequitur falsa principia, aut factum malè ad principium applicat, Conscientia est *erronea*. Si denique judicium Conscientiæ ex *ἔνδεξι* pendet, ea fit *Probabilis*, quæ tamen non sine omni est rectitudine, nisi principium falsum assumatur ut *ἔνδεξον*: hoc enim si fit, erroneæ conscientiæ indolem sequitur.

XXVI. Isto pacto species Conscientiæ ex Syllogismorum differentia possunt declarari. Quod si judicium practicum ob emergentes dubitationes suspenditur, Conscientia est *Dubia*; sin illud fit ob quandam anxietatem, est *Scrupulosa*.

XXVII. In judicio Conscientiæ Major est juris, Minor facti. Facta verò cum testimoniis quàm maximè nitantur, non ineptè Conscientia *recta* & cum certitudine conjuncta testi *vero*, imò *oculato*, erronea *falso*, probabilis *testi de auditu*, dubia *nescienti*, scrupulosa *varianti* comparatur.

XXVIII. Quantum verò bonum est, *gratiâ constabili cor* (conscientiam,) Hebr. XIII. 9. tantopere orandum est, ut Deum & Pater noster, & Dominus noster Jesus Christus per Spiritum Sanctum *vias nostras dirigat, & corda nostra* (conscientias nostras) *stabiliat in sanctimonia coram Deo & Patre nostro in adventum Domini nostri Jesu Christi cum omnibus sanctis ejus*. I. Thess. III. II. 13.

SPECIEBUS CONSCIENTIÆ.

§. I.

Conscientia *de recta*, præsertim si certa sit, *ἀπόρως*, de *probabili* & *erronea* *δευτέρως* dicitur: *dubia* verò & *scrupulosa* conscientia sunt *ἠμω-
νισμῶς* tales; quandoquidem illa ob dubitationes nihil determinat,
hæc verò quamvis in aliquem actum inclinet, scrupulum tamen &
dubitationem ex altera parte persentiscit.

II. *Recta* Conscientia, quæ simul certa est, judicat, quid secundum le-
gem Dei agendum sit, vel omittendum, atque ad hoc, quod rectò istò ju-
diciò determinat, obligationem inducit. Actus ejus sunt: jubere, vetare,
suadere, dissuadere.

III. 1. Si Conscientia recta aliquid ut bonum ac simpliciter necessari-
um jubet, ad id faciendum homo omninò se obligatum esse noverit; sicuti
2. si conscientia recta aliquid tanquam malum prohibet, ad id omittendum
homo est obligatus; præsertim si sui sit juris.

IV. Etenim si quis alterius imperio subsit, is tantummodò cavebit, si
secundum præscriptum conscientia rectæ agere integrum sibi non est, ne
contra illam conscientiam agat. Magis enim obligat lex Dei, quàm recta
conscientia nititur, quàm ulla alia lex humana. Actor. IV. 18.

V. 3. Si conscientia recta saltem suadet aliquid, id ipsum, quod suade-
tur, non temerè est alpernandum. Eadem est ratio, cum 4. conscientia re-
cta aliquid dissuadet.

VI. Ubi tamen simul attendendum, num id, quod conscientia recta
suadet, aut dissuadet, nostri sit arbitrii, an verò jussu superioris agatur aut
omittatur.

VII. *Erronea* Conscientia judicium practicum instituit ex principio
aliquo falso, vel malè intellecto, aut perperam applicato.

IX. Supponit itaque illa errorem, ex quadam ignorantia ortum tra-
hentem, qui committi potest vel ex defectu scientiæ in ipso jure, vel ex de-
fectu experienciæ in facto, vel denique ex defectu prudentiæ in facti appli-
catione ad jus.

IX. Ratione objecti error est vel circa rem per se bonam, vel circa rem
per se malam, vel denique circa rem indifferentem. Ratione subjecti autem
error est vel vincibilis, vel invincibilis, idque si non absolute, saltem mora-

liter & secundum quid, intuitu nimirum certi alicujus hominis, & conditionis, in qua ille est positus.

X. Quibus suppositis dicendum. Si conscientiae erroneum judicium est circa rem in genere morum ex se bonam vel malam, & error iste est vincibilis, non solum peccat is, qui secundum illam conscientiam agit, quia agit, quod *avopov* est, nec errorem, in quo hæret, deponit aut corrigit, cum tamen eundem possit deponere, & ad eundem deponendum non quidem per hanc conscientiam, attamen aliunde obligatus sit; verum etiam peccat, qui contra eandem agit, quia obligationem, quæ per firmum conscientiae judicium inducitur, insuper habet, & cum intentione legi divinæ repugnandi actum suscipit; atque adeo non quidem *malum*, attamen *malè* agit.

XI. Quod si igitur contigat, ignorantiam legis in renato gignere errorem aliquem, ea tamen ignorantia non negativè se habet, nec absolute est insuperabilis, sed tantum secundum quid, nec habitualem, sed tantum actuale scientiam excludit, suosque gradus habere potest. Quando autem quis errorem illum in agendo sequitur, statum regenerationis non servat, sed potius *hic peccat, cum quia malum agit*, aut saltem *malè, tum quia errorem, peccati sui causam, quem deponere poterat ac debebat, non deponit, aut deponere laborat*; inquit B. G. Calixtus Theol. Moral. p. 31.

XII. Quamvis verò tam is, qui secundum conscientiam erroneam, quam qui contra eandem agit, peccet, nihilominus interdum pro re nata gravius est peccatum, agere contra conscientiam erroneam, quam secundum eandem; interdum verò magis delinquit, qui secundum conscientiam erroneam, quam qui contra eandem agit.

XIII. Hominis, erroneam conscientiam habentis, conditio valde est periculosa, cum licet non absolutà, attamen hypotheticà necessitate peccato constringatur. *Positio nempe errore vel ignorantia, hoc est, ex hypothesis, & quamdiu ea hypothesis, erroris puta & ignorantia, durat, non potest non peccare*. B. G. Calixtus, l. c. p. 29.

XIV. Interim si ponamus, hominis errorem, quem conscientiae judicium sequitur, esse invincibilem, ex simili ignorantia ortum, tunc 2. istantum peccaverit, qui contra suam istam conscientiam egerit, non verò qui juxta eandem actionem suscepit.

XV. 3. Si error Conscientiae est circa rem indifferentem, tum peccat quidem is, qui contra conscientiam actum suscipit, non verò, qui juxta eandem actum, prout ejus judicio conclusum erat, intermittit. Quò pertinet illud Rom. XIV. 14. *Ei, qui reputat aliquid esse impurum, id ei impurum est.*

XVI. 4. In genere, quicumque contra conscientiam erroneam agit, quem-

quemcunque etiam errorem erret, quacunq; in re, is graviter peccat.

XVII. *Probabilis* Conscientia, quæ & *Opinativa* dici solet, ejusmodi est judicium practicum, quod sicuti nititur principiis *ἐνδοξαῖς* ἢ *Φαινόμενοις*, ita non absolutam certitudinem & immotum assensum gignit aut imperat, sed tantummodò *τὴν δόξαν*, sive ejusmodi cognitionem & assensum, qui cum formidine oppositi conjunctus est, parit.

XIX. *Ἐνδοξα* illa, ut talia, ex se neque vera sunt, neque falsa : quandoquidem veritas & falsitas re ipsâ, tanquam mensurâ suâ dijudicatur, ἢ *ἐνδοξῶν* autem mensura est intellectus, eaq; hominum opinione æstimantur. Unde fieri potest, ut id, quod *ἐνδοξον* aliâs aut *Φαινόμενον* est, in se sit falsum, nec non *ᾧ δόξον* in se sit verum. Quod si observetur, facillè apparebit, Probabilem Conscientiam nunc rectæ, nunc erroneæ assimilari.

XIX. Inter *ταῖς ἐνδοξα* alia sunt magis, alia minus talia. Nonnulla præbent rationes conclusioni inferendæ, suntq; hoc pacto *εὐλογα*, vel rationibus non quidem certis ac necessariis, non tamen omnino nullis nituntur ; nonnulla verò idèd *ἐνδοξα* sunt, quod viris scientiæ & autoritate præstantibus probentur. *Rationes verò ponderare propriè est hominis docti ; autoritatibus moveri hominis illiterati.* B. G. Calixtus l.c. p. 27.

XX. Nihil autem aliud respiciunt *ταῖς ἐνδοξα*, quàm opinionem. Hæc verò est cognitio tenuior cum formidine quidem oppositi, attamen non statim simul cum hæsitazione ac dubitatione quadam conjuncta.

XXI. Pro ratione principiorum opinio nunc magis, nunc minus probabilis, *εὐλογα*, esse potest, prout vel melioribus & firmitioribus, vel etiam pluribus, vel paucioribus & infirmioribus rationibus nititur.

XXII. Inter opiniones porro alia est tutior, alia minus tuta. Illa minori peccandi periculo est exposita, hæc majori.

XXIII. Ut determinari possit, quomodo quis probabilem conscientiam habens se gerere debeat, etiam attendendum, in quantum quis sui sit juris, atque arbitrii, in quantum verò alii sit obnoxius ; nec non an res majoris, an levioris sit momenti.

XXIV. Atque ita rectè se gerit, qui secundum conscientiam probabilem agit ; malè autem, qui contra eandem agit. 2. Si opinionum in re alijus momenti circa facti honestatem vel turpitudinem inæqualis est probabilitas, sequenda est pars probabilior. 3. Si ab utraque parte tam affirmante, quàm negante æqualis est probabilitas, perinde quidem est, quàm in agendo sequaris, modò pars tutior minus tutæ præferatur. 4. Secundum opinionem tamen, quàm quis improbat, non est agendum. 5. Non facillè quis sibi debet fidere, sed prudentiores in consilium sunt adhibendi. 6. Opiniones de agendis, quantum fieri potest, ad Scripturam sunt exigendæ. Sicut &

& 7. in iis, quæ ad salutem pertinent, in nuda opinione non est acquiescendum, sed firma fides verbò Dei nixa requiritur. 8. Quando Conscientia potest esse certa, in probabilitate non est subsistendum.

XXV. *Pestilens* igitur & abominanda, à Pontificibus etiam Alexandro VII. & Innocentio XI. damnata, est nonnullorum Jesuitarum doctrina, quæ perhibent, probabilem sententiam, quamvis falsam & legi divinæ contrariam, à peccato coram Deo absolvere. Item: è duabus contrariis opinionibus minus probabilem ac minus tutam amplecti licere. Nec non: Infidelem non credentem opinione etiam minus probabili ductum, uniusque saltem Doctoris, quamvis hic rationibus destituatur, auctoritate nitentem, ab infidelitate absolvi. Quas & similes Stübrockii ac sequacium sententias sub examen vocârunt Montaltius, Wendrockius, Hiacythus Parpera, Samuel Rachelius. Vid. Puffend. de J. N. & G. libr. I. cap. III. §. 5. 6. qui monet, ab huiusmodi hominibus male confundi probabilitatem facti cum probabilitate juris.

XXVI. *Dubia* Conscientia iudiciò suo nihil determinat, sed vel defectu mediæ assentiendi aut dissentendi, vel ex mediòrum pro utraque contradictionis parte æqualitate in ambiguo hæret, an operatio suscipi, an verò suspendi debeat, idque sive quoad specificationem, sive quoad exercitium.

XXVII. *Dubium*, quod animum in diversa trahit, est vel theoreticè, vel practicè practicum, idque partim juris, partim facti, cuiusmodi dubia *Casus Conscientiæ* appellantur.

XXIIIX. 1. Quicumque autem dubiâ conscientiâ agit, peccat, tum quia peccandi periculo se exponit, tum quia peccatum non averfatur. Vid. Rom. XIV. 22. 23. Obnoxius autem 2. fit illi peccato, cuius periculo se exponit. Ideoque 3. sicut errorem, ita & dubitationem deponi oportet. Rom. XIV. 5.

XXIX. 4. Qui in universali quidem dubitat de actione, in singulari verò de ea vel certus est, vel probabilem habet opinionem, quòd bona sit, secundum illam scientiam agendo non peccat. Sin 5. in particulari sit dubius, tamdiu agere desinat, donec dubitationem deposuerit, vel eligat partem tutiorem, si sui est juris, vel sequatur arbitrium ejus, cui subjectus est.

XXX. *Scrupulosa* Conscientia practicè quidem iudicat, licitum aliquid esse, de quo tamen, an sit licitum, nec ne, speculative dubitat, idque ob timiditatem & anxietatem quandam ex levi vel etiam nulla ratione inje-
ctam. Id quod *Scrupulum* vocamus.

XXXI. Inprimis operam dare oportet, ne scrupulus animo injiciatur; sin qualicumque ratione injectus fuerit, hoc agendum, ut vel nostrâ, vel aliorum ope eximatur; sin ratione nitatur nullâ, aut superstitione sustentetur, erit insuper habendus.

LEGE DEI ÆTERNA, NEC NON LEGE NATURÆ.

§. I.

UT renati conscientiam suam καλήν, Hebr. XIII. 18. ἀγαθὴν, I. Tim. I. 19. καὶ ἁγὰρον, I. Tim. III. 9. ἀπεργασιοποιον, Act. xxiv. 16. conservare, atque ubique circumferre, inq̃, *eius testimonio gloriationem suam* quærere possint, II. Cor. I. 12. necessum est, propriò judiciò eosdem confirmari, singulares actiones à se sive suscipiendas, sive olim susceptas lege Dei, si non immediatè, saltem mediatè niti, eidemq̃ue esse conformes.

II. Legis itaque non solum est, obligare ad agendum, verum etiam dirigere hominum actiones, ut juxta eam, tanquam normam, instituantur. Unde H. Grotius libr. I. de J. B. & P. cap. I. §. X. n. I. *legem vocat regulam actionum moralium obligantem ad id, quod rectum est.*

III. Sicuti autem quicquid est legum honesta præcipientium, turpia autem prohibentium, in legem naturæ, ita hæc in *æternam Dei legem*, tanquam in principium suum, solet resolvi.

IV. Est verò *Lex Dei æterna* à parte rei ipsum providentiæ divinæ decretum de rebus condendis, aut conditis partim conservandis, partim gubernandis inque fines suos dirigendis. Juxta quam legem si res conditæ actu conservantur & gubernantur, fit illud per *actualem providentiam* divinam.

V. Gubernantur quidem à Deo quoque secundum providentiam ipsius agentia naturalia & quæ cognitione destituuntur, dum singula secundum *ὁρμὴν* sibi inditam in suos fines diriguntur, inque eos tam eleganti ratione feruntur, ut Hippocrates apud Galenum libr. ix. de decret. Hippocr. rectè dixerit: *Natura erudita est, & arte ac jussu omnia peragit, finem suum videlicet semper* & in omnibus ita *quærens* ac *inveniens*, I. de Gener. Anim. I. ut *opus naturæ sit etiam opus intelligentiæ* supremæ non errantis; attamen lex æternæ ratione naturæ intellectu destitutæ legis propriæ & strictè dictæ rationem non habet, sed tantum respectu agentium intellectualium & liberâ voluntate præditorum, quippe quæ sola liberè parere, ac proinde etiam peccato se constringere possunt. Vid. Cicer. II. de LL. init.

VI. Creaturæ verò intelligenti, in specie homini, legis æternæ ratio hòc ipsò innotescit, dum intellectum accepit, cujus beneficiò honesta & humanæ dignitatì consentanea à turpibus discernere, & obligationem animadver-

nimadvertere potest, simul etiam voluntatem nacta est, secundum quam liberè feratur in id, ad quod iudiciò intellectus se obligari agnovit.

VII. Ex hac itaque æternæ legis ratione, interveniente lumine naturæ, apud homines manifesta fit *lex naturæ*, quæ quasi radius est, aut rivus ex lege Dei æterna, tanquam ex fonte suo, dimanans, cujus *legis opus scriptum* quidem *est in cordibus hominum*, Rom. II. 15. ejus tamen notitia non est ἐμφυλτος, sed in omnibus, ex quo ratione utentes bonum à malo discernere, adeoque actiones suas lege dirigi agnoscere incipiunt, φημι.

II. X. Lex naturæ juxta Aristotelem V. Eth. VII. §. 2. ita se habet, *ut ubique gentium eandem vim obtineat*. Id quod de vi obligandi est accipiendum. Quod si enim vel unus atque alter, vel etiam integræ gentes, non solum barbaræ, sed & cetera moratiores, quibusdam actibus eidem contrarientur, per hæc tamen *monstra*, per quæ juxta Plutarchum *naturæ convitium* fit, vis obligandi ejusdem non solvitur.

IX. 2. Lex naturæ vim suam non habet, quod ita aliquid decretum sit, vel non decretum; atque ita non ex voluntate demum, sed ex intrinseca rei natura & cum natura rationali ac sociali, imò convenientia cum bonitate & sanctitate divina obligationem sortitur.

X. Quamvis verò quicquid jus naturæ vel præcipit vel prohibet, voluntati divinæ sit conforme, non tamen propterea quia Deo aliquid placet, atque ab eo mandatum est, id ipsum formaliter est juris naturæ, sed idèò, quod alia ex se sint bona, alia mala, idèò Deo vel placent, vel displicent, atque eandem ob rationem jure naturæ vel præcepta, vel prohibita esse censentur.

XI. Jus naturæ societatem humanam, præsertim naturalem, respicit. Ea verò est vel universalis, quam Cicero *infinitam* vocat, vel particularis; atque hinc jus naturæ est vel absolute tale, vel cum aliquo addito secundum species societatum naturalium.

XII. Jus naturæ ad bruta non pertinet, interim si in brutis deprehenditur aliquid humano juri aliqua ex parte analogum, id ex inclinatione merè naturali & necessaria est; non ex cognitione objecti, tanquam moraliter boni & honesti; optimè inquit B. G. Calixtus in Theol. mor. p. 48.

XIII. Scilicet aliud est instinctus naturæ, aliud jus naturæ: Aliud est naturale esse, aliud, jure naturæ ad aliquid obligari: Aliud est, juri naturæ aliquid esse consentaneum, aut saltem ei non repugnare, aliud, esse aliquid ipsius juris naturæ.

XIV. Præcepta juris naturæ non tam utilitatem societatis, quam rei aut actus honestatem pro scopo habentia vel sunt principia practica, vel conclusiones ex istis principiis deductæ.

XV. Primum principium practicum seu prima lex naturæ hæc fuerit: *Quicquid natura rationali & sociali est conveniens, faciendum est; quod verò eadem est disconveniens, est fugiendum.* Sive, quod idem est: *Bonum & honestum est sectandum, malum verò & turpe fugiendum.*

XVI. Inde applicatione ad objectum factâ hæ & plures aliæ fluunt conclusiones: *Deus est colendus, Parentes sunt honorandi, Homicidium non est perpetrandum, neque furtum faciendum, neque pejerandum.* &c.

XVII. Juris naturæ principiis annumerari solent & hæc: *Neminem esse laudandum; num cuique tribuendum; nec non præceptum de dilectione proximi, quod lex regia, Jac. II. 8. lex Christi vocatur, Gal. VI. 2. Conf. I. Joh. II. 10. III. 23. Jol. XIII. 24. quòd lex dicitur impleri. Rom. XIII. 10. Gal. V. 14.* Qui enim proximum diligit sicut seipsum, propter Deum, is utique Deum magis & supra seipsum diligit. Vid. August. libr. IX. de Trinit. ubi dicit: *qui diligit proximum, non potest non ipsam quoque diligere dilectionem; dilectio autem est Deus, quia Deus charitas est.* I. Joh. IV. 16. Principium hoc ita efferri solet: *Tibi quod vis fieri, id feceris etiam alteri.* Matth. VII. 12. Luc. VI. 31. Tob. IV. 16. Verùm hæc præcepta non tam sunt principia juris naturæ, quàm conclusiones ex iis fluentes, licet in ordine ad alias conclusiones principiorum munere fungi possint.

XIIX. Quò longius autem conclusiones juris naturæ à principiis primis sunt remotæ, & quò pluribus opus est consequentiis, antequam ad ea, quæ minùs sunt universalia, deveniatur, eò faciliùs fit, ut, accedente præsertim pravâ educatione inveteratâque consuetudine malâ, quædam, quæ aliàs juris naturæ sunt, obliterentur, obscurentur & quasi in oblivionem veniant.

XIX. Atque hinc factum, quòd gentiles *veritatem in injustitia detinuerint, quòd cum Deum cognoverint, aut saltem cognoscere potuerint, tamen ut Deum non glorificaverint, neque gratias ei egerint, sed vani facti sint in ratiocinationibus suis & obtenebratum sit cor despiens eorum.* &c. quos propterea Deus tradidit cupiditatibus cordium ipsorum ad impuritatem, fœdis affectibus, inq; mentem judicii expertem. Rom. I. 18. 21. 24. 26. 28. Conf. Ephes. IV. 18. 19.

XX. Horum itaque exemplum nos monet, ea, quæ juris naturæ sunt, in genere quidem faciliora esse cognitu, istam tamen cognitionem ad specialiora applicare, atque ita scientiâ uti, ob causam allatam non omnibus æquè esse facile. Hoc itaque in negotio bonæ educatio, laudabilia aliorum exempla, imò ipsius sacre Scripturæ doctrinæ imbecillitati humanæ possunt succurrere. Hæc enim ea, quæ lumine naturæ aliàs nota sunt, subinde solet confirmare. Unde & ipsa ad ea, quæ natura docet, nos remittit. I. Cor. XI. 14.

XXI. Legum naturæ obligatio est maxima. Unde si quis in eas impegerit, in animo magni oriuntur conscientie angores, sicut si secundum eas vitam instituimus, optimum habemus ejus testimonium, quin & solatium, imò gloriationem. II. Cor. I. 12, Hebr. XIII. 18.

XXII. Cum autem præcepta juris naturæ sint vel affirmantia, vel negantia, illa nonnihil aliter obligant, quàm hæc. Etenim *præcepta juris naturæ affirmantia obligant quidem semper, sed non ad semper*, ut loquitur Thomas 1.2dæ Quæst. LXXI. Art. V. ad 3. Quæst. XXCII. Art. I. ad 2. Quæst. C. Art. x. in corp. & ad 2, 2dæ Quæst. III. Art. II. in corp. *præcepta autem juris naturæ negantia obligant non solum semper, verùm etiam ad semper.*

XXIII. Præterea omnia præcepta juris naturæ negantia simul observare possumus, affirmantia non item, sed tantùm successivè. Unde & leges naturæ negantes servatu sunt faciliore, & propterea magis videntur obligare, quàm affirmantes.

XXIV. Quæ obligatio est à lege naturæ, competit eidem ex natura objecti, non autem propter voluntatem imperantis, aut majestatis civilis. Interim potest Majestas civilis legibus naturæ novam obligationem inducere, præmiis ac pœnis civilibus easdem munire, imò & obligationem civilem iisdem rursus detrahare, ac denique nonnulla ad accidentia & circumstantias earum pertinentia instituere.

XXV. Circa jus tamen naturæ ipsum & essentialia ejusdem Majestatis civilis nihil valet immutare, cum ne Deus quidem talem mutationem possit suscipere. Non itaque potest juri naturæ *derogari*, multò minùs potest illud *abrogari*, imò manentibus eodẽ objecto & iisdem circumstantiis nec dispensationi, ne divinæ quidem, circa jus naturæ potest esse locus. Vid. Lactant. Institt. divin. libr. vi. cap. iix. Thomas 1.2dæ Quæst. C. Artic. iix.

XXVI. Quod si verò quem Deus occidi præcipiat, (Gen. xxii. 2. Num. xxv. 8. I. Sam. xv. 33.) aut res alicujus auferri, (Exod. iii. 21. 22. xi. 2. xxii. 35. 36.) non licitum fiet homicidium, aut furtum; quæ voces vitium involvunt: sed non erit homicidium aut furtum, quod vita & rerum supremo Dominò autore fit; inquit H. Grot. l. c. §. x. num. 6.

XXVII. In hac doctrina quoq; id observandum, nonnulla juri naturæ simpliciter tali congruere aut repugnare, nonnulla demum vel congruere vel repugnare juri naturæ secundum quid tali & ex hypothesi, eaque vel ex eo, postquam genus humanum est multiplicatum, vel ex quo status legalis obtinuit.

XXVIII. Non pauca sunt, quæ in sacra morum scientia circa jus naturæ ex Philosophia supponuntur, cum ut ea, ad quæ homo renatus obligatur ut Christianus, & quidem in certo vitæ statu positus, ab iis, ad quæ obligatur ut homo, aut ut homo in certa quadam societate constitutus, discerni

& distinctè explicari, tum & diversæ hoc in negotio emergentes quæstiones tantò rectius decidi valeant,

LEGIBUS POSITIVIS, TAM DIVINIS, QVAM HUMANIS.

§. I.

A Legenaturæ distinguendæ sunt leges *positivæ*, quippe quæ vel legi naturæ aliquid addunt, eamque ratione circumstantiarum determinant, vel rem ex se indifferentem injungunt aut interdiciunt, prout boni publici ac præsentis statûs ratio exigit. Id quod circa legem positivam humanam necessum est apparere; circa legem verò divinam non item, cum Deo ut factorum suorum, ita legum suarum constet ratio.

II. Quandoquidem autem per legem latam obligatio in naturam intelligentem, in specie in hominem, induci potest tam per Deum, quam per homines, hinc lex positiva est vel *divina*, vel *humana*.

III. Deus verò in directione hominis in finem usus est partim lege supernaturali, partim lege naturali, prout finis hominis nunc supernaturalis est, nunc naturalis.

IV. In statu integritatis Deus legem naturæ in ordine ad finem supernaturalem ratione modi ita determinavit, ut esset *spiritualis*, Rom. VII. 14. cujus summa habetur Deut. VI. 5. Matth. xxii. 37. 39. Luc. x. 27. 28. Ad hanc servandam cum opus esset viribus supernaturalibus, quas imago divina complectebatur, etiam ad hanc habendam homo erat obligatus.

V. Ex quo verò *lex ista impotens est facta* ad salvandos homines *infirmata in carne*, Rom. iix. 3. Hebr. vii. 19. *Deus nihilominus omnes homines salvos fieri voluit*, I. Tim. II. 4. II. Petr. III. 9. *lege fidei* Rom. III. 27. & *lege spiritûs ac vitæ* Rom. iix. 2. ipsis propositâ, quæ innuitur Genes. III. 15. clarissimè autem habetur Joh. III. 16. VI. 20. 40. Marc. xvi. 16. I. Joh. V. 13.

VI. Quæ tamen lex non sustulit obligationem alterius legis, sed tantum rigorem ejus ita temperavit, ut qui per fidem amicitiae Dei facti sunt compotes, in virtute Spiritûs Sancti conversationem suam sic instituunt, ne datâ operâ peccent, sed ut *Evangelio dignè vivant*. Rom. VI. 11. I. Joh. V. 2. 3.

VII. Atque hi demum dicuntur *esse sub gratia*. Qui verò legi huic spiritûs ac vitæ non subsunt, aut subesse nolunt, manent *sub altera lege* ejusque rigore, Rom. VI. 14. nec æternam salutem sibi polliceri possunt, quandoquidem *ex operibus legis non justificabitur ulla caro in conspectu Dei*. Rom. III. 20. 24. 28. Gal. II. 16. Phil. III. 9.

II. Lex illa fidei & spiritus vitæ quoad substantiam suam una est & eadem, pro duplici tamen respectu, quem Servatoris mundi in carnem adventus gignit, partim secundum Vetus, partim secundum Novum Testamentum consideratur. Vid. Actor. iv. 12. xv. 11.

IX. Quando autem illa dicitur *mysterium à temporibus æternis tacitum, nunc autem manifestum factum*, Rom. xvi. 25. 26. Ephes. III. 9. Coloss. I. 28. II. Tim. I. 10. Tit. I. 2. id ipsum partim de gradu distinctioris cognitionis, partim de latitudine prædicationis sub N. T. est accipiendum, cum *manifestatio ejus nunc sit facta per Scripturas Propheticas*.

X. Statim post originem hominis creator quoque condidit legem positivam de abstinendo ab arbore scientiæ boni & mali; Genes. II. 17. instituta porro fuit sanctificatio Sabbathi, Genes. II. 2. 3. legem naturæ & moralem de colendo Deo ad certam temporis circumstantiam determinans. Innotuit etiam hominibus lex de sacrificiis & oblationibus, Gen. iv. 3. seqq. quæ cum sint pars cultus divini, liberè eligi non potuerunt, sed à Deo lege quâdam positivâ fuerunt præscribenda. Hinc *Abel per fidem sacrificium obtulisse* dicitur. Hebr. xi. 4.

XI. Statim etiam *ab initio opifex dixit*, maritum unitantum uxori in *unam carnem esse agglutinandum*, Matth. xix. 4. 5. 6. eoque ipsò polygamiâ simultaneam uniusque mariti cum pluribus uxoribus cohabitationem, uti & divortia, prohibuit.

XII. Post diluvium cum caro animantium hominibus in alimentum concederetur, accessit lex de membro vivi animalis, sive *de carne cum sanguine non comedenda*, Gen. IV. 3. 4. quæ inter præcepta Noachidarum (de quibus videndus Seldenus libr. I. de J. N. & G. ex discipl. Hebr. cap. x.) septimum occupat locum, cujus etiam mentio fit Actor. XV. 20. 29.

XIII. Ex intervallo Abraham cum sua posteritate, post peculiare cum Deo initum pactum, legem circumcisionis in peculiaris obligationis signum suscepit. Genes. xvii. 10. seqq.

XIV. Tandem cum Israëliticus populus ex Ægyptoeductus Deo cederet in peculium, Exod. xix. 5. 6. isque in illo non modò Ecclesiam, sed & Rempublicam voce manuque suâ formaret, legem naturæ & moralem, ad exemplum reliquarum gentium vel oblivioni tradi, vel obliterari incipientem, insigni solennitate renovavit, Exod. xx. 1. seqq. Addidit quoque leges ceremoniales, sive Ecclesiasticas, nec non leges politicas sive forenses partim ad forum civile, partim ad forum criminale pertinentes, Deuter. VI. 1. Rom. ix. 4. quarum omnium supputationem Judæi sic ineunt, ut præceptorum affirmantium sibi observandorum 248. (quot volunt esse membra

corporis humani,) negantium autem 365. (juxta numerum dierum anni) recenseant.

XV. Novo autem pacto conjuncta manet *lex fidei* non amplius implicitæ & confusæ, sed explicitæ & distinctæ. Obtinet etiam lex naturæ & moralis, tam internam, quam externam obedientiam, attramen secundum temperamentum gratiæ & pacti Evangelici, requirens.

XVI. Novis verò legibus Christus Matth. V. 21. sqq. *moralem legem* non locupletavit; ceu Joh. Volkelius lib. V. de Rel. Chr. cap. xxiii. p. 579. cum reliquis Socinianis vult; id quod arridet quoque H. Grotio libr. I. de J. B. & P. cap. II. §. vii. n. 3. 4. nec non §. vii. quamvis pravas Phariseorum legis interpretationes & præconceptas opiniones redarguerit, legemque tanquam *spiritualem* exposuerit. Nec *consilia Evangelica & perfectionis*, quorum effectus sint *opera supererogationis*, suppeditavit. *Servi enim inutiles sumus, nam quod debemus facere, facimus.* Luc. xvii. 10. Vid. Bellarm. libr. IV. de Justif. cap. III.

XVII. Neque Servator doctrinæ Evangelii adjunxit leges politicas aut judiciales: *regnum enim ipsius non est de hoc mundo.* Joh. xix. 36. Fidei tamen legi, tanquam primariæ, adjecit aliam de Sacramentis, quæ merè positiva est, atque ita *Sacramentis numero paucissimis, observatione facillimis, significatione præstantissimis* (mandatum & promissionem gratiæ habentibus) *societatem novi populi colligavit*; inquit Augustinus Epist. cxix.

XIX. Hactenus de legibus divinis positivis, quarum aliæ sunt *communes*, ad omnes homines pertinentes, aliæ *proprie* & genti judaicæ latæ, dictum est.

XIX. Leges positivas *humanas* quod attinet, illæ omninò ita se habent, ut non ex se & ex intrinseca objecti ratione vim obligandi sortiantur, sed per voluntatem & consensum eorum, quibus jus est aliis normam actionum præscribere, eandem consequuntur. Vid. V. Eth. vii. §. 3. Michaël Ephesius in c. I.

XX. Lex itaque positiva humana vel est circa rem ex se ceteroquin indifferentem, vel determinat quoad circumstantias legem positivam divinam, aut moralem, aut legi divinæ ac morali obligationem aliquam addit, aut eam, ubi invalescentibus improbis moribus in desuetudinem venerit, in usum revocat.

XXI. Obligat verò lex humana non quidem omnes, sed eos tantum, in quos, qui legem fert, jus ac potestatem habet. Et quidem obligat ex eo, quò promulgata est. Promulgata autem tum censetur, quando id præstitum est, per quod in notitiam eorum, qui culpabili ignorantia non laboraverint, venire potest.

XXII. Lex humana obligat partim ad culpam & in conscientia, partim

ad poenam. Rom. xiii. 5. Interdum obligatio illa sub disjunctione locum habet, seu de Studioforum legibus Academicis observat Phil. Melancht. Elem. Eth. Quaest. de Juram. p. 262. Quaecunque autem obligationem secum trahunt leges humanæ positivæ, ea ex jure naturæ in ipsas defluit. Rom. xiii. 1. 2.

XXIII. Leges humanæ sunt vel Ecclesiasticæ, vel civiles. Hæ ob salutem publicam & conservationem statûs introducuntur. Illæ autem respiciunt unionem ac concordiam fidelium & Ecclesiæ, disciplinam, ordinem, decorum, imò ædificationem ac profectum in pietate. Hinc Apostolus in Ecclesia omnia vult fieri *ad ædificationem, decenter, & ordine*. I. Cor. xiv. 26. 40. Alias enim leges Ecclesiasticæ *servilia* potius essent *onera*, juxta Augustin. Epist. cxix. ad Januar. cap. xix.

XXIV. Cujusmodi alias debeat esse lex humana, eleganter docet Isidorus Hispal. libr. II. Orig. cap. x. Quod si autem per concursum materiarum sive obsectorum contingat, ut eodem locò & tempore simul & semel observari non possint lex aliqua humana positiva, & lex positiva alia, qua magis ad bonum publicum faciat, vel lex divina positiva, aut lex natura, eò casu & tantisper seponi oportet prioris illius observationem & alteram præferri. B. G. Calixt. Theol. Mor. p. 82. sqq.

XXV. Ad eundem modum M. A. de Dominis libr. V. de Rep. Eccl. c. ix. §. XXIX. *Ubi ius natura certat cum jure positivo Ecclesiastico, hoc illi cedat*. Et §. XLIII. *Ubi duo præcepta contraria juris diversi ordinis congregiuntur, tunc præceptum inferioris ordinis cedit præcepto superioris ordinis*. Atque hoc legum naturæ interpretatione docet.

XXVI. Non solum lex humana, sed & positiva divina est *mutabilis*. Mutatur autem lex, quando vel in totum cessat, & voluntate LLatoris abrogatur, vel quando ei derogatur, vel quando circa eam fit *dispensatio*. In lege autem nemo alius potest dispensare, nisi qui eam tulit, aut cujus potestate vim obligandi est consecuta.

XXVII. Sic quamvis nonnulli Judæorum ritus & ceremoniæ in Ecclesia primùm nascente ad tempus sint toleratæ, Act. xvi. 3. xxi. 26. ita ut salutis æternæ consecutio ab iis non fuerit suspensa, Actor. xv. 1. 5. tandem tandem unà cum templo aboleri oportuit *sacrificium & munus*, Dan. ix. 37. tanquam *umbras*, Coloss. II. 17. omnemque legem ceremonialem ita *mori* oportuit, ut hodie ea *mortifera* sit futura.

XXVIII. Leges autem forenses genio populi Judaici unicè non accommodatæ, in Respublicas Christianas recipi potuerunt, in quibus tamen non tam ut divinæ, quam ut humanæ, liberè receptæ, vim obligandi habent. Unde & per voluntatem Majestatis civilis mutationem, in specie per dispensationem, possunt subire.

VIRTUTIBUS CHRISTIANIS ET BONIS OPERIBUS IN GENERE.

§. I.

UT homo adultus in peccato hactenus hærens in statum gratiæ deveniat, necessum est, ut adhibitâ *lege, iram aliâs operante*, Rom. IV. 15. peccata sua eorundemque atrocitatem agnoscat. *Ex lege enim est agnitio peccati.* Rom. III. 20. VII. 7.

II. Agnitionem istam sequitur displicentia & detestatio peccatorum, imò *abjectio omnium iniquitatum, quibus quis prævaricatus est*, Ezech. xix. 31. cum serio proposito *non amplius cupiditatibus hominum, sed voluntati Dei, quod reliquum est in carne, vivendi*, I. Petr. IV. 2.

III. Actiones hæ pendent à Spiritûs Sancti gratia præveniente & excitante, sicuti & actus gratiæ est, quòd postquam per verbum legis, *sicut per leonem, contrita sunt omnia ossa*, Esa. xxxix. 13. per *verbum fidei*, Rom. X. 8. & *sermonem, per quem creditur*, Joh. xvii. 20. vires & facultates credendi homini conferuntur.

IV. Quò ipsò autem hæ actiones à Spiritûs Sancti gratia pendent, Deò ipsò *pœnitentiam dante*, Actor. xi. 18. II. Tim. II. 25. Ezech. xi. 19. xxxvi. 26. non possunt non bonæ esse, tales tamen, quæ in homine adulto ad justificationem antecederent se habeant, imò ut prærequisita ejusdem conditio.

V. Ex quo verò homo justificatus est, fidem ipsius in virtute gratiæ Spiritûs Sancti in renatis habitantis & cooperantis *sequuntur bona opera, quæ sunt fructus pœnitentiæ*: A.C. Artic. xii. ipseque fit *debitor non carni, ut secundum carnem vivat, sed Spiritui, ut Spiritu actiones carnis mortificet*. Rom. ix. 12. 13.

VI. Postquam igitur fide justificati & renati sumus, incipimus Deum timere, diligere, potere, & expectare ab eo auxilium, gratias agere & predicare, & obedire ei in afflictionibus. Incipimus & diligere proximos, quia corda habent spiritalia & sanctos motus. Apol. A.C. de dilect. & implet. Leg. p. 83. Vid. Phil. III. 9. Quò pertinet illud Augustini libr. de Fid. & oper. cap. xiv. *Bona opera non præcedunt justificandum, sed sequuntur justificatum.*

VII. Ista autem opera bona justificationem sequentia ad habitum tendunt. Hinc ex quo per regenerationem creati sumus in Christo Jesu ad *bona opera, quæ Deus preparavit, ut in illis ambulemus*, Ephes. II. 10. dicimur

fide per gratiam stare. Rom.V. 2. Dominus etiam Patri nos reconciliavit, ut sisteret nos sanctos & irreprehensos, & inculpatores coram se: siquidem permanserimus in fide τεθεμελιωμένοι & ἐδραῖοι fundati & firmi, omni robore roborati. Coloss. I. 11. 21. 22. 23.

IIIX. Atque sic renovatio & sanctificatio non solum continuari, sed & magis magisque firmari, imò incrementa capere possunt. *Renovatur enim internus homo ἡμέρα καὶ ἡμέρα, de die in diem, II. Cor. IV. 16. & adulti propter habitum sensus habent exercitatos ad discretionem boni ac mali. Hebr. V. 14. Sicuti itaque scientia fidei & agnitionis ita crescere debet, ut evadamus in viros perfectos ad mensuram staturæ adulti Christi, --- veritatemq; sectantes cum charitate prorsus adolescamus in eum quoad omnia, Ephes. IV. 13. 15. Col. I. 11. ita nec in bene faciendo segnescere nos oportet, Gal. VI. 9. II. Thess. III. 13, sed potius in omni opere bonum abundare. II. Cor. IX. 8. II. Petr. I. 8.*

IX. Quâ in re renovationis & sanctificationis alia est ratio, quàm justificationis. Hæc quidem continuari, imò & repeti potest, intensior tamen non fit. Cui enim tam licet esse beato, ut *pravariatio ei sit dimissa, & peccatum ei tectum, cui Jehovah non imputat peccatum, Psalm. xxxii. 1. 2. ei Deus totum debitum remittit, Matth. xix. 32. & cui imputatur meritum Christi, ei totum imputatur, & quamdiu homo manet in fide, imputatio ista continuatur.*

X. Unde malè Pontificii, & ex his Bellarminus libr. II. de Justif. cap. xix. justificationem aliam faciunt *primam, quâ justificetur impius, aliam secundam, quâ justus justificetur adhuc, Apoc. xxii. 11, id est, in justitia crescat, sive quâ justus efficiatur justior.*

XI. Habitus iste, ad quem justificati benè operando tendunt, *Virtutis* nomine in Scriptura semel atque iterum venit, ita quidem, ut ea fructus fidei reputetur. • Vid. II. Petr. I. 5. Phil. IV. 8. nec rarò virtutes, in quibus Christianus se exercet, aliquò numero recensentur. II. Petr. I. 5. 6. 7. Rom. xii. 9. sqq.

XII. Virtutes illæ aliàs apellantur *Christiana*, tanquam hominem Christianum fide salvificâ instructum ita decontes, ut qui fidei fructus & *vivam fidem* ubique ostendere satagat. Vocantur & virtutes *Theologica*, in nulla aliâ disciplina, quàm in S. Theologia, describendæ. Quò pacto à communi virtute, quæ etiam in hominem non reatum secundum naturæ vires cadit, facile discernuntur.

XIII. Sunt illæ ita comparatæ, ut à gratia Spiritûs Sancti pendeant. Ea est gratia renovationis & sanctificationis, *quâ renovamur spiritu mentis nostræ ad hoc, ut probemus, quæ sit voluntas Dei, bona illa, accepta ac perfectæ.*

Rom. XII. 2. *Deus enim, qui cœpit in nobis & velle & perficere pro gratuita sua benevolentia*, Phil. II. 13. *bonum, quod in nobis cœpit, opus perficit usque ad diem Jesu Christi*. Phil. I. 6. Unde Servator Joh. xv. 5. *Sine me nihil potestis facere*. Ob eandem causam virtutes Christianæ vocantur *fructus spiritûs*. Gal. V. 22. *Spiritu enim ex fide spem justitiæ expectamus*. Gal. V. 6.

XIV. Quæ causa est, quod vocari soleant habitus *infusi*, non quod absque ullo medio & in instanti nullô prorsus actu præviô nobis conferantur, sed quod non sint nostrarum virium opus, verum à supernaturali Spiritûs Sancti gratia pendeant. Non solum enim fides est *opus Dei*, Joh. VI. 29. *donum Dei*, Ephes. II. 8. Phil. I. 29. verum etiam *divina vis Dei* ac Domini nostri Jesu Christi *omnia nobis donavit, quæ ad vitam & pietatem pertinent*. II. Pet. I. 3.

XV. Hujusmodi virtutum, quæ quidem cardinales sint, ex I. Cor. XIII. 13. Col. I. 4. 5. tres solent numerari: *Fides, Spes, Charitas*; quæ ita ad se invicem sese habent, ut duæ posteriores ex prioribus resultent. Ex *fide* enim, quæ est *πίστις τῶ ἐλπιζομένων*, Hebr. xi. 1. est, quod *spe salvi simus*, Rom. IX. 24. & quod *fiduciam habeamus apud Deum, ut quicquid petierimus, accipiamus ab eo*. I. Joh. III. 21. 22. Fides autem cum charitate conjungitur I. Tim. I. 5. & *per charitatem est efficax*. Gal. V. 6. Quæ proinde virtutes ita sunt conjunctæ, ut, ceu Leo M. ait, *ubi simul non fuerint, simul desint*.

XVI. Tres istas virtutes Apostolus ita comparat, ut *charitas*, quamvis ex fide perfectionem habeat, tamen *sit maxima earum*, cum ratione durationis, tum ratione diffusionis operum suorum in alios.

XVII. Quânam ratione Pontificii his ipsis virtutibus quatuor alias, *justitiam, perseverantiam seu fortitudinem, prudentiam, temperantiam* adjungant, ut inter alia sacrum septenarium Sacramentorum suorum ad totidem virtutes disponentium numerum colore quodam pingant, notavit B. Chemnitius Exam. Concil. Trident. part. II. de Sacram. vocab. p. 199.

XVIII. Alias virtutes Christianæ in Scriptura diversorum, ad quæ ordinantur, officiorum habitû ratione hâc ambitu circumscribuntur, ut *Pietas* ea officia, quæ Deo, *Temperantia*, quæ nobismet ipsis, *Justitia*, quæ proximo debemus, exigat & complectatur. Tit. II. 12.

XIX. Nonnunquam virtutes Christianæ *Sanctitatis & Justitiæ* nominibus insigniuntur, Luc. I. 74. ita quidem, ut opera *Sanctitatis* ad primam, opera *justitiæ* ad secundam Decalogi tabulam referantur. Quæ distributio instituto Servatoris officia hominis renati ad duo magna præcepta revocantis Matth. xxii. 37. 39. Luc. X. 27. Deut. VI. 5. conveniens est. Eam quoque respicere videtur Apostolus II. Cor. II. 21. laudans *procurantes honesta non solum coram Domino, sed etiam coram hominibus*,

XX. Aliquando tamen virtutes Christianæ *Vitæ & Pietatis*, h.e. vitæ piæ, II. Petr. I. 3. omnia autem vitia *impietatis & mundanarum cupiditatum* Tit. II. 12. nomine veniunt.

XXI. Officia proximo exhibenda hanc habent normam: *Tibi quod vis, vel non vis fieri, alteri quoque feceris, vel non feceris.* Matth. VII. 12. Luc. VI. 31. Tob. IV. 6. Hoc agentes ostendunt se amare proximum, atque hujus amoris mensuram esse amorem sui. Est hoc ipsum præceptum Lev. xix. 18. quò *impletio legis* continetur. Rom. xiii. 8. 9. 10. Gal. V. 14.

XXII. Etenim proximum diligimus, quia Deum diligimus, atque ita Deum magis, imò super omnia, diligimus, quin & amore proximi ostendimus, nos Deum amare, I. Joh. III. 20. 21. cum amor proximi sine amore Dei esse non possit.

XXIII. Benè Augustinus libr. III. de C.D. cap. xiv. *Hæc sententia: Tibi quod fieri non vis, alteri ne feceris; quum refertur ad dilectionem Dei, omnia flagitia moriuntur; quum ad proximi, omnia facinora. Nemo enim corrumpi vult habitaculum secum: non ergo debet corrumpere habitaculum Dei, se ipsum scilicet. Et nemo vult sibi à quoquam noceri: nec ipse igitur cuiquam nocuerit.* Et cap. xv. *Sic eversa tyrannide cupiditatis caritas regnat justissimis legibus dilectionis Dei propter Deum, sui, & proximi propter Deum.*

XXIV. Quandoquidem verò habitus virtutis non solum actionibus habitui similibus acquiritur, sed & ad actiones est ordinatus, hinc Scriptura Sacra virtutes Christianas *Bonorum Operum* appellatione designat. Matth. V. 17. Rom. II. 7. Ephes. II. 10. I. Tim. VI. 18. Tit. II. 14. III. 8. 14. Hebr. X. 24. I. Petr. II. 12. Ea verò regenerationem & justificationem sequuntur.

XXV. Pendent bona opera à Spiritûs Sancti gratia, cui *fides per charitatem efficaciter* agens Gal. V. 6. subordinatur. *Filii enim Dei Spiritu Dei ducuntur*, Rom. ix. 14. 26. nec ulla eorum, qui fide, tanquam spirituali vitâ, destituuntur, operatio est spiritualis. Vid. I. Tim. I. 5.

XXVI. Objectum bonorum operum internum sunt affectus & actiones; externum, res & personæ, circa quas actiones sunt occupatæ.

XXVII. Sicuti *ἀπαρχὴ ἐστὶν ἡ ἀνομήα*, I. Joh. III. 4. ita bonorum operum forma in *ἐνομήα*, quæ est ipsum medium rationis, est quærenda. Tantum enim abest, ut *lex ipsis adversetur*, Gal. V. 22. ut potius à Deo sint mandata. Mich. VI. 8. Ezech. xx. 19.

XXVIII. Bona renatorum opera respiciunt *firmitatem vocationis nostræ*, II. Petr. I. 10. proximi ædificationem, ultimò autem gloriam Dei, siue sint *interna*, quæ solus Deus novit, siue *externa*, de quibus iudicium secundum *charitatem* est instituendum. I. Cor. III. 5. I. Joh. III. 18.



PECCATO, EJUSQUE DIFFERENTIIS.

§. I.

Sicuti intelligi non potest magnitudo gratiae Christi, nisi morbis nostris cognitis. Apol. A.C. p. 56. ita nec virtutum Christianarum bonitas & praestantia satis constare poterit, nisi simul appareat, quomodo opposita vitia & peccata ab earum rectitudine deflectant. Horum enim foeditate, qui Spiritu Dei ducuntur, deterriti non secundum carnem amabunt vivere, ut moriantur, sed secundum spiritum, ut vivant. Rom. ix. 12. 13. 14.

II. Peccatum in abstracto I. Joh. III. 4. ita describitur: ἡ ἀμαρτία ἐστὶν ἡ ἀνομία. Et cap. V. 17. πᾶσα ἀνομία ἀμαρτία ἐστὶν. Formale ejusdem est privatio & carentia τῆς ἐνωπίας, aut congruentiae cum lege, praesertim primae a Deo revelata. Supponit hoc formale suum materiale, quod tamen cum subjecto inhæsionis non est confundendum. Non ego, inquit Apostolus, sed peccatum in me habitans, Rom. VII. 17. 20.

III. Consequens peccati est reatus sive obligatio ad poenam, qui reatus quidem ab homine tolli potest per non-imputationem sive condonationem, non tamen tollitur à peccato; sicuti nec ipsum peccatum per non-imputationem poenae tollitur.

IV. Ante omnia autem deplorandum est, quod omnes communi & carnali modo geniti nascamur cum peccato, & naturæ simus filii iræ, Ephes. II. 3. Joh. III. 6. Rom. V. 12. 14. 18. 19. quæ ἀμαρτία est τὸ πνεῦμα τοῦ κακοῦ, peccatum originis. Quod ipsum humana imperitia infirmitas aliàs ignorat, fatente Augustino, in Scriptura tamen disertè indicatur, propagationem verò ejus cum animæ rationalis creatione conciliare aut explicare non est cujusvis. Veteres sanè hanc quæstionem in hac vita insolubilem fassos esse, scribit Gregorius M. libr. IV. Epist. VI.

V. Nihilominus peccatum sive vitium originis verè est peccatum, damnans & afferens æternam mortem his, qui non renascuntur per Baptismum & Spiritum Sanctum. A.C. Art. II. Per Baptismum igitur homo id consequitur, ne peccatum hoc sibi in damnationem æternam impuretur.

VI. Neque enim Baptismus tollit ipsum peccatum originis, sed remanet actus remanente fomite (peccati actualis) sive concupiscentiæ; Thom. ad Rom.

IV. 7. per eum tamen infringitur (*καταργεῖ*) *enervatur* Rom. VI. 6.) atque reprimitur vis concupiscentiæ, ut novis à Spiritu Sancto ad omne bonum accensis inclinationibus subjiciatur.

VII. *Damnant* nostræ Ecclesiæ *Pelagianos & alios*, Anabaptistas, Wigelianos, Socinianos & horum segregum proxenetas Remonstrantes, qui *vitium originis negant esse peccatum*. A. C. Art. II.

IIIX. Quemadmodum verò *arbor mala bonos fructus facere nequit*, Matth. VII. 18. ita ex peccato hoc non nisi peccatum nasci potest. Nascuntur autem ex eo peccata *actualia* eò ordine, quem descripsit Jacobus cap. I. 14. 15.

IX. Primò exsurgunt in homine *motus primo-primi*, sive *concupiscentia*, quæ suò modò est *medium quid inter peccatum originale & reliqua peccata actualia*; Flac. in Clav. pag. 155. non nuda naturæ imperfectio, sed verò *nominiis peccatum*, Rom. VII. 7. *quod Deus odit, & curando agit, ut consumatur*, depascatur, reprimatur; Augustin. Tract. III. in Johann. licet illud renatis, quamdiu ei non consentiunt, ad damnationem non imputetur. Rom. IIIX. 1.

X. Motibus istis si consentiat voluntas, concupiscentia nanciscitur & moram, & delectationem, estque magis peccatum, Matth. V. 28. quod tandem in peccatum actuale externum erumpit.

XI. Hæc peccata actualia 1. sunt vel *Commissionis*, vel *Omissionis*, licet interdum unum peccatum & commissionem & omissionem includat; quò pactò ambitio. Phariseorum erat causa non profitendi Christum. Joh. XII. 42. 43. De peccato omissionis vid. Jac. IV. 17. Conf. Luc. XII. 47.

XII. 2. Juxta Augustinum libr. XXII. cont. Faust. cap. II. peccata dicuntur esse vel *Cordis*, Matth. V. 28. Rom. II. 15. vel *Oris*, Matth. XII. 34. vel *Operis*. II. Cor. V. 10. *Exeunt autem de corde impuro peccata oris & operis*. Matth. XV. 18. 19. Simul tamen *intelliguntur etiam negationes opposita, secundum quod omisio habet rationem peccati*. Thom. 1. 2dæ Quæst. LXXVI. Art. 2. ad 1.

XIII. 3. Objectorum diversitas & inordinata conversio ad bona nunc sensibus, nunc intelligentiâ apprehensa facit, ut alia peccata sint *carnalia*, alia *spiritalia*. II. Cor. VII. 1.

XIV. 4. A varietate objectorum, & eorum, qui peccatò potissimum læduntur, est, quòd alia *in Deum*, alia *in proximum*, alia *in nosmet ipsos* dicantur committi. Vid. I. Sam. II. 25. Tit. II. 12.

XV. 5. Peccata I. Cor. VI. 18. dicuntur committi vel *extra corpus*, vel *in proprium corpus*. Posterioris generis peccatum est scortatio, quâ non aliares in abusum vertitur, vel læditur, sed proprium corpus inquinatur.

XVI. 6. Peccata I. Tim. V. 24. 25. alia sunt *Occulta*, quæ non veniunt in *judici-*

judicium, & de quibus non judicat Ecclesia: alia verò Manifesta & cum scandalo conjuncta, licet de iis impii gloriantur. Esa. III. 9. Contingit tamen peccatum aliquandiu Occultum fieri Manifestum. Matth. X. 26. In oculo autem Dei nullum peccatum est occultum. Job. XIV. 16. xxii. 13. XLII. 2. Psal. XC. 9. Prov. V. 21. xv. 3. Esa. xxix. 15. Conf. Hebr. IV. 13.

XVII. Aliò modò peccata vel *occulta*, vel *manifesta* dicuntur, quatenus de eorum *avopia* vel ex lumine naturæ, vel ex revelatione indubitato constat, aut non constat. Hòc modò David in se agnoscit peccata occulta. Psalm. XIX. 13. *Erroris quis intelligit? ab occultis munda me. Conf. I. Cor. IV. 4. Jac. III. 2.*

XIIX. 7. Peccatum est vel *regnans*, quod dominium in facultates animi consequitur, & cui respondet *servitus peccati*: Joh. iix. 44. Rom. VI. 13. 16. 17. 20. II. Petr. II. 9. vel *non regnans*, quod tale dominium in iis præsertim, qui sunt *servi obedientiæ ad justitiam, justitia mancipati*, Rom. VI. 16. 18. 22. non consequitur.

XIX. 8. Peccata sunt vel *nostra*, vel *aliena*, quæ tamen certò modò nostra fieri possunt *iis communicando*. I. Tim. V. 22. II. Joh. II.

XX. 9. Peccata sunt vel *purè voluntaria*, quæ *nec errore intellectûs inducunt, nec vehementia affectuum abrepti facimus*. Talia sunt *contra Conscientiam, regnantia, mortalia*. Vel sunt *non purè voluntaria*, sed vel ex affectu, vel ignorantia, non affectata quidem, sed nec prorsus invincibili designata. Vid. Luc. xii. 47. 48. Vel sunt *prorsus involuntaria*, hominiquè citra advertentiam intellectûs & voluntatis comprobationem obrepentia. Talibus peccatis ne sanctissimi quidem carent, ut ut simulac eorum insultus animadvertunt, iis sedulò renitantur.

XXI. 10. Ex eventu peccatum dicitur esse vel *Mortale*, vel *Veniale*, quæ distinctione nulla magis in Ecclesia ad omnem Christianorum vitam rectè gubernandam est necessaria. B. Hornej. Comp. Theol. de Decal. in gen. §. xvii. ac proinde diligenter inculcanda. Corp. Doct. Jul. von der Sünde fol. 12. b. 13. a. Gründl. Ber. Artic. iix.

XXII. Doctrinæ gratiæ sequentia notamus: (1) O. peccatum ex se est mortale h. e. dignum æternâ morte, (2) Non tamen omne peccatum, quod ex se mortale est, renatis à Deo in mortem æternam imputatur. (3) N. peccatum tantam coram Deo potest habere exilitatem, ut propter eam ex se sit veniale, h. e. veniâ dignum.

XXIII. (4) Quamvis renati gratiæ statum conservantes non sinant peccatum regnare in corpore suo mortali, Rom. VI. 12. nec committant peccata mortifera, sive mortem parientia, Jac. I. 15. unò iñu perimentia, devoratoria a-

litis, ut Tertulliano libr. de Idolatr. cap. II. Augustino Serm. xxix. de verb. Domin. vocantur, (*talia enim non facit bona fidei & bona spei Christianus;*) non tamen possunt prorsus esse sine peccato. Augustin. l. c.

XXIV. (5) Nulla autem alia apud renatos inveniuntur peccata, quàm sola illa, quæ quotidiana orationis (Dimitte nobis debita &c.) peniculâ reguntur; Augustin. l. c. & proinde peccata quotidiana incurſionis, item, infirmitatis vocantur. Atque hæc demum in renatis, quamdiu ipsis non consentiunt, erunt venialia.

XXV. (6) Ex eventu verò hujusmodi peccata in renatis sunt venialia, quòd Deus ipsis fidem retinentibus propter meritum Christi ea non imputet, quamvis jure imputare possit, sed potius eorum veniam ipsis largiatur, nec propter ea Spiritum suum Sanctum ab iis auferat, Psal. LI. 13. aut gratiâ suâ eos exturbet. Corp. Doctr. Jul. l. c. fol. 13. a. Gr. Ver. l. c.

XXVI. (7) Quæ peccata in renatis sunt venialia, in infidelibus & irrogenitis (quibus nihil est purum, Tit. I. 45.) sunt mortalia. Corp. Doctr. Jul. l. c. quamvis non eodem cum voluntariis & proæreticis eorum peccatis gradu.

XXVII. (8) Si quis in peccatum mortale inciderit, quod & renato statum suum deserturo accidere potest, interveniente seriâ poenitentia propter abundantiam meriti Christi id ipsum suò modò ei fiet veniale. Hoc innuit sententia Ambrosii : *Omne peccatum per poenitentiam fit veniale.* Et Autor de vera & falsa poenit. apud Augustin. cap. XII. *Quadam peccata sunt, quæ sunt mortalia, & in poenitentia sunt venialia.*

XXIX. II. Nonnulla peccata sunt Clamantia, Gen. IV. 10. XII. 20. Exod. III. 7. xxii. 23. 27. Ecclesiastic. xxxv. 19. Jac. V. 4. His contradistinguuntur Muta, inter Christianos ne nominanda quidem; quamvis illa coram Deo sint Clamantia. Possunt etiam iis contradistingui peccata, quæ Deos ἐν τῇ αἰσχύῃ Rom. III. 26. connivendo dissimulare, ὑπερβείδω, videtur. Act. xvii. 30.

XXIX. Denique 12. Peccatum dicitur esse vel Remissibile, vel Irremissibile; quæ distinctio tamen magis τὸ γνώμενον, quàm τὸ δυνατόν respicit, judice Hutterò in LL. p. 370. Illud non est ad mortem, hoc verò est ad mortem, I. Joh. V. 16. 17. cùm sit in Spiritum sanctum, Matth. xii. 33. Marc. III. 39. Luc. xii. 10. & finalem impoententiam in ratione sua formali includat. Hebr. VI. 4. seqq. Est tamen vel inchoatum, vel consummatum.

XXX. Peccatorum differentias eorumque fructus atque effectus indicat Moralis Theologia, ut homines à peccandi studio avertantur, & ad remedia contra peccata ad reatum eorum declinandum confugiant.

DISPUTATIO THEOLOGICA VIGESIMA PRIMA,

DE

D E C A L O G O.

§. I.

DUplex est norma, ad quam actiones renatorum sunt componendæ & exigendæ: *interna*, quæ est Conscientia, præsertim recta & certa, & *externa*, quæ est lex, præsertim moralis. Ab utraque norma irrogenitorum actiones deflectunt. Rom. IV. 15. VII. 7.

II. Quamvis verò lex moralis ab initio generis humani omnes obligarit homines, eam tamen vel maximè in suo proprietatis populo in viridi & vegeta observantia esse voluit DEUS, eandemque *δέκα λόγοις*, *decem verbis* h.e. sententiis nervosè comprehensam Exod. xxxiv. 28. Deut. IV. 13. X. 4. unde nomen est *Decalogi*, in *lapideis tabulis*, ad duritiem lapideorum cordium Ezech. XI. 19. xxxvi. 26. Matth. XIX. 8. Actor. VII. 51. significandam, *scripturà suà* (Dei) *geminà vice scriptam ac sculptam*, Exod. xxxii. 15. 16. xxxiv. 1. 28. Deut. IX. 10. X. 1. 2. 4. populo *per biduum in tertium diem sanctificato* inter tonitrua & fulgura è densissimis nubibus prorumpentia, clangores item intensissimos ex monte Sinai fumante recitavit, promulgavit, atque ita ad sua initia revocavit. Exod. XIX. 10. 11. 16. 18. XX. 1. seqq. Deuter. V. 6. seqq.

III. In hujus legis promulgatione Deus usus fuit ministeriò partim Angelorum, Actor. VII. 53. Hebr. II. 2. Gal. III. 19. partim Mosis, & *μεσίτης* & internuncii. Exod. XIX. 19. Gal. III. 19. Unde & *Lex per Moysen data esse* dicitur Joh. I. 17.

IV. Obligat lex Decalogi omnes omninò homines, non tamen quatenus ea Israëlitis à Deo, tanquam Rege Israëlitarum, ex monte Sinai fuit promulgata, sed unicè quatenus est naturalis & moralis; licet Majestas civilis ei civilem quoque obligationem possit superinducere.

V. Neque etiam obligatio ipsius per Christum fuit sublata, quippe qui *non venit, ut dissolveret legem, sed ut eam impleret*. Matth. V. 17. Et, *absit, ut legem per fidem inanem reddamus, imò potius stabilimus*; inquit Apostolus Rom III. 31. Conf. Eccles. xii. 13. 14. Joh. xiv. 21. xv. 10. 14. I. Cor. VII. 10. IX. 21. I. Thess. iv. 3. 7. I. Joh. II. 5. Apoc. xxii. 14.

VI. Cui rei non obstat, quòd *justo lex non sit posita*, I. Tim. I. 9. Non enim est adversus eum, neque premit eum *ut grave & difficile*, imò *impossibile portatu jugum*, Actor. xv. 10. Gratià enim Evangelii fit, ut *mandata Domini gravia non sint*, I. Joh. V. 3. *quæque à nobis exigat, & qua præstari sibi à*

nobis jubet Dominus, utq, omnia non onerent nos, sed ornent nos. Salvianus libr. VII. de Gubernat. Dei.

VII. Moralem hanc Decalogi legem Deus ipse in duas tabulas sive partes distribuit, quarum prior officia Deo, altera officia vel proximo, vel nobismet ipsis debita complectitur. *Quod itaque homines in suis cordibus non legebant, legere negligebant, imò legere volebant, scriptum est in tabulis.* Augustin. Enarr. in Ps. VII.

IX. Utriusque tabulae summam Deus duobus magnis praeceptis est complexus Deut. VI. 5. Levit. xix. 18, cui inhæsit quoque Servator Matth. xxii. 37. 38. 39. 40. Marc. xii. 30. 31. eamque probavit Luc. X. 27. 28.

IX. Majorem verò legis hujus moralis esse obligationem, quam legis ceremonialis, agnovit *quidam ex scribis, à regno Dei non procul remotus, judicans, secundum hæc praecepta incedere plus esse, quam omnia holocausta & sacrificia.* Marc. xii. 33. Quò pertinet illud: *Misericordiam volo & non sacrificium.* Hos. VI. 6. Matth. ix. 13. xii. 7.

X. Scilicet, si contigisset, ut Judæus simul præstare non potuerit sacrificium & misericordiae opus, tamdiu intermittendum fuisset sacrificium, ne impediretur opus misericordiae. Illud enim exigebatur lege divinâ positivâ, speciali & propriâ, quæ constat solâ voluntate Dei liberâ; quæ autem in Decalogo & lege morali injunguntur, ab intrinseca objecti bonitate, quam Deus in determinando supponit & sequitur, obligationem habent.

XI. Obligationis etiam diversitas ex eo est manifesta, quòd Deus circa legem positivam possit voluntatem suam revocare, ut res in ea determinata sine peccato omitti queat. Quod tamen circa leges naturæ & morales non procedit.

XII. Duæ istæ Decalogi tabulae concinnâ ratione sibi sunt coaptatae; virtutes etiam singulis praeceptis indicatae, utut objectis & modò circa eadem versandi sint distinctæ, ita tamen sibi cohærent, ut in homine renato, si non quoad exercitium & actum secundum, saltem quoad habitum & promptitudinem agendi adsint omnes, in actum erupturæ, simulac occasio emerferit & reliqua benè agendi requisita præstò fuerint.

XIII. Tàm etiam sibi connexa sunt virtutum Christianarum praecepta, ut intentio violandi unum cum observatione alterius vel reliquorum non possit consistere. Jacob. II. 10. 11.

XIV. Ad primam Decalogi tabulam Josephus libr. III. Antiq. cap. IV. Origenes Homil. iix. in Exod. Athanasius in Synops. Scriptur. Gregor. Nazianz. in Carm. Hieronymus & Ambrosius in Ephes. VI. quatuor praecepta, verba de imaginibus à praecepto de non habendis Diis alienis separantes, reliqua autem sex praecepta, conjunctione legum de concupiscentia factâ,

ad secundum tabulam referunt. Quos hodie & Remonstrantes & Contra Remonstrantes sequuntur.

XV. Clemens verò Alexandrinus libr. VI. Strom. p. 682. 687. Augustinus Quæst. xvii. super Exod. & alibi, Beda in Exod. & in Epist. ad Rom. Bernhardus libr. de Concupisc. Lyranus in Exod. xx. Lombardus III. Sent. Dist. xxxvii. & alii, primæ tabulæ tria assignant præcepta, secundæ septem, primo præcepto mandatum de imaginibus adjunctes: præcepta autem de concupiscentia propter diversa verba מַדְּבָרִים & מִצְוֹת Deuter. V. 21. adhibita, distinguentes. *Habes dilectionem Dei in tribus, & dilect nem proximi in septem præceptis*; inquit Augustin. in Psal. xxxii. Quam partitionem non solum Pontificii, sed & Protestantium Ecclesiæ sequi solent.

XVI. Cum autem utrinque de denario præceptorum numero conveniat, tabulæ etiam ita distinguantur, ut in priore cultum Dei, in posteriore officia erga proximum & nos ipsos describi in confesso sit, nec præceptorum distinctio in qualibet tabula in Scriptura sufficienter sit indicata, spiritus mansuetudinis hanc quæstionem ita considerari voluerit, ut neutra pars suam sententiam alteri cum contentione obtrudere quærat, Vid. B. Chemnit. in LL. part. II.

XVII. Quemadmodum autem aliàs in lege, ita & in Decalogo, partim ad verba legis, partim ad mentem ejus est respiciendum. Mentem verò præceptorum Decalogi ut assequi valeamus, sequentia in genere veniunt notanda.

XIIX. 1. Cum *Decalogus brevissimis lineis sit signatus*, ac præcepta ejus tantum non omnia sint synecdochica, singula ita erunt norma bonorum operum, prout à Prophetis, Christo, & Apostolis in Scriptura sunt tradita atque explicata. Chemnit. Exam. Concil. Trid. de B. O. p. 178. ac specie in iis positâ & expressâ simul genus, ac proinde reliquæ species, imò & earum opposita designata esse intelliguntur.

XIX. 2. Præcepta Decalogi integram requirunt obedientiam, tam internam, quàm externam; atque adeò eam, quæ corde, ore, & opere præstatur. *Lex enim est spiritualis*. Rom. VII. 14. Conf. Hebr. IV. 12.

XX. 3. Sicuti observatio præceptorum secundæ tabulæ referenda est ad obligationem primæ tabulæ, I. Joh. IV. 20. 21. ita præceptorum primæ tabulæ observantia ad primum referenda est præceptum. Atque sic omnia præcepta Decalogi in primum sunt resolvenda.

XXI. 4. Ut de virtutibus ad singula præcepta pertinentibus judicium ferri possit, respiciendum est ad singularum finem, in quo ille consistat, quæ cum illo sint conjuncta, & ad eum ordinata, quæve eum vel impedian-

vel cum illo pugnent. Sic ergo diversorum finium ratione unius virtutis actiones diversis præceptis injungi possunt.

XXII. 5. Injunctio & prohibitio actionis unius speciei est quoque injunctio & prohibitio similium specierum omnium, adeoque totius generis.

XXIII. 6. Ex officio unius relatorum proposito intelligitur, correlatorum quoque officia esse injuncta.

XXIV. 7. Præcepta affirmantia includunt opposita negantia; & vice versâ. Qua in re latet *Litota* Scripturæ non inusitata. Vid. Flac. in Clav. Script. part. post. de Trop. & Schem. p. 388.

XXV. 8. Affirmantium præceptorum norma est dilectio, negantium, vacuitas à concupiscentia. Rom. XIII. 9.

XXVI. 9. Quando consequens & effectus præcipitur, vel prohibetur, antecedens quoque & causa præcipitur vel prohibetur. Imò & ubi ratio legis, ibi & lex ipsa locum invenit.

XXVII. 10. Non solum virtutes & vitia circa singula præcepta sunt recensenda, sed & pondus eorum ob oculos ponendum. Sicuti enim vitiorum magna est latitudo & diversi gradus, nec omnia peccata sunt æqualia, Joh. IX. 2. I. Tim. V. 8. Conf. Matth. XI. 22. ita nec virtutes earumque actiones.

XXVIII. 11. In quolibet præcepto subjecti pariter ac prædicati latitudo secundum Scripturæ ductum est consideranda, ut quænam officia in singulis requirantur, appareat.

XXIX. 12. In Decalogo ea, quæ juris naturæ & moralis sunt, ab iis, quæ juris positivi, aut etiam ceremonialis sunt, diligenter veniunt discernenda. Ea autem sunt moralia, quæ principiis practicis luminis naturæ congruunt, à Mose & Prophetis ad omnes pertinere ostenduntur, & à Christo ac Apostolis sub ratione præcepti sunt repetita. Sive, quæ non ad Judæos, quatenus sunt Judæi, in Decalogo pertinent, omnes homines stringere censentur.

XXX. 13. Promissiones legibus Decalogi additæ respiciunt vel pactum legale, vel pactum Mosaicum. Si eæ ad Christianos quoque extenduntur, cum exceptione crucis & calamitatis, per modum paternæ castigationis à Deo immittendæ, debent intelligi. II. Tim. III. 12. Comminationes autem legibus Decalogi additæ exceptionem poenitentiae & satisfactionis Christi patiuntur.

XXXI. Calamitates homini per fidem in Christum Deo conciliato immittendæ sunt temporariæ, aut si exemplò Moïsis, Deut. III. 26. Israëlitarum, Num. XIV. 11. 21. seq. Eli, I. Sam. II. 36. III. 13. Levitarum, Ezech. xxxiv. 10.

seq. Deus eas non aufert, vel etiam in posteros extendit, mitigat tamen

eas & hominibus patientiam largitur.



DISPUTATIO THEOLOGICA VIGESIMA SECUNDA,
DE

PRIMO DECALOGI PRÆCEPTO.

§. I.

Quamvis proœmium Decalogi Exod. xx. 1. Deut. V. 6. ea contineat, quæ Israëlitas potissimum respiciunt, Deumque in promulgatione hac non solum jus Dei, sed & jus Regis in populum suum usurpasse arguunt, quicquid tamen morale in his præceptis habetur, ad omnes homines pertinet.

II. Primum præceptum, quod ipsò cultum *aliorum Deorum* prohibet, ad veri Dei, qui *unus* est, Deuter. VI. 4. Esa. XLIV. 6. I. Corinth. IIX. 6. I. Tim. II. 5. cultum homines simul obligat, atque ita veram religionem stabilis.

III. Sunt autem *Dii alieni*, ἑτέροι, *novi* Deut. xxxii. 17. *extranei*, Psalmi. xxci. 10. omne illud, cui præter unum ac verum Deum attributa, opera & beneficia à solo Deo expectanda adscribuntur, inque quod homines suam fiduciam vel æquè, vel magis, quam in unum illum ac solum Deum, collocant, & in quo ita acquiescunt, ut sive internum, sive externum cultum gloriamque Deo aliàs debitam ipsi tribuant.

IV. Ejusmodi *Dii alieni coram vero Deo*, super facies ejus & in conspectu omnia videntis, in contumeliam ejus, non sunt habendi, ita ut vel postpositò verò Deò, vel unà cum ipsò & juxta eum sive æquè, sive magis honore & cultu afficiantur.

V. *Solus ergò Deus est adorandus & colendus, ac ei soli serviendum.* Deut. VI. 13. X. 20. Matth. IV. 10. Luc. IV. 8. Cultus verò Deo debitus partim est internus, ex parte intellectûs consistens in agnitione Dei, ex parte voluntatis in omnimoda subjectione secundum conscientiam; partim *externus*, internum illum dictis, gestibus, factis declarans & significans.

VI. Prima verò virtus ad cultum Dei internum ex parte intellectûs pertinet *agnitio Dei*. Est autem Deus agnoscendus, non solum ut autor naturæ, sed & ut autor gratiæ ac gloriæ, prout se revelavit, oportetque nos credere, sicut baptizamur; colere verò & glorificare, sicut credimus, Patrem, & Filium, & Spiritum Sanctum. Basil. M. Epist. LXXII.

VII. Agnitioni huic adversatur 1. *Impietas & Atheismus*, & quicquid cum eo conjunctum est. 2. *Deismus*, & in specie eorum, qui Deum quidem agnoscunt, attamen ei vel perfectionem propriam, cujusmodi est provi-

dentia, detrahunt, vel eum ut autorem gloriæ non venerantur: quales erant Sadducæi & animæ immortalitatem & mortuorum resurrectionem inficientes; Matth. xxii. 23. Actor. xxiii. 8. nec non eorum, qui *Naturam vel Universum Deum* esse fingunt.

IX. 3. Agnitioni divinæ detrahunt hodierni *Judai, Muhammedani*, imò & *Naturalistæ*; præcipuè verò 4. *Pagani*. Qui omnes licet *Infidelium* nomine veniant, pagani tamen insuper sunt idololatræ.

IX. 5. Quàm maximè autem *Idololatria* agnitioni Dei adversatur, ad- eò ut gentiles idololatræ *veritatem Dei in mendacium* h. e. idolum *mutantes*, Rom. I. 23. 25. verum *Deum ignorare*, Exod. V. 2. Actor. xvii. 30. Rom. I. 28. I. Cor. xv. 34. Gal. IV. 8. I. Theff. IV. 5. ac propterea *ἄθεοι* esse dicantur, Ephes. II. 12. utut in errore suo adeò sibi placuerint, ut olim Christianis *αἰθερότης* exprobrare non fuerint veriti.

X. Idololatria autem vel est nuda ac crassa, vel symbolica. Posterioris exemplum Israëlita præbent, Deum in symbolo & externa specie vituli aurei ab Aarone conflati, Exod. xxxii. 4. & vitulorum aureorum in Bethel & Dan à Jerobeamo propositorum I. Reg. XII. 28. 29. adorantes.

XI. Est & idololatriæ species, quando in amore ac fiducia Deo creatura præfertur. Vid. Rom. XVI. 18. Phil. III. 19. Ephes. V. 5. Col. III. 5. II. Tim. III. 4.

XII. Omnem illam idololatriam quantopere detestetur Deus, ex Exod. xx. 3. seqq. Deuter. V. 7. seqq. apparet, quin & detestationem illam repetiit, quoties idololatriam cum fornicatione & adulterio comparavit. Vid. Psalm. lxxiii. 27. Jerem. II. 20. III. 6. 9. Hof. I. 2. IV. 12. Apoc. II. 21. 22.

XIII. Qui Christum divinæ naturæ non esse, nihilominus eum adorandum esse contendunt, ceu faciunt Ariani & Sociniani, ab idololatria vix excusari possunt. Benè Cyrillus Alexandrinus: *Cum Christum Dominum verè non fatearis, adoresq; illum, quem Deo Patri consubstantialem esse non credas, sed potius creaturam, in idololatriam incidis.* Horum enim idololatria esset formalis. A qua diversa est idololatria materialis, quâ panis consecratus, etiam extra S. Coenam, adoratur, quòd in corpus Domini putetur esse transubstantiatus.

XIV. Images Christi eadem latriæ adoratione, quâ prototypum, venerari, non congruit cum primo præcepto: *Deus enim gloriam suam, alteri, qui non est Deus, non dat.* Esa. xlii. 8. xliix. 11. Neque à Sanctis defunctis aut ad earum images bona sive spiritualia, sive corporalia petere iussi sumus, quin potius hanc quoque gloriam Deus sibi servavit. Psalm. L. 15.

XV. 6. In homine Christianismum professo agnitioni Dei repugnat *Hæresis*, præsertim si ea sit circa attributa & mysteria Divinitatis. Id ipsum facit quoque 7. *Apostasia*, præsertim si totalis sit, & à fide Christiana defectio.

XVI. 8. Agnitioni divinæ detrahunt quoque, qui ad *auguria, divinationes, hariolationes* confugiunt, nec non qui *incantationes, magicasq;* ac *neromanticas artes*, pactò cum Diabolo sive expressò sive tacitò nitentes, sequuntur.

XVII. Cultûs Dei interni ab hominis voluntate proficiscentis prima virtus est *dilectio Dei*, Exod. xx. 9. eaque, quantum quidem imbecillitas humana patitur, maximè sincera, absque hypocrisi, *ex tota anima, totò corde & omnibus viribus*. Deut. VI. 5. Matth. xxii. 37. Marc. xii. 30. Luc. X. 27. Qui verò Deum diligunt, nullam rem in amore Deo præferunt, Matth. X. 27. Luc. xiv. 26. nec, quantum in ipsis est, à mandatis Dei recedunt; I. Joh. V. 3. id lucri reportantes, ut *amici Dei* evadant. Joh. xv. 14. 15. Jac. II. 23.

XII. Ab hac Dei dilectione recedunt *ἔχθρὰς*, Rom. I. 30. *inimici Domini*, II. Sam. xii. 14. cultum Deo subtrahentes, seipsos & alia bona Deo in amore præferentes. II. Tim. III. 4. Jac. iv. 4. imò peccatis ita se involventes, ac si non esset Deus. Exod. XX. 5. Deut. V. 9. Coloss. I. 21.

XIX. Ex dilectione hac fluit *Timor Dei*, qui in genere quidem est cultus Dei, Deut. X. 20. II. Reg. xvii. 25. 32. 33. 34. I. Petr. II. 17. specialiter autem est animi submissio hominis majestatem summamque potestatem Dei ita agnoscentis, ut omni modò caveat, ne voluntati ejus adversi quicquam designet, atque ita eum offendat.

XX. Timor tamen hic est *filialis*, in ejus demum corde locum habens, qui per fidem Dei filius est factus, Rom. II. 15. 16. quòcum timore sollicitè *versandum est commorationis nostra tempore*. I. Petr. I. 17. Phil. II. 12.

XXI. Huic Timori repugnat *Timor servilis* ex metu poenæ ortus, homines à Deo sejungens, Gen. III. 10. Repugnat eidem quoque nimis anxius Dei metus ac *Superstitio*, quæ interdum cum vanitate est conjuncta, qualis in iis notatur, qui *Baptismum vicarium* introducebant, interdum est *ex zelo citra scientiam*, Rom. X. 2. qualis erat in Pharisæis, Marc. II. 23. sqq. Luc. XIII. 14. XIV. 3. seqq. Repugnat quoque eidem *Securitas carnalis*, peccatorum, præsertim si in occulto perpetrentur, Gen. IV. 9. Psalm. X. II. XCIV. 7. magnitudinem insuper habens, Jud. II. 12. 13. ac misericordiæ divinæ citra sollicitudinem innitens.

XXII. Ad internum Dei cultum pertinet quoque *Fides* sive fiducia in Deum, quâ Deo indivulsâ ratione ita adhæremus, Rom. II. 38. 39. ut ab ejus benignitate, quæ nobis proficua sunt futura, nobis ausimus promittere. Joh. xiv. 13. xvi. 23. I. Joh. V. 14. 15. Vid. Exod. xiv. 13. 14.

XXIII. Cum hac fiducia pugnat partim *Diffidentia* ob dilationem divini auxilii; Exod. xiv. 16. II. Petr. III. 9. Hebr. X. 35. 36. 37. partim *Tentatio Dei*, ad quodlibet à Deo expectandum incitans, ut experimentum fiat veritatis promissionem divinarum, Deuter. VI. 16. Matth. IV. 7. Vid. Exod. xvii. 2. 7. Judith. ix. 11.

XXIV. Cum eadem Fiducia vel cohæret, vel eam antecedit *Spes* & expectatio futurorum bonorum, tam ipsius æternæ beatitudinis, Rom. ix. 24. I. Cor. xv. 9. (quæ proinde *Spei* nomen obtinet, Ephes. I. 18. Col. I. 5. Tit. II. 13.) quàm donorum tam ad illam, quàm ad hanc vitam nobis necessariorum. Hæc *Spes* est *divina*, sub qua Abraham credidit contra spem humanam. Rom. IV. 18.

XXV. Huic *Spei* ex una parte repugnat *Presumptio* eorum, qui quod speciali æmum gratiâ obtingit, suis viribus se consequi posse confidunt, aut de vita æterna securi sunt, licet ordinem divinum, secundum quem ea obtingit, insuper habeant. Vid. I. Cor. IV. 8. Talis est eorum, qui cum *stant*, putant, se *cadere non posse*. I. Cor. X. 12.

XXVI. Ex altera parte *Spei* repugnat *nimia dubitatio*, imò *Desperatio*, tam de bonis temporalibus & auxilio divino, II. Reg. VII. 2. quàm de bonis spiritualibus & æternis impetrandis; qualis erat in Caino, Gen. IV. 13. Iuda, Matth. XXVII. 5. A qua desperatione nos dehortatur Apostolus I. Thess. IV. 13. II. Cor. II. 7.

XXVII. Ex his virtutibus fluunt *Humilitas*, Matth. V. 3. & *Patientia* Jac. V. 7. quibus adjungitur *Perseverantia* & *Constantia*, I. Cor. xv. 58. Eph. III. 18. cujus pars est *Diligentia*, Tit. II. 14. nec non *Vigilantia*, Matth. xxvi. 41. I. Petr. V. 8.

XXVIII. Humilitati adversatur *Superbia*, I. Petr. V. 5. 6. Luc. xix. 9. & *vana gloriatio* seu *jaſtantia*, cui rectè occinitur dictum I. Cor. IV. 7. *Patientiæ* opponitur *Impatientia* & *Mollities*, qualem præ se tulit Hiob, cap. III. 1. 2. *Constantiæ* opponitur *Inconstantia* & *Levitas*, in tentationibus ab hypocritis & *megonisteis* prodi solita. Luc. II. 13. *Vigilantiæ* opponitur *Oscitantia*. I. Thess. V. 3. seqq.

XXIX. Promissiones & comminationes, quibus Deus primum præceptum, tanquam reliquorum omnium fundamentum, munivit, non solum ad hoc præceptum spectant, sed & ad reliqua omnia sunt extendendæ.

XXX. Quæ verò Deus vel promittit, vel minatur, partim sunt communia, partim specialia; respiciunt item vel hanc, vel æternam vitam; sunt denique vel spiritualia, vel corporalia.



SECUNDO AC TERTIO DECALOGI PRÆCEPTIS.

§. I.

Pater internum externus quoque cultus Deo debetur, quò significamus, quâ mente & quâ voluntate ipsum colamus. Ideò enim Deus nobis se patefecit, ut ipsum non solum *in spiritu nostro*, sed & *in corpore nostro glorificemus.* I. Cor. VI. 20.

II. Quod ergò cultui huic vel adversatur, vel eum impedit ac tollit, secundò præceptò prohibetur, quò interdictum, *ne nomen Jehovæ, Dei nostri, assumatur* (auferatur, levetur) *in vanum*, Exod. XX. 7. Deuter. V. 11. *neque polluat*; Levit. XIX. 12. eòque ipsò glorificatio & *sanctificatio nominis Dei* Matth. VI. 9. Luc. XI. 2. injungitur ac præcipitur.

III. *In vanum* autem assumitur *admirabile* Jud. XIII. 18. *magnum & grande*, Jer. X. 6. Psal. LIX. 1. 10. *terribile*, Ps. XCIX. 3. atque *sanctum*, Ps. CXI. 9. *nomen Domini*, inque abusum vertitur, cum illud ad confirmationem rei falsò adhibetur, vel quando *leviter ac temerariè inconsultò ac sine necessitate*, imò & *conumeliosè* usurpatur. Exprimatur autem *cum denegatione impunitatis* Exod. XX. 7. peccati minoris species, ut gravioris detestatio simul inde colligatur.

IV. Præcipitur verò in specie *Invocatio Dei* ac nominis ejus, cui exauditio precum Psal. L. 15. Matth. VII. 7. sqq. XIX. 19. XXI. 22. Luc. XI. 9. sqq. Joh. XIV. 13. XVI. 23. I. Joh. V. 14. imò & *salus aterna* præmii locò proposita est, Act. II. 21. Rom. X. 13.

V. Invocandus est Deus *in spiritu & veritate*, Joh. IV. 23. *in nomine Christi*, Joh. XVI. 23. inque vera fide, cum fiducia exauditionis, Matth. XXI. 21. 22. Marc. XI. 23. 24. Jac. I. 6. 7. *in vera humilitate*, adeòque animò pœnitente, Jac. IV. 10. *corde purò*, I. Tim. II. 8. II. Tim. II. 22. assidue & constanter, Luc. XIX. 1. Rom. XII. 12. Col. IV. 2. Ephes. VI. 18. I. Thess. V. 17. cum fervore, Jac. V. 16. citra *βαπτολογίαν* tamen. Matth. VI. 7. Iqq. Species precationum recenset Apostolus I. Tim. II. 1.

VI. Sicuti solus Deus est adorandus & invocandus, ita & per ipsius solius nomen est *jurandum*, quando, ut juremus, res ipsa postulat. Exod. XXII. 11. Deut. VI. 13. X. 20. Dan. XII. 7. Apoc. X. 6. Conf. Rom. I. 9. IX. 1. Phil. I. 8. I. Thess. II. 5. Gal. I. 20. II. Cor. I. 23. Atque ea in re pars cultus divini consistit. Esa. XLV. 23. XLIX. 1. Jer. XII. 16. De juramento vid. Jer. IV. 2.

VII. Sive autem juramentum sit *assertorium*, sive *promissorium*, sive quodcunque aliud, opus est *judiciò*, ne *juremus vel falsò, vel facile, temerè ac leviter*, eum *jurandum non fide, nisi ubi gravis urget necessitas*. Voss. Hist. Pelag. libr. V. part. II. p. 516. 518. Juramento aliquando jungitur *execratio*, uti fiebat à Josepho Genes. XLII. 15. 16. 18. XXXI. 53.

II. Juramentum promissorium, animò malè consultò de re illicita emissum, non obligat; & majus est peccatùm in pertinaciter servato, quàm in temerè emisso. Scitum est illud: *In malè promissis rescinde fidem*. Et de Herodis juramento Matth. XIV. 7. 9. S. Ambrosius libr. III. de Offic. pronunciat, *tolerabilius tali perjurium fuisset sacramentò*. Rectè verò David per Abigaillem se expugnari passus est, ne quod juramentò promiserat, executioni daret. I. Sam. XXV. 22. 34.

IX. Juramenta idololatrica Deus execratur, Jos. XXIII. 7. Jer. V. 7. Sophon. I. 5. uti & perjuria. Jerem. VII. 9. Zach. V. 3. 4. Malach. III. 5. Matth. V. 33. I. Tim. I. 10. Malè etiam Pelagianos Anabaptistæ imitantur, ob locum Matth. V. 34. seqq. & Jac. V. 12. non satis rectè intellectum ab omni juramento abstinendum esse arbitrati. Vid. Voss. l.c.

X. Sicuti juramenta, ita & *Vota* soli Deo sunt facienda. *Debet autem Votum esse in re possibili, voluntarium, spontè ac consultò, non temerè conceptum*. A. C. de Vot. Mon.

XI. Neque opus malum voti materia esse debet; quale votum reginæ coeli factum esse legitur Jerem. XLIV. 25. neque votum ob malum finem oportet fieri, cujus tamen exemplum habetur Act. XXIII. 14. Etenim *Votum non debet esse vinculum iniquitatis*, ac proinde *impium votum non valet, nec ejusmodi votum potest tollere mandatum Dei*. A. C. l.c.

XII. *Vota* interim *licita servari debent*. Apol. A. C. p. 278. ita tamen, ut jus superioris salvum maneat atque integrum. *Canones enim docent, in omni voto jus superioris excipi*. A. C. l.c.

XIII. Inter Judæorum vota eximium erat *Nadsireatus* Num. VI. 1. seqq. cui & Paulus in Judæorum gratiam se submisit, Act. XIX. 18. XXI. 24. *Corban* autem Judæorum reprehendit Servator Matth. XV. 5. 6. Marc. VII. 11. 12. 13. An Jephthæ votum Judic. XI. 30. seqq. licitum fuerit nec ne? dijudicari poterit, si constiterit, an is filiam immolaverit, an verò cœlibatui perpetuo & cultui divino vivam addixerit.

XIV. Votorum species sunt jejunia, quibus pii preces suas acuunt, Act. XIII. 2. XIV. 22. imò seria eorum poenitentia, humilitas, pietasque excitatur & alitur, commendata proinde Matth. VI. 16. XVII. 21. I. Cor. VII. 5. II. Cor. VI. 5.

XV. Celebratur quoque nomen divinum *Gratiarum actione* pro beneficiis à Deo acceptis, sive ea ad nos in specie pertineant, sive ad alios, imò & ad totam Ecclesiam; sive illa beneficia hanc, sive alteram vitam respiciant. Vid. Ps. L. 14. I. Cor. VI. 20. Eph. V. 20. I. Thess. V. 18. Hebr. XIII. 15.

XVI. Huic affinis est *nominis divini Glorificatio*, omnia, quæ in Deo, & à Deo sunt, piè contemplans atque admirans cum ingenua nostræ imbecillitatis & subjectionis confessione. Vid. Ps. LIX. I. XXII. 23. seqq. Huic maxime contrariatur *Blasphemia*, honorem Dei lædens; cujus tamen varii modi esse possunt. In id peccatum ante sui conversionem labeatur Paulus I. Tim. I. 13. conjunctumque est cum peccato in Spiritum Sanctum; in specie blasphemia ab *homine peccati & filio perditionis* II. Thess. II. 34. dicitur evomi. Apoc. XIII. 6.

XVII. Nominis divini celebrationem comitatur quoque *confessio veritatis divina agnita*, Matth. X. 32. 33. I. Petr. III. 15. 16. quâ quoties opus est, nemo debet *erubescere Evangelium Christi*; Rom. I. 16. nec minus studium atque *ardor cælestem doctrinam propagandi*; *Zelus item gloria divina*, quò Eli ducebatur I. Sam. II. 22. sqq. nec non Elias, I. Reg. XIX. 10. 14. Quicquid verò hos actus vel impedit, vel iis contrariatur, honori Deo debito ac sanctificationi nominis ejus detrahit.

XVIII. Ad celebrationem nominis divini facit quoque, si certum tempus cultui divino & pietatis exercitiis destinetur ac tribuatur, non solum privatim, sed & publicè in congressibus Ecclesiæ, quippe in qua Deus *posuit & habitare facit nomen suum*, Deut. XII. 11. I. Reg. IX. 29. IX. 3. *Ubi enim vel duo aut tres congregati fuerint in nomine Domini, illic est in medio eorum*. Matth. XIX. 20. XXIX. 20. Quò cultu Deus adeò delectatur, ut *in omni loco, in quo meminit fecit nominis sui, veniat ad nos, & benedicat nobis*. Exod. XX. 24.

XIX. Etsi verò *nullus dies alterò melior sit aut præstantior*, Rom. XIV. 5. Luther. in Cat. maj. p. 424. ab initio tamen Deus septimum diem, sive *Sabbatum*, quò ab omni creationis opere quievit, *propter hominem* Marc. II. 27. *sanctificavit*, cultuique divino consecravit. Gen. II. 3. Cujus rei oblivio cum gentes pridem incessisset, eademque inter Israëlitas invalesceret, Deus, ex quo Manna pluit, Exod. XVI. 22. 29. & deinceps in tertio præcepto legem illam renovare, simul interpretari, ratione adhibitâ Israëlitis firmiter inculcare, Exod. XX. 8. 9. 10. 11. Deut. V. 12. sqq. poenâ etiam civili munire voluit. Exod. XXXI. 14. XXXV. 2. Num. XV. 32. sqq.

XX. In hoc præcepto id, quod morale est, implicitè continetur, estque partim, minus tamen principaliter, cessatio ab operibus servilibus, aut alias corporis motum requirentibus, nisi fortè inter ea aliqua sint, quæ cul-

tum Dei directè respiciant, Matth. XII. 5. aut sint charitatis ac necessitatis, Matth. XII. 11. Luc. XIV. 5. aut simpliciter pertineant ad honestatem, aut sint leviora, Marc. II. 23. partim verò, & quidem principaliter, religiosus Dei cultus, ejusque politia, nec non meditatio ac celebratio beneficiorum Dei. Vid. Col. III. 16. Ephes. V. 19. Quò pertinet verbi divini lectio, auditio, scrutatio, Sacramentorum usus, preces, & reliqua tam pietatis, quàm charitatis exercitia.

XXI. Quòd verò ceremoniale est, explicitè in eo continetur, estque diei sabbathi, sive septimi, sanctificatio. Quamvis verò Deus statim ab initio hunc diem cului suo addiderit, quoniam tamen *totum tempus à principio mundi usque ad Mesiam fuit tempus signorum, umbrarum & paedagogia*, D. David Rungius Comm. in Exod. pag. 728. sanè quò ipsò Deus hanc legem quoad circumstantiam, æquè ac legem de sacrificiis & oblationibus, in populo Judaico ceremonialem fecit, eò ipsò indicavit, se legem hanc quò usque ceremonialis fuit, æquè minùs voluisse perpetuam, quàm legem de sacrificiis. A iugo enim legis, præsertim ceremonialis, per Christum, qui est *finis legis*, Rom. X. 4. Matth. XI. 13. sumus liberati. Hebr. X. 1.

XXII. Legem verò istam hâc ratione ceremonialem fuisse factam, ex Deuter. V. 15. constat. Unde & sabbathum, quod est *in signum*, à moralibus præceptis distinguitur, Ezech. XX. 10. 11. 12. atque Sabbathum Veteris Testamenti *umbris* annumeratur Coloss. II. 16, 17. Gal. IV. 10. 11. Conf. Hebr. IV. 4.

XXIII. Ecclesia ergò non invitò *Dominò Sabbathi*, Marc. II. 28. Apostolicam traditionem secuta, in memoriam resurrectionis Dominicæ, quin & effusionis Spiritus Sancti, Actor. II. 1. sqq. cultui divino sacrum esse voluit primum hebdomadis diem, qui & *dies Dominicus* dicitur: Apoc. I. 10, cujus rei *vestigia in Scripturis* Joh. XX. 1. 19. Actor. XX. 7. I. Cor. XVI. 2. extare dicit Augustinus Epist. CXIIX. *Quam antiquam adeò & universalem à primis Ecclesia temporibus ad nos usque traditam observationem si quis oppugnaret vel impugnatum iret, is amens diceretur.* B. G. Calixtus Appar. Theol. p. 232. Conf. A. C. Art. ult. Catech. maj. Luth. p. 424.

XXIV. Quâ ratione Veteres Dominicum diem celebrârint, commemorat Justinus Martyr Apol. II. p. 98. 99. Cui rei laudabile Constantini M. exemplum apud Eusebium libr. IV. de vita ejus jungi potest.

XXV. Cum hoc præcepto pugnat non solum cultus divini intermissio, neglectus, fastidium, contemnusque cum sacrorum, tum sacrarum *συνείδησις*, verum etiam diei Deo sacrati in profanos actus & usus conversio. Vid. Cat. maj. Luth. p. 427. 428.

DISPUTATIO THEOLOGICA VIGESIMA QUARTA,
DE
QUARTO ET QUINTO DECALOGI
PRÆCEPTIS.

§. I.

Post cultum & dilectionem Dei curæ quoque nobis esse debet dilectio proximi, in altera Decalogi tabula requisita, cujus norma partim est amor nostri, Levit. xix. 18. Matth. VII. 12. xxii. 39. Marc. xii. 31. Luc. VI. 31. X. 27. Rom. xiii. 9. Gal. V. 14. Jac. II. 8. partim amor Dei, quod in nos fertur. Ephes. V. 2. *Charissimi, si Deus ita dilexit nos, & nos debemus nos invicem diligere*, I. Joh. IV. 11, 21. *non linguâ solum, sed opere & veritate*. I. Joh. III. 18. Conf. Joh. XV. 12.

II. *Proximum* Apostolus Rom. XIII. 8. vocat *ἐτερον*, quicumque & qualis ille sit, consiliô, ope, & intercessione nostrâ indigens, Luc. X. 36. 37. sive retributionem amoris & beneficii ab eo sperare possimus, sive minùs. Luc. XIV. 12. *Omnis homo est homini proximus, nec ulla est cogitanda longinquitas generis, ubi est natura communis*; Augustin. in Ps. cxix. Homil. iix. *Unius namque originis Deus omnes homines esse voluit, Act. xvii. 28. ut arctiori vinculo ad mutuam charitatem eos obligaret, & omnibus bene faceremus*. Gal. VI. 10.

III. Numero itaque proximorum non sunt eximendi inimici, quibus non solum ad exemplum Christi Eph. II. 1. Col. II. 13. delicta contra nos commissâ benignè & ex animo condonare debemus, Eph. IV. 32. Col. III. 12. 13. sed & omni modô eos diligere, Matth. V. 44. 45. Luc. II. 27. 35. Rom. XII. 20. sicut Christus nos dilexit & reconciliavit, cum adhuc peccatores & inimici ejus essemus, Rom. V. 8. 9. 10. Col. I. 21. Conf. Joh. xv. 9. 10. *Amicos certè diligere, omnium est; inimicos, solum Christianorum*. Tertull. libr. ad Scapul. init.

IV. Dilectionis opera partim sunt corporalia, quibus defectibus corporis proximi sive in vita, sive in morte succurritur; partim spiritualia, quibus spiritualibus proximi defectibus subvenitur.

V. Prout verò divinâ ordinatione proximi nobis sunt vel superiores, vel æquales, vel inferiores, ita & diligendi sunt: *neque enim omnia uni eisdemq; sed sua cuique accommodata sunt tribuenda*. IX. Eth. II. §. 8. 18.

VI. In amore præ aliis prærogativam inveniunt consortes fidei Christianæ: Hos fidei domesticos *Φιλαδέλφια*, simulationis expers, ex puro corde profecta, & cum *ἐκτενεία* conjuncta ita necit, Rom. xii. 10, I. Thess. IV. 9. Hebr.

XIII. 1. I. Petr. I. 22. II. 17. ut *animo in fratres propenso nihilominus erga omnes charitatem addant.* II. Petr. I. 7.

VII. In quarto præcepto Deus parentes ab omnibus aliis, qui in terra agunt, segregat, juxtaq; se collocat, jubens Patrem & matrem honorari. Non autem simpliciter præcipit, parentes esse amandos, sed honorandos: --- Est enim honor res amore multis modis sublimior. Luther. in Catech. maj. p. 430.

IIIX. Merentur autem parentes à liberis suis honorem propter beneficia in eos collata, quorum magnitudo cum tanta sit, ut parentibus ἰσὺς reddere nequeant, honorem saltem ipsis deferre tenentur. *Honore afficiuntur jure quidem vel maxime, qui jam beneficia dederunt: sed tamen is quoque honoratur, qui potest bene facere.* I. Rhet. V. §. 23.

IX. Patris autem ac matris nomine veniunt non solum οἱ ἡμεῶν πατέρες, Hebr. XII. 9. sed & reliqui majores & collaterales seniores, Tutores, Curatores, Imperantes, & qui consilio adsunt, Doctores & ministri Ecclesiæ, Præceptores, Seniores, ætate & dignitate graves, imò omnes benefactores. Vid. Flac. in Clave, voce *Parents*. Ex quorum consideratione, quoniam filii dicantur, in promptu est colligere.

X. Diversæ istæ rationes pensandæ sunt, ut quarti præcepti latitudo innotescat. Eorum verò, quos Patrum nomine Scriptura dignatur, est non solum paternò affectu eos, qui filii ipsorum dicuntur, complecti, verum etiam curam eorum gerere, atque pro ratione, secundum quam sunt patres, beneficiis, quibus possunt, eosdem mactare.

XI. Quicumque verò filiorum nomine veniunt, cum aliud vix possint, honorem saltem parentibus deferre debent, quò parentes nunquam sunt privandi, *quanquam tenues, egeni, imbecilles, deficientes & morosi sint.* B. Luth. l. c.

XII. Honor iste complectitur i. reverentiam & obsequantiam, ὑποταγήν confessionem, animique submissionem, quam externa quoque signa, verba, gestus & actiones exprimunt.

XIII. 2. Obsequium in omnibus iis, quæ voluntati Dei non repugnant, nec charitatem proximi lædunt. Vid. Act. V. 29. Conf. Matth. X. 37. Luc. XIV. 26. *Amandus quidem est generator, sed prapponendus est creator.* Augustin. Serm. IXX. de verb. Dom. *Potestatibus præminentibus subjici oportet, in quibus mandatum Dei non impedierint.* Basil. M. in Moral.

XIV. 3. Gratitude, ut liberi parentes ætate fessos aut iniquiore fortunâ quassatos alant, foveant, ac quævis ad vitam dignitatemque eorum tuendam necessaria conferant, & si qua fortè nonnullis defectibus obnoxii fiant, eos ferant ac tolerant. Quod enim Dominis debetur, I. Tim. VI. 1. I. Petr. II. 18. id Parentes multò magis possunt exposcere.

XV. Sicuti verò post idololatriam Deus nullam transgressionem æquæ detestatus est, quàm irreverentiam, inobedientiam & ingratitudinem liberorum erga parentes, ita & promissionem observationi hujus præcepti proposuit, partim specialiter ad Judæos, Exod. xx. 12. Deut. V. 16. partim ad omnes pertinentem; quâ posteriori ratione promissionem primo huic secundæ tabulæ præcepto propriam repetit Apostolus Eph. VI. 1. 2.

XVI. Post officia, quæ respectum superioris & inferioris supponunt, in Decalogo etiam alia injunguntur, eorumque contraria prohibentur, quæ talem respectum non supponunt. Et quidem in quinto præcepto Deus ejusque hominis vitæ ac sanitati consulit, edictò: *Non occides*; prohibens, ne vitæ aut sanitati proximi noxam inferamus.

XVII. Non autem sermo est de cæde hominis, quam causâ cognitâ ob delictum lex magistratui relinquit; nec de ea, quæ in bello justo peragitur: Si enim bellum, etiam Christianis, gerere licet, fieri aliter non potest, quin alienò cruore hominum manus in eo haud rarò madescent. I. Paral. xxiii. 8. Nec prohibetur homieidium pro defensione corporis & vitæ nostræ factum, modò *tutela inculpata moderamen* fuerit observatum; Vid. Exod. xxii. 2. 3. sed prohibetur hominis ad mortem indebiti occisio, quem gradum etiam ea habeat, sive per nos immediatè ea fiat, sive per alios, modò culpa nostra, si non alia, saltem per negligentiam, subsit. Sub qua occisione etiam abortûs in utero materno procuratio continetur.

XIIII. Sicut verò proximum occidere nefas est, ita nec cuiquam violentas sibi manus quòcunque modò injicere, membrò corporis se privare, aut vitam ullâ ratione abbreviare, injussuque summi Imperatoris, Dei, de statione discedere licet. Malè itaque Donatistis ob malè intellecta verba Joh. XII. 25. *jam per abrupta precipitia, jam per aquas & flammæ se ipsos occidere quotidianus lusus fuit*; teste Augustinò Epist. L.

XIX. *Αυτοχειρίας* crimen etiam incurrunt, qui valetudinem non solum non curant, sed & aliis modis in proprium corpus sæviunt; qui duella subeunt; qui mortis periculis, ubi possunt & debent, se non subtrahunt. Quin & in foro divino *αὐτοχειρίας* rei habentur, qui mortem temerè sibi optant, nec natos se fuisse volunt. Hiob. III. 1. sqq.

XX. Peccato tamen *αὐτοχειρίας* aliam ob causam Samsonem Jud. xvi. 28. sqq. se obnoxium fecisse non dicimus, sicuti nec eos, qui juramento magistratû superiori obligati, arces aut naves bellicas defendendas cum hoc mandato susceperunt, ut spe nullâ defensionis & incolumitatis superstiti, unâ cum munitionibus & navibus, fidei suæ concreditæ, mori & deleri malint, quàm contra fidem magistratû suo datam eas incolumes hostium potestati dedere. Chytr. de mort. & vit. atern. p. 98.

XXI. Prohibentur etiam hęc præcepto 'privatæ vindictæ exercitia, præsertim si cum violentia, v.g. verberationibus, & vulnerationibus sint conjuncta; quò pertinent etiam proximi persecutiones, subsidiorum vitæ subtractiones, & quæcunque supplantationes; sive talia fiant per nos, sive per alios. Vid. Matth. V. 39. Rom. xii. 19. I. Thess. V. 15. I. Petr. III. 9. nec non misericordiæ denegatio, cum *viscera clauduntur coram fratre egeno*. I. Joh. III. 17. *Si enim non pavisti, occidisti*; inquit Ambrosius, vel potius Anselmus. Vid. Decret. Gratiani Distinct. xxcv. Can. *Pasce* &c. Add. Rom. I. 31, 32. Prov. XXI. 13.

XXII. Neque verò opere tantum externò in hoc præceptum impingitur, sed & verbis ac linguâ: hæc enim est *gladius acutus, & dentes sunt hominis lancea & sagitta*, Psal. LVII. 5. Pertinent huc rixæ, contentiones, temerariæ condemnationes, convitia, maledicta, clamores, imprecationes.

XXIII. Porro & prohibitioni huic includuntur gestus ac signa externa, quibus ira, odium, amarulentia, malevolentia significatur. Vocatur hoc *ἀγχιμoneῖν*, I. Cor. XIII. 5. eòque pertinet *φυσίωσις*, II. Cor. XII. 20. Tale quid in Caino observatur Gen. IV. 6. & in Labane, Gen. xxxi. 2. Conf. Eccl. xix. 22. sq.

XXIV. Quia verò *homicidia exeunt ex corde*, Matth. xv. 19. præcepto huic repugnant quoque interni animi affectus, quibus homo inordinate erga proximum fertur, in specie odium, & ira, quæ est *ὀρεξις ἀντιλυπήσεως*.

XXV. Iræ à Thoma 2. 2. dæ Quæst. CLIX. Artic. vii. ex Greg. M. lib. xxxi. Moral. cap. xxxi. sex adjunguntur filiæ: plures ei sociantur Gal. V. 20. Eph. IV. 31. Col. III. 8.

XXVI. Pertinet huc omnis animi impotentia, *φιλονείκεια*, livor & invidia, quæ est *dolor de proximi prosperitate ac rerum successu conceptus*, juxta Basil. M. Homil. VI. Prov. xiv. 30. & quæ cum invidia conjuncta est, *πικραινεκία*, II. Rhet. IX. §. II. improbata Prov. xvii. 5. xxiv. 17.

XXVII. Ex quibus patet, legem, in specie quinti præcepti, esse *spiritualem*, Rom. VII. 14. eòque pactò contra Phariseorum depravationes eam à Christo Matth. V. 21. seqq. esse explicatam. Unde & eandem actibus etiam internis violanti æternæ damnationis pœna denunciatur Matth. V. 22. I. Joh. III. 14. 15.

XXVIII. Præcipitur verò hïc ejusmodi amor proximi, qui vitam & conservationem ejus cum omnibus bonis ad eandem pertinentibus pro objecto habet; item mansuetudo, Col. III. 12. Eph. IV. 1. 2. 26. Jac. I. 19. Matth. XI. 29. *fructus ille Spiritus*, Gal. V. 22. comitas, patientia sive tolerantia, *effectus illi charitatis*, I. Cor. XIII. 5. 7. quibus & *φιλευχή pacem, quantum fieri potest, cum omnibus querens*, Rom. xii. 18. accedit. I. Petr. III. II.

DISPUTATIO THEOLOGICA VIGESIMA QUINTA, DE SEXTO ET SEPTIMO DECALOGI PRÆCEPTIS.

§. I.

Sextum Decalogi præceptum: *Non mœchaberis*; proximi pudicitia consulit, fidemque conjugii firmat, simul etiam castitatem, tam quæ in conjugio, quam quæ extra illud est servanda, imò omnem temperantiam, injungit, quæque his virtutibus repugnant, prohibet.

II. Quàm maximè autem hòc præceptò *Adulterium*, sive illud sit simplex, sive duplex, tanquam notissimum peccatum, prohibetur, ut ei affinia peccata non minùs coram oculis Domini abominanda esse, inde intelligatur.

III. Ea inter est peccatum τῶν μαλακῶν, *mollium*, vel illicità titillatione, vel etiam indebità seminis profusione peccantium. Cujus actûs turpitudinem arguit lex ceremonialis de nocturnis pollutionibus in somno factis, Deut. xxiii. 10. 11. factum Onanis, Gen. xxxix. 9. 10. quàm maximè autem Apostoli pronunciatum I. Cor. VI. 9.

IV. Legi huic repugnat quoque *Fornicatio* sive *Scortatio simplex*, solutique cum soluta illicita conjunctio, non quidem à gentilibus Actor. xv. 20. Rom. I. 29. attamen in Scriptura peccati locò habita, I. Cor. V. 11. VI. 9. 15. 18. X. 8. II. Cor. XII. 21. Gal. V. 19. Col. III. 5. 6. I. Thess. IV. 3. Hebr. xiii. 4. Apoc. xxii. 15. cui sanè loc. Hof. I. 2. nullà ratione patrociniatur.

V. Rectè quoque in Decret. part. II. Caus. xxxii. Quæst. IV. cap. ix. *Dicat aliquis* &c. prohibitus est maritali affectione carens *Concubinitus*. Quocum tamen confundenda non sunt *matrimonia* inæqualia & *conscientia*; de quibus vid. B. D. Hildebr. lib. de Nupt. Vet. Christ. Hæc enim vera sunt matrimonia, licet effectibus civilibus destituantur. Tale matrimonium erat Abrahami cum Kethura, Genes. xxv. 6. & Davidis ac Salomonis concubinarum fit mentio II. Sam. XX. 3. I. Reg. xi. 2.

VI. Prohibetur porrò *Stuprum*, quò honesta persona vel vi adhibitâ, vel blanditiis inducta polluitur. Vid. Exod. xxii. 16. Deut. xxii. 28. 29. Quæ pollutio si sit personæ castitatis votò obstrictæ & Deo dicatæ, aut fiat in loco sacro, *Sacrilegium* vocatur.

VII. *Raptus* est violenta mulieris in alienum locum abductio & corruptio

ptio. I. Tim. I. 10. *Incestus* autem est, quando carnali copulâ sanguinis vel affinitatis jura intra gradus prohibitos & dispensationi locum non relinquentes violantur. Exemplum præbent Loth, Gen. XIX. 33. Amnon, II. Sam. XIII. 11. Gradus prohibiti Levit. XIX. 6. sqq. XX. 11. sqq. indicantur.

II. Sunt & quædam *μὴ καθήκοντα*, *contra peccata*, Sap. XIV. 26. & *contra naturam*, cujusmodi est *Sodomia*, masculi cum masculo cohabitatio, Rom. I. 27. 28. quam *ἀχαιοσύνην* qui committebant, *ἀρσενοκοίται* & *cinadi* appellantur I. Cor. VI. 9. I. Tim. I. 10. Vid. Levit. XIX. 11. 20. 13. Tale peccatum quoque est *Bestialitas* sive congressio cum bruto. Exod. XXII. 19. Levit. XIX. 23. 20. 15. Deut. XXVII. 21.

IX. Imò huc pertinet omnis *ἀκαθαρσία*, *ἀσέλγεια*, *μισμὲν καὶ ἡ Πισυμία*, & *Πισυμίας πάθος*, Rom. XIII. 13. Ephes. IV. 19. 29. V. 3. Col. III. 5. I. Thess. IV. 5. I. Petr. II. 10. V. 3. sive *sermone corrupto* Ephes. IV. 29. & *ἀιχρολογία*, sive externis gestibus, signis, aut cultu corporis, præsertim meretriciô, sese prodat. Vid. Prov. V. 20. VII. 5. sqq.

X. De impura carnis cupiditate participare solent *oculi* & *libido* eorum, I. Joh. II. 16. qui *carnem sequentes oculos adulterii plenos habere* dicuntur II. Petr. II. 10. 14. Vid. Matth. V. 28. Ecclesiastic. XXVI. 12. Gen. V. 2. xxxix. 7. Add. Hiob. XXXI. 1.

XI. Impura illa concupiscentia excitat *ustiones*, I. Cor. VII. 5. 9. & Sata-næ flabellô admotô ad cupiditatis prosecutionem inflammat, ac turpiter perceptæ voluptatis memoriam réfricat.

XII. Non solum ergò ab externo actu & pravæ libidinis exercitio abstinere, verùm etiam ab internis pravis motibus imùnem oportet esse eum, qui voluerit *vas suum possidere cum sanctificatione & honore*, I. Thess. IV. 4. 5. atque ita *Deum glorificare in corpore immaculato, & in spiritu puro*. I. Cor. VI. 20.

XIII. Vitanda porrò sunt omnia, quæ impediunt, quò minus homo *σωφρόνως* vivat; cujusmodi sunt vitia à malevolis Servatori citra meritum exprobrata Matth. XI. 19. *καὶ πότος, & οἶνοφλυγία*, quæ proinde cum libidine conjunguntur I. Petr. IV. 3. Rom. XIII. I. Cor. VI. 10. Gal. V. 21.

XIV. Contra hæc efficax remedium sunt assiduæ preces, jejunia, temperantia in victu, fuga otii, conversatio cum piis, occasionis ad libidinem inducentis devitatio, & omne castitatis studium in eo occupatum, ut *puri simus ab omni inquinamento cum carnis, tum spiritus*. II. Cor. VII. 1.

XV. Iis autem, qui in cœlibatu ab Apostolo propter temporum difficultates commendato virginalem castitatem *cum sanctitate quoad corpus & spiritum* I. Cor. VII. 34. servare & se continere nequeunt, (non enim omnes capiunt *verbum hoc*, Matth. XIX. 11.) *secundus castitatis gradus sit fidele conjugium*;

Chry.

Chrysoſt. Homil. in Matth. xx. *nubantq; : melius namque eſt nubere, quàm iri,* I. Cor. VII. 9. & propter fornicationis periculum vitandum ſuam quiſque habeat uxorem, & qualibet fœmina ſuum maritum, nec diſcedant à ſe invicem. Sic nullius conſcientiæ laqueus injicietur. I. Cor. VII. 2. 10. 35.

XVI. Sic ergò conjugium, quod ex ſe non eſt juris naturæ, in iis, qui ſe continere non poſſunt, fit juris naturæ. Quò pacto explicanda ſunt verba Apol. A. C. 238.

XVII. Matrimonium autem inter omnes honorabile contrahatur in Domino, mutuâ ac debitâ benevolentia ejusque redditione foveatur, I. Cor. VII. 3. 5. 39. *impollutumq; ſervetur cubile* conjugum. Hebr. XIII. 4.

XIIX. Servatur enim & in conjugio caſtitas, ſi miſſis extra illud carnalibus voluptatibus conjuges ſocietatis ſuæ ſuavitate legitimo fruantur modo, ut *qui habent uxores, ſint ut non habentes*. I. Cor. VII. 29.

XIX. Licet enim hodie caſtitas conjugalis non ſit omnimodæ puritatis neque omnis inordinatæ commotionis expers, ceu fuiſſet in ſtatu integritatis, Deus tamen hunc defectum in renatis tegit, & quia hoc à ſe inſtitutum vitæ genus ſibi diſplicere non patitur, *conjugii quoque umbraculo multas ineprias maritales tegere, credentibusq; non imputare ſolet*; ut cum B. Luthero loquitur B. Chemnitius part. II. LL. de Caſtit. p. 211. a.

XX. Quod autem contrahitur matrimonium, iis in gradibus contrahatur, quibus illud neque jure divino, neque civili aut Eccleſiaſtico eſt prohibitum. Contractum autem maneat indiſſolubile, Matth. XIX. 6. nec niſi propter adulterium, & quæ ei analogæ eſt, malitioſam deſertionem dirimatur. Polygamia autem ſimultanea non conceditur, Matth. XIX. 4. ſqq. quamvis ſucceſſiva in vicio non habeatur. I. Cor. VII. 39. I. Tim. V. 14.

XXI. Poſthæc ut cuique ſua fortunæ bona, quæ proprietatis jure poſſidet, mortalis hujus vitæ præſidia, tuta ſint & ſalva, ſeptimo præcepto: *Non facies furtum*; cautum eſt.

XXII. Expreſſè quidem *furti* tantum fit mentio, prohibetur tamen ſimul omnis actio, quâ proximo res ſuæ imminuuntur & auferuntur, ſive id fiat clandeſtinâ ratione, ſive per vim apertam; ſive ſub ſpecie juris, ſive citra prætextum ejus; ſive in contractu, ſive extra eundem.

XXIII. Prohibetur itaque non ſolum *furtum* tam rerum mobilium, quàm fundi, Deut. XIX. 14. ſed & *rapina, abiegatus, plagium*, Deuter. XXIV. 7. I. Tim. I. 10. *peculatus, crimen repetundarum*, II. Reg. XII. 6. *sacrilegium*.

XXIV. Prohibentur etiam fraudes, impoſturæ, Luc. III. 13. I. Theſſ. IV. 9. Jac. IV. 13. & circumventiones per ſingula contractuum genera, in ſpecie quæ ſunt falſo pondere, menſurâ, corruptione mercium & monetæ, de-

fraudatione in labore, dilatione aut denegatione mercedis promerita, Deut. xxiv. 14. Jac. V. 4. aliisque modis. Pertinent huc circumventiones, exactiones, detentiones iniquæ prætextu juris & justitiæ factæ, debiti, præscriptionis iniquæ. &c. Vid. Esa. X. 1. 2.

XXV. Sicuti importuni mendici, quando aliter, quàm mendicando, vitam tueri possunt, alios pecuniâ emungentes, & magis pauperibus eleemosynas subtrahentes hujus præcepti legem violant, ita non minùs contra eandem peccant, qui egenti proximo de superfluo necessaria, juxta normam facultatum suarum, suppeditare detrectant. Prov. III. 27. Matth. VI. 3. 4.

XXVI. Peccant & qui immodestis atque iniquis usuris (Hebræis sunt מרסוס *morfus*, Exod. xxiii. 19. 20.) egenum proximum gravant, imò opprimunt. Lev. xxv. 36. Deut. xxiii. 19. 20. Ps. xv. 5. Prov. xxii. 8. Ezech. xix. 8.

XXVII. Aliquas tamen usuras, præsertim *compensatorias*, lege definitas, nec egenum proximum gravantes capere non est prohibitum. Ex rei æquitate sanè Deus certò modò eas permisit Deut. xxiii. 19. 20.

XXVIII. Christus quidem vult, ut *beneficiamus, & mutuum demus, etiam si nihil, neq; sortem, si ea reddi nequeat*, (quò pactò erit eleemosyna, Ps. cxii. 5.) neque augmentum sortis (quò pactò erit opus charitatis & misericordiæ,) *inde ab egeno speremus*, Luc. VI. 35. ab eo tamen, qui nostrâ pecuniâ eò tempore, quò nos eandem in familiæ commodum licitè convertere possumus, rem suam auditiorem reddit, suâque quærit commoda, annum censum & usuras intra modum consistentes ac lege determinatas capere non prohibuit.

XXIX. Prohibentur itaque hòc præceptò actus justitiæ tam distributivæ, quàm correctoriæ repugnantes, nec minùs actus liberalitati contrarii, cujusmodi sunt actus prodigalitatis, Prov. V. 10. & avaritiæ, quæ *sua, non quæ sunt proximi, quarens* Phil. II. 4. *radix est omnium malorum*, I. Tim. VI. 10. ac proinde ministrum Ecclesiæ oportet esse ἀφιλάργυρον, ac talem, qui pietatē quam *stui non habeat*. I. Tim. III. 3. VI. 5.

XXX. Non autem solùm actus externi, sed & interni prohibentur, ne *cor sit fons furtorum* peccatorumque legi huic spirituali repugnantium. Matth. xv. 19.

XXXI. Injungitur verò liberalitas, benignitas, & misericordia, ἀνταρχεια, justitia, fides in contractibus, sedulitas, omneq; *id, quò bona proximi promoveri, augeriq; imò inopia egentis benignè sublevari potest*. Luth. Catech. maj. p. 466.

XXXII. Horum operum uti Deus est remunerator, Prov. xix. 17. ita *fures, injusti πλεονέκται, sive avari, & rapaces regni Dei hereditatem non possidebunt*, I. Cor. VI. 10. Eph. V. 5. Col. III. 5. 6. nec minùs magistratus poenâ criminali, quæ suspendium esse solet, in fures rectè animadvertit.

OCTAVO, NONO, AC DECIMO DECALOGI PRÆCEPTIS.

§. I.

Sicuti hominis vitæ præsidiiſque vitæ Deus conſuluit, ita nec minùſ ſamam honeſtamque exiſtimationem ipſius lege ſuâ voluit eſſe munitam. Quæ ipſa cum inter alia falſis testimoniis in periculum conjiciatur, modis omnibus Deus ea prohibita eſſe voluit, edicens: *non loqueris adverſus proximum tuum testimonium mendacii, ſive falſum.*

II. Falſa illa testimonia vel in judicio, vel extra illud perhibentur, dum quis verum id eſſe dicit, quod tamen falſum eſt, aut ſaltem pro falſo habet, & contrà.

III. Falſo hõc testimoniõ vel læditur proximus innocens, vel nocens juvatur, promeritaſque pœnæ ſubtrahitur. Utrõque autem modõ juſti- tiæ curſus ſiſtitur & impeditur. Crimen verò tantò eſt majus, ſi ſacra- menti religio ſimul violetur.

IV. *Falſus teſtis impunitus non erit, & qui loquitur mendacium, peribit.* Proverb.xix. 9. In Republica ſua Deus falſo teſti eam propoſuit pœnam, quam innocenti testimoniõ ſuõ erat attracturus. Deut.xix. 18, 19. Vid. Hiſt. Suſann. v. 59. 62.

V. Ejusmodi falſos teſtes adhibebant Iſabel adverſus Nabothum, II. Reg. xxi. 10. 13. Sacerdotes adverſus Chriſtum, Matth. xxvi. 60. Marc. xiv. 56. 57. 58. 59. Luc. xxiii. 2. 5. Judæi adverſus Stephanum, Act. VI. 11. VII. 58. Ananias in accuſatione Pauli per Tertullum facta. Act. xxiv. 2. 9.

VI. Sicuti falſa testimonia, ſive ſiant falſum proferendo, ſive verum reti- cendo, innocentiaſ & ſamæ proximi valdè ſunt adverſa, ita quicquid ean- dem præter meritum lædit, hõc præceptõ prohibitum eſſe cenſendum eſt.

VII. Tale quid ſunt ſiniſtræ ſuſpiciones cum charitate *delicta operiente* Prov. X. 12. I. Petr. IV. 8. pugnantes, I. Cor. xiii. 7. quæ ubi admittuntur, faci- lè *ex corde egrediuntur cogitationes mala ac falſa testimonia*, Matth. xv. 19. falſa, temeraria, ac tempeſtiva judicia atque condemnationes, Matth. VII. 1. 2. Luc. VI. 37. I. Cor. IV. 5. obtreccionem, Pl. CI. 5. Jac. IV. 11. 13. I. Petr. II. 1. benè dictorum perverſiones, calumniæ, Pl. L. 19. convitia, I. Cor. VI. 10. mendacia, & aliæ ad ſamam exiſtimationemque proximi minuendam ac ſupplantan- dam comparatæ machinationes.

II. Adversus talia quidem piis innocentibus *testimonium bona sua conscientia, in quo gloriationem suam habent*, II. Cor. I. 12. magno est solatio, ipsi tamen id agunt, ut *quacunque sunt boni nominis, ubique cogitent*, Phil. IV. 8. *ne procurantes honesta non solum coram Domino, sed & coram hominibus, à quocunque vituperentur.* II. Cor. II. 20. 21. Tit. II. 8. I. Petr. III. 16. Conf. Prov. XXII. 1. Eccl. VII. 2.

IX. Maximè verò detestanda sunt mendacia perniciosa, nec non æquivocationes ac captiones in proximi damnum præter jus & fas instructæ, Ps. V. 7. Prov. XII. 22. Eph. IV. 25. Apoc. XXI. 8. De officiosis tamen mendaciis paulò mitiùs erit sentiendum, quorum exempla habentur Exod. I. 19. 20. Jos. II. 4. 5. I. Sam. XIX. II. 14. 17. XX. 28. 29.

X. Pariter nec simulationes aut dissimulationes in damnum proximi directæ, II. Sam. XX. 9. Matth. XXVI. 49. probari possunt; de reliquis alium finem habentibus. itidem aliter est sentiendum. Vid. Gen. XLII. 7. seqq. XLIV. 15. Exod. V. 1. I. Sam. XVI. 2. 3. II. Sam. XV. 34. XVI. 10. seqq. I. Reg. III. 24. 25. II. Reg. VI. 19. Jer. XXXIX. 25. 26. 27. Luc. XXIV. 28.

XI. Christianum juxta octavi præcepti legem decet veritas absque vaniloquio, candor sine fucò, fides & gravitas cum prudentia, ut cum proximo ingenuè, apertè, constanter & decenter agat, verbaque non solum, sed & actiones suas in commodum & emolumentum ejus dirigat, bene de eo sentiat & loquatur, omnia in meliorem partem interpretetur, excuset, & *ὡς πατὴρματὰ* ejusdem spiritus lenitatis ac comitatis *ad instaurationem* tractet. Gal. VI. 1.

XII. Ceterum Decalogi præcepta non solum actus externos prave prohibent, verum etiam fontem, ex quo illi scaturiunt, obstructum esse volunt. Fons iste est *concupiscentia*, in prioribus quidem præceptis implicite, in nono autem & decimo explicitè prohibita.

XIII. Ista *concupiscentia* nulla alia est, quàm *carnis*, Gal. V. 17. sive naturæ corruptæ, quatenus est talis, ac proinde prava, inordinata, *ἡτις φύσις κακὴ*, Col. III. 5. I. Cor. X. 6. ex qua quomodo fluant, quæ *carni ac cogitationibus pravis libent*, Eph. II. 3. pulchrè docemur Jac. I. 14. 15. *inescationem*, nempe *proprie cupiditatis*, accedente voluntatis consensu, *conceptionem*, & *peccatum* & æternæ mortis reatum tanquam infelicem partum secum trahentem, sequi.

XIV. Tale quid igitur ne contingat, cautum fuit lege edicente: *ne quisquam concupiscat, in specie ne concupiscat domum & possessionem proximi sui, neque uxorem, neque servum aut ancillam ejus, neque bovem aut asinum ejus, nec in universum quicquam eorum, quæ illius sunt.* Quò ipsò quicquid est *τὸν ὡς ἐστὶν τοῦτο* *ἡτις φύσις κακὴ*, Marc. IV. 19. prohibitum esse, censendum est.

XV. Quamvis verò prohibitio concupiscentiæ domus proximi prohibetio.

tioni concupiscentiæ uxoris ejus Exod. xx. 17. præmissa eidem Deut. V. 21. postponatur, ex eo tamen æquè minùs colligitur, duo ista præcepta esse unum, quàm ex arbitrario ordine circa quintum & sextum præcepta Marc. X. 19. Rom. XIII. 9. Jac. II. 11. adhibito colligi potest, duo ista præcepta non diversa, sed unum esse.

XVI. Ultima verò duo præcepta involucria quædam Mosaica continent, in sola politia Judaica, & non in aliis locum habentia, B. Luther, Epist. contra Sabbatharios Tom. VII. Witteb. Lat. ac proinde Judaïs peculiariter data sunt: quanquam ad nos quoque nonnulla ex parte, quatenus nempe morale quid continent, pertinent. Id. Catech. maj. p. 476.

XVII. Involucria ejusmodi respiciunt divortia genti Judaicæ ob σκληρογναθίαν ipsius Matr. xix. 8. permessa, contractuum in anno sabbathico magno sive jubilæo expirationem, Levit. xxv. 8. sqq. & similia; quæ ne peccatorum occasio essent, legibus his cavendum fuit.

XIX. Morale verò, quod in his præceptis continetur, est damnatio concupiscentiæ, non tam ejus, quæ voluntatis consensum conjunctum habet, imò & actu externò se exerit: hòc enim pactò prava concupiscentia Veneris, πλεονεξίας, & reliquorum objectorum in superioribus præceptis jam tum fuit prohibita; sed ejus, quæ intellectus advertentiam & voluntatis consensum antevertit.

XIX. Unde & ultimum hoc præceptorum par per superiora omnia est ducendum, ut intelligatur, non exteriores tantum actus, sed interiores etiam prave motus prohiberi; Gerhard. de Lege Sect. VII. §. 53. adeò quidem, ut quicquid prohibitionis est in secunda Decalogi tabula, in hoc contineatur: Non concupisces; Rom. VII. 7. sicut quicquid mandati in ea habetur, in hoc comprehenditur: Diliges proximum tuum, sicut te ipsum. Rom. XIII. 9.

XX. Concupiscentia in nono præcepto prohibita vocari potest activa, quia per motus primo-primos sese prodit. Quò respiciunt voces Deut. V. 21. Non facies te ipsum concupiscere domum. Quos motus respicit quoque Apostolus, cum ait, legem dixisse: Non concupisces. Rom. VII. 7.

XXI. Hugo Grotius, quamvis libr. II. de J. B. & P. cap. xx. §. 39. 11. 3. fateatur, legem de non concupiscendo id spectare, quod πνευμαλικόν est, tamen quod ἐν πολλῇ σαρκικῇ attinet, ait, eam ad motus animi pertinere, qui factò produntur. Id quod ex eo colligit, quòd τὸ ἐπιθυμεῖν idem sit, quòd δόσσερεῖν, Marc. X. 19. & Mich. II. 2. verbum רָמָה de actu externo accipiatur.

XXII. Sed præterquam quòd hòc pactò in nono ac decimo præceptis id repeteretur, quòd in præcedentibus erat prohibitum, notum est, verba activè aliàs significantia non rarò de habitu & inclinatione accipi. Vid. Rom. V. 12. 14. atque insuper Mich. II. 2. רָמָה & לָגַז ita distingui, ut illud internum, hoc

hoc externum actum significet. Vid Hacksp. Nott. Phil. Theol. part. I. p. 365.

XXIII. Renati igitur inordinatis his motibus non consentiunt, quin potius eos peccatum ulterius, ac tandem mortem parituros, Jac. I. 15. *hominemq; in interitum & exitium demersuros* I. Tim. VI. 9. reprimunt, à desideriis carnis abstinēt, I. Petr. II. 11. *ejusq; actiones mortificant, corpus peccati enervantes*, Rom. VI. 6. II. 13. Gal. V. 24. *ut mundi corde Deum videant*. Matth. V. 8. Conf. Ecclesiast. XII. 30.

XXIV. Non solum autem motus primo-primi prohibentur, sed & *habitualis* concupiscentia damnatur, Ea est omnium animæ facultatum aversio à bono & inclinatio ad malum, quæ si quoad actum primum spectetur, est materiale peccati originalis, sin cum *ἀνομία* consideretur, est ipsum peccatum originale.

XXV. Unde adeò *qui Decalogi perfectionem sic agnoscit, is etiam corruptionem nature suæ* (ipsumque adeò peccatum originis) *implicite fatetur*. Bald. Cas. Conf. libr. II. cap. I. Cas. VII. atque ultimum præceptum coram Deo citra intermissionem nos accusat, *judicatq;*, quàm probi coram eo simus. B. Luther. Catech. maj. p. 481.

XXVI. Facile itaque *cum primo, ex quo reliquorum omnium obedientia ortum ac scaturiginem ducit*, Gerhard. l. c. ultimum hoc præceptum congruit.

XXVII. Simul etiam apparet, *legem esse spiritualem*, Rom. VII. 14. nec omnia ac singula, quæ interna legis obedientia complectitur, lumine naturæ sibi relicto innotescere, sed perfectionem lege requisitam ex revelatione esse cognoscendam. Vid. Rom. VII. 7.

XXVIII. Lex itaque non solum actualia, sed & *originale peccatum, & omnes ejus fructus* revelat, ut homo id in se agnoscat, *quod antea & sine lege non credidisset*. Rom. III. 20. VII. 14. B. Luther. Artic. Smalcald. part. III. de Lege.

XXIX. Lex proinde *iram operans*, Rom. IV. 15. & *offensam augens*, Rom. V. 20. *transgressionum* patefaciendarum *gratiâ addita* Gal. III. 19. est speculum peccatorum sic agnoscendorum, ut factâ eorum agnitione seriòque de iis dolore perceptò ad Christum *unicum illum mediatorem nostrum*, I. Tim. II. 5. confugiamus, qui nos à maledictione legis redemit, Gal. III. 13. *pro nobis*, cum non nossent peccatum, *factus peccatum, ut nos efficeremur justitia in eo*. II. Cor. V. 21. Atque hòc pactò lex moralis existit *padagogus noster ad Christum*, ut cum nemo per legem justificatur apud Deum, filii Dei fiamus per fidem in Christo Jesu. Gal. III. II. 24. 26.

XXX. Cùm verò hanc fidem *fructus in sanctimoniam* Rom. VI. 22. excipere debeant, lex quoque renatis est regula colendi Deum & piè vivendi. *Hac enim est charitas, quâ Deum diligimus, ut mandata ejus servemus*, I. Joh. V. 23. *menteq;* ac spiritu legi Dei serviamus. Rom. VII. 25,

DISPUTATIO THEOLOGICA VIGESIMA SEPTIMA,
QUÆ EST PRIOR

DE

ORDINE ECCLESIASTICO.

§. I.

Qui in Ecclesia degunt, à Tertulliano vel ad *Clericos*, vel ad *Laicos* referuntur. Illos *Ordinis*, hos *Plebis* nomine designat. Laicorum vero cum alii personas publicas in Republica gerant, alii non item, sed hi intra suas familias rem suam curent, Anselmus Cantuariensis, vel potius ipsius discipulus, Eadmerus in Similit. cap. cxxvi. dixit, *tres esse hominum ordines, videlicet Orantes, Agricultores, Defensores*; nomine *Orantium* eos, qui sacris officiis in Ecclesia funguntur, per *Defensores* eos, qui cum imperio sunt, per *Agricultores* eos, qui in statu Oeconomico versantur, intelligens.

II. Sacro Ordini adscribi quoque cœperunt *Canonici, Monachi, Moniales*, quorum tamen vita potius est ascetica. Revocantur etiam eò, qui in scholis tam trivialibus, quàm regiis juventutem sibi commissam ad munia sive in Republica, sive in Ecclesia suò tempore obeunda præparant.

III. Primus Ordo vocatur *Ecclesiasticus*, qui ob meliorem Ecclesiæ gubernationem, uti & ordinis ac decori servandi causâ in *Dirigentium, κερηνητων*, I. Cor. xii. 28. sive *πρωτοκλήτων*, Rom. xii. 8. *Docentium, & Infervientium, ἀντιλαμβανόντων*, I. Cor. xii. 28. classes faciliè secedit.

IV. Ecclesiæ & salutis animarum curam qui præ reliquis suscipiunt, *Διακόνων, Ministrorum* communi appellatione insigniuntur, eorumque officium est *Διακονία, ministerium, Διακονία τῇ καταλλαγῇ, ministerium reconciliationis*. Vid. Actor. i. 25. Vl. 4. XII. 25. Rom. XI. 13. I. Cor. III. 5. II. Cor. V. 18. II. Tim. IV. 5. Quòd ipsi admonentur, externæ & civilis potestatis sibi, quâ talibus, nihil esse commissum, Matth. XX. 25. Marc. X. 24. Luc. xxii. 25. 26. Add. I. Petr. V. 3. præsertim cum nec Christus *circumcisoris*, h. e. circumcisorum Judæorum *pro Dei veritate minister* Rom. xv. 18. eandem sibi arrogaverit. Vid. Joh. VI. 15. xix. 36. Luc. xii. 14.

V. Hujusmodi ministros Deus suæ Ecclesiæ largitur & mittit. *Nemo enim sibi ipsi hunc (Pontificis) sumit honorem, sed qui vocatur à Deo, sicut & Aaron*. Hebr. IV. 5. Vid. Rom. X. 15. I. Cor. III. 10. xv. 10. Gal. I. 15. 16.

VI. Atque hoc ipsum opus non solum Deo Patri tribuitur II. Cor. V. 18. sed & Filio, Joh. xx. 21, Eph. IV. 7. 10. 11. 12. I. Cor. I. 17, xii. 28. II. Cor.

V.20. ac Spiritui Sancto, Actor. XIII.2. XX.28. Unde *Ministri Verbi* Luc.I. 2. sunt *Ministri Dei*, per quos credimus, I. Cor. III.5. *συνεργοι* ipsius, ibid. v. 9. *ministri Christi*, ac dispensatores Dei, Tit. I. 7. *mysteriorumq.* ejus, I. Cor. IV.1. qui nomine Christi legatione funguntur, velut Deo nos precante, adhortante, per eos, II. Cor. V. 20.

VII. Olim quidem Deus ministros suos immediatè & extraordinariò modò nonnunquam vocavit, dum vel ipse solus publicè docendi potestatem alicui fecit: ceu Moisi, Jeremiæ & Paulo contigit; vel aliis, ceu internunciis, per se præcepit, ut hunc vel illum Ecclesiæ Doctorem designarent: quò pactò Aaron à Mose, Elisa ab Elia vocatus fuit. Sed talis vocatio hodie non est exspectanda amplius, præsertim cum juxta Christi monitum eos, qui talem vocationem quidem jactant, nec tamen characteres habent, quibus ea agnoscitur, non immeritò suspectos oporteat habere. Matth. xxiv. 24.

II. X. Hodie itaque Ministri verbi vocantur *mediatè* & ordinariè, hominum interveniente operâ, juxta ordinem à Deo præscriptum. Neque dubitandum, quin & hæc vocatio divina sit: siquidem & hodie *Dominus mittit operarios in suam messem*. Matth. IX. 38. Luc. X. 2. Quò pactò Timotheus per Paulum & Presbyterium est vocatus, I. Tim. IV. 14. II. Tim. I. 6. & præterea eidem negotium fuit datum alios presbyteros Ecclesiæ præficiendi, II. Tim. II. 2. sicuti & per Titum *oppidatim presbyteri in Creta sunt constituti*. Tit. I. 5. Vid. Euseb. H. E. libr. III. cap. IV.

IX. Ceterum quicquid Ministrorum Verbi officium complectitur, id omne Ecclesiæ tanquam *sponsa sua* Joh. III. 29. ac fideli matri familias, Eph. V. 32. *piorum matri* Gal. IV. 26. à Domino est commissum. *Omnia* namque *vestra sunt*, munus & prædicandi & Sacramenta dispensandi, & regni cælorum claves, imò & illi, per quæ hæc munia administrantur. I. Cor. III. 22.

X. Cum verò Ecclesiâ unò ore non possit prædicare verbum, peccatorumque vel remissionem vel retentionem annunciare, aut unâ manu baptizare, sacramque Cœnam administrare, oportuit illam non minùs certas constituere personas, per quas sacra hæc munia exerceantur, quàm quælibet societas civilis jus habet de rectoribus & magistratibus sibi propiciendi. Quò pactò qui constituuntur, ratione ordinis & potestatis sunt *Christi ministri*, II. Cor. XI. 23. ratione verò applicationis istius ordinis ac potestatis ad certam personam, nec non ratione usûs & exercitii sunt *Ecclesiæ ministri*. Col. I. 23. 25. Ad eundem modum, quò Magistratus quidem à Deo sunt ordinati, Rom. XIII. 1. & tamen sunt *κλήρος αὐτοκρατορίας*. I. Petr. II. 13.

XI. Jus itaque constituendi ministros, præcisi tantisper voluntariis

conventionibus & pactis, competit cuius particulari Ecclesiæ seu congregationi fidelium, prout ea ministerium Ecclesiasticum, magistratum, & populum includit. Id quod patet ex praxi Apostolica, Act. I. 23. 24. VI. 5. 6. xv. 22. nec non Ecclesiæ Apostolicum ævum haud longò intervallò secutæ consuetudine.

XII. Quandoquidem autem in Ecclesia diversa sunt obeunda munia, eadem inter Ministros ejus fuerunt dividenda. Atque hinc alii constituti sunt *Apostoli*, alii *Propheta*, alii *Evangelista*: quorum tamen munera fuerunt extraordinaria; alii *Pastores* & *Doctores*, quorum functiones manserunt ordinariæ. Ephes. IV. 11. Conf. I. Cor. XII. 12.

XIII. Et quidem *Doctores*, utut verbi interpretationi secundum *fidei analogiam* Rom. xii. 7. operam darent, hoc tamen simul agebant, ut Pastores formarent, qui possent *exhortari doctrinâ sanâ, & contradicentes convincere*, Tit. I. 9. *Pastores gregem Dei, qui pænes ipsos erat, pascebant curam ipsius agentes*, I. Petr. V. 2. Atque iidem quoque erant *Presbyteri* & *Episcopi*.

XIV. Quamvis autem qui *Presbyteri* erant, iidem quoque essent *Episcopi*, Act. xx. 17. 28. paulatim tamen, non jure divinò, sed *Ætæ* Apostolicæ, humanæ tamen, in remedium *schismatis*, I. Cor. xii. 25. *magis consuetudine, quam dispositionis Dominica veritate*, ut loquitur Hieronymus Comment. in Tit. I. Episcopis prærogativa quædam præ Presbyteris obtigit, non tamen ratione potestatis, sed tantum ratione ordinis & dignitatis.

XV. Episcopis, sub quibus presbyteri comprehenduntur, Apostolus jungit *Diacones*, I. Tim. III. 1. 8. Phil. I. 1. Quibus deinceps accesserunt *Hypodiaconi*, *Lectores*, *Acoluthi* & *κονῶντες*, *Exorcistæ*, *Ostiarii*; quorum mentio fit in Epist. ad Antiochenes S. Ignatio tribui solita.

XVI. Ad hos Ordines *Clerum* constituentes rerum sacrarum cura peculiariter pertinet. Ad hos verò adspirare atque ita operam suam Ecclesiæ offerre iis licet, qui vel suæ conscientiae testimonio, vel aliorum de se iudicio certi sunt, quòd ad sacra hæc, docendi præsertim, munia obeunda sint idonei & apti. *Qui enim Episcopatum desiderat, bonum opus desiderat*, I. Tim. III. 1. desiderium tamen istud *in cursum degenerare non debet*, G. Myl. in A. C. Art. xiv. nec illegitimis modis artibusque vocatio est quærenda, Jer. xiv. 14. xxiii. 31. xxvii. 15. xxix. 9. *Qualis enim vocatio, talis successus; nec fortunat Deus labores eorum, qui non sunt legitimò modò vocati, & quanquam salutaria quædam afferant, non tamen adificant*. B. Luther. Tom. IV. Jenens. Lat. fol. 9.

XVII. Interim nemo debet in Ecclesia publicè docere, aut Sacramenta administrare, nisi ritè vocatus, A. C. Art. xiv. Apol. p. 204.

XII. Vocatio illa, quæ hodie mediata est, ambitu suo complectitur
1. *Electionem*, quæ est certæ personæ ad ministerium Ecclesiasticum designatio. Quod pertinet *Nominatio* & *Presentatio*, quæ sunt actus juris Patronatus.

XIX. 2. Complectitur *Ordinationem*, quæ est personæ electæ consecratio & ad ministerium segregatio. Fit illa secundum praxin ab Apostolis acceptam per preces & manuum impositionem Presbyterii, Act. VI. 6, XIII. 3. quâcum tamen *non gratia remissionis peccatorum, sed tantum gratia ministerii*, vel dona gratiæ extraordinaria ministrantia conferebantur. I. Tim. IV. 14. II. Tim. I. 6.

XX. Ecclesiasticâ consuetudine *jus ordinandi* consecuti sunt Episcopi, eodq; solò sunt. *supra Presbyteros*, Chrysost. in I. Tim. ab eo interim Presbyteri non prorsus sunt excludendi. Imò Ordinationis per Presbyteros peractæ mentio fit I. Tim. IV. 14. & *Alexandria à Marco Evangelista usque ad Heraclam & Dionysium Presbyteros semper moris fuit, ut presbyteri unum ex se electum in exceliori gradu collocatum Episcopum nominarent*. Hieron. Epist. xxc. ad Evagrium. Et Autor Quæst. ex utroque Test. *In Alexandria & per totam Egyptum, si desit Episcopus, consecrat (ordinat) Presbyter*.

XXI. Desinant ergo Pontificii nostrarum Ecclesiarum ministris insultare, eos verò, quamvis primùm à Presbyteris sint ordinati, ritè tamen ordinatos, atque ab iis, quibus vocandi jus competit, ad ministerium vocatos, veros & legitimos veræ Ecclesiæ ministros, eorumque ministerium validum atque efficax esse agnoscant.

XXII. Sicut verò *Ordinatio* est electionis confirmatio, ita ei demum Ordines conferuntur, qui certæ alicui particulari Ecclesiæ per electionem est destinatus. Apostolorum quidem vocatio in omnes terras sese extendebat, ipsi tamen *per singulas Ecclesias & oppidatim* presbyteros constituerunt. Act. xiv. 23. Tit. I. 5. Hinc Concil. Chalced. Can. VI. decrevit, *ne quis absolute ordinetur, nisi ad certam & specialem Ecclesiam*.

XXIII. *Ordinationem* antecedere solet examen & exploratio cum *ὁρθεδοξίας*, tum *καθότητος* ; I. Tim. III. 10. imò & Candidatus publicè in Ecclesia olim sistebatur judicandus, ut omnium suffragiò constaret, nullum in persona esse vitium, quod à sacris ordinibus eam arceret.

XXIV. Denique 3. accedere debet *Missio*, seu *Vocatio specialiter dicta*, quâ persona ordinata ad certam Ecclesiam ablegatur cum data potestate ministerium in illa Ecclesia exercendi. Cujus declaratio est *Introductio*, si-
ve *Investitura*, quam nomine Ecclesiæ peragit, qui jura Episcopalia exercet atque administrat, eodque pacto vocationem confirmat.

DISPUTATIO THEOLOGICA VIGESIMA OCTAVA,
QUE EST POSTERIOR

DE
ORDINE ECCLESIASTICO.

§. I.

Quandoquidem officium Ecclesiasticum sanctum est & honorificum, non quilibet ad illud obeundum est idoneus, nec tamen una causa *irregularitatem* inducit. Apostolus certè *neophytos* ad hoc officium non admittit, I. Tim. III. 6. veteris etiam Ecclesiæ disciplina nec clinicos, nec bigamos, nec qui viduam duxerint uxorem, nec qui curationes publicas attigerunt, nec ignotos transmarinos, nec pœnitentes clero adscripsit, nec eos, qui vel legitimis natalibus destituebantur, vel qui enormi quodam corporis vitiò ministerium contemtui exponente laborabant.

II. Mulieres, quamvis extraordinariè & in casu necessitatis Baptismum conferre, privatæ etiam institutioni ad honestatem & sapientiam præesse possint, Eph. VI. 4. Tit. II. 3, 4. II. Tit. I. 5. Act. xix. 26. *in conventibus* tamen Ecclesiæ *silere* debent, *nec iis permittendum, ut publicè doceant*, I. Cor. XIV. 34.

III. In eo, qui *in domo Dei, quæ est Ecclesia Dei vivi, versari*, I. Tim. III. 15. ac fidelis *ministri Christi*, prudentis quæ œconomi sive dispensatoris *mysteriorum divinatorum*, I. Cor. IV. 1. partes explere cupit, ante omnia requiritur *fides*, I. Tim. I. 19. III. 9. VI. II. Tim. I. 13. II. 2. *pietas*, I. Tit. IV. 6. VI. II. *sanctitas*. Tit. I. 8. Hòc enim pactò & ipse religiosum cultum Deo deferre, & ad eundem alios tantò faciliùs & feliciùs deducere poterit.

IV. Requiritur in Ministro Ecclesiæ, ut proximum *charitate* prosequatur, ut *proborum sit amans, justus, sibi constans & tolerans*, καίνοπαθής, placidus erga omnes, tolerans malos, lenis & mansuetus, cum lenitate erudiens eos, qui contrariò animò sunt affecti, non iracundus, alienus à pugnis & rixis, non percussor, pacem querens cum iis, qui invocant Dominum purò corde, Φιλόξενος, alienus ab avaritia, non turpem qualtum faciens, non sordidus, sed κόσμιος, compositis moribus & elegans, σεμνός ac morum gravitate insignis, non tamen φιλαυτός, nec ὑπερηφάνος, ἢ τυφώεις, nec ἀνταδής. Imò in omnibus bonum habeat testimonium, etiam ab extraneis, sit quæ adeò ἀνεπίληπτος, ἀνεγκλήτος, ἀσπίλος, licet non sit ἀναμάρτητος.

V. Porro sit *νηφάλης*, *vigilans* & sollicitus, *σώφρων*, *prudens*, *ἡμεῖς*, *equus & moderatus*, præsertim in usurpatione disciplinæ Ecclesiasticæ. Hòc enim pactò opus ministerii rite peragere, ejusq. rei fidem facere poterit. Ubi-que & semper studeat *ἡσυχάζειν* ἢ *τὰ ἴδια πράττειν*, I. Theff. IV. 11. nec sit *ἐκκλησιαστικὸς*. I. Petr. IV. 15.

VI. Talis quoque sit Ministri Ecclesiæ victus quotidianus, ut appare- at, eum non solum esse sobrietatis amantem, *μη πείποιον*, *non vinosum* aut *multo vino deditum*, sed & *ἐγκρατῆ*, *continentem*, atque *ἀγνείαν* servantem.

VII. Domus etiam ejus debet esse *magistra publica doctrina*. Hieron. Epist. III. ad Heliodor. Hinc est non nisi *unius uxoris maritus*, qui liberos ha- beat *subjectioni* paternæ adsueto, atque ad *nutum* obediens *cum omni honestate*, qui non sint *obnoxii crimini luxus*, non *refractarii*, qui pariter ac parens *fideles* sint, atque ad pietatem vitæque sanctimoniam adsueti. Imò in univèrsum oportet eum *domui suæ bene præesse*: *si quis enim propria domui præesse nescit, quo- modo Ecclesiam Dei curabit?* Hæc & plura alia reperiuntur I. Tim. III. 2. sqq. IV. 6. 7. 12. sqq. VI. 11. 12. 14. 20. II. Tim. II. 1. seqq. 15. 16. 22. seqq. IV. 5. Tit. I. 5. seqq. II. 7. seqq.

IX. Nihil verò horum est, quin & alios pios non parum deceat, quandoquidem tamén Minister Ecclesiæ est *lux mundi*, Matth. V. 14. neq. so- lum *dux cæcorum*, sed & *lux eorum*, qui sunt in tenebris, Rom. II. 16. ut fiant *filiis lucis*, Eph. V. 8. idcirco ista omnia in eodem multò debent esse conspectio- ra, ita quidem, ut sit *τύπος* *ποιμνίς*, I. Petr. V. 3. & qui exhibeat seipsum *e- xemplar fidelium in verbo, in conversatione, in charitate, in spiritu, in fide, in purita- te*. I. Tim. IV. 12. *exemplum honorum operum doctrinæ respondentium*, Tit. II. 7. quique adeò *seipsum probatum Deo sistat operarium*, nec erubescat, II. Tim. II. 15. sed ut qui *ipsi se opponunt, erubescant, nihil habentes, quod de eo dicant mali*. Tit. II. 8.

IX. Iis verò, quæ Ecclesiæ Ministrum decent, Cœlibatum non accen- semus. Quamvis enim cœlibatus suas laudes & commoda sua habeat, I. Cor. VII. 26. sqq. neque qui se continere potest, vituperetur, si *ἀγαμέ* maneat, quòd si quis verò donum continentiae non est consecutus, liqui- dem *non omnes capiunt verbum hoc, sed quibus datum est*, Matth. XIX. 11. is suæ conscientiae melius consulat, si matrimonium, *remedium illud humana infirmi- tatis*, parum casto cœlibatui præoptet. I. Cor. VII. 7. Vid. A. C. Art. II. de Abus. & Apol. A. C. p. 239. sqq.

X. Porro in Ministro Ecclesiæ requiritur, ut sit *διδασκτικός*, *aptus ad do- cendum*, I. Tim. III. 3. II. Tim. II. 24. aliquando eò usque, ut possit *ἰς ἀνυλέρ- γοντας ἐλέγχειν*, imò eos *ᾠτιζομένους*. Tit. I. 9. 11. Hoc verò est à scientia, secun-

secundum quam exhortatur per doctrinam sanam. Tit. I. 9. Hunc in finem cum gratia sale conditum esse oportet sermonem eorum, Col. IV. 6. qui sunt sal terra. Matth. V. 13. Conf. Marc. IX. 50. Luc. XIV. 34. Flacius in Clave p. 1089. 1090.

XI. Scientia tamen in Ministro Ecclesiæ admittit gradus, sicut ipsa functionis ratio aliquid inæquale habet. Siquidem sublimior scientia requiritur in Doctore, quàm in simplici Catecheta. Etenim non omnes sumus Doctores. I. Cor. XII. 29. Hos inter medii sunt, qui Catechetâ paulò doctiores sunt, infra gradum tamen Doctoris & fidei propugnatoris subsistunt. Hos *Homiletas* dicere solemus.

XII. Pro diversis istis scientiæ Theologiæ gradibus Ministri Ecclesiæ diversò apparatu bonæ eruditionis indigent, alii majore, alii minore. Eum verò apparatus ex historia, linguis, disciplinis Philosophicis, nec non disciplinis instrumentalibus sibi acquirunt; quæ Dei dona vel contemnere, vel odio exponere, vel ut ex Ecclesiâ profligantur, anniti nefas est.

XIII. Quæ in Ecclesia docentur, ædificationem in fide & charitate respicere debent, servatâ ubique *ὑποταγήσῃ τῷ ὑγιαίνοντι λόγῳ*, II. Tim. I. 13. Docendum autem est non solum verbum legis, sed & Evangelii, idque cum prudentia. Oportet enim *operarium probatum* esse *ὁρθότῃ μενῶν τὸν λόγον τῇ ἀληθείᾳ*. II. Tim. II. 15.

XIV. Exhortationes & dehortationes debent quidem fieri *ἐν κέρει*, & *ἀκέρει*, cum lenitate tamen & doctrinâ. II. Tim. IV. 2. Correptio, *παιδεία* non nisi pastoralis est adhibenda. Frequenter & assidue monendi sunt homines, & quidem *δοκίμως*, & *μετὰ πάσης πίστεως* Tit. I. 13. II. 15. sæpius verò moniti, nec obtemperantes, tandem sunt linquendi & fugiendi. Tit. III. 10.

XV. Consolationibus quoque indigent pii, præsertim afflicti, tentati, moribundi. I. Thess. IV. 18. Rom. xv. 14. Suggestuntur verò illæ secundum munus prophetiæ & ministerii. I. Cor. XIV. 3. Si qui sint errantes, hi dirutâ pravâ opinione, quâ hætenus sunt fascinati, in viam quôvis modò sunt revocandi.

XVI. Est quoque Ministrorum Ecclesiæ Sacramenta administrare, quorum necessitas Joh. III. 5. VI. 51. 53. est indicata. Utrumque verò Sacramentum tam Baptismi, quàm S. Coenæ quoad essentialia institutioni Christi conformiter est administrandum, ritus verò adhibendi in Agendis Ecclesiasticis solent determinari.

XVII. Habent quoque Ministri Ecclesiæ potestatem Clavium tam ligam

ligantis, quàm solventis, non tamen tanquam *judex*, sed tanquam *indies*. Quæ potestas efficaciâ suâ non destituitur.

XIX. Absolutionem à peccatis præcedit Confessio peccatorum, quæ jam tum Sec. III. coepit esse privata. Ea cum suos usus habeat, meritò apud nos retinetur, utut nemo jubeatur peccata sua mortalia, etiam occulta, figillatim secundum singulas circumstantias, præsertim facti speciem mutant, enumerare.

XIX. Confessio sibi adjunctum habet *Sigillum*, quod non solum secreti est, sed & *confessionis*, nullâ ratione à Pœnitentiario violandum.

XX. Mercedula illa *audientibus confessiones* offerri solita omni specie Simonie caret; unde nonnulli Jesuitarum eandem immeritò exagitant.

XXI. De cetero, qui *benè præsumt*, pro ordine & honestate in quolibet statu servanda excubant, pro grege sibi commisso ardentè orant, pauperum & ægrotorum, præsertim in limine vitæ positorum, curam gerunt. Pauperum quidem cura olim specialiter Diaconorum erat, ex quo tamen illi in societatem prædicandi verbum sunt assumpti, hujus suæ curæ aliquam partem in Presbyteros devolverunt.

XXII. Efficaciam uti doctrinæ Evangelicæ, ita & Sacramentorum ac potestatis Clavium ab institutione Christi & *ἐνεργεία* Spiritûs Sancti, ne utiquam verò à bonis vel malis ministri moribus suspendimus. Vid. Apol. A.C. p. 155. 156. F.C. p. 732. Id quod egregiâ similitudine de corvo, impura ave, Eliæ panem & carnes in commodum cibum afferente, I. Reg. xvii. 16. potest declarari.

XXIII. Auditorum & discipulorum in Ecclesia est, Dei legatos, suos autem doctores & ductores amore & honore, & quidem *duplici* h. e. interprete Theodoretò, ampliore, prosequi, I. Thess. V. 12. 13. I. Tim. V. 17. iisdem obedire & obsecundare, Hebr. xiii. 17. licet hæc obedientia non debeat esse coeca. Prospiciendum ipsis est de necessariis ad vitam sustentandam adminiculis, ut sine impedimento rerumque temporalium curis officio suo, benè & fideliter id obeundo, incumbant. I. Cor. ix. 17. sqq. Gal. VI. 6. Conf. Luc. X. 7. I. Tim. V. 17. 18. Hunc in finem *decima* pro alendis cum egenis, tum ministris Ecclesiæ optimò consiliò olim fuerunt institutæ, Vid. Luth. Catech. maj. p. 444.

XXIV. Ad ordinem Ecclesiasticum suò modò referuntur quoque illi, qui in scholis & Academiis docent, quorum virtutes & officia admodum præclara sunt, ex quibus de iis, quæ discipulis & Auditoribus incumbunt, judicium ferri potest.



DISPUTATIO THEOLOGICA VIGESIMA NONA,
QUÆ EST PRIOR

DE
ORDINE POLITICO.

§. I.

ORdo Politicus Imperantes & parentes complectitur. Imperanti-
um autem potestas vel est suprema & independens, solè Deò minor,
vocaturque *Majestas*; vel est superiori subordinata & delegata;
quò pactò appellatur *Magistratus*. Apostolus sanè τῷ βασιλεῖ, ὡς ὑ-
περέχοντι jungit ἡγεμῶνας, ὡς δὲ αὐτῷ πευπομένους. I. Petr. II. 13. 14.

II. Potestas civilis usitatò quidem, minùs tamen commodò, *Magistra-
tus* nomine venire solet; quæ tamen vox nunc abstractivè sumitur, nunc
concretivè.

III. Priori modò denotat ordinem & potestatem, Rom. XIII. 1. Tit.
III. 1. eòque pactò est à Deo, *Judicium* (das Gerichtes Ammt) *Dei*, h. e. à Deo est.
Deut. I. 17. nec est potestas, nisi à Deo, & quæ sunt potestates, à Deo sunt ordinate,
sunt *Μαγιστῶν τοῦ Θεοῦ*, Rom. XIII. 1. 2. Hòc pactò personæ magistratum
gerentes sunt *ministri Dei*, Rom. XIII. 4. 9. imò *Dii*. Psalm. XXCII, 1. 6.
Joh. X. 34.

IV. Posteriori modò denotat personam, cui munus est applicatum.
Quò pactò magistratus quidem est *ἡλίκης ἀνθρώπων*, *humana ordinatio*, I. Petr.
II. 13. idque immediatè, nihilominus hujus personæ quoque potestas à Deo
est, saltè mediatè. Prov. XIX. 15. 16. Conf. Dan. II. 21. II. Paral. II. 11. Esa. XXII.
20. sqq. Joh. XIX. 11.

V. Id quod adèò verum est, ut & mali magistratus à Deo sint, ratio-
ne quidem potestatis efficienter, ratione verò abusùs illius potestatis per-
missivè. *Prout merita nostra deposcunt, dantur nobis principes*; inquit Origenes
Homil. IV. in Judic. Vid. Augustin. libr. V. de C. D. cap. XXI.

VI. Quòd si ergò magistratus est à Deo, *Christianis* utique *Magistra-
tum* gerere licet. A. C. Art. XVI. Neque enim Evangelium dissipat politiam, aut
œconomiam, sed multò magis approbat, — & jubet illis parere, tanquam divinæ or-
dinationi. Apol. A. C. p. 215. Sicuti & legitime ordinationes civiles sunt bona cre-
tura Dei, & ordinationes divinæ, quibus tunc Christianus uti potest. ibid.

VII. Ad magistratum nonnulli perveniunt *electione*, sive ea fiat à supe-
riore, Exod. XIX. 25. II. Paral. XIX. 5. sive ab inferioribus jus alicujus potestati
se submittendi habentibus. Jud. XI. 5. II. Sam. V. 1. Alii *successione*; cujus exem-

pla familia Davidis exhibet; quod jus in aliquem transferri potest vel
nativitate, vel agnatione, vel connubiô, vel donatione, vel permutatione,
vel emtione, aliisque modis. Alii *Occupatione*, eâ præsertim, quæ fit per
bellum justum & licitum, potestatem in alios nanciscuntur. Quô pactô
Israëlitæ imperiô in terram Canaan sunt potiti, nec eum modum à Deo
improbari inde apparet, quod Nebucadnezar Judæos in suam potestatem
redigens vocetur *servus Dei*, Jerem. XXV. 9. XXVII. 6. & Christus Cæsaris
imperium, quod jure belli in Judæos nactus erat, legitimum & cui paren-
dum sit, habeat. Matth. xxii. 21.

II. Sunt & alii modi ad magistratum perveniendi, qui tamen si cum
vi, fraudibus, ambitione, avaritia, largitionibus, &c. sunt conjuncti, illegi-
timi sunt, & homine Christianô indigni. Is ergo magistratum aditurus
legitimâ viâ ad eum pervenire, & à *Domino in opera imperantium inquiren-
te ac consilia eorum perscrutante, dominationem sibi dari & potestatem ab Altissi-
mo in se conferri exoptat.* Sap. VI. 4.

IX. Istô namque pactô tantò potest esse certior, potestatem suam
divinâ autoritate iri suffultum. *Dens enim adstat in congregatione Dei*, Psalm.
xxii. 1. consilia dirigens, successumque eis largiens, imò & eos contra
vim injustam defendens, quos ipse in illam sublimitatem evexit. Jos. I. 5.
Vid. Balduin. in Rom. XIII. part. I. Aphor. 6. *In reliquos potentes dolo ac scē-
lere imperium quærentes acriter inquiretur & animadvertetur à Domino.*
Sap. VII. 7.

X. Quicumque ad aliquam potestatem civilem evehuntur, sicuti nô-
runt, à Deo suam esse autoritatem, ita meritò mentem suam ad Deum piè,
sincère, sine omni hypocrisis, Sap. I. 34. 35. 37. 38. colendum excitant.

XI. Istôc enim pactô & imperium sibi firmabunt, I. Paral. xxii. 3.
Sap. VI. 22. & subditos pariter ad pietatem inflammabunt, imò tantò lu-
bentius actiones & instituta sua ut voluntati Dei sint conformia atque ad
gloriam ipsius dirigantur, dabunt operam. Vid. Arist. V. Polit. XI. & libr.
VII. cap. iix. Mæcenat Augustum Cæsarem ita hortatus fuit: *Divinum mi-
nem omni modò, omni tempore ipse cole juxta leges patrias, & alii ut colant, effice;*
uti est apud Dion. Cass. libr. LII. *Nemo enim facile insidiis petet illum, quem
ob pietatem Deo curâ esse persuasus fuerit.* Xenoph. in Cyropæd. libr. iix.

XII. Prima itaque potestatis civilis, ejus præsertim, quæ suprema
est, cura circa religionem ejusque negotia erit occupata. *Reges enim erunt
nutricii tui, & eorum regine (sceminæ principes מלכות) nutrices (lactatrices)*
Esa. XLIX. 23.

XIII. *Domini autem credentes* I. Tim. VI. 2. in sua Republica fovebunt
veram

veram Religionem. Hujusmodi est *naturalis*. Quandoquidem verò illa ad salutem æternam est, insufficiens, præter eam admittit quoque civilis Majestas in sua Republica religionem, revelationi innitentem, eam præcipue, quæ vera est; cujusmodi est religio *Christiana*.

XIV. Quamvis enim nec pagana, nec Muhammedana, nec hodierna Judaica religio rempublicam evertat, Majestas tamen civilis non solum temporali, sed & æternæ subditorum saluti meritò consulit, quam eos falsas hujusmodi religiones sequentes haud esse consecuturos, probè habet perspectum.

XV. Benè igitur factum, quòd Constantinus M. paganorum templa clausurit & sacrificiis interdixerit. Vid. *l. Placuit &c. Cod. de Pagan. & seqq.* Ultra quod tamen nec ipse, nec successores ejus sunt progressi; ut patet ex *l. Christianis &c. Tit. cod. & seqq.*

XVI. Ubi tamen Judæi in Republica hospitium sibi acquisiverunt, quamdiu nec naturæ & gentium, nec civilia societatis jura violant, nec contra religionem Christianam aut statum Reipubl. aliquid machinantur, tolerari quidem possunt, sed certis demum conditionibus, de quibus vid. B. Dürr. Theol. Moral. part. spec. cap. III. §. xxxi. sqq. Add. *ll. Cod. de Judæis*.

XVII. Quàm maximè ergo Magistratus Christianus religioni Christianæ publicum exercitium concedit, eamque protegit ac defendit. Hanc ipsam si hæreses & dogmata vel fidem evertentia, vel vitæ impietate Ecclesiam turbantia, tentare incipiant, ea quidam amovet & coercet, citra sanguinis tamen effusionem, nisi hi hæretici & heterodoxi Rempublicam simul concutere nitantur. Conf. *ll. Cod. de Hæreticis, Manichæis & Samaritanis*.

XIIX. Cum autem Christiana religio in diversas, proh dolor! scissa sit partes, ad unitatem spiritûs in vinculo pacis servandam, Ephes. IV. 3. apprimè faceret, si *omnium unum esset cor, anima una*, Actor. IV. 32. pro renata tamen spiritu mansuetudinis tolerari possunt homines non malò animò errantes ac tranquillè viventes, siue publicum religionis suæ exercitium sint consecuti, siue minùs, ut experiamur, *num aliquando Deus illis daturus sit pœnitentiam ad agnoscendam veritatem*. II. Tim. II. 24. 25. Conf. Jacob. V. 19. 20.

XIX. Religionis verò non est adhibitâ vi, præsertim armorum, cogere religionem, quæ sponte suscipi debet, non vi: cum & hostia ab animo libenti expectantur; inquit Tertullian. libr. ad Scapul. Add. Lactant. libr. V. Institut. divin. cap. XX. *M. A. de Dominis* libr. VII. de Republ. Eccles. cap. II. X.

XX. Ex quo ergo Christianismum profiteri inceperunt Imperatores, (& aliae supremæ potestates,) res Ecclesiæ, quarum curam soli ferme Episcopi hucusque sustinuerant, ab ipsis pependerunt; Socrat. Præfat. in lib. V. H. E. & ex eo licet sub potestatibus in eminentia constitutis tranquillam ac quietam vitam degere cum omni pietate & honestate. I. Tim. II. 2.

XXI. Propterea tamen potestas civilis non arrogat sibi regimen Ecclesiæ internum in iis, quæ ad religionis substantiam pertinent, sed tantum externum quoad religionis circumstantias. Bene proinde Constantinus M. Episcopos ita fuit allocutus; Vos quidem eorum, quæ intus in Ecclesiâ sunt agenda, ego vero eorum, quæ extra hanc sunt, Episcopus à Deo constitutus sum. Vid. Euseb. libr. IV. de vit. Constant.

XXII. Cum verò probi Episcopi non solum Deo, sed & Regum legibus debeant obtemperare, Theodoret. lib. IV. H. E. cap. VII. civilis potestas ministrorum Ecclesiæ actiones dirigit, ut demandatō munere sollicitè fungantur, atque aliâ omnia in Ecclesiâ fiant εὐαγγελίως. & κτ. τὴν. I. Cor. XIV. 40.

XXIII. Potestas civilis curæ sibi patitur esse ministrorum Ecclesiæ constitutionem, eorundemque honestam sustentationem & defensionem. Præscribit, serpentibus, præsertim sincerioris doctrinæ corruptelis, certas docendi normas, leges & constitutiones de externis ritibus ac ceremoniis sancit, imò & peccata, quæ Ecclesiâ censurâ notat, poenâ civili coercet.

XXIV. Porro & quoties opus est, Concilia ac conventus indicit, cum ad religionem collapsam instaurandam, tum ad disciplinam inter Clericos æquæ ac Laicos conservandam; sicuti & quatuor Oecumenica Concilia ab Imperatoribus sunt indicta.

XXV. Eundem ob finem instituit Visitationes Ecclesiasticas, in quibus cum in doctrinam Ministrorum Ecclesiæ, tum eorum pariter atque auditorum vitam & actiones, prout Ecclesiam respiciunt, inquiritur, nec non alia sub examen vocantur.

XXVI. Bonorum quoque Ecclesiasticorum potestas civilis non omnino nullam habet rationem, eaque ubi vel in propriam utilitatem, vel in abusus verti fortè inceperunt, in meliores usus & Ecclesiæ commodum convertit.

XXVII. Denique & Majestas civilis erectionem & conservationem scholarum, ceu seminariorum Ecclesiæ, curæ sibi esse patitur, exempli ὁ Leonis Thracis, qui optavit, ut suis temporibus omnia stipendia militum sibi liceret in Doctores artium impendere.

DISPUTATIO THEOLOGICA TRIGESIMA,
 QUÆ EST POSTERIOR
 DE
 ORDINE POLITICO.

§. I.

Quandoquidem non religio civitati, sed civitas religioni est accommodanda, Majestati civili non solum Ecclesiam, sed & Rempublicam, hospitium Ecclesiæ, oportet esse commissam.

II. *Sunt autem tres partes rerumpublicarum omnium, — quibus recte se habentibus necesse est Rempublicam recte se habere. Harum una est, quæ deliberat de rebus communibus, secunda versatur in iudiciis, tertia causas dijudicat.* IV. Polit. XIV. Conf. VI. Eth. IX. §. 8. 9. Et pro ratione trium harum partium triplex quoque est prudentia: *Consultatrix, Legislatoria, Judiciaria.* ibid. §. 2. sqq.

III. *Consilia non quibusvis, Vid. Eccl. X. 16. Esa. III. 4. sed bonis & prudentibus viris, quorum virtutes & experientia notæ sunt, merito committuntur. Hi enim res suas faciunt cum scientia, & cum consultis est sapientia.* Prov. XIII. 10. 19. *horumq; consilio qui obtemperat, sapiens est.* Prov. XII. 15.

IV. De quibus autem in Senatu consilia sint suscipienda, in genere non ita facile licet determinare. Aristoteles consiliorum materias ad certa capita revocavit IV. Polit. XIV. p. 274. l. Rhet. IV. §. 10.

V. Consilia Christianorum Magistratuum dirigit *timor Domini*, omnis veræ sapientie initium. Prov. IX. 10. Ea nihil aliud respiciunt, quam gloriam Dei & quemcunque honestum finem, Reipublicæ salutem, conservationem præsentis statûs, proximique commodum. Atque huic fini legitima quarunt media, Deo non improbata. Unde fit, ut hujusmodi consilia secundum voluntatem Dei inita successus non destituant.

VI. Hujusmodi consilia Pharaoni dabat Josephus, Genes. XLI. 33. sqq. servi alius Pharaonis hero suo, ut Israëlitas dimitteret, Exod. X. 7. Jethro Moysi, Exod. XIII. 6. Seniores Rehabeamo, I. Reg. XII. 7. Mardochai Estheræ, Esth. IV. 13. 14. Gamaliel Synedrio. Actor. V. 37.

VII. Mala & inconsulta consilia dirigi solent à præpostero affectuum impetu, respiciunt malum, imò proximi detrimentum, nec honesta aut licita ad finem perveniendi media sequuntur.

IIIX. Tale consilium erat Balaami Balako datum, Num. XXIV. 14. **XXXI.** 16. Ahitophelis Absoloni suggestum, II. Sam. XVI. 20. 21. 22. Juniorum datum Rehabeamo, I. Reg. XII. 10. II. Paral. X. 10. Principum Darii, Dan. VI. 7. Principum sacerdotum ac seniorum populi Judaici adversus Christum, Matth. XXVI. 4. XXVII. 1. Joh. XI. 47. XII. 10. 49. 50. Marc. XV. 1.

IX. Mala hujusmodi consilia Deus interdum dissipat ac disturbat, Hiob. V. 12. **XIIIX.** 7. Pf. XXI. 2. Esa. IIX. 10. interdum verò eadem in bonum dirigit finem. Gen. XLV. 5. 8. cujusmodi eventum quoque Caiphæ consilium est sortitum. Joh. XI. 50. **XIIX.** 4.

X. *Leges maturò consiliò sunt condendæ, eruntque ex honesta, justa, possibiles, secundum naturam, secundum consuetudinem patriæ, loco temporisq, convenientes, necessaria, utiles, manifestaq, ne aliquid per obscuritatem in captiorem contineant, nullò privatorum commodò, sed pro communi civium utilitate conscriptæ.* Isidor. Hispal. libr. II. Orig. cap. x.

XI. Non solum autem leges hanc & *εὐνομίας* partem habere oportet, ut recte sint latæ, sed & alteram, ut secundum eas vivatur. IV. Polit. **IIIX.** p. 246.

XII. Per leges exercentur imperia: *non enim omninò sinimus hominem imperare, sed legem & rationem.* V. Eth. VI. §. 14. Conf. III. Polit. XI. p. 201. ita tam en, ut ubi leges aliqua ex parte deficiunt, interpretatio *κατ' ἀρίστην* locum inveniat. V. Eth. X. §. 11. sqq.

XIII. Inter Christianos etiam rectè instituuntur *judicia*, & quidem secundum leges, ita quidem, ut *judices non homini judicent, sed Deo*, quippe qui est cum ipsis in negotio *judicii*. II. Paral. XIX. 6. Rom. XIII. 4.

XIV. *Judicia* afflictis & innocentibus in asylum sunt proposita. Exod. xxii. 9. Deut. xvii. 8. 9. 10. 11. Unde & Paulus jure se fuit tuitus, Actor. xxiii. 3. & ad jus Romanum, imò ad ipsum Cæsarem provocavit, Actor. XXII. 25. XXV. 11.

XV. Cum ergò Christus dicit: *ne resistatis malo: sed quisquis te cadet in dextram tuam maxillam, obverte ei & alteram* &c. Matth. V. 39. 40. sermo ipsi est de privata vindicta vitanda, tum etiam, quando *judicis* auxilium nos destituit. Quòd si enim in loco *judicii* & *justitia* est *impietas*, *justum* & *impium* *judicabit Deus*, Eccl. III. 16. 17. & *lachrymæ* ac *suspiria injustè oppressorum* Eccl. IV. 1. vindictam desuper accersunt.

XVI. Pariter cum I. Cor. VI. 1. dicitur: *Sustinet aliquis vestrum negotium habens cum altero, judiciò experiri?* improbatur pertinax litigandi libido, præsertim coram gentili magistratu, in opprobrium religionis Christianæ:

Aiana: Si quæ enim offensiones & lites inter Christianos oriuntur, studium læso injuriam condonandi facile efficit, ut Christiani eas ultrò inter se componant.

XVII. Judicis ante omnia est, in administratione sui officii animum in timore Dei defixum habere, Exod. XII. 21. Luc. XII. 2. fugere *σωποληΐαν*, Deut. XVI. 19. Prov. XIX. 5. Ecclesiastic. IV. 26. adeoque faciem non agnoscere aut accipere, Psalm. xxii. 2, nihilque adeò vel partium studio, aut affectibus amoris, odii, iræ, dare; fugere item avaritiam animò ab omni *δωροφασία* aliendò, Exod. xii. 21. Deut. xvi. 19. Psalm. xv. 5, neque quemlibet falsi mendacii rumorem assumere, Exod. xxiii. 1. ubique autem operam dare, ut jus æqualiter distribuatur, neque *judicia*, quæ *justa* esse debent, Zach. VII. 9. *pervertantur*. Levit. xix. 15. Deut. I. 26, xxvii. 19. Esa. X. 1. Joh. XVII. 24.

XIX. Ut verò judex *justum* *justificare*, *impium* verò *condemnare* possit, Deut. xxv. 1. neque hunc ordinem turbans *abominatio fiat coram Deo*, Prov. xxii. 15. utramque partem audiet, Deut. I. 17. xvii. 4. Joh. VII. 51. Act. xxv. 16. *causamq;* diligenter inquiret, Deut. XIX. 18. nec sententiam præcipitabit. Prov. xix. 13. Ecclesiastic. XI. 7. 8.

XIX. Judicari verò solet secundum acta & probata. Quòd si judex scientià indubitatà defectum in iisdem deprehenderit, illum secundum conscientiam suam vel supplere, vel emendare poterit. Quòd si Pilatus observasset, infrunitis populi Judaici clamoribus morem haud gessisset. Vid. Balduin. Caf. Conf. libr. IV. cap. XII. Caf. VI.

XX. Si qua sunt *ἡγήματα* & defectus (quales etiam inter Christianos esse contingit, I. Cor. VI. 7.) judiciorum, illòs, quantum fieri potest, tollit justus & æqui amans judex, atque id præcipuè agit, ne vel pauper & inferior divitis & superioris potentià prematur, vel lites longà morà protrahantur, *neque hòc pactò judicium vertatur in venenum, & fructus justitia in absinthium*, Amos. V. 7. VI. 10.

XXI. Sententiam latam judex executioni mandat, adeò quidem, ut si crimen commissum capitale supplicium secum trahat, illud juxta sententiam latam fontibus irroget. Vid. Rom. XIII. 4. Add. Jerem. XLIX. 10. Matth. xxvi. 52. Apoc. XIII. 10.

XXII. Ubi *Judicia* locum non habent, bella incipiunt, quæ tamen non ex quavis, sed *justa* demum & necessaria causa suscipiuntur, debitæque ex intentione geruntur. Quòd pactò bella Christianis non sunt interdicta, licet hi non nisi aliis mitioribus remediis frustra tentatis huc extremitatis soleant devenire.

XXIII. Sanè Deus ipse, *vir belli*, Exod. XV. 3. præsertim ea de re consultus, Jud. I. 2. **XX.** 18. I. Sam, XXIII. 2. **XXX.** 8. II. Sam. V. 19. bellum & prælium suis præcepit, Num. xxxi. 2. Jud. VI. 14. I. Sam. XV. 2. seqq. præsens auxilium, imò & victoriam ipsis promittens, Levit. xxvi. 8. Deuter. xx. 1. sqq. xxxi. 6. Quin imò *manus & digitos ad bellum & prælium docere* dicitur Psal. xix. 35. CXLIV. 1. Propterea nec Abrahamum, nec Moſen, nec Davidem aliosque, strenuos quamvis bellatores, ab amicitia ſua removit. In N. Teſt. Johannes quoque Baptiſta militibus leges ſtatui ipſorum accommodatas Luc. III. 13. præſcribens bellum licitum eſſe ſupponit.

XXIV. In bello diſciplinæ militaris ratio eſt habenda, pietas non abjicienda, erga devictos clementiâ potiùs, quàm crudelitate eſt utendum; & quicquid in eo ſuſcipitur, pacem ac tranquillitatem publicam ultimò reſpicere debet.

XXV. Imperantibus per modum correlati reſpondent parentes ſive *Subditi*. Hi ſuis ſuperioribus ante omnia promptum debent obſequium omnemque ſubjectionem, Rom. XIII. 1. 2. 5. Tit. III. 1. I. Petr. II. 13. & quidem in iis omnibus, quæ voluntati divinæ non adverſantur. Aët. V. 29.

XXVI. *Oportet nos ex ea parte, quæ ad hanc vitam pertinet, ſubditos eſſe poteſtatibus: ex illa verò parte, quæ Deo credimus, nos non oportet cuiquam homini eſſe ſubditos, id ipſum evertere cupienti, quod Deus ad vitam æternam donare dignatus eſt.* Auguſtin. in cap. XIII. Epiſt. ad Rom. *In corporalibus & externis obediendum eſt Regi: in internis autem & ſpiritualibus ſoli Deo.* Theophyl. in Matth. xxii.

XXVII. Debent etiam ſubditi imperantibus honorem, cultum & reverentiam, tanquam patribus, tutoribus, conſervatoribus, ac benefactoribus. Qui honor cum timore eſt conjunctus. Rom. XIII. 7. I. Petr. II. 17. *Sic inſtituti ſumus, ut principibus & poteſtatibus à Deo ordinatis honorem, quæ competet, nec nobis obſit, exhibeamus.* Polycarp. Epiſt. ad Smyrn.

XXIX. Ulteriùs ſubditi fideliter & promptè magiſtratu ad tuendam civitatem neceſſaria adminicula ſuppeditare & tributa ac veſtigalia ei reddere debent. Matth. xxii. 21. Rom. xiii. 7.

XXIX. Denique & ſubditorum eſt magiſtratû ſalutem piis precibus & votis Deo commendare. I. Tim. II. 1. Vid. Tertullian. in Apolog.

Imò meritò docet Paulus, orandum eſſe pro regibus & poteſtatibus, etiamſi talis eſſet Imperator, qui gentiliter viveret. Optatus Milevit. libr. III.

DISPUTATIO THEOLOGICA TRIGESIMA PRIMA,
QUE EST PRIOR

DE

ORDINE OECONOMICO.

§. I.

Non solum hominibus in ordine ad Ecclesiam aut Rempublicam sua sunt assignata officia, sed & nonnulla iisdem incumbunt in ordine ad societates civitate minores, in specie naturales, ex quibus tandem civilis societas emergit.

II. Huiusmodi societates naturales, simplices ac primæ, sunt Coniugalibus, Herilibus, ac Paternis, ex quibus proximè domestica constat societas. In his ipsis civilium societatum imagines pulchrâ ratione licet observare.

III. Qui ergo habitâ ratione ad societatem civitate minorem, præsertim domesticam, quodcumq; etiam vitæ genus ea habeat conjunctum, spectantur, ad ordinem Oeconomicum solent referri.

IV. In hoc ordine primò se offerunt Coniuges. Coniugii initium sunt Sponsalia, sive de præsentibus, sive de futuro. Sponsalia autem publica, imò solennia clandestinis sunt præferenda.

V. Horum consummatio sunt nuptiæ ac matrimonium. Hoc quàm maximè facit consensus, isq; liberrimus, excludens metum, fraudes, errorem personæ quoad substantiam, qualis observatur Gen. xxix. 25. vel quoad qualitates, quas honestatis amans in hoc contractu ob oculos sibi positas habuisse censetur; qualis est, si locò illibatæ virginis *ψευδογόνη* aut ex alio gravis alicui obtingit. Deut. xxii. 20. 21.

VI. Ad hunc contractum ritè ineundum parentum aliorumq; a quorum voluntate actus majoris momenti aliquò jure suspenduntur, consensus ex rei æquitatè, quin & ob pietatem parentibus debitam, Col. III. 20. requiritur. Cujus rei exempla præbent Isaacus, Gen. xxiv. 4. 37. Jacobus, Gen. xxix. 1. Samson, Judic. xiv. 5. alii.

VII. Quomodo autem matrimonium, *inter omnes honorabile*, Heb. xii. 4. *in Domino* sit ineundum, I. Cor. VII. 39, primorum conjugum exemplum docet. *Deus* namque, *a quo prudens est uxor*, Prov. xix. 14. sceminam formavit, eamq; ad hominem adduxit. Is consensu suo in divina ordinatione & directione acquiescens arctò vinculo eam sibi sociavit, & facti sunt duo una caro. Gen. II. 18. 23. 24. Matth. xix. 5. 6.

IX. Matrimonium secundum primævam institutionem Gen. II. 24. Matth.

Matth. xix. 5. nec melius, nec sanctius coletur, quàm inter duos. Simultaneam quidem polygamiam in Patribus (quibus Lamech præivit, Gen. IV. 19.) Deus ἐπέτρεψεν, ἡνέγκε, καὶ ἐτροποφόρησε, Matth. xix. 8. Act. xiii. 18, hæc tamen *dispensatio Dei*, Augustin. de Bono Conjugal. ejusque *exempla* post exhibiti Messiae tempora, quibus juxta Salvianum libr. II. cont. avarit. *non illicita tantum sunt interdicens, sed etiam licita coarctanda, divina institutioni non debent præscribere*. Chemnit. Exam. Conc. Trid. de Matrim. p. 429. Benè l. *Affinitatis Instit. de nupt.* dicitur: *Duas uxores eodem tempore habere non licet*. Conf. *Nemo Judaeorum C. de Judæis & Cœlicolis.*

IX. Finis Conjugii est partim generatio sobolis, Genes. I. 28. IX. i. partim mutuum adjutorium, Gen. II. 18. 20, ad quorum finium vel utrumque, vel saltem alterutrum habiles oportet esse matrimonium contracturos, idque partim ratione animi, partim ratione corporis; imò & ratione conjunctionis per legem licitæ.

X. Etenim non promiscuè cuivis cum qualibet maritalem societatem licet colere. Generalis prohibitio hanc in rem habetur Levit. xix. 6. *Nullus homo accedet (congressu matrimoniali, Gen. XX. 4. Esa. lxx. 3.) ad reliquias carnis suæ, sive ad proximè propinquum vel propinquam, ad relegendam nuditatem ejus, ut carnali copulâ ei jungatur.*

XI. In specie Levit. xix. 7. *pater cum filia, & filii cum matre*, imò in linea recta tam ascendente, quàm descendente in infinitum nuptiæ sunt prohibitæ; idque jure naturæ. Hinc filiæ Loth לוֹתֵם rem nefariam cum patre suo sunt operata. Gen. xix. 31. seqq. Imò hanc ob causam prohibetur conjugium cum nepte ex filio aut filia. Levit. xix. 10.

XII. In linea collateralis æquali Deus quidem ex uno sanguine omne genus humanum facturus, Act. xvii. 26. permisit, filios filiasque Adami, atque adeò fratres cum sororibus matrimonium inire, quod ipsum tamen quantum est antiquius compellente necessitate, tanto post auctum genus humanum factum est damnabilius religione prohibente. Augustin. libr. xv. de C. D. cap. xvi. Ideoque fratrum & sororum conjugia prohibentur Lev. xix. 9. xx. 17. Deut. xxvii. 22. soletque illa prohibitio non solum de sorore germana, sed & cognata, nec minùs uterina intelligi.

XIII. In linea collateralis inæquali prohibetur *Amita*, sive soror patris, item *matertera*, sive soror matris. Levit. xix. 12. xx. 19.

XIV. Ratione affinitatis prohibitum est conjugium *privigni cum noverca*, Levit. xix. 8. xx. 11. Deut. xxvii. 20. Amos II. 7. Conf. I. Corinth. V. 1. 5. nec non *saceri cum nuru*, h. e. filii uxore, Levit. xix. 19. xx. 12. ac *generi cum nuru*, h. e. uxoris matre, Levit. xx. 14. Deut. xxvii. 23.

XV. Porro prohibetur accessus *ad uxorem patris*; Levit. xix. 14. xx. 20. nec minus *ad fratrem* sive fratris uxorem, superflite præsertim fratre. Lev. xix. 16. xx. 21. Matth. xiv. 3. 4. Fratre enim sine liberis defuncto superstes frater in Republica Israëlita sub poena infamiæ Ruth. IV. 6. ejus uxorem ducere lege tenebatur. Deut. xxv. 5. Conf. Gen. xxxix. 8. 9. 10. 11. Matth. xxii. 24. 28. Marc. xii. 19. 23. Luc. xx. 28. 33.

XVI. Prohibetur quoque matrimonium *cum privigna* sive filiastra, quæ est uxoris ex priore marito filia; item *cum filia privigni*, ac *filia privignæ*. Lev. xix. 17. Denique prohibetur matrimonium *cum gloriæ*, sive *sorore uxoris*, præsertim uxore hoc *vidente in vita sua, & ad affligendum eam*. Levit. xix. 18. Vid. Chemnit. LL. part. III. cap. III. p. 205. sqq. Havemann. Gamolog. Synopt. libr. II. Tit. V. H. Grotius libr. II. de J. B. & P. cap. V. §. xiii. sqq.

XVII. Non omnes istæ leges promiscuæ sunt naturales, sed aliquæ earum sunt positivæ forenses, Israëlitis, ceu Rabbini agnoscunt, partim in præmunimentum legum naturæ, partim in sepimentum, quod ab aliis gentibus sejungantur, latæ, licet indicent, quid decorum sit & honestum. Vid. Jac. Tirin. in Lev. xix.

XVIII. *Certæ tamen ac naturales causas, cur talia conjugia ita, ut legibus aut moribus vetantur, illicita sint, assignare qui voluerit, experiendo discet, quàm id sit difficile, imò præstari non possit.* H. Grot. libr. II. de J. B. & P. cap. V. §. xii. n. 1.

XIX. Interim Deus harum legum aliquas poenis civilibus munivit, rei nefandæ *מית* Levit. xix. 17. nunc *maledictionem*, Deut. xxvii. 20. 23. nunc *supplicium*, Levit. xx. 12. 14. nunc *orbitatem*, vel potius liberis ex prohibito matrimonio natis privationem juris genealogiæ ac successionis, adeoque ignominiam per omnem vitam perferendam Levit. xx. 20. 21. proponens.

XX. Quod verò Cananæos & reliquos populos res abominandas facientes, gravissimisque peccatis & se & totam suam terram polluentes terra, quam inhabitaverant, evomuerit, iique excisi fuerint, Levit. xix. 27. id non tam propter connubia lege divinâ speciali prohibita, quàm propter alia peccata ipsi naturæ inimica, in eodem cap. xix. Levitici commemorata, fuit factum.

XXI. Leges istæ ad lineas collaterales consanguinitatis uti & affinitatis pertinentes sicuti sunt prohibentes ac propterea odiosæ, ita non sunt ampliandæ, præsertim cum Deus legi suæ quicquam addere vetuerit. Hinc de quibus illæ leges tacent, ea permittunt. Eandem ob causam tutius etiam est, leges istas positivas divinas ad personas commemoratas restringere, quàm ad gradus enumeratis personis respondentes extendere.

XXII. Nihilominus etsi harum legum aliquæ sint positivæ forenses, *relicte*

tamen fecerunt Christiani veteres, quod leges non tantum illas in commune dadas, sed & alias peculiariter Hebraeo populo scriptas sponte sua observarint: imò & ad gradus quosdam ultiores extenderint verecundia sua fines, ut hac quoque virtute non minus, quam in ceteris Hebraeos antecederent. H. Grot. l.c. §.xxi.n.3. Chemnit. II. cc. Benè etiam Ecclesia benedictionem sacerdotalem ad ineundum matrimonium accedere oportere sanxit.

XXIII. Conjugum officium præ ceteris in eo est positum, ut mutuò, sincerò, & infusato amore se complectantur, Eph. V. 28. 29. sibi cohabitent, I. Cor. VII. 20. cum præstatione mutuorum officiorum & conjugali benevolentia in sanctitate & honore, I. Cor. VII. 2. I. Thess. IV. 4. cum castitate, I. Cor. VII. 29. Hebr. XIII. 4. ut sibi invicem sint adjumento, Gen. II. 18. vivantque ut hæredes gratiæ vitæ, ne preces eorum interrumpantur, I. Petr. III. 7. quin potius ut sancta conversatione una pars alteram lucrifaciat. I. Cor. VII. 12. 13. 14. 15. I. Petr. III. 1.

XXIV. Maritus diligat uxorem suam, Ephes. V. 25. 29. 33. Col. III. 19. tanquam caput mulieris consiliò gubernet ejus actiones, Gen. III. 16. I. Cor. XI. 13. erudiat eam domi, si quid discere velit ac debeat, I. Cor. XIV. 35. foveat eandem, & nutriet, Eph. V. 29. imò tueatur. Cohabites eidem secundum scientiam, veluti infirmiori vasi, honorem ipsi tribuat, I. Petr. III. 7. suavi conversatione eandem delectet, erranti non amarulentum, sed lenem & misericordem se præbeat, Col. III. 19. Ecclesiastic. IV. 35. sciatque se non habere potestatem sui corporis. I. Cor. VII. 3. 4. 5.

XXV. Uxoris est, maritum agnoscere caput suum, eidemque se submittere. Eph. V. 22. 23. 24. Col. III. 18. I. Petr. III. 1. 5. 6. Non itaque in illum sibi arrogabit imperium, I. Tim. II. 12. sed potius eundem reverentiâ prosequetur, Ephes. V. 33. Erit amans mariti & liberorum, pura, bona, prudens, sobria, casta. Tit. II. 4. 5. Ecclesiastic. xxvi. 16. Curabit, quod marito placeat, erit *οὐκ ὀργισμένη*. I. Cor. VII. 34. Tit. II. 5. Et si quæ sunt officia alia. Vid. Prov. xxxi. 10. sqq. Ecclesiastic. xxvi. 16. sqq.

XXVI. Conjugium debet esse indissolubile, Matth. xix. 6. ac quamvis nonnunquam separatio fiat quoad torum & mensam, non tamen statim ea fit quoad vinculum. Istud verò vinculum si morte alterius partis solvatur, superstiti parti ad secunda vota transire licuerit. I. Cor. VII. 9. 39. I. Tim. V. 14. Idem permittitur parti innocenti, quæ vel per conjugis adulterium, aut malitiosam desertionem est læsa. Matth. V. 32.

XXVII. Conjugio & castitati ejus adversatur scortatio, commixtio partim nefaria, partim incesta, adulterium, non solum illud, quod actu externo, verum etiam quod pravâ concupiscentiâ perpetratur, Matth. V. 28. repudium extra casum adulterii factum, & malitiosa desertio, quæ adulterio analogâ habetur,



DISPUTATIO THEOLOGICA TRIGESIMA SECUNDA,
ET ULTIMA,

QUE EST POSTERIOR

DE

ORDINE OECONOMICO.

§. I.

EX Conjuali societate proximè oriri solet *paterna*. Quòd si ergò conjuges benedictione divinâ liberos sortiantur, illi eorum, quos ex se natos cernunt, curam suscipere, ne utiquam verò eosdem exponere aut abjicere, multò minus neque ante, neq; post partum necare, sed nec eosdem vendere aut oppignorare debent.

II. Parentes primas curas circa sobolis corpus sibi injunctas esse putant, ut illud aptum actionum in adultiore ætate suscipiendarum evadat instrumentum. Huic debentur alimenta, Matth. VII. 9. I. Tim. V. 8. saltem tamdiu, donec liberi sibi met ipsis de victu & amictu prospicere possint.

III. Altera eorum cura est appetitûs & voluntatis, ut liberi ad omnem honestatem assuefiant. Tertia cura est intellectûs, ut is necessariâ scientiâ imbuatur, saltem eò usque, ut liberi *parentibus fiant similes*. I. Polit. V. p. 27. VII. Polit. xvii. init. Vid. Ecclesiastic. VII. 25. 26. xxvi. 13. 14. 15. xxx. 3. Filix tamen aliter sunt educandæ & ad alias actiones assuefaciendæ, quàm filii.

IV. Educatio hæc supponit parentum in liberos imperium, quod tamen cum lenitate, & mansuetudine conjunctum esse debet. Vid. Eph. VI. 4. Col. III. 21. nisi fortè refractarii fiant: tunc enim graviore coërcitiones sunt necessariae. Vid. Prov. xiii. 24. xix. 18. xxiii. 13. xxix. 17. Ecclesiastic. xxx. 7. sqq. Hebr. xii. 7. Ita verò educatio fieri debet, ut per eam cum temporali, cum æternæ liberorum saluti consulatur, atque adeò in pietate, in mandatis & admonitione Domini, inque disciplina illi sunt enutriendi. Deut. IV. 10. VI. 7. XI. 19. xxx. 46. Ps. lxxix. 3. sqq. Eph. VI. 4.

V. Competit & parentibus cura circa genus suum, atque adeò circa matrimonia liberorum, postquam iis sunt maturi. Ecclesiastic. VII. 27. I. Cor. vii. 39. Debetur etiam naturaliter liberis hæreditas & *thesauri in usus eorum reconditi*, I. Cor. XII. 14. parentibus defunctis.

VI. Si quæ alia sunt parentum officia, iis diligenter fungantur: præsertim assiduè pro liberorum felicitate, imò ne gratiâ Dei excidant & in peccata prolabantur, orent. Parentes in officio suo segnes ac negligentes

exemplò Eli I. Sam. III. 29. sqq. IV. 18. se terreri patiantur; quòd si autem felicem educationis successum videant, eò lætentur. Prov. xxiii. 24.

VII. Liberi parentibus suis debent omnem filialem pietatem, amorem, honorem ac reverentiam, Exod. xx. 12. Deut. V. 16. Ephes. VI. 3. exemplò Salomonis, I. Reg. II. 19. nec minùs obsequium & obedientiam *in iis, quæ à vero patre (Deo) non separant.* Hieron. Epist. V. ad Furiam. Prov. VI. 20. xxiii. 22. Ecclesiastic. III. 8. 9. Eph. VI. 1. Coloss. III. 20. Liberi etiam parentibus senio confectis & inopiâ laborantibus alimenta necessaria subministrare, iisque adeò ἀμοιβὰς ἀποδίδοναι, I. Tim. V. 4. Conf. Matth. XV. 4. 5. 6. eorumque nœvos atque infirmitates æquò animò ferre debent. Ecclesiastic. III. n. sqq. Vid. B. Eichelii liber de Jure, quòd liberi & parentes naturaliter sibi sunt obstricti.

II. Quæ parentum sunt officia, ea suò modò ad vitricum quoq; & novercam, tutores item ac curatores pertinent; sicuti & privignorum ac privignarum, nec non pupillorum munia liberorum actionibus mensurari possunt.

IX. Paterna societas enicitur quoque *fraternam*, inter fratres & sorores intercedentem. Hos decet mutuus amor, animorum conjunctio atque concordia. Ps. cxxx. 1. Prov. xix. 19. Talia etiam *cognatos* valdè decent, Gen. XII. 8. ut eorum amicitia mutuâ fide & officiis colatur.

X. Societati conjugali & paternæ accedere solet *Herilis*. Hæc ut rectè colatur, heros oportet servis esse æquos, *ne illis tanquam jumentis abutantur.* Senec. Epist. XLVII. Præbeant heri servis alimenta, solvant mercedem, Deut. xxiv. 14. 15. Jac. V. 4. sint mites erga eos, *remissis minis*; Eph. VI. 9. nisi fortè contumaces fuerint, ac non tam ex imprudentia & negligentia, quàm ex malitia deliquerint, Prov. xxvi. 3. Curent ea, quæ ad ministrorum suorum æternam salutem pertinent, Philem. 16. iisque ad pietatem & sanctimoniam vi-vo exemplò præluceant. Ad Domini enim exemplum servi se componunt, Prov. xxix. 12. Non invideant illis libertatem aliasque felicitatis partes, commodum matrimonium, præsertim si hõrum bonorum occasio ipsis affulgeat; nec morbo correptos deferant aut negligant. Matth. ix. 6.

XI. Servi ante omnia suâ contenti sint sorte, exhibeant heris *honorem*, I. Tim. VI. sqq. obediant illis *cum timore & tremore*, Gen. xvi. 91. Col. III. 12. Eph. VI. 9. *in omnibus*, Matth. II. 9. *non solum bonis & æquis, sed etiam σκληροῖς, duris ac morosis*, I. Pet. II. 18. nec contradicant iis, Tit. II. 9. *fidem in omnibus præstent, non ad oculum servientes, sed scientes, se non servire hominibus, verum Deo, redditurò quicquid fecerint boni.* Eph. V. 5. seqq.

XII. Domestica societas nonnunquam invenit *Vicinos*. Hi si boni fuerint, nobis sunt necessarii, Prov. xxvii. 10. sumque illis concordia est colenda:

hæc

hæc enim res est Deo probata, Prov. xxv. 1. eaque mutuâ amicitia & beneficiis, imò adjumento & auxiliis est alenda. Sin vicinus sit malus, opera est danda, ut nostrâ commoditate bonus reddatur.

XIII. In his societatibus non omnes ejusdem sunt ætatis, nec sexus, nec statûs atque conditionis vitæ. Pueris à teneris unguiculis instillanda est reverenda de Deo opinio, quòd largiatur premia aterna se querentibus atq; ad se accedentibus, Hebr. XI. 6. ut in timore Dei discant sacras literas, perq; eas ad salutem erudiantur, II. Tim. III. 15. simul etiam ad virtutem, literas & linguas cum omni sapientia & disciplina Dan. I. 17. discendas, nec minùs & ad labores, sepositò otio, se componant.

XIX. Adolescentes & juvenes istum cursum alacriter continuabunt. Bonorum verò adolescentum est, timorem Dei habere, deferre parentibus honorem, habere senioribus reverentiam, (Levit. xix. 32. Ecclesiastic. xxx. 12. I. Petr. V. 5.) castitatem tueri, (Tit. II. 6. II. Tim. II. 22.) non aspernari humilitatem, diligere clementiam ac verecundiam, quæ ornamento sunt minori ætati. Ut etenim in senibus gravitas, in juvenibus alacritas, ita in adolescentibus verecundia, velut quâdam dote commendatur natura, inquit Ambrosius libr. I. Officior. cap. XVI.

XV. Quò alacriori autem studiò juvenes voluptatis illecebras unâ cum otio fugere studuerunt, eò pulchrior in illis virtutum conspectus erit, simulac in viros evaserunt. Tunc enim reipsâ ostendunt, se abolevisse, quæ sunt puerorum, I. Cor. XIII. 11. nec nisi malitiâ pueros, intelligentiâ autem adultos & perfectos esse. I. Cor. XIV. 20.

XVI. A Senibus requirit Apostolus, ut sint sobrii ac temperantes, verbis & omni habitu graves, usu & experienciâ firmatam habentes prudentiam, Ecclesiastic. xxv. 6. 7. 8. sani & firmi in fide, charitate, tolerantia, atque ut junioribus non solum consiliò & adhortatione præstò sint, sed & laudabili suò exemplò ad quodvis virtutum genus eos excitent. Tit. II. 2.

XVII. Annus honorem, quem promeritæ sunt, I. Tim. V. 2. tueri possunt, si sint sobria, pudica, non incentrices ac lites serentes, non multo vino addictæ, habitu, vestitu, gestu, incessu, sanctimoniam prodentes, apud juniores foeminas & verbis & exemplò honestatis magistra. Tit. II. 3.

XIIX. Reliquas matronas decet casta conversatio, I. Petr. III. 2. ornatus cum verecundia conjunctus, v. 3. sqq. Sint illæ domûs suæ consciæ, alienæ non curiosæ, non garrulæ, non otiosæ, non nugaces, I. Tim. V. 13. maneant in fide, in charitate, in sanctimonia cum modestia, I. Tim. II. 15. beneficientes & non pertimescentes ullam perturbationem. I. Petr. V. 6.

XIX. Vidua sint assidua in orationibus die ac nocte, rem familiarem cum pietate curantes, otium, luxum, nugacitatem, curiositatem, garrulitatem vitent; ut

fili ac nepotes benè educentur, dent operam; si opibus valent, sint benefica; si juvencula se continere non valentes, nubant; ante omnia provideant, ne malam incurrant suspicionem, neque adversario obiectandi praebeant occasionem, sed potius sint ἀνεπιληπτοί. I. Tim. V. 4. sqq.

XX. *Virgines castæ sint & sanctæ non solum corpore, sed & spiritu,* I. Cor. VII. 34. II. Cor. VII. 1. donumque castitatis à Deo devotis precibus impetrent, Sap. II. 21. omnemque occasionem, per quam suæ cum pudicitiae, tum famæ insidiæ queunt strui, devitent.

XXI. *Qui genere clari sunt, operam dabunt, ne flagitiosa à socordia majorum gloriam obscurant, sed potius propriâ virtute eandem illustriorem reddant. Quos benedictio Dei fecit divites,* Prov. x. 22. *illi & in Deo sint divites,* Luc. XII. 21. *nec divitiis cor apponant,* Ps. LXXII. 11. Prov. XI. 28. Ecclesiastic. xxxi. 8. I. Tim. VI. 17. aliisque beneficientes *thesauros sibi in cælo recondant.* Matth. VI. 19. 20. *Pauperes sint suâ sorte contenti,* I. Tim. VI. 6. in Domino suam repositam habeant fiduciam, I. Sam. II. 7. Ps. ix. 19. Esa. xxv. 4. suamque tenuiorem sortem multarum virtutum, imò & sapientiæ magistram esse patiantur.

XXII. *Militæ sequantur monitum Johannis Baptistæ,* Luc. III. 14. *Merces in limine peccati constituti,* Eccl. xxvi. 27. xxvii. 1. 2. 3. 4. *omnes circumventiones sive per mercium corruptiones, sive per falsum pondus aut mensuram,* Prov. xi. 1. Amos iix. 4. *sive per quemcunque alium modum sese exercentes vitabunt.* I. Thess. IV. 6.

XXIII. *Opifices atque Artifices ut Deum, sine quo labor omnis irritus,* Ps. cxxxvii. 1. *faventem habeant, timentes Dominum & in viis ipsius ambulantes, manducant de laboribus manuum suarum,* Ps. cxxix. 1. 2. exemplò Pauli. Act. xx. 34. I. Cor. IV. 12. I. Thess. II. 9. II. Thess. III. 8. *Mercenarii opus fideliter faciant, neque mercedem ultra laborum proportionem requirant. Agricola laborem divinitus institutum Gen. II. 15. non defugiant, fructus jumentorum & fructus terræ Deuter. xxix. 11. à Deo expectantes & cum gratiarum actione recipientes,*

XXIV. *Quodcunque autem vitæ genus homini obtingit, in eo sic versetur, ut Deum ante omnia diligat & timeat, opus sibi injunctum omni cum fide peragat, preces pro omnibus hominibus ad Deum fundat,* I. Tim. II. 1. 2. bonò exemplò aliis præluceat, neque scandalò quenquam offendat.

XXV. *Quod si quis autem aberraverit à veritate sive doctrinæ, sive vitæ, alter cum lenitate det operam, ut hujusmodi frater errans convertatur. Hoc qui fecerit & averterit peccatorem ab errore viæ suæ, sciat, se servaturum animam à morte, & operturum multitudinem peccatorum.* Jac. V. 20. In hoc igitur

bonus Christianus quotidie se exercent.

JOH. BARTHOLDI NIEMEIERI
DE
GENTILIUM STATU
ATQUE CONDITIONE POST
HANC VITAM,
DISSERTATIONES DUÆ,
Denuò recusæ.

Εὐν τῷ Θεῷ.

DE

GENTILIUM STATU ATQUE CONDITIONE POST HANC VITAM.

DISSERTATIO THEOLOGICA PRIOR.

§. I.

QUemadmodum DEUS O. M. hominem, creaturam in visibili hoc mundo præstantissimam, non tam ad hanc temporalem & naturalem, quam ad supernaturalem, æternam, maximeque beatam vitam condidit, Sap. II. 23, ita nec media eidem deesse voluit, per quæ in supernaturalis hujus finis possessionem daretur eniti. Medium verò ab initio propemodum unicum erat; exacta nimirum observatio legis, cujus summa ex Deuter. VI. v. 5. exhibetur Luc. X. 28. *Diliges Deum tuum ex toto corde tuo, & ex tota anima tua, & ex totis viribus tuis, & ex tota cogitatione tua, & proximum tuum ut te ipsum.* Hæc ipsa lex erat *mandatum ad vitam*, Rom. VII. v. 10. ac homo secundum eam *faciendo vitam æternam erat possessurus*. Luc. X. v. 25. 28. *Qui præstiterit illa, quæ justitia ex lege requirit, vivet per illa.* Rom. X. v. 5. Levit. XLIX. v. 5. Legi huic morali singulari Conditoris voluntate accesserat præceptum positivum de non comedendo fructu arboris scientiæ boni & mali, ut perpetuum quasi perfectæ obedientiæ Deo debitæ extaret documentum, nec quotidiana ejusdem commonefactio deesset. Cui addita fuit hæc comminatio: *In qua die comederis ex ea arbore, morte morieris.* Genes. II. v. 17. *Qua comminatio quicquid mortis est usque ad novissimam, qua secunda dicitur, & quæ nulla est posterior, complexa est;* inquit Augustinus libr. XIII. de C. D. cap. XII. Neque verò pertinuit hæc comminatio unice ad legis illius positivæ violationem, sed & ad universæ legis moralis transgressionem ea est extendenda: quandoquidem non potest contra legem Dei positivam peccari, quin (mediate saltem) contra legem naturæ & moralem peccetur.

II. Neque verò homini solummodò hæc legem exactè implendi necessitas incumberebat, sed & vires supernaturales legi ex æsse servandæ prorsus pares à Domino legis ipsi erant indultæ. Erat enim homo conditus *ad imaginem & similitudinem Dei* h. e. ad imaginem Deo similem, Genes. I. v. 26. 27. *ad imaginem propria similitudinis Dei*, Sap. II. 23. *secundum Deum, secundum imaginem ejus, qui condidit ipsum, erat conditus in agnitione ad justitiam & sanctimoniam veram.* Ephes. IV. 24. Coloss. III. 16. Sicuti & Petrus II. Epist. I. 3. 4. dicit renatos effici rursus divina consortes naturæ, quando per dona ad vitam & pietatem collata elapsi sunt e corruptione, quæ est in mundo per cupiditatem.

III. Istis autem viribus sicuti homo se ipsum sponte suâ exuit, manum ad captandum fructum lege vetitum extendens, atque ita inordinatis cupiditatibus, à quibus vacuus manere debebat, omnia indulgens; ita ex eo *lex impotens est facta ad nos servandos infirmata in carne*, Rom. II. 3. *neque ex eo ex operibus legis justificatur ulla caro*, Rom. III. 20. quin potius per unum hominem peccatum introiit in mundum, ac per peccatum mors, & ita in omnes homines mors (τέλῃ καὶ ὁφάντια τῆς ἀμαρτίας, Rom. VI. 21. 23.) transiit, in quo omnes peccaverunt. — Per unam offensam reatus venit in omnes homines ad condemnationem. — Per inobedientiam unius hominis peccatores constituti sunt multi, — & peccatum regnare incepit in mortem. Rom. V. 12. 18. 19. 21.

IV. Quòd si ergò Deus justitiæ suæ rigorem sequi voluisset, utique hominem æterno damnationis exitio æquè potuisset involvere, quàm Angelis peccantibus & domicilium suum non servatà origine suâ relinquentibus non pepercit, quippe quos in tartarum detrusos catenis caliginis tradidit, judicio magni illius diei vinculis æternis sub caligine reservatos. II. Petr. II. 4. Jud. v. 6. Nihilominus Deus, qui dives est in misericordia propter multam charitatem, quâ dilexit nos, cum in peccatis essemus mortui, Ephes. II. 4. 5. ne hominibus de æterna salute, cuius promissionem cum sui origine acceperant, esset desperandum, adinvenit admirandum justitiæ & misericordiæ temperamentum, ut Filius, ἀπαύλασμα τῆς δόξης, καὶ χαρμὴν ὡμοιωσῶς τῷ Θεῷ, splendor gloriæ & character personæ Patris, Hebr. I. 3. non quidem Angelos assumeret; sed semen Abraha, fieretq; per omnia fratribus similis, ut esset

misericors & fidelis Pontifex in iis, quæ apud Deum agenda forent ad expiandum peccata populi. Hebr. II. 16. 17. legiq; fieret obnoxius, ut eos, qui legi erant obnoxii, redimeret, & illi adoptionem reciperent, Gal. IV. 5. imò ut unus pro omnibus moreretur, II. Cor. V. 14. isque in mortem traderetur propter offensas nostras, & propter justificationem nostram in spem certam salutis nostræ excitaretur. Rom. IV. 25.

V. Tantum beneficium intra divinorum decretorum ordinem non debuit manere conclusum, sed *in tempore* illud ipsum actu offerri, imò & annunciari omnibus oportuit, ut spes superesset gratiâ hâc divinâ instar gratissimi roris sub amœnissimum auroræ tempus cadentis irrigari cupientibus. Cujus quidem rei felix factum fuit initium *πρωταυξελis* Genes. III. 15. descripti annunciatione, quæ tamen tempore salutis actu ipsò acquirendæ magis magisque appropinquante ad distinctiorem cognitionem uberius *per Scripturas Propheticas* fuit declarata atque ab hominibus distinctius percepta. Quò ipsò ergò nacti sumus *unum mediatorem Dei & hominum, hominem Jesum Christum* I. Tim. II. 5. gratulari nobis possumus, quòd rigida Legis observatio & impletio à nobis fuerit amota, Christo autem mediatori imposita, ita ut simul in eum *omnium nostrum peccata* luenda fuerint *conjecta*. Esa. LIII. 6. Tantum hoc unum ex eo Deus à nobis est stipulatus, ut in Filium credamus, perque hanc fidem justitiam Redemptoris ad nos quasi trahamus, & merita Ejus nobis applicemus. Quæ enim scripta sunt, *ideò scripta sunt, ut credamus, Jesum esse Christum Filium Dei, & ut credentes vitam habeamus per nomen ejus.* Joh. XX. 31. Ita enim credentibus Deus fidem imputat ad justitiam, Rom. IV. 23. & paratus est *finem fidei, salutem animarum*, porrò ex immensa bonitate donare, I. Petr. I. 9. quippe quæ est illa *promissio, quam ipse pollicitus est nobis, vita æterna.* I. Joh. II. 25.

VI. Fides tamen illa, quæ ad justitiam imputatur, non mortua esse debet, sed viva & per charitatem ac reliqua infucatae pietatis opera efficax, Jacob II. 26. sive ut Prosper sub nomine Ambrosii in A. C. Artic. XX, adductus loquitur, *bona voluntatis & justæ actionis generix.* Dum enim homines per fidem regenerantur, *in Christo creantur ad bona opera, ut in illis ambulent,* Ephes. II. 10. quibus etiam ita student, ut qui nôrint, *sine sanctimonialia neminem Deum esse visurum*

visurum, Hebr. XII. 14. arboremq., qua non fert bonum fructum, excisum & in ignem conjectum iri. Matth. VII. 16.

VII. Ceterum illud secundum voluntatem Dei incedendi, inque semitis ejusdem ambulandi studium multas ob causas homini valde redditur difficile. Ut enim neque de Diaboli insidiis, neque de pravorum hominum malitia dicamus quicquam, in renatis caro semper concupiscit adversus spiritum, ut non quacunque voluerimus, eadem faciamus. Gal. V. 17. Rom. VII. 15. Deus tamen, qui dives est in misericordia, huic quoque filiorum suorum infirmitati quasi condescendens contentus est, si renati, quamvis habeant peccatum, I. Joh. I. 8. saltem tamen non faciant peccatum, Cap. III. 8. h.e. *οὐμὴν πεφάλη* ac datâ operâ contra conscientiam non peccent, Numer. XV. 30. atque sic non sinant peccatum regnare in mortali suo corpore, ut obsequantur peccato in cupiditatibus suis. Rom. VI. 12. Quæ sanè ἐπιείκεια divina facit, ut renatis & Spiritu Dei præditis mandata Dei gravia non sint, I. Joh. V. 3. nec ullum sit κατὰ σάρκα in iis, qui per fidem sunt in Christo Jesu, qui non secundum carnem ambulant, sed secundum Spiritum incedunt, Rom. IIX. 1. fructus Spiritus Gal. V. 22, descriptos ubique ferentes & de se ostendentes.

IIX. Scilicet rectè Bernhardus Serm. XXIII. dicit: *Omne quod ipse (Deus) mihi non imputare decrevit, sic est, quasi non fuerit.* Peccata enim infirmitatis & quotidianæ incurſionis non tam ex malitia, quàm ex inadvertentia contra voluntatem ab his Dei filiis admissa Deus justitiæ Christi involvit eademque tegit, nec eos ex gratiæ statu, quamvis jure possit, propter eadem vult exturbare. Quamvis verò hæc gratia iis, qui sunt in Christo Jesu, obtingat, non tamen propterea hoc privilegium ad infideles quoque est extendendum. Hos enim, quia non sunt ex Deo nati, neque hanc dignitatem actu sunt consecuti, ut Filii Dei fierent, cum non credant in nomen ejus, Joh. I. 12. 13. rigida legis observatio ita premit, ut quodcunque modò eidem contravenientes horribili suâ maledictione involvat ac penitus opprimat.

IX. Quò igitur in statu sint, qui extra Christum Jesum sunt, cujusmodi non solum sunt Gentiles, sed & Muhammedani ac hodierni Christum mundi Redemptorem ignorantes Judæi, aliique fidem abnegantes, facile apparet. Scilicet sicuti saluari cognitione

defituuntur, nec media salutis æternæ consequendæ proposita amplectuntur, multò minus beneficia per Filium Dei humano generi oblata sibi applicare possunt, ita quoque nec ipsis contingit eâ gaudere *ἐπιμελίας*, quam Deus filios suos patitur experiri, unde adeò cum non inveniant, quâ ratione legem exactè & secundum rigorem suum adimplere, vel propter violationem ejusdem irato Numini satisfacere queant, jus æternam beatitudinem adeundi sibi præclusum esse deprehendent.

X. Non erimus hâc vice de iis solliciti, qui verbis quidem Christianam fidem profitentur, eam tamen vel adulterant, vel vim ejus operibus suis abnegant: *qui enim opera carnis agunt, (quæ inter etiam αἰσθησις reputantur,) regni Dei non sunt futuri hæredes.* Gal. V. 19. 20. 21. Nec de hodiernis Judæis seorsim disquisitionem instituemus: quamvis enim hi omninò probent, quæ à Mose & Prophetis, nec non in Psalmis sunt scripta, eum tamen huc usque præfractè abnegant, *cui omnes Propheta testimonium dant, remissionem peccatorum accepturum per nomen ejus quemvis, qui credit in eum,* Act. X. 43. atque adeò *Evangelio non auscultant,* II. Thes. I. 8. Nequè etiam nos occupabit cura Muhamedanorum in eo à Judæis secessum facientium, quòd libris Scripturæ Veteris Testamenti adhuc superaddant libros Novi Testamenti: quò enim locò illi habendi sint, ex eo facillè patebit, quòd Christum *verum Deum & in secula benedictum* I. Joh. V. 20. Rom. IX. 5. non agnoscant; Sed quamvis de his æquè atque hodiernis Judæis facillè ostendi possit, quòd salutis æternæ spes ipsis sit præcisa, hâc vice tamen tantum de Gentilibus, qui nulli Scripturæ Sacræ libro divinam auctoritatem tribuunt, neque vocationi per verbum hoc divinum sibi oblata sunt obsecuti, imò eidem ne hodiernum quidem cedunt, dispiciemus: an vel promiscuè omnibus illis, an verò saltem cultioribus & moratioribus spes aliqua salutem æternam consequendi sit relicta, an verò eâdem prorsus excidisse sint judicandi?

XI. Quæstio hæc de gentilibus eâ ratione spectatis, quâ sunt gentiles, intellecta facillimâ ratione decidi poterit ab eo, qui verba Apostoli I. Thess. IV. 13. expendit, ubi dicitur, *τῶς λοιπῶς (qui τοῖς ἀδελφοῖς ἔγγειον Ephes. II. 19. opponuntur,) i. e. gentiles non habere spem resurrectionis ad vitam æternam.* Ephes. II. 12. Ex quibus patet, Deum

Deum unà cum Christo Jesu eos non esse adducturum, ut vitæ ac beatitudinis æternæ actu ipsò beneficium per modum fructus meriti Christi participes reddantur, sed quamvis futurum sit, ut & illi ex mortuis in vitam sint revocandi, eorum tamen resurrectionem futuram esse in iudicium h.e. damnationem, supplicium, opprobrium ac contemptum sempiternum. Joh. V. 24. Matth. XXV. 26. Dan. XII. 2.

XII. Quæ itaque post hanc vitam expectanda est vita in æterna beatitudine in conspectu Dei & Servatoris nostri Jesu Christi, in Sanctorum conversatione cum ineffabili gaudio sine fine transigenda, quâ Domino *futuri sunt similes*, qui sunt sui, *coronâ incorruptâ fulsuri, hereditatēq;* adepturi, *qua nec perire potest, nec contaminari, nec marcescere*, I. Joh. III. 2. I. Cor. IX. 25. I. Petr. I. 4. juxta Apostoli effatum gentiles in infidelitate sua perseverantes, nec salutis media amplectentes haudquaquam potest manere: sed audienda ipsis aliquando erit supremi judicis justitiæ quidem ipsius convenientissima, attamen reis omnibus tristissima vox: *Nunquam novi vos: discedite à me, qui facitis iniquitatem, atq; abite maledicti in ignem æternum, qui paratus est Diabolo & Angelis ejus.* Matth. VII. 23. Luc. XIII. 27. Psal. VI. 9. Matth. XXV. 41.

XIII. Ut enim de eo non dicamus, quòd quamvis apud hujusmodi hominum nonnullos de aliquali beatitudine post hanc vitam futura balbutiente voce quædam prolata occurrant, ipsi tamen solius rationis sibi relictæ ductum secuti vix possint assequi, quisnam corporis atque animæ post mortem status sit futurus, certè æquè minus nōrunt, quænam sint media sublimi huic & supernaturali fini consequendo proportionata, quàm ex natura vires mediis hujusmodi rectè utendi sperare possunt. Media autem salutem æternam consequendi sunt gratia Dei, meritum Christi & Θεωδωρία, & ex parte hominum fides; quæ iterum tria complectitur: 1. notitiā rerum ad salutem cognitu necessariarum. 2. assensum iis præbendum, præsertim quòd Christus Deo Patri pro omnium hominum peccatis satisfecerit, ac pretium redemptionis pro omnibus persolverit, quòdque Deus omnes, qui Christum pro se passum atque mortuum, adeoque suum redemptorem esse credunt, in gratiam recipere atque peccata iisdem remittere velit. Qui tamen assen-

assensus non tantum generalis, sed vel maxime specialis esse debet, secundum quem bona ista oblata quisque ad se individuo trahit, sibi que specialiter, exemplò Pauli Gal. II. 20. I. Tim. I. 16. applicat. Ex quo speciali assensu deinceps 3. in corde nascitur fiducia, quæ assensum illum specialem debet comitari. Jac. I. 5. 6. Quæ ipsa fiducia si notitiæ atque assensui superveniat, homo per fidem Deo placet, atque ad eum accedit. Hebr. XI. 6. Rom. V. 1. 2. eaque fides ad justitiam imputatur. Rom. IV. 3. 22. Gal. III. 6. *justusque ex sua fide vivit.* Habac. II. 4. Gal. III. 11. vivit nimirum vitam æternam atque beatam, idque quamdiu in his terris degit, nec gratiæ statum deserit, in spe, Rom. II. 24. post mortuorum verò resurrectionem in re. Cor. de creditur ad justitiam, Rom. X. 10. imò filii Dei sumus per fidem in Christo Jesu. Gal. III. 26. *Quisquis enim credit, Jesum esse Christum illum, ex Deo genitus est, I. Joh. V. 1. & quotquot Filium Dei acceperunt, dedit eis hanc dignitatem, ut filii Dei fierent, nempe iis, qui credunt in nomen ejus, qui non ex sanguine, neque ex libidine carnis, neque ex libidine viri, sed ex Deo geniti sunt. Joh. I. 12. 13. & Spiritus adoptionis testatur unà cum spiritu nostro, nos esse filios Dei. Quod si filii, etiam heredes, heredes quidem Dei, cohæredes autem Christi. Rom. II. 15. 16. 17. Est autem nostra hæreditas salutis æternæ, Hebr. I. 14. IX. 15. hæreditas benedictionis, quæ nec perire potest, nec contaminari, nec marcescere, in cælis nobis servata. I. Petr. I. 4. III. 9.*

XIV. Quicumque igitur jus istiusmodi *υιοθεσίας* per veram fidem sibi non acquirunt, de eo gloriari non possunt, quod sint redempti, sed, ceu jam tum diximus, legi legisque comminationi atque maledictioni manent obnoxii, Gal. III. 10. atque sic non possunt salutis æternæ tanquam promissæ hæreditatis spem concipere, sed necessum est, eosdem secundum legis ac justitiæ divinæ rigorem æternæ damnationis reatum, imò damnationem ipsam actu incurrere. Neque enim post hanc vitam alius est status, quin sit vel salutis, vel damnationis æternæ.

XV. Hac autem de re Scriptura Sacra clarè & luculenter passim loquitur. Quemadmodum enim eadem credentibus salutem æternam denunciat, ita incredulis sive infidelibus æternam damnationem minatur. Manifestus est locus Rom. III. 22. 23. 24. 25. 26. ubi sic ait Apostolus: *Justitia Dei per fidem Jesu Christi in omnes, &*
super

super omnes, qui credunt: non enim est distinctio: omnes enim peccaverunt, & destituuntur gloriâ Dei. Justificantur autem gratis, ejus gratiâ per redemptionem factam in Christo Jesu, quem proposuit Deus propitiatorium (ἱλασμενον) per fidem in sanguine ipsius, ad declarandam justitiam suam, per remissionem præcedentium peccatorum: Ex Dei tolerantia, ad declarandam justitiam suam præsentis tempore: ut sit ipse justus & justificans eum, qui est ex fide Jesu. Ex quibus verbis patet, 1. quidnam rigor justitiæ divinæ requiratur? nempe satisfactionem pro peccatis, quibus Deus læsus erat. Cum autem eandem præstare homini æquè esset ἐκ τῶν ἀδυνάτων, quàm legem perfectè implere, ac per consequens damnationis reatus omnibus, Judæis æquè ac gentibus, incumberet, cum ex operibus legis nulla caro justificetur in conspectu Dei, v. 20. hinc 2. ei succurrit χάρις τοῦ Θεοῦ, non solum in eo consistens, quòd Deus genus humanum non prorsus, ut Angelos peccantes, abjicere, sed & in hoc, quòd alienam satisfactionem locò nostræ accipere, eòque ipsò simul justitiam suam declarare voluerit, ut ipse sit justus, 25. 26. adeoque 3. justos nos reddere per redemptionem factam in Christo Jesu, quem proposuit Deus ἱλασμενον ita, ut quemadmodum coram operculo arcæ fœderis summus Pontifex sanctum sanctorum ingressus sanguinem in expiationem peccatorum spargebat, Levit. XVI. 25. sic per hunc mediatorem inter Deum & homines fieret expiatio peccatorum in sanguine ejus. Quæ tamen expiatio licet omnibus sit oblata, non enim est distinctio, v. 22. nemini tamen ea salutaris evadit, nisi 4. per fidem in sanguine ejus. Eum enim demum Deus justificat, qui est ex fide Jesu. v. 26. Et fide justificatur homo absque operibus legis, v. 28. unusq; Deus est, qui & circumcisionem h. e. Judæos justificabit ex fide, & præputium, h. e. gentes per fidem. v. 20. Sicuti itaque qui veram fidem habent, eâque Servatoris mundi merita sibi applicant, justificantur, spemque salutis æternæ consequuntur, sive, ut Apostolus v. 22. loquitur, justitia Dei per fidem in omnes, & super omnes, qui credunt, venit, ita ab hac spe longissimè remotos esse oportet, qui hanc fidem destituuntur, nec τὸν τῆς πίστεως νόμον v. 27. adimplent.

XVI. Idem Apostolus Rom. X. 4. clarè scribit: *Finis (τέλος) legis est Christus, ad justitiam cuius credenti.* Cum enim secundum pactum legale nemo ad vitam æternam possit admitti, nisi integram dilectionem Dei & proximi, atque adeò perfectam legis obedi-

tiam tanquam $\pi\lambda\theta$ attulerit, Christus impletio & consummatio legis factus ac $\pi\lambda\theta$ exsolvens $\alpha\pi\lambda\epsilon\iota\varsigma$ nos fecit, ac vi pacti Evangelici jus consequendæ justitiæ ac salutis æternæ obtulit, sed non nisi *credenti*; ut adeo justitia & salus non obtingat cuiquam per legem, sed potius per Christum & fidem in eundem. Pergit Apostolus v.6. sqq. docere, fidem, quâ homo justificatur & salvatur, non consistere cum dubitatione, sed certitudinem requirere. Si enim secundum *verbum fidei*, (cui fides haberi debet,) quod *prope te est in ore tuo & in corde tuo*, quodq; *pradicamus*, sincerè confessus fueris ore tuo Dominum Jesum, & corde credideris, quod *Deum eum* propter te in mortem datum propter justitiam ac salutem tuam *ex mortuis suscitavit*, *servaberis*. Corde enim creditur ad justitiam, ore autem fit confessio fidem excipiens ad salutem. Dicit enim Scriptura (Esa. XXIX. 16.) *Quisquis credit in eum* (Christum,) *non pudefiet*, וַיִּירָא לֹא non festinabit, nec dicta aut facta sua festinando labetur, atque ita pudefiet. Est itaque à parte hominum unicus salutis obtinendæ modus, fides nempe in Christum, quem modum amplecti oportet omnes, sive Judæi sint, sive Græci, (*non enim est distinctio*, neque unius præ altero prærogativa,) quotquot sine hâc ultimò cupiunt potiri. I. c. v. 6.7.8. 9. 10. 11. 12. 13.

XVII. Hoc ipsum quoque Petrus cum Johanne confirmat, & Sacerdotibus ac populi Judaici Senioribus inculcat Actor. IV. 12. in-
 quiens: *Non est in alio quòquam salus: nec enim aliud nomen est sub cælo, quod datum sit inter homines, per quod oporteat nos servari, nisi per nomen Jesu, h. e. per ipsum Jesum. Nomen enim hîc ponitur pro re ipsa, uti alibi fit in Scriptura. Vid. Rom. X. 13. I. Cor. I. 2. Act. I. 15. Psal. V. 12. Quod si itaque salus æterna est ab ipso Domino nostro Jesu Christo, ea est ab eodem vel ratione oblationis & acquisitionis, vel est ab eodem ratione applicationis per fidem. Quamvis verò utrumque sit admittendum, prius tamen non sufficit, quandoquidem aliàs omnes homines salutis æternæ redderentur participes, neque quisquam damnaretur, sed necessum est, ut alterum quoque accedat, atque ab unoquoque salutis æternæ futuro hærede credatur, hoc nomen sive Christum esse suum, sibi esse datum, inque eo se salutem esse habiturum. Siquidem aliàs Petrus de consecutione salutis per Christum agens fidem disertè adjungit, Actor. X. 43. inquiens:*

Hinc

Hæc Jesu omnes Propheta testimonium dant, remissionem peccatorum atque ita spem salutis æternæ accepturum per nomen ejus unumquemq, qui crediderit in eum.

XIIX. Quânam ratione porrò causas justificationis & salutis: gratiam Dei, meritum Christi, & fidem; Divus Petrus conjungat, ex A^{ctor}. XV. v. 7. 8. 9. 11. apparet. Initio ait, gentes audivisse Evangelium & credidisse; deinde addit, gentium corda fide esse purgata, h.e. gentes per fidem remissionem peccatorum impetrâsse; tandem subjicit: *Per gratiam Domini Jesu Christi credimus nos servatum iri, quemadmodum & illos, Patres nostros.* Sic iterum meritum Christi cum fide conjungit, atque hunc modum non novum esse docet, cum non aliter homines in Veteri Testamento fuerint salvati, quàm nunc salvantur. Id quod contra Pelagianos passim strenuè urget Augustinus docens, omnes homines quòcunque ullò seculò salvi facti sunt, non nisi gratiâ Dei per Jesum Christum & fidem in eundem salutem esse consecutos. *Tempora quidem variata esse, ait, sed non fidem.* Vid. Forbes. Instruct. Hist. Theol. libr. IIX. cap. II. §. 12.

XIX. Neque aliud quicquam reliqui Apostoli ac discipuli Domini docuerunt. Etenim Paulus ac Barnabas Antiochenos ita instruunt: *Notum sit vobis, fratres, annunciari vobis remissionem peccatorum per istum (Christum,) & ab omnibus, à quibus per legem Moſis non potuistis justificari. In hoc omnis, qui credit, justificatur, gratiam & vitam æternam consequitur.* A^{ct}. XIII. 38. 39. Pari ratione Paulus ac Silas δεσμοφύλακι Philippensi sciscitanti: *quid me oportet facere, ut server?* nihil aliud respondent, quàm hoc: *Crede in Dominum Jesum, & servaberis tu ac domus tua.* Et cum locuti essent ei sermonem Domini & omnibus, qui erant in domo ipsius, exultavit, quòd cum universa domo sua credidisset Deo. A^{ctor}. XVI. 30. 31. 32. 34.

XX. Quin imò ipse Servator Joh. VI. 40. disertè inquit: *Hæc est voluntas ejus, qui misit me, ut omnis, qui videt Filium, & credit in eum, habeat vitam æternam.* Rursus v. 47. 48. 50. 51. *Amen, amen dico vobis, qui credit in me, habet vitam æternam. Ego sum panis ille vita. --- Hic est panis ille, qui è cœlo descendit, ut qui eò vescitur, non moriatur. Ego sum panis vivificus, qui è cœlo descendi: si quis ederit ex hoc pane, vivet in æternum.* Antea v. 29. dixerat: *Hoc est opus Dei, ut credatis in illum, quem misit ille, Deus Pater.* Pari modò Joh. XI. 25, 26, dixit Jesu: *Qui*

credit in me, etiam si mortuus fuerit, vivet: & quisquis vivit, & credit in me, non morietur in aeternum. Nec non S. Johannes rationem redditurus, propter quam & historiam, & dicta atque facta sanctissimi Servatoris in literas redegerit, ita inquit: *Hæc scripta sunt, ut credatis, Jesum esse Christum, Filium Dei, & ut credentes vitam habeatis per nomen ejus.* Joh. XX. 31.

XXI. Firmissima hujus doctrinæ certitudo pendet quoque ex verbis Servatoris Joh. XVII. v. 3. Cum enim dixisset, se *omni carni h. e. homini dedisse, obtulisse, acquisivisse vitam aeternam*, sicuti acceperat à Patre potestatem omnis carnis, hoc est, salvandi omnes homines, etiam modum, secundum quem homines oblatae ac sibi acquisitæ salutis queant fieri participes, statim subjungit, inquit: *Hæc est vita aeterna, ut te solum cognoscant Deum verum, & quem misisti, Jesum Christum.* Particula *ita* h. l. eidem accepta (quam significationem post alios notavit quoque Glassius Philolog. Sacr. libr. III. Tract. III.) modum ac rationem ad vitam aeternam perveniendi respicit. Ea autem est cognitio fiducialis Patris, & qui ab eo ad redimendum genus humanum missus est, Filii: *Cognitione enim sui justificabit justus servus meus multos*, Esa. LIII. II. ita tamen, ut cognitionem istam excipiat assensus & fiducia voluntatis, tanquam cognitionis istius effectus. Hanc itaque viam, quæ unica est, qui non sequitur, ad vitam aeternam duci non potest. Quemadmodum & cap. XIV. v. 6. dixerat Servator: *Ego sum via illa, veritas illa, & vita illa: Nemo venit ad Patrem, nisi per me*, h. e. nisi me verum mediatorem amplectatur & in me confidat, Eleganter Hilarius libr. VII. de Trinit. *Non nos in erratica & invia deducit ille, qui via est: neque illudie per falsa, qui veritas est: neque in mortis relinquit errore, qui vita est.* Aliàs quânam ratione fidem in se, tanquam in unicum mediatorem, Servator requirat, ex cap. cit. v. 1. 10. II. 12. satis apparet.

XXII. Ex his itaque & similibus Scripturæ dictis non immerito colligitur, salutis aeternæ consecutionem à fide in Christum esse suspensam: ex quo ultrò fluit, omnibus & singulis, qui viam hanc per Christum commonstratam non ingrediuntur, neque ejus merita verâ ac firmâ fide amplectuntur, spem aeternam salutem consequendi esse præcisam. Sicuti & Hebr. XI. v. 6. apertè dicitur: *Fieri*

non potest, ut sine fide quisquam Deo placeat: complacentiâ nimirum speciali & gratiosâ: idque exemplis quibusdam confirmatur. Et quid apertius dici poterat, quàm quod Servator Marc. XVI. 19. est professus: Qui crediderit & baptizatus fuerit, salvabitur; qui verò non crediderit, condemnabitur.

XXIII. Joh. III. v. 14. 15. Servator typum serpentis ænei à Mo-
se exaltati ad se transfert. Quemadmodum enim qui à serpentibus
ignitis erant læsi, valetudinem recuperabant & vitam conservabant,
modò serpentem æneum in sublime erectum intuerentur: id verò
qui negligebant, à serpentibus perierunt, Num. XXI. 6. 7. 8. 9. I. Cor. X. 9.
ita vita æterna eos manet, qui Christum verâ fide respiciunt: quod
ipsum qui insuper habent, æternæ mortis ac damnationis reatui in-
volvuntur. *Prout Moses extulit serpentem in deserto, ita extolli oportet Fili-
um hominis: ut quisquis credit in eum, non pereat, sed habeat vitam ater-
nam.* Subjicitur statim: *Ita enim Deus dilexit mundum, ut Filium su-
um unigenitum dederit, ut quisquis credit in eum, non pereat, sed habeat
vitam aternam: non enim misit Deus filium suum in mundum, ut condemnet
mundum, sed ut servetur mundus per eum: qui credit in eum, non con-
demnatur: qui verò non credit, jam condemnatus est: quia non credit in no-
men unigeniti Filii Dei.* Vox Mundi designat omnes homines, utpo-
te ad quos omnes dilectio Dei sese extendit. Horum alii sunt cre-
dentes, alii increduli: hi dicuntur condemnari & perire, illi autem
non condemnari, sed salvari & vitam æternam habere. Sicuti au-
tem pars mundi, quæ in peccato & incredulitate hæret, ab eo, qui
piis & credentibus est *παράκλητος*, arguetur propter peccatum, quod
non credat in Christum, Joh. XVI. 9. & propter hanc incredulitatem
exitium & condemnatio ipsi imminet, ita ista pars mundi, quæ ve-
râ fide Filium Dei ex amoris abundantia in hunc mundum missum
amplectitur, condemnationem effugit, ac per hunc mundi redem-
torem nec non fidem in eundem salutem consequitur.

XXIV. Neque alia sive comparatio, sive oppositio Joh. XII. 36.
46. 47. 48. instituitur. Etenim *credentes in veram lucem* h. e. Christum,
sive filii lucis opponuntur iis, qui in tenebris manent. De illis dicitur,
quod Christum & verbum ejus, mandatum illud vitæ, recipientes
salutis æternæ mundo oblatæ fiant participes, de his autem idèd,
quod Christum rejiciant, dicitur, quod condemnentur. Cujus ta-

men condemnationis culpa non in Christum est referenda, sed penes ipsos hæret homines, eo quod non credentes condemnationem & exitium æternum sibi contrahant. Verba Servatoris sunt ista: *Dum lucem habetis, credite in lucem, ut filii lucis sitis. — Ego lux in mundum veni, ut nullus, qui credit in me, in tenebris maneat. Et si quis audierit verba mea, & non crediderit, ego non condemno eum. Non enim veni, ut condemnem mundum, sed ut servem mundum. Qui rejicit me, nec recipit verba mea, habet, qui condemnet ipsum: sermo, quem locutus sum, ille judicabit (condemnabit) eum in ultimo die.*

XXV. His ipsis addimus verba Johannis Baptistæ Joh. III. 36. *Qui credit in Filium, habet vitam æternam, qui verò non credit Filio, non videbit vitam, sed ira Dei manet super eum.* Sicuti igitur Filii Dei redduntur, & statui iræ eximuntur, quotquot in Christi nomen credunt, Joh. I. 12. ita qui fidem hanc non suscipiunt, manent in statu iræ divinæ, quam in se adaugent ad condemnationem. Ad eundem modum S. Johannes Apostolus I. Epist. V. 11. 12. 13. *Vitam æternam nobis dedit Deus: & hac vita in Filio ejus est. Qui habet Filium, h. e. credit in eum, habet vitam, qui non habet Filium Dei, vitam non habet. Hac scripsi vobis, qui creditis in nomen Filii Dei: ut sciatis, vos vitam æternam habere, & ut credatis in nomen Filii Dei.* Vita itaque æterna per Filium Dei nobis est oblata: per hoc enim patefacta est charitas Dei in nobis, quod Filium illum suum unigenitum misit Deus in mundum, ut vivamus per eum. I. Joh. IV. 9. non tamen obtinetur ea, nisi per fidem in Christum: per hanc enim demum habetur Filius, atque ita in Filio & propter Filium fide apprehensum salus æterna nobis obtingit.

XXVI. Quæ cum ita sint, cum S. Cypriano libr. de Unit. Eccles. ad nostrum institutum applicamus verba Servatoris Matth. XII. 30. Luc. XI. 23. *Qui non est mecum, adversum me est, & qui non cogit mecum, dispergit,* dicimusque, non nisi credentes vitam æternam consequi, eos autem, qui verâ fide sunt destituti, nullam salutis æternæ spem concipere posse, sed Scripturam his omnibus damnationem juxta divinam justitiam denunciare. *Incredulis* quippe *pars assignata in stagno ardente igne & sulphure; quod est mors secunda.* Apoc. XXI. 8. Sicuti verò hæc doctrina in sacris literis, ceu ostendimus, habet fundamentum, ita & Ecclesia eandem semper fecit suam. Id quod prolixè ostendere facile quidem foret, attamen cum soli no-

vam lucem affundere minimè sit opus, sufficiet nobis vox Ecclesiæ Catholicæ in Symbolo Athanasiano expressa: *Quicumq; vult salvus esse, ante omnia opus est, ut catholicam fidem teneat, quam nisi quis integram inviolatamq; servaverit, absque dubio in æternum peribit. Hæc est fides Catholica, quam nisi quisq; fideliter crediderit, salvus esse non poterit.*

XXVII. Benè proinde S. Augustinus Epist. xxix. ad Hieronymum. *Certus sum, nullam animam liberari posse de corpore mortis hujus, vel sua voluntatis virtute, tanquam sibi ad hoc sufficiente, vel ipsius corporis morte, sed gratiâ Dei per Jesum Christum Dominum nostrum: nec omninò esse animam ullam in genere humano, cui non sit necessarius ad liberationem mediator Dei & hominum, homo Christus Jesus. Quacumq; autem sine gratia Mediatoris & Sacramenti, atq; in qualibet corporis ætate de corpore exierit, & in pœnam futuram & in ultimo judicio recepturam corpus ad pœnam. Idem libr. l. contra duas Epistolas Pelagianorum cap. xxi. Quantalibet fuisse virtutis antiquos prædices justos, non eos salvos fecit, nisi fides Mediatoris, qui in remissionem peccatorum sanguinem fudit. Pariter & Prosper Aquitanicus libr. l. de Vocat. gent. Sive Judæus, sive gentilis, priusquam justificetur per fidem, conclusus est sub peccato, & si in incredulitate perstiterit, ira Dei manet super eum, illa scilicet ira, in Adæ pravaricatione contracta, de qua Apostolus: Eramus & nos filii iræ.*

XXIX. Porro sicuti per fidem Christo, qui est caput Ecclesiæ, adhæremus ejusque membra constituimur, ita non minùs per ipsam illam fidem in Ecclesiam cooptamur, extra quam salus nulla est speranda. Sicuti enim qui extra Noë arcam manebant, tempore diluvii vitam suam conservare non poterant, ita qui extra Ecclesiam oberrant, de vitâ æterna spem concipere nequeunt. Docet hoc eleganter S. Cyprianus l. c. inquit: *Ecclesia nos Deo servat, hæc filios regno, quos generavit, assignat. Quisquis ab Ecclesia segregatus adultere jungitur, à promissis Ecclesiæ separatur. Nec pervenit ad Christi præmia, qui relinquit Ecclesiam Christi. Alienus est, profanus est, hostis. Habere jam non potest Deum patrem, qui Ecclesiam non habet matrem. Si potuit evadere quisquam, qui extra arcam Noë fuit: & qui extra Ecclesiam foris fuerit, evadet. Monet Dominus, & dicit: qui non est mecum, adversus me est: & qui non mecum colligit, spargit. Qui pacem Christi & concordiam rumpit, adversus Christum facit. Qui alibi præter Ecclesiam colligit, Christi Ecclesiam spargit.*

XXIX. In censum eorum, qui hactenus extra Ecclesiam sive foris I. Cor. V. 12. 13. sunt, gentes quoque ad Christum non conversæ veniunt, ad quas etiam pertinet, quod Apoc. XXII. v. 15. dicitur: *Foris*, extra Hierosolymam, uti cœlestem, ita & terrestrem h.e. Ecclesiam *sunt canes*: siquidem etiam gentiles à Christo *canes* vocantur, Math. VII. 6. Quò pactò & Hieronymus Proœmiò libelli de illustribus Ecclesiæ Scriptoribus de nonnullis Christiani nominis inimicis gentilibus dicit: *Discant ergò Celsus, Porphyrius, Julianus, rabidi adversus Christum canes — ac desinant fidem nostram rustica tantum simplicitatis arguere, suamq; potiùs imperitiam agnoscant.* Quamdiu enim fidem in Christum non amplectuntur, neque Christo tanquam capiti adhærent, etiam vera & viva Ecclesiæ membra haberi aut cum iis in unum corpus mysticum coalescere non possunt.

XXX. Hoc itaque aliunde non est, nisi quòd gentes fide justificante & salvificâ destituantur. Neque enim cum eorundem idololatria, quâ *veritatem Dei*, quam is in ipsis manifestam fecerat, *in mendacium mutarunt, colentes ac servientes rebus creatis, præteritò creatore, qui est Deus benedictus in secula*, Rom. I. 25. nec cum eorum alienatione mentis à vero Deo, nec cum cœcitate cordis eorum, aut vanitate, in qua oberrant, *incedentes in suis ipsorum viis*, Act. XIV. 16. fides, ex qua venit iustitia, consistere potest. Qui itaque ex gentibus ad verum Deum à terræ extremis accessuri sunt, eos dicere oportet: *Verè Patres nostri alienos Deos colentes mendacium possederunt, vanitatem, & non est in eis utilitas*, Jerem. XVI. 19. *Satis est nobis, quòd anteauctò vite tempore libidinem gentium patraverimus — nefariis idolorum cultibus.* I. Petr. IV. 3. Tales sanè Corinthios ante sui conversionem fuisse Apostolus non dissimulat, inquit: *Scitis, vos gentes fuisse, qui ad idola illa muta, prout rapi contigisset, abripiestamini.* I. Cor. XII. 2. Inter opera autem carnis, fidei & salutis devoratoria, quæ qui agunt, regni Dei hæredes futuri non sunt, *idololatria quoque connumeratur.* Gal. V. 20. 21.

XXXI. Largiamur verò inter gentiles reperiri nonnullos, qui idololatriæ crimine actiones suas non polluant, in eos tamen nihilominus quadrant, quæ de reliquo infidelitatis statu, in quo hærent, Scriptura graviter proponit. Silicet tribuit ea gentibus *amstiam*, crassam ignorantiam, cœcitatem mentis, merasque tenebras, indeque
natas

natas aberrationes à vera via, mortem denique ipsam, ex qua ad veram vitam emergendi rationem ipsi invenire queunt nullam. Hinc dicuntur nec Deum nōsse, nec nomen ejus invocare, à Christo esse alieni, atque ideo vicissim à Deo ignorari, quippe justitiam non habentes, sed potius in mentis suæ vanitate in propriam perniciem incedentes.

XXXII. Pertinent huc inter alia verba Apostoli II. Cor. VI. 14. inquietis: *Ne impari jugo copulemini cum infidelibus: quod enim consortium justitiæ cum injustitia? & quæ communicatio lucis cum tenebris? & quæ concordia Christo cum Belial? aut quæ pars fidei cum infidei? & quæ consensus templi Dei cum simulachris?* Quò pacto gentiles, præsertim idololatræ, tanquam infideles opponuntur fidelibus; tanquam in injustitia versantes illis, qui justitiam operantur; tanquam in tenebris incertò & ad exitium ducente itinere vagantes iis, qui in luce ambulant & rectâ viâ ad salutem incedunt; tanquam servi Diaboli filii Dei per Christum Dominum nostrum. Esa. IX. 2. gentes ante accensam Evangelii lucem dicuntur esse *populus ambulans in tenebris, habitans in terra umbrae mortis*; quæ descriptio repetitur Matth. IV. 16, Luc. I. 79. Pariter Esa. LX. 2. gentes ad Christum non conversas *tenebræ & caligo operire* dicuntur, iis autem, qui vocationi Evangelii obsequuntur, dicitur *exoriri Jehova, ut gentes ad lumen ipsius, & reges ad splendorem ortus ejus ambulent.* Ephes. IV. 17. 18. 19. gentes dicuntur *versari in vanitate mentis suæ, cogitationem habentes obscuratam, & abalienatam à vita Dei propter ignorantiam, quæ est in ipsis, ex obduratione cordis eorum.* Ephes. V. 8. Gentes ante sui conversionem dicuntur fuisse *tenebræ*, sicuti per verbum Evangelii fidem concipientes factæ fuerunt *lux in Domino*, in qua, ut filios lucis decet, *incedendum est.* Actor. XVII. 30. tempora infidelitatis dicuntur *tempora ignorantia.* Joh. XII. 46. de se testatur Christus: *Ego lux in mundum veni, ut nullus, qui credit in me, in tenebris maneat.* Qui itaque in Christum non credunt, in tenebris hærent in animæ suæ perniciem, neque ex illis tenebris alia emergendi ratio est, nisi per fidem in Christum. Ephes. II. 1. 2. 3. gentiles ante fidem in Christum susceptam dicuntur fuisse *mortui in offensis & peccatis*, secuti communem vitam mundi hujus, facientes quæ *carni & cogitationibus libebant*; *mortui in peccatis & præputio carnis suæ.* Coloss. II. 13. Sed Deus, qui dives est in misericordia, propter multam charitatem, quâ di-

T

lexit

lexit nos, etiam cū per offensas mortui essemus, unā nos vivificavit per Christum, cujus gratiā sumus servati, unāq; excitavit, unāq; collocavit in cœlis in Christo Jesu, & propter eundem. Ephes. II. 4. 5. 6. Coloss. II. 13. Imò quod majus esse videtur, Ephes. II. 12. gentes ante fidem susceptam dicuntur temporibus illius ignorantie fuisse absq; Christo, alieni à Republica Israël, & extranei à pactis promissionis, spem non habentes, καὶ ἄθεοι ἐν τῷ κόσμῳ, & Dei expertes in mundo, non quidem ratione omnimodæ ignorantie, sed ob defectum notitiæ ad salutem sufficientis, atque ob alienationem à legitimo Dei cultu, dum Deum, quem cognoverunt, non glorificârunt. Rom. I. 21. At verò ex quo relictis idolis conversæ sunt ad Deum, ut servirent Deo vivo & vero, I. Thess. I. v. 9. qui olim erant procul, in Christo Jesu propinquæ sunt facti, per sanguinem Christi. Ephes. II. 13. Hòc sanè pactò qui non erant populus Dei, Hos. I. 10. II. 23. quique Deum non noverant, Esa. LV. 5. nec Deum querebant, nec de nomine ejus vocabantur, Es. LXV. 1. quosq; vicissim Deus non noverat, II. Sam. XXII. 44. Psalm. XLIX. 44. currunt ad Deum, glorificantes eum, serviunt Deo, & Denseorum est Deus, fiuntq; filii Dei viventis vocati de nomine Dei. Hòc etiam pactò qui fuerunt oves errantes, simulac ad pastorem & curatorem (episcopum) animarum nostrarum conversæ sunt, I. Petr. II. 23. ostium fidei ad vitam æternam hætenus clausum sibi aperiri persentiscunt. Actor. XIV. 27.

XXXIII. Hætenus itaque constat, gentiles ἀπίστοι esse, nec ejusmodi fide præditos, quā justificati Deo placent & coram Deo vivunt, sed potius, quod sponte suâ se subducant ad exitium, nec credant eis πειρασμοῦ ψυχῆς ad acquisitionem animæ, ut Hieronymus reddit, sive ad animæ salutem. Habac. II. 4. Hebr. X. 38. 39. Cujus tamen rei culpa non in Deum vocationis gratiam omnibus offerentem est transferenda, sed potius penes gentiles ipsos ea hæret, quippe qui vocationi illi divinæ non obsequentes media, quibus fides accenditur, non applectuntur. Certè Psalm. XIX. 5. apertè dicitur : כָּל־הָאָרֶץ יֵצֵא קוֹל in omnem terram exiit linea (virga metatoria) eorum, qui pacem & Evangelium annunciant, neque his admensa atque assignata est tantū angusta terræ portio, quemadmodum Ecclesia Judaica Palestinæ olim adstricta erat, ac Paulo ad tempus certa pars orbis, in qua Evangelium prædicare deberet, καὶ μέγαν & ἄνυστον fuit assignata, II. Cor. X. 13. sed totus terrarum orbis Apostolis

stolis fuit permiffus, ut ubique Evangelium prædicaretur, & in
extremum orbis penetrarent eloquia ipforum, atque sic gentes venirent in
hereditatem Filii, & finis terra in possessionem ipsius. Psalm. II. 7. Quod
idem testatur Apostolus Rom. X. 18. verba ex Psalm. XIX. 5. secundum
versionem τῶν LXX. repetens: In omnem terram exivit ὁ λόγος αὐτῶν
sonus eorum, (Apostolorum,) & in fines orbis terrarum verba eorum, adeo
quidem, ut quò non pervenit pes Apostolorum, vox tamen & fama eorum
penetrârît; ut Hieronymus inquit. Et ante eum Irenæus libr. I. adv.
Hæres. cap. III. Quemadmodum sol creatura Dei, in toto mundo unus &
idem est, sic etiam prædicatio veritatis ubiq; lucet, & illuminat omnes homi-
nes ad cognitionem veritatis venire volentes. At verò quamvis Dominus
omnes congregare voluerit, quemadmodum gallina congregat pullos suos sub
alis, multitamen noluerunt; Matth. XXIII. 37. quamvis totâ die manus
suas expandat ad omnem populum, multi tamen culpâ suâ manent re-
belles ac pertinaces. Es. LXV. 2. Rom. X. 21.

XXXIV. Quandoquidem igitur gentes gratiâ sibi oblatâ sese
indignas reddiderunt, nec media, quibus fides accenditur, alitur,
confirmatur, amplectuntur, hinc fit, ut in amicitia sua hæreant atque
perseverent. Media autem ad fidem accendendam, alendam atque
confirmandam facientia sunt Verbum & Sacramenta. Quamvis ve-
rò Sacramenta non sint sine verbo, de iis tamen, præsertim autem de
Baptismo, nonnihil vel verbò est attingendum. Certè quanta sit Ba-
ptismi necessitas, Servator latere nos noluit Joh. III. 5. inquiens: Ni-
si quis renatus fuerit ex aqua & spiritu, non potest introire regnum cælorum.
Quibus sanè verbis æterna salus à conditione quadam, quæ est rege-
neratio, suspenditur. Regenerationis autem terminus est fides.
Pendet ea à duabus causis, quarum altera est Spiritus, altera Aqua.
Nam particulam $\epsilon\epsilon$ l. c. causaliter oportet accipere, & quidem de
causa efficiente. Conjunguntur autem duæ causæ, sibi tamen subor-
dinatæ, quarum una est principalis, Spiritus: Spiritus Sancti enim
donum est fides per charitatem efficax, per quam Filios Dei nos facit;
Rom. II. 14. unde est Spiritus regenerationis, sicuti est Spiritus sancti-
ficationis, Rom. I. 4. Altera regenerationis causa, eaque minùs prin-
cipalis, est aqua baptismi: Baptismus enim est lavacrum regenerationis
& renovationis Spiritus Sancti, quò mediante Spiritus Sanctus rege-
nerationem & renovationem vel confert, vel obsignat; Tit. III. 5. &
Baptismus ordinatus est ad ablutionem peccatorum, donorumque Spi-
ritus

ritus Sancti collationem, Act. II. v. 38. cap. XXII. 16. Hinc & Eph. V. 26. Christus dicitur Ecclesiam suam remissione peccatorum, pro quibus morte ac meritis suis satisfecit, indultâ *sanctificasse*, eandem quoque *purgasse lavacro aquæ per verbum*. h. e. Baptismô.

XXXV. Hoc itaque regenerationis & fidei adipiscendæ medium cum gentiles æquè atque ipsam verbi divini prædicationem negligant, mirum etiam esse non debet, quòd fidei salvificæ efficaciam fructusque salutare non persentiscant. Est verò Baptismus secundum potentiam Dei ordinatam ejusmodi medium, quòd is regenerationis gratiam vel primum homini confert inque eo accendit, vel collatam obsignat atque confirmat. Solus tamen Baptismus & ablutio aquâ facta non est causa regenerationis, ita quidem, ut omnem aliam causam excludat, sed regeneratio quoque & fides est ex verbo divino lecto, audito, expenso, quòcum Spiritus Sanctus ἐνέπνευσεν suam conjungit. Sic Christus Joh. XVII. 23. testatur, homines *credituros esse in se per sermonem eorum*, quos missurus erat in mundum. I. Cor. I. 21. dicitur, *placuisse Deo, per stultam prædicationem* (non quæ reipsâ talis esset, sed quæ incredulis talis videretur,) *servare credentes*. I. Cor. III. 6, Paulus ait, se Evangelium prædicando *plantasse*, Apollon uberiori fundamentorum fidei confirmatione *additâ rigasse*, Deum verò *dedisse incrementum*, largiendo Spiritus Sancti ἐνέπνευσεν, quæ est *δυνάμις τοῦ θεοῦ καὶ δύναμις*, I. Cor. II. 4. imò *potentia Dei ad salutem cuiusvis credenti, Judæo imprimis, tum etiam Græco*, I. Cor. I. 18. Rom. I. 16. Hæc sanè verbi prædicatione Paulus filios Dei abs se genitos esse testatur I. Cor. IV. 15. Ego, inquit, veluti spiritualis pater *genui vos in Christo Jesu per Evangelium*. Sicuti & Jacob. I. 18. dicitur: *Pater luminum, quia voluit, progenit nos sermone veritatis, ut essemus primitia quadam suarum creaturarum. Regeniti sumus non ex semine mortali, sed ex immortalì, per sermonem Dei vivi & manentis in æternum*. I. Petr. I. 23. Coloss. 3. 6. *fides in Christo Jesu & spes seposita in cœlis dicitur esse audita & perliata per sermonem veritatis Evangelii, qui & in totum mundum pervenit*.

XXXVI. Quæ ipsa si ad Gentiles applicare velimus, facile est dicere, illos ipsos sicuti verbi divini prædicationem à se amoliuntur, aut aliàs ex justò Dei judiciò destituti vivunt, nec Sacramentis ad voluntatem Domini utuntur, ita fidem non habere, neque immeritò Apostolum dixisse: *Quomodo invocabunt nomen Domini, in quem tamen non credunt? quomodo autem credent ei, de quo non audierunt? quomodo*

modo autem audient sine predicante? --- Sed non omnes auscultant Evangelio. Esaias enim (cap. LIII. 1.) dicit: Domine, quis credit sermone nostro? Ergo fides ex auditu est: auditus autem per verbum Dei. Rom. X. 14. 16. 17.

XXXVII. Atque ita ex dictis nullò constare potest negotiò, gentiles Christum ignorantes nullam salutis æternæ spem animò suò tutò concipere, neque eandem ipsis ex Sacra Scriptura ostendi posse. Certè quos Deus pro omniscientia sua prævidit & præsciuit, firmâ fide, quam per verbum & Spiritum Sanctum in illis *πρὸς ζῶντων αἰώνιον τετελεσµένους* Aët. XIII. 48. nec gratiâ salutaris indignos se reddentibus erat producturus, Christi meritum secundum vires unâ cum verbo conferendas esse amplexuros, iis demum *καὶ ἀγνοῶσιν Θεὸν πατέρα* (I. Petr. I. 2.) *καὶ καὶ ἀγνοῶσιν τὰ πάντα ἐνεργεῖν* & *τὴν βλάβην τὴν ἐλπίδα* Eph. I. 11. *benedixit omni benedictione spiritali in cœlis IN Christo, i. e. propter Christum, sicut elegit eos IN ipso, antequam jacerentur fundamenta mundi, --- & charos sibi reddidit IN illo dilecto, IN quo habent redemptionem per sanguinem ipsius, remissionem nimirum peccatorum ex divite ipsius gratia* Ephes. I. 3. 4. 6. 7. *quam gratiam ipsis dedit IN Christo propter Christum & intuitu meritorum ejus) ante tempora secularia.* II. Tim. I. 9. *Quos verò hœc pactò prædestinavit, eos etiam vocavit, & quos vocavit vocatione ejusmodi, quæ finem propositum assequitur, ut Balduinus in Comment. notat, eos etiam justificavit, fidemq; imputavit pro justitia, (Rom. IV. 24.) quos autem justificavit, eos etiam glorificavit. Rom. II. 29. 30. Contrà quos Deus pro sua omniscientia prævidit, Christum cum suis meritis verâ fide finaliter non esse amplexuros, sed potiùs repudiaturos, eos non elegit, verùm potiùs reprobavit, & quamvis gratiam vocationis iis non denegârit, quoniam tamen eidem obsequi detrectant, hinc sicuti absq; fide manent, ita & Deus ipsos in tempore non justificat, quos autem non justificat, eos etiam non glorificat.*

XXXIIX. Qui decretorum divinatorum ordo singulorumque executio si ad ipsos gentiles applicetur, neque illi inter electos, neque inter justificandos & salvandos nomen suum inveniunt, sed miseri secundum rigorem justitiæ divinæ damnationi æternæ erunt addicendi. Nos ea, quæ hactenus in medium attulimus, in unum Syllogismum compingemus, qui talis est futurus:

Quicumque fidem salvificam non habent, sive qui non credunt, non possunt salvari, sed necessum est, damnationem æternam eos incurrerere.

Atqui Gentiles ad Christum non conversi fidem salvificam non habent, s. non credunt.

E. Gentiles ad Christum non conversi non possunt salvari, sed necessum est, damnationem æternam eos incurrere.

Major non solum inde manifesta est, quod post hanc vitam non nisi duo status, sed valde dispares supersint: unus beatitudinis, alter damnationis; verum etiam ita ea à nobis est confirmata, ut apparuerit sicuti ex parte hominum fides est causa impulsiva æternæ beatitudinis, ita ubi hæc causa non deprehenditur, sed *amissa* potius invaluit, ibi nihil aliud hominem post hanc vitam manere, nisi æternam damnationem. Quam doctrinam ex Scriptura Sacra à §.xii. usque ad §.xxvi. deduximus. Minorem à §.xxix. usque ad §.xxxvi. confirmavimus, ubi indicium factum, quod gentes à Christo hucusque alienæ partim idololatriâ se polluant, partim in incredulitate perseverent, neque appareat, quânam ratione inde sint emerfuri, cum media, per quæ Spiritus Sanctus fidem accendit & operatur, verbum nimirum & Sacramenta, negligant, neque eadem, cum possint, amplectantur. Ex his itaque præmissis fluit conclusio, quam demonstrare sumus annisi, Gentiles nempe, quamdiu in incredulitate sua perseverant, non posse spem salutis æternæ sibi facere, sed eosdem hæreditate istâ, non nisi Filiis Dei paratâ, excidentibus iustò Dei iudiciò in æternum damnationis exitium ruere præcipites, æternæque miseriæ post hanc vitam manere involutos.

XXXIX. Quæ cum ita sint, non abs re scripsit B. Lutherus in Catechismo majore, ubi de Symbolo Apostolico agit: *Proinde ii articuli nostræ fidei nos Christianos ab omnibus aliis, qui sunt in terris, hominibus separant. Quicumque enim extra Christianitatem sunt, sive Gentiles, sive Turcæ, sive Judæi, aut etiam falsi Christiani, & hypocritæ, quamquam unum tantum & verum Deum esse credant & invocent, neque tamen certum habent, quò erga eos animatus sit animò, neque quidquam favoris aut gratiæ de Deo sibi polliceri audent aut possunt: quamobrem in perpetua manent ira & damnatione. Neque enim habent Christum Dominum, neque ullis Spiritûs Sancti donis & dotibus illustrati & donati sunt.* Conferatur ejusdem B. Lutheri Epistola ad Johannem de Rechenberg perscripta, de quæstione: *An Deus homines sine verâ fide decedentes salutis æternæ participes faciat?* quæ habetur Tom. Jen. Germ. II. fol. 271. 272.

Εὐν τῷ Θεῷ.

DE

GENTILIUM STATU ATQVE CONDITIONE POST HANC VITAM.

DISSERTATIO THEOLOGICA POSTERIOR.

§. I.

Sicuti non defuerunt, qui DEUM diris damnatorum tam spirituum, quam hominum cruciatibus tandem aliquando fatiatum iri, neque poenas in infinitum exacturum, sed finem iisdem tandem aliquando statuendo miseros damnationi suô tempore ereptos beatitudini, ad quam primitus erant destinati, restitutum esse contenderunt, ita in Ecclesia quoque reperti sunt, qui spem salutis æternæ non ad solos credentes, atque ad vera Ecclesiæ membra restringendam esse sunt rati, sed eandem quoque ad gentes & ramos per infidelitatem defraçtos, nec per fidem stantes Rom.xi.20. extendere non dubitârunt.

II. Atque inter illos, qui damnatorum poenas certô quodam & definitô tempore circumscribentes æternas eas fore negârunt, principem fortè locum obtinet Origines, ceu id aliunde, præsertim verò ex Augustini libr.xxi.de C.D.cap.xvii.notum est, & Lutherus quoque in Epistola ad Rechenbergium notavit, nec non Lambertus Danæus ad Augustin.de Hæres.cap.xliii. observavit, de Origine dicens, quòd poenas non solum reproborum hominum, sed & diabolorum ipsorum fore negaverit æternas, sed mille annorum spatiô finiendas: itaq; post hos exactos ipsos esse salvandos; seu ut Ludovicus Ellies Du Pin Eccl.Aut.Bibl.nov.Tom.I.p.212.mentem Origenis exprimit, fore aliquando, ut Diaboli serventur. Cujus sententiam qui amplectebantur, Misericordes sunt appellati; eorum verò opinionem superiori seculò Anabaptistæ recoxerunt, qui sentiebant, hominibus damnatis ac Diabolis finem poenarum futurum esse; ut constat ex A. C. Artic.xvii. quam sententiam quoque hœc nostrô seculô amplexus est Ernestus Sone-

Sonerus editò annò 1654. libellò , quò demonstrare conatus fuit, quòd eterna impiorum supplicia non arguant Dei justitiam, sed injustitiam.

III. Ea verò sententia, quæ gentilibus, quamvis ad Christum non sint conversi, adeò est benigna, ut æternæ salutis spem. ipsis facere non dubitet, nonnullorum primitivæ Ecclesiæ Patrum animos invasit; qui tamen non omnes promiscuè singulis gentilibus, sed iis potissimum, qui Mundi Messia nondum manifestatò, rectæ rationis ductum secuti unum Deum coluerunt, atque ab idololatriæ crimine abstinentes puram sine crimine vitam egerunt, æternam salutem adjudicârunt, arbitrati, his ipsis rectam rationem usque ad Christi adventum idem fuisse, quod Judæis ante eundem erat lex, Christianis verò exhibitò mundi Servatore est fides in eundem. Quòd si verò horum δοκιμοῦτων animabus æterna salus eò ipso momentò, quò è corpore sunt egressæ, non obtigerit, sed in carcere aliquandiu eæ fuerint detentæ, inde tamen eas sub adventum Christi evasisse & liberatas fuisse existimârunt. Unde factum, ut Platonem, Socratem, aliosque æternæ beatitudinis hæredibus associârint.

IV. Primus verò, qui in sententiam istam inclinavit, dubio procul fuit Justinus, Philosophus & martyr, qui Aniceti, Episcopi Romani, temporibus floruit, in Philosophi habitu divinam doctrinam asserens, & scriptis fidem defendens, ut Eusebius libr. IV. Histor. Eccles. cap. x. de eo loquitur. Is Stoicos primùm sectatus est, post ad Peripateticos venit, dein cum à Pythagoræis, quòd Mathesin non calleret, rejectus esset, Platonicos audivit, ex quorum disciplina ad Christianam fidem conversus nonnulla scriptis & Apologiis suis adversus Græcos intulit, quæ inter & hoc fuit: *Quicunq; μὴ λόγῳ cum ratione & Verbo vixere, Christiani sunt, quamvis ἄθεοi & nullius Numinis cultores habiti sint. Quales inter Græcos fuerunt Socrates & Heraclitus, aliq; iis similes: inter barbaros autem Abraham & Ananias, & Azarias, & Misael, & Elias, & alii complures.* — Proinde atq; ex Veteribus, qui itidem tempore Christum præcesserunt, & ἀντὶ λόγῳ absq; ratione & Verbo atatem exigere, ἀχρεῖς, hoc est, incommodi & inimici Christi fuerunt, eorumq; qui μὴ λόγῳ, secundum rationem & Verbum vixerunt, percussores. At qui μὴ λόγῳ, cum ratione & Verbo vixerunt, atq; etiam nunc vivunt, Christiani & extra metum atq; perturbationem sunt. Ita ille in Apolog. ad Antonin. Pium. Alibi in Apologia priore Socratem aliosq; ex parte Christum agnovisse contendit.

Et

Et in Colloqu. cum Tryphon. dicit : *Et illi, qui aternas Naturæ leges sequebantur, Deo placebant.*

V. Ceterum ob ambiguitatem vocis λόγος, quæ & rationem, suâ præfertim perfectione præditam, & λόγον ὑποστατικόν apud Scriptores Ecclesiasticos denotat, difficile est de Justinî mente certi quid determinare. Dicunt nonnulli, Justinum statuisse, Christum esse verum & æternum Patris λόγον, omnis rationis & sapientiæ fontem, unde semina quædam hominibus implantata desumantur, ac sapientiæ rivuli quidam in homines deducantur, sicuti & quæ à Poëtis & Philosophis de moribus eorumque honestate præclare sunt tradita, ea omnia Ἀπὸ τοῦ ἐμφυτον παντὶ γένει ἀνθρώπων πᾶν ἔργον τοῦ λόγου, ab innato toti generi humano rationis semine profluxerint, ac proinde ad Christum ejusque doctrinam accedant, eisque conformia sint. Certe, inquit Doctissimus Guilhelmus Cave in Scriptorum Eccles. Historia literaria pag. 39. non memini me observasse, Justinum alicubi affirmare, Gentiles extra religionis Christiana professionem positos salvandos fore, neq; ad hanc rem sufficere nudam Philosophiæ cognitionem, verum id sibi tantum valuisse, quotquot inter illos innatò τοῦ λόγου, ratione scilicet, ad Deum colendum vitamq; optimè instituendam rectè usi essent, Christo, aeterno τοῦ λόγου, proximè accedere. & eò usque conformes esse. Justinî verò mentem Ludov. Ellies du Pin Eccles. Autor. Bibl. nov. Tom. I. p. 49. ita describit: In posteriori Apologia Justinus ait, eos qui rationis principiis congruenter vixerunt, ut Socratem, Heraclitum, Azariam, Misaellem &c. Christianos vocari posse, & supponere videtur, eos salvatos fuisse legi naturæ congruenter vivendo.

VI. Post Justinum commemorandus est Clemens Alexandrinus, vir inexhausta doctrina, uti Casaubono Exercit. I. ad Baronii Annales non immeritò vocatur: siquidem & Alexandro Hierosolymitano est ἀνὴς ἐνδεγὲς & καὶ δόκιμος apud Eusebium lib. VI. cap. XI. Cyrillo verò Alexandrino & Theodorito Hæret. fab. lib. I. cap. VI. ἱερός ἀνὴς καὶ πολυπειρία ἀπαντὰς δόλιπώς fuit appellatus. Is enim Legem & Philosophiam tanquam duo testamenta proponit, illam quidem Judæis, hanc verò gentibus, sed eundem ob finem datam. Quemadmodum, inquit lib. IV. Strom. p. 636. *Judeos Deus salvos esse voluit, dans eis Prophetas, ita etiam Græcorum spectatissimos propriæ suæ linguæ Prophetas excitatos, prout poterant capere Dei beneficentiam à vulgo*

*secrevit. Et paucis interjectis: Iis quidem, qui iusti erant ex lege, fides de-
decrat. — Iis autem, qui erant iusti ex Philosophia, non solum opus erat
fide in Dominum, sed etiam ut discederent à cultu simulachrorum. Jam
verò revelatâ eis veritate ipsi quoque pœnitentiâ ducti sunt propter ea, quæ
fecerant. De Philosophia autem satis liberaliter lib. I. Strom. p. 309.
dicit, quòd regali maximè doctrina & divinæ sapientiæ viam præparet.
Et p. 282. Philosophia (quam a Deo esse rectè docet,) Græcos paedagogi
more ducebat, sicut lex Hebræos, ad Christum. Quibus consentientia habet
lib. VII. Stromat. p. 710. Philosophia Græca veluti præpurgat & præparat
animam ad fidem accipiendam, super quam veritas adificat cognitionem.
Rursus lib. I. Strom. p. 285. Philosophiam nudâ ratione dicimus habere in-
quisitionem veritatis & naturæ eorum, quæ sunt. Hæc autem est veritas, de
qua ipse dixit Dominus: Ego sum veritas. Alibi legem & Philosophiam
non solum vocat *βαθμὸς ἡ ὑποβάτης τῆς χριστοῦ φιλοσοφίας*, gra-
dus & quasi scalas Christianæ Philosophiæ, verum etiam Philosophiam Græ-
cos quondam per se justificasse non dissimulat. lib. I. Strom. p. 319.*

VII. Eâdem viâ incessisse quoque videtur Tertullianus, siquî-
dem & is libr. adv. Judæos ante legem Mosis scriptam tabulis lapideis,
legem fuisse contendit non scriptam, quæ naturaliter intelligebatur, & à
Patribus custodiebatur. Lex hæc non scripta nulla alia est, quàm lex
naturæ: præter eam enim nulla alia naturaliter intelligitur; cuius pro-
inde observatione Patres ante legem Mosis, atque ita ante Chri-
stum exhibitum, Deo placuisse Tertullianus perhibet.

IX. Arnobius libr. II. adv. gentes hanc gentilium objectionem
proponit: Si (inquiunt) Christus in hoc missus à Deo est, ut infelices ani-
mas ab interitionis exitio liberaret, quid secula commenerunt priora, quæ
ante ipsius adventum mortalitatis conditione consumta sunt? Respondet
autem ex intervallo: Deponite has curas & incognitas vobis linquite qua-
stiones, miseratio & illis impertita est regiâ, & aequaliter per omnes divina
beneficia cucurrerunt, conservata sunt, liberata sunt, & mortalitatis for-
tem conditionemq; posuerunt. Quò genere, quæ, quomodo? Si arrogantia, si
typhus, si elatio abesset à vobis, jam dudum hõc scire potuistis auctore. Dicit
itaque, divina beneficia, quæ inter quoque est salutis æternæ conces-
sio, ante exhibitum mundi Servatorem per omnes gentes aequaliter cu-
curre, eas esse conservatas, eas esse liberatas. Non itaque solum
mortalitatis conditioni dicuntur exemptæ, sed & suppliciis crucia-
tibus.

tibusque æternis, quæ *miseratio* Dei demum dicitur esse *regia*.

IX. Ab hac doctrina quoque non fuit alienus S. Athanasius, Ecclesiæ Alexandrinæ Episcopus, Christianæ fidei adversus Arium strenuus propugnator, quippe qui in Oratione de salutari Christi adventu adversus Apollinarem animæ Adami periculo damnationis, in quod per peccatum inciderat, ereptæ τῶν ὁμοιωσάντων τῷ Θεῷ καὶ δικαιοθέτων ἐν τῷ φυσικῷ νόμῳ, *eorum, qui Deo per legem natura placuerunt, & justī repatati sunt*, animas adjungit.

X. Hilarius Pictaviensis Enarratione in Psalmos, maximam partem ex Origenis Commentariis deprompta, præcipuè in Psal. LXIX. v. 29. pari ratione inquit: *Nec ambiguum est, eos in viventium libro esse, qui antea sine ulla Christi agnitione piè in lege versati omnia præscripta Legis impleverint.* In eadem quoque verba Epiphanius hæref. LXVI. scribit:— *Quapropter quandoquidem ab origine prima erat lux lucens velut scintilla in lege secundum naturam, quam ubi conspexit Enoch, complacuit Domino: per quam deductus Abel, complacuit Domino: per quam invenit Noë gratiam coram Deo, cognitâ viâ: per quam Abraham credidit Deo, & reputatum est ipsi ad justitiam.* Quibus alii extra Patriarcharum, è quibus Israëlitaï orti, censum adjungunt alios, Melchisedechum, Hiobum, Jethronem, Ninivitas, Naamanem Syrum, Nabuchodonosarem, Cyrum, Darium Medum, & Apostolorum ætate Cornelium centurionem; de quibus tamen seorsim dicendi occasionem, quæ præsto est, ultrò dimittimus.

XI. Jungimus his Johannem Chrysostomum, itidem de hominibus, qui ante Christi adventum naturæ concesserunt, mitissimè sentientem, nec promiscuè his omnibus damnationem æternam tribuentem. Ita enim ille Homil. xxvii. in Matth. *Poterant homines tunc* (Christò in carne nondum manifestatò) *etiam ipsum* (Christum) *non confessi salvari.* Non enim Christi, qui nondum venerat, ab illis cultus petebatur, sed ut idolorum cultu spreto unum solum Deum conditorem omnium noscerent. Et post aliqua: *Quòd autem qui ante Christum obierunt, ac ideo ipsum non cognoverunt, si ab idolorum cultu recesserunt, ac Deum solum adorârunt, si præterea honestè vitam peregerunt, aterna bona & beatitudinem adipiscentur, audi, quid dicat Paulus: Gloria autem, & honor, & pax omni operanti bonum, Judæo primum & gentili.* (Rom. II. v. 11.) *Vides aperitè retributiones bonorum istis repositas, contra supplicia & pœnas illis, qui opposita effecerunt.*

XII. His omnibus, quamvis ex intervallo, accedere potest Euthymius Zigabenus, Monachus Græcus, Seculi XII. scriptor, qui ad Matth. IX. 13. rationem redditurus, quare Christus non venerit ad vocandos justos, inquit: *quia justī sibi ipsi ad salutem sufficiebant*. Vid. Casaubon. Exercit. I. ad Anal. Baron. num. I. Add. Doctissi. Dn. Pfanneri System. Theol. gentil: purior. cap. XXII. §. 2. sqq.

XIII. Atque ista quidem Patrum nonnullorum peculiaris ab universa autem Ecclesia haudquaquam recepta de iis, qui citra fidem salvificam ex hac vita decesserunt, fuit sententia. Nescimus verò, quid factum, quod & hujus opinionis nonnihil eorum quoque animis, qui à sinceritate fidei Christianæ recesserunt, sit illapsum. Basilides sanè, Gnosticorum princeps, quamvis fidem à salutis causis non excluſerit, eam tamen *naturalem esse perhibuit, quemadmodum & electionem nostram, pro cuiusq; opere & merito: non autem esse Dei donum*; ceu Lambertus Danaus ad Augustini libr. de Hæres. cap. III. annotavit. Quod si ergò electio ad vitam ab uniuscujusque opere & merito dependet, Basilides faciliè admiserit, gentiles quoque per bona sua opera in electorum classē fuisse evectos. Hunc secuti sunt Valentiniani, qui *trinitatem hominum*, ut Tertullianus loquitur, introduxerunt: Alios enim *πνδματακς*, alios *ψυχικς*, alios *σαρρικς* vocabant. Sicuti verò *τς σαρρικς* à salute prorsus excluſerunt, *τς πνδματακς* autem ita in perfectione substantiæ esse firmatos perhibuerunt, ut quibus etiam in actionibus versentur, corrumpi non possint, ita *τς ψυχικς* exiguam à natura fidem habere, operibus autem bonis salvos fieri judicârunt; ceu videre est apud Irenæum, & qui hunc sequitur, Epiphanium Hæres. xxx. Lambertum Danaum ad Augustin. de Hæres. cap. xi. B. Hornejum Compend. Histor. Eccles. libr. II. c. III. §. xxii. Valentiniani igitur *τς ψυχικς*, quos vocabant, & vel nullam, vel oppidò exiguam fidem habentibus, per legis, præsertim naturalis, observationem viam ad salutem æternam aperuerunt.

XIV. Sicuti verò in Valentinianorum hæresi Pelagianismi semina delitescunt, ita quid Pelagio hoc in negotio visum fuerit, indicare non erit intempestivum. Notum autem est, eundem negatò peccatò originali infantibus sine baptismo suscepto decedentibus spem consequendæ felicitatis fecisse, quem tamen non in re-
gno

gno Dei, sed in loco quodam extra illud consequerentur. Ita enim Augustinus de Hæres. cap. penult. *Etiam si non baptizentur parvuli, promittunt tamen Pelagiani eis extra regnum quidem Dei, sed tamen æternam & beatam quandam vitam suam.* Quod adultos verò attinet, triplicem salutis viam juxta trium temporum diversitatem Pelagius, alios hæreticos suam ætatem non ita longò intervallò antecedentes, quorum Philastrius in Catalogo hæreticorum mentionem facit, secutus, constituit. Etenim dixit, homines ante legem salvos fuisse factos per naturam, deinceps per legem, tandem autem per Christum. Sic ergò saltem eos, qui ante legem per Moysen promulgatam vixerunt, Pelagius per naturæ opera secundum naturæ vires exercita ad æternam salutem deductos esse perhibuit. Quin imò dum Pelagiani contenderunt, neminem, qui liberi arbitrii viribus rectè utatur, damnari, & verò simul docuerunt, omnes homines liberi arbitrii viribus rectè posse uti, quid ex eorum doctrina aliud consequitur, quàm neminem damnari, omnes autem, etiam citra fidem in Christum salvari posse? cùm juxta illos homo bonitate naturæ suæ *per propriam voluntatem possit legem Dei implere, sive naturaliter in corde conscriptam, sive in literis datam;* ut loquitur Epistola Synodica Concil. Carthagin. ad Innocent. P. apud Augustinum.

XV. Ad tempora nostræ ætati propinquiora si accedimus, deprehendere licet, nec superiori, neque hòc ipsò seculò defuisse, qui non solum gentiles ante legem Moysis promulgatam sine fide salvifica degentes, verùm etiam eos, qui lege promulgatâ extra Ecclesiam Judaicam vixerunt, salutis æternæ compotes factos esse perhibuerunt, imò & qui ulterius postquam *Evangelium annuntiatum est omni creatura, & apud omnes gentes,* Marc. xvi. 15. Luc. xxiv. 47. *per quod, ex quo fides venit,* homines *servantur* Gal. III. 23. I. Cor. XV. 2. illustre hoc beneficium Dei ad eos, qui ad Christum hucusque non sunt conversi, extenderunt. Hos inter meritò numeramus Johannem Ludovicum Vivem, in Augustini libr. xix. de C. D. cap. xlvii. ita scribentem: *Potuerunt, qui ex gentilibus naturam sequebantur ducem, illam non pravis judiciis opinionibusq; inquinatam & corruptam, tam grati esse Deo, quàm qui legem Mosaicam servaverunt: quod enim hi consecuti sunt per legem, illi consecuti essent sine lege: & qui tales fuere sine lege, eòdem, quò Judæi pervenerunt, cùm eòdem contenderent, nec inter eos*

aliud discrimen fuit, quàm est, cu quis viator mandatam gerat charta itineris rationem, ac veluti formam, alter memoria fidat aut iudicio. Ne verò deiis, qui nativitatem Christi antecesserunt, hoc tantum intelligatur, statim subdit: Idem etiam nostrò tempore continget ei, qui cum nihil de Christo audierit, in remotissimis Oceani terris natus, duo illa maxima servârit mandata, in quæis veritas ipsa legem totam. Prophetasq; constitutos affirmavit, de Deo & proximo diligendis, huic sua conscientia est lex.

XVI. Eadem sententia quoque Desiderio Erasmo arrisit, qui tamen non solum eos, qui secundum legem naturæ vivunt, salvatos esse putat, sed & idololatrias, modò non tam ex proæresi, quàm ex consuetudine tales fuerint. Vid. Præfat. ipsius in Cicer. Quæst. Tusculan. Circa Concilii Tridentini tempora Franciscanus quidam monachus palam asserere non est veritus, eos, qui Christi cognitionem nullam habuissent, & alioquin vitam egissent honestè, salutem esse consecutos. Id quod ex Rom. II. asserere conabatur. Refert hoc Sleidanus Comment. de stat. Relig. libr. XXIII. ad ann. 1552. p. 747.

XVII. Ad Concilium Tridentinum à Rege Portugalliæ missus fuit D. Jacobus à Payua de Andrade, Theologus. In iis verò, quæ Justinus disputaverat, Socratem & Heraclitum, quia secundum rectam rationem vixerint, fuisse Christianos: quæ Clemens dixit, Philosophiam per se justificasse Græcos: quæ Epiphanius dixit, sine lege Mosaica & Evangelica, solâ lege natura, multos fuisse justificatos; Andrædus non quesivit mitigationem, quæ sit analogæ fidei, sed sicut sonant, in ipso Concilio Tridentino suscepit defendenda; inquit Chemnitius Exam. Concil. Trident. de Operibus infidelium p. 108. qui etiam Thammeri facit mentionem, ejusdemque profanas & contumeliosas de fide & salute Philosophica sine verbo Dei & Spiritu Sancto opiniones non tam in ipso Concilii Tridentini sinu olanculum foveri, sed publicè omnibus amplexandas & exosculandas proponi, illisq; qui verbo Dei prorsus caruerant, salutem liberaliter promitti conqueritur.

XIX. Sub finem superioris seculi, annò cło Io xci. Franciscus Puccius, Fidilinus, luci publicæ commisit scriptum, de Christi Servatoris efficacitate in omnibus & singulis hominibus, quatenus homines sunt &c. in quo inter alia contendit, fidem salvantem in unum Deum creatorem esse naturalem & omnibus hominibus communem, & tali fide priscos Patres esse justi-

justificatos. — Simplicem ignorantiam & incredulitatem Evangelii ac defectum Baptismi, ubi non sit scelus, nemini ad salutem obesse, — Vnumquemq; hominem cujuscunq; sit religionis, modò homo sit, sine speciali Dei gratia salvari posse: modò non extremè sceleratam & omnino belluinam naturam & Deo repugnantem vitam ducat. — In singulis hominibus esse hypostasim sive substantiam salvifica fidei, ac proinde omnes aptos natos esse ad vitam aeternam. Hominem, etiam post lapsum generis humani, habere naturaliter tantas vires humanas, ut possit resistere Diabolo & vitam aeternam consequi.

XIX. Quæ Puccius hòc pactò de salute homini citra gratiam Dei specialem ac citra fidem etiam extra Ecclesiam exspectanda in medium attulerat, radices quoque in animo Marci Antonii de Dominis, Episcopi Spalatini, fixerunt: Siquidem & is gentilibus gratiam quandam generalem, & ex ea fidem aliqualem tribuit, ut *natura humana post lapsum non sit penitus mortua quoad spiritualia, sed habeat legem Dei in corde scriptam, & naturaliter ea, qua legis sunt, possit facere; per gratiam nimirum illam generalem, naturam adjuvantem, ut in opus exire possit.* Per hanc gratiam ait, gentilem, si suam legem, quam habet in corde scriptam, servet, assequi idem beneficium sua anima, quod assequitur bonus Judæus in circumcisione. Libr. vii. de Rep. Eccles. cap. xi. num. 15.

XX. Ad hoc institutum referendus quoque est liber de salute Aristotelis superiori seculò per Colonienſes Scholasticos editus, cujus mentionem facit Cornelius Aprippa libr. de vanit. scient. cap. lrv. atque fottè idem ille est, quem & Oppenheimii prodiisse scribit Höttingerus Disp. iix. quemq; Josua Stegmannus Disp. Ill. contra Photinianos Quæst. Ill. allegat. Is octo rationibus probare satagit, Aristotelem fuisse salvatum, deq; eo sic judicat: *sicut Johannes Baptista prodromus fuit Christi in gratuitis, ita Aristotelem ejusdem antecursorem appellari posse in naturalibus.* Pertinebunt & huc quodammodo Fortunii Liceti, in Archi-Gymnasio Bononiensi Philosophi, de Pietate Aristotelis erga Deum & homines libri duo in Italia Vtiniann. clò lcc xlv. editi, quorum copia nobis petentibus ex Sereniss. Ducum Brunsvic. ac Luneburg. celeberrima Bibliotheca Gvelfherbytana clementissimè est facta, in quibus contendit, cum Aristoteles unum Deum agnoverit, eundemq; sincerè coluerit, insuper vir sapiens fuerit, nec in animam malitiosam sapientia introëat, nec in corpore peccatis obnoxio habitet, Sap. l. 4. isq; proinde secundum præscriptum legis naturæ

naturæ vixerit, & alios vivere docuerit, ac si quid humani erroris ipsi obrepserit, id ipsum poenitentia & lachrymis purgaverit, non ita ab omni veritatis specie alienum fore, si quis dixerit, Philosophum hunc misericordia divina, quam spe plenus intentâ mente imploraverit, non fuisse indignum, nec à vita æterna, quæ menti ipsius obversata fuit, eum alienum esse judicandum, præsertim cum discipuli morientem hujusmodi votò sint prosecuti: *Qui Philosophorum animas excipit, & tuam colligat, in suis recondens thesauris, uti animam addecet recti hominis, & perfecti, qualem te novimus.*

XXI. Neque alia de causa Johannes Episcopus Euchaitensis, teste Joh. Seldenò libr. I. de J. N. & G. juxta disciplinam Hebræorum cap. II. de Platonis & Plutarchi salute precibus ad Christum disertè olim egit, quàm quòd salutis æternæ eosdem consortes fore arbitratus fuerit: sicuti nec aliam ob causam haud ita pridem Guido Patinus societatem Ciceronis, Virgilii, Aristotelis, Platonis, Juvenalis, Horatii, Galeni, (quibus Fernelium, Morellum, & Riolanum addit,) in Paradiso in epistolis suis annò cto loc. xxiii, editis sibi exoptavit. Vid. Acta Erud. Lips. Tom. III. de ann. 1684. p. 251. Mirum verò quòd non & Herculis conversationem in Paradiso desideràrit, nisi fortè sibi à clava ejus metuerit; qui olim Viti Winshemii in Zwinglium gentiles cœlo inferentem fuit jocus. Bernhardini de Caravajal Cardinalis, Jacobi Latomi, Trigautii Jesuitæ, Casalii, aliorumque mentionem operosè facere nunc quidem brevitatis studio supersedemus.

XXII. Sub finem superioris seculi Samuel Huberus, Bernas Helvetius, nonnulla Calvinianorum dogmata cœpit improbare, quæ ipsa dum effugere satègit, in contrarium lapsus est errorem, ut electionem ad solos filios Dei spectantem ad omnes homines extenderit, perhibens, *ante omnem & sine omni respectu fidei, sive homines credituri essent, sive non, omnes homines ita à Deo propter Christum electos esse, ut actû sint in gratia Dei, in numero dilectorum, electorum, justificatorum, sanctificatorum, filiorum & heredum Dei; ex aquo omnibus hominibus, propter Christum, à Deo remissa esse peccata, sive credant, sive non. Justificationem esse universalem, uti & salvationem & glorificationem: & hæc omnia absq. respectu fidei.* Quò pactò sanè non potuit non gentilibus quoque latam portam, per quam agmine factò ad salutem æternam penetrent, aperire. Vid. Lucas Osiander Epit. Histor. Eccles. l. c.

cap. XLV. p. 1092. Potuissent hominem ab hoc errore revocare vel sola Servatoris verba Matth. XXII. 14. *Multi sunt vocati, pauci verò sunt electi*; sicuti nec Scripturæ sacræ dicta de voluntate Dei antecedente loquentia, de consequente voluntate debuisset accipere. Ἔστι γὰρ τὸ θέλημα πρὸς ἡμᾶς· ὅτι γὰρ καὶ ἄλλο θέλημα· τοῦτον θέλημα πρῶτον ὅ μὴ ἀπόλεσθαι ἡμαρτηκότας· θέλημα δὲ δεύτερον τὸ γενομένους κακῶς ἀπόλεσθαι. *Est voluntas quaedam antecedens, est & alia voluntas: ut putà prima voluntas est, ut non pereant, qui peccarunt; voluntas secunda, ut qui facti sunt mali, pereant*; inquit Chrysostomus Homil. I. in Epist. ad Ephesios.

XXIII. Ante verò quàm Huberus in eum, quem commemoravimus, laberetur errorem, jam tum Huldericus Zwinglius hoc sibi in mentem venire est passus, ut gentilibus quibusdam, putà Herculi, Catonibus, Scipionibus aliisque æternæ salutis possessionem adjudicàrit, uti ex ipsius Exposit. Fid. ad Franciscum I. Tom. II. p. 559. apparet; in specie de Seneca dixit, Deum fidem sine prædicatione Evangelii in cor ipsius scripsisse: id quod ex his Senecæ Epist. xxxiv. verbis colligere annisus est: *Sic vivendum est, tanquam in conspectu Dei vivamus, sicq; cogitandum, tanquam aliquis in pectus possit inspicere*. Et part. I. Oper. f. 320. inquit Zwinglius: *Non est universale, quod qui fidem non habet, damnatur*. Qua in re quævis adstipulatores nactus fuerit Gvalterum, generum suum, Bullingerum aliosque (Vid. Kromayer. Theol. Positivo-Polem. Artic. p. 94. 95.) Christophorus tamen Wittichius Exercit. Theol. IV. Zwinglium excusat, quòd non nisi per fidem extraordinariè concessam gentilium nonnullos salvos factos fuisse scripserit in Declaratione de Peccato originali ad Urbanum Regium.

XXIV. Jacobus Arminius itidem in eam devenit sententiam, homines ante legem Mosaicam latam salvos fuisse factos, modò rectæ rationis legisque cordibus humanis inscriptæ ductum fuerint secuti, eòque pactò hodiernum multos salvari Christum ignorantes; hoc ipsum autem merito Christi à Deo dari perhibet, utut homines isti de virtute ejus nihil sint edocti. Plurimum igitur misericordiæ divinæ hoc in negotio tribuit, quâ factum esse existimat, ut in horum hominum gratiam justitiæ divinæ rigor meritò Christi sit temperatus. Factum ita, ut Remonstrantes in Apologia cap. XVI. ad §. I. stant, *gratiam communem & generalem omnibus per Evangelium, etiam non*

vocatis, à Deo collatam esse & conferri, per quam idonei facti fuerint & fiant, ut Deo vocanti in suo statu pareant. Eos autem, qui beneficiò gratiæ illius legi natura obsequuntur, Deo gratos esse, & vel salute aternâ per extraordinariam gratiam donari, vel beneficiis majoribus gradatim à Deo affici, ut ad salutem aternam pervenire possint. Nec aliter Moses Amyraldus docuit. Etenim salutem æternam sine Christi cognitione obtineri posse perhibuit; in specie in Tractat. de Prædestin. duplicem prædicandi modum constituit, alterum quidem ministeriò verbi, quò fides ingeneretur, alterum per administrationem providentiæ divinæ, quæ per misericordiam Dei ad salutem sit sufficiens, ac gentilibus obtigerit. Mosen hunc Amyraldum defendit Steph. Curcellæus, qui quamvis Institt. Relig. Christ. libr. I. c. X. cognitionem Christi iis, qui eandem sibi parare potuerunt, absolutè necessariam esse agnoscat, eandem tamen pari necessitatis gradu ab iis haud exigit, qui occasione ipsam consequendi sunt destituti, quippe quos absque fide in Christum per extraordinariam Dei gratiam salvari perhibet, ideo quòd rectæ rationis ductum secuti Deum, prout datum fuerit, coluerint, proximumque quantum in ipsis fuerit, dilexerint. Atque hoc ipsum impedire censuit, quò minus ignis æterni cruciatibus adjudicentur. Et in Quatern. Diff. III. tantum contemtoribus Evangelii salutem negat, eos autem omnes, quibus Evangelium non sit prædicatum, excusatos habet. Cujus sententiam eruditâ Diatribe pridem excussit Venerabilis Dn. Christianus Specht, Cœnobii Riddageshusani Abbas &c.

XXV. Neque ab hac Remonstrantium sententia alienus est Philippus à Limborch Theol. Christian. libr. IV. cap. IV. §. XIII. ubi docet, nihil repugnare, quò minus redemptio in sanguine Christi imputetur, non quidem vi promissi alicujus divini, sed per immensam gratiam divinam illis, qui, postquam mundo prædicatus est Christus, eum absq. culpa sua ignorant. — Nihil repugnat, quin ex superabundante gratia plura Deus præstet, quam promiserit; semper tamen cum respectu ad Christum: addò ut quacunque illis salus obtingat, ea ipsis deatur propter Christum. Et seqq. cap. XI. §. XIII. *Quòd si quidam gratiâ communi rectè utantur, & pro viriis sibi per illam concessarum modulo honestati naturali operam dent, illos etiam pro ratione statûs, in quo degunt, Deo gratos esse credimus, neque à salute prorsus exclusos, saltem igni infernali non adjudicandos.* — Si quos

naturali lumine rectè utentes in suo statu absque ulteriore Evangelii luce
 eppetere contingat, iis vel salutem ob Christum, licet ipsis incognitum, ex su-
 perabundanti gratia donari credibile est; vel, si id nolumus, antequam divi-
 na bonitas eos ad inferni cruciatum damnare credatur, sicut triplex hominum
 in hoc aëre est status, credentium, incredulorum, & ignorantium; ita etiam
 triplex post hanc vitam hominum status concedendus videtur, vite aeternae,
 qui est credentium: cruciatuum infernalium, qui est incredulorum: & prater
 hosce status ignorantium.

XXVI. Proximùm à Remonstrantibus locum dabimus *Natu-
 ralists*, quos Gisbertius Voëtius Disp. de Libertate philosophandi
 §. 8. ita appellavit. Hos inter celebris est Edoradus Baro Herbert. de
 Cherbury geminò scriptò, alterò quidem de veritate, prout distingui-
 tur à revelatione, à verisimili, à possibili, & à falso; alterò autem de Religi-
 one Gentilium, eorumq; apud eos causis, contendens, religionem natu-
 ralem homines ad æternam salutem deducere posse. Eam ipsam au-
 tem quinque capitum ambitu circumscribit, quæ non nostri (Christi-
 ani) tantum, sed universi orbis cætus pro veris indubitatisq; habere debe-
 ant; cujusmodi sunt: 1. Esse Deum summum. 2. eundem coli debere. 3. vir-
 tutem pietatemq; esse præcipuas partes cultus divini. 4. dolendum esse ob pecca-
 ta, atq; ab iis resipiscendum. 5. dari ex bonitate justitiæq; divina premi-
 um vel pœnam, tum in hac vita, tum post hanc vitam. Quos ipsos quin-
 que articulos cum optima ad meliorem vitam amplectendam media ha-
 beri debere contendat, eos verò ex religionibus legibusq; gentilium elici-
 tos esse fateatur, quid prohibet, quò minùs gentilibus, saltem mo-
 ratoribus, citra Christi, extra quem tamen non est salus, Actor. IV. 12.
 cognitionem spem salutis æternæ liberali manu faciat, imò ipsi-
 met eandem ultrò sibi sumant? Etenim jam tùm Augustini tem-
 poribus multi gloriabantur de operibus; & ipse Augustinus invenit mul-
 tos paganos nolle fieri Christianos, quia quasi sufficiunt sibi de bona vita sua.
 Bene vivere opus esse ait (paganus:) Quid mihi præcepturus est Christus?
 ut benè vivam? jam benè vivo. Quid mihi necessarius est Christus? nul-
 lum homicidium, nullum furtum, nullam rapinam facio, res alienas non
 concupisco, nullò adulteriò contaminor. Nam inveniatur in vita mea ali-
 quid, quod reprehendatur, & qui reprehenderit faciat Christianum. Vid.
 Augustini Præfatio Enarrationis in Psal. 31.

XXVII. Excipiat hos ipsos Autor Tractatus de libertate philo-
 sophan-

sophandi, quem Benedictum Spinozam esse constat. Is pariter *cultum Dei ejusq; obedientiam in sola justitia & charitate sive amore erga proximum consistere, omnesq; qui hanc vivendi ratione Deo obediunt, salvos tantum esse, Deumq; pœnitentibus peccata condonare perhibens, gentilibus, præsertim cultioribus, non parum æquus est eosque de salute æterna securos reddit. Uterque verò & Herbertus & Spinoza Thomæ Campanellæ vineta cecidisse videntur, quippe qui in Atheismo triumphato, quem vocat, gentes absq; Christo viventes nihilominus Christianas, minimum à Christo in quacung; natione non alienas esse pronunciat, secutas quippe unam legem religionemque naturalem, quam mundus habet, & cujus reliqua leges naturales, imò & religiones, quadam sint specificationes, ac proinde à Christo, etiam ante incarnationem ipsius salvatos esse omnes lumini natura non rebelles.*

XXIIX. His ipsis recensendis dum intenti sumus, ex Sereniss. Ducum Brunsvicensium ac Luneburgensium celeberrima Bibliotheca Guelpherbytana in manus nostras incidit Francisci de la Mothe le Vayez Tractatus de virtute paganorum sive Gentilium Gallicâ linguâ concinnatus, è quo pauca ad rem præsentem facientia sunt delibanda. Quemadmodum verò Pelagium triplicem salutis viam juxta trium temporum diversitatem adstruxisse supra §. XIV. observavimus, ita hic ipse Autor habitâ ratione gentilium, non quorumvis, sed eorum præcipuè, qui secundum virtutem vixerunt, quosque moraliter bonos fuisse opinamur, triplex tempus, & pro illo triplicem statum in ordine ad eorum salutem æternam constituit. Primum tempus ab Adamo usque ad circumcisionem Abrahami lapsum vocat *tempus & statum juris naturæ*. Sicuti verò gentes in viâ salutis beneficio Conditoris constitutæ esse dicuntur, ita & illæ per bonitatem & misericordiam Dei aptæ esse redditæ perhibentur, ad finem creationis suæ h. e. felicitatem æternam, tanquam recentex manu Creatoris sui prodeuntes, capeffendum. Quæ etiam bonitate & misericordiâ divinâ salutis obstacula semota esse dicuntur. Quamvis enim peccati originis reatum fide oporteat amoveri, illius tamen fidei absentiam isto tempore hos homines æquè minus à salute æterna arcuisse putat citatus Autor, quàm Sacramentorum non quidem contemptus, attamen defectus & privatio hominum saluti obest. Peccata actualia, si qua ab his hominibus in isto statu & tempore commissa

missa fuerint, ait, illa partim pœnitentiâ & contritione, quam gratia & misericordia divina supernaturalis adjuverit, deleta, partim aliis secundum virtutem præstitis operibus compensata esse; quæ verò ab his hominibus ommissa censerî queant, ea sic considerat, ac si deficiente revelatione nondum illis lex lata atque inde nata obligatio sit: *ubi autem non lex, ibi nec transgressionem esse.* Rom. IV. 15.

XXIX. De secundo tempore, quod ab Abrahami circumcissione usque ad Servatoris exhibitionem in carne fluxit, atque statu in eodem, ita censet memoratus Autor: Hunc statum omninò videri fidem requisivisse: siquidem *Abraham credidit Deo, & imputatum est ei ad justitiam.* Gal. III. 6. Interim tamen confidit universalitati promissionis divinæ, quâ certi reddimur, Deum ita salvos velle omnes omninò homines, ut nulla apud eum sit *ωργωπολησία*. Nititur etiam eâ Scholasticorum hypothese, quòd *Deus gratiam suam nunquam illis denegat, qui omnia tentant, quæ possunt, ut divinâ gratiâ se dignos reddant.* Hoc verò fecisse ait gentiles istius ævi luminis naturæ ductum sequentes, (nam de improbis & rectæ rationi reluctantibus sermonem non esse, iterum iterumque monet,) eosque legem de diligendo Deo & proximo implevisse; ideoque fieri aliter non potuisse, quin à Deo unicuique secundum opera reddenti Rom. II. 6. salutem æternam, tanquam finem, ad quem sint conditi, obtinuerint. Quamvis ergò homines extra Ecclesiam Israëliticam constituti non habuerint explicitam illam fidem, quâ Patriarchæ & primores Judæorum in Mesiam venturum nixi sunt, eam tamen ab his hominibus tanquam acquisitu impossibilem non esse exigendam contendit, cum ad impossibilia nulla sit obligatio. Ideoque his hominibus implicitam fidem, haudquaquam ipsis denegandam, suffecisse arbitratur. Cui instituto non parum favere persuasus est, quæ Apoc. VII. 9. 10. commemorantur.

XXX. Tertium tempus, à Christi incarnatione usque ad seculi consummationem labens, & statum ejusdem, quod attinet, ingenue quidem fatetur memoratus Autor, fidem implicitam non amplius sufficere, sed explicitam requiri, attamen non nisi ab iis, quibus verbi divini annunciatio & prædicatio Evangelii obtigit. Quibus verò eadem non obvenit, eos istò locò habendos esse ait, qui invincibili aliquâ ignorantia laborent, cujus opposita cognitio acquisitu

moraliter sit impossibilis, ac proinde ad quam, tanquam impossibilem, nulla sit obligatio. Cumque videat sibi obfutura esse ea Scripturæ loca, quæ Evangelium in toto terrarum orbe prædicatum iri disertè indicant, ea figuratè accipit, inque iis *ἀυξήσων* Rhetoricam quærit, non secus ac ista in eo videtur esse, quod Alexander M. totum terrarum orbem devicisse I. Maccab. I. 10. & Augustus Imperator *πᾶσαν τὴν οἰκουμένην* descripsisse Luc. II. 1. dicatur. Ac tandem partem primam Operis istius hunc in sensum obsignat: *Quemadmodum de condemnatione maxima partis gentilium, qui in sua infidelitate & idololatria extincti sunt, dubitare non possumus, ita nec de Dei misericordia ratione illorum gentilium, qui in actionibus suis rectam rationem secuti sunt, per quæ illam fidem implicitam nostri Servatoris supernaturali aliquâ gratiâ fortassis adiutam habuerunt, & cujus beneficio ab imminente æterno exitio sunt retracti, debemus desperare.*

XXXI. Operæ pretium esset singula hæc seorsim examinare, & plurimas ab hoc Autore admissas petitiones *τὸ ἐν ἀρχῇ* peculiariter ob oculos ponere; quod tamen cum nimis prolixum futurum sit, paucis ea attingemus, quæ dictus Autor cum aliis in hanc sententiam inclinantibus habet communia, reliqua alii occasione, vel etiam ipsi conflictui servabimus. Interim in nostra recensitione pergitur ad hodiernos fanaticos, quos inter præcipui sunt Quakeri, & qui nuper admodum similes errores spargere sunt annisi, quos tamen ex Valentini Weigeli malè confitis hortis malè olentes flosculos decerpisse non temerè quis suspicabitur. Quamvis enim ipse Weigelius quid animi sibi circa præsentem quæstionem fuerit, non ita disertè profiteatur, quin tamen eò propendeat, quod gentiles, sicuti fidem internam lumine naturæ accensam alere ipsi dicuntur, ita & à salutis æternæ participatione non sint excludendi, vix patitur dubitationem. De naturali & insito lumine, per quod homines ad salutem illuminentur, agit in *Gülden Griff* cap. xix. & alibi. De gentilium salute nonnulla habet in *Postill.* part. I. p. 140. Et part. poster. pag. 95. *Sie wissen nicht, daß Gott seine Feinde liebet / und tauffe alle Kinder unter allen Völkern / Heyden und Sprachen mit seinem heiligen Geist.*

XXXII. Multò clarius Robertus Barclajus in *Apologia pro Theologia verè Christiana* th. V. dicit, *Christum*, lumen illud omnem homi-

hominem venientem in mundum illuminans, perfecturum salutem omnium, nō obstarent, quæ salus non minus est universalis, quam est semen peccati. Et th. VI. Sicut ex antiquis Philosophis aliqui vitam æternam sunt consecuti, ita & nunc possunt quidam (quos nascendi fors posuit in remotis mundi partibus, ubi historię cognitio deest,) participes fieri mysterii divini, si gratiam illam, cujus manifestatio unicuique datur ad utilitatem, recipiant. Addatur Wilhelmi Catoni Appendix Apologiæ, in qua ostendere satagit, Philosophos gentilium Christi, veri illus λόγος, cognitionem habuisse, deaque eodem testimonium interposuisse. Quod sanè non alium in finem adducit, quam ut his æternam salutem tanto majori specie possit attribuire.

XXXIII. Eodem tendit quoque Autor Epistolæ ad Theologos, quā novas visiones & revelationes commendat, dum §. 17. pag. 29. Christum ita loquentem introduxit: Dennoch ist meine ewige Liebe gleich gegen alle Menschen: denn Ich sehe nicht an die Versohn/ sondern der recht thut/ und hält meine Gebot/ der ist mir angenehm/ darum bezeuge ich/ das ich auf eine verborgene und geistliche Art mich offenbare in dieser ihrem Geist. Et §. 28. p. 92. 93. Wie solte ich/ Christus/ der ich die ewige Erbarmung bin/ eine Auserweling machen? das sey ferne von meiner allgemeinen grossen Barmherzigkeit. — Was solte mich bewegen/ einem mehr Gnade zur Seeligkeit zu erweisen/ als dem andern? das sey ferne von meiner Treue. Rursus §. 32. p. 77. & 79. ad quæstionem: Ob der in der heiligen Schrift so hoch gepriesene barmherzige Gott die Heyden/ und auch die/ so etwa in keiner falschen Religion/ es sey unter denen Juden oder Christen/ stehende Versohnen ohne Unterscheid ewig verwerffen wolte? inter alia hoc fuisse responsum perhibet: Die unwissenden Völcker aber verwerffe niemand schlechter dings/ denn wer wil sie richten/ als ich? und mein Richten ist gerecht/ und darum werden sie nicht gerichtet zum Verderben/ sonst wäre ich nicht gerecht. Supponitur autem in verbis præcedentibus conditio istiusmodi: doch also/ daß sie mich/ den ewigen Sohn des Vaters/ mit besseren Wissen/ das ist/ in der Überzeugung nicht verläugnen.

XXXIV. Superiori quoque annō prodiit Dantisci scriptum Germanicum von Göttlicher Erkenntniß der Heidnischen Philosophorum, in quo dum Autor eos reprehendit, qui gentilibus omnem veram de Deo cognitionem denegant, ipse eò usque progreditur,

ut non solum ardua religionis Christianæ mysteria gentilium sapientioribus cognita fuisse, sed & eosdem, utpote veros Christianos, per hanc cognitionem ad salutis æternæ perceptionem penetrasse perhibeat. A Platone Christum appellatum esse dicit λογος παντων *JeisGron*, per quem mundus sit conditus, & de hoc Philosopho ista subiungit verba: Des verwundert sich der Seelige am ersten / und hat eine Begierde dasselbe zu erkennen / so viel der tödlichen Natur möglich ist / lehrende hiemit / daß das Menschliche Gemüht allzu klein sey / die vollkommene Erkenntniß zu erlangen. Et cum nonnulla de lumine interno admisculisset, ita pergit: darum was du oder jener anders ihm mag einbilden / als habe er Theil am Reiche Gottes durch Wissenschaft oder Beyfall der Historie von Christi Leiden / Sterben und Himmelfahrt / davon in heil. Schrift geschrieben stehet / und durch Zueignunge seines Verdienstes zur Seeligkeit / so aus diesen so genannten Heyden / jedoch rechten Christen / den wahren wesentlichen Gott nicht kömst in dir zu erkennen / und dich selbst drum widergebohren zu seyn / so wirstu befunden werden elendiglich / und wie Paulus II. Cor. XIII. 5. redet / nur ein Verworffener zu seyn / da hingegen diese fromme Letzte / welche gezeuget haben von diesen göttlichen Geiste / Wort und Sohn Gottes / und desselben kräftige Wirkung in Ihm dem Herren werden angenehm seyn / und für rechte Christen werden ausgesprochen werden. Hæc ille.

XXXV. Quod autem hi, de quibus hactenus verba fecimus, de gentilibus asseruerunt, hoc ipsum alii ad quamlibet religionem promiscuè traxerunt, nullamque earum quēquam à salute æterna arcerē ausi sunt contendere. His ipsis prælusit Rhetorius, cujus mentionem facit Philastrius, Catal. Hæres. num. 90. Is enim docebat, *omnes religiones, modò habeant intentionem & conatum colendi Deum, rectè sentire*, ut loquitur Chemnitius Exam. Concil. Trident. pag. 109. imò *omnes laudabat hæreses*, (hæreticos) *dicens, omnes benè sentire, & neminem errare ex iis, sed ambulare benè omnes illos, & male illos non credere.* Quam ipsam sententiam attingit quoque Augustinus de Hæres. cap. LXXII. istis tamen *absurdis, quæ incredibilia videntur*, eam accenset. Religionum hic Indifferentismus, qui non Christianis tantum, sed & Judæis atque Turcis, imò & gentilibus, modò naturæ convenienter vivant, salutem æternam spondet, quemque jam tūc Sæcul. VII.

Mahummetes asseruit, superiori seculò Sebastiano quoque Castalio-
ni ita dicitur arrisisse, ut statuerit, homines promiscuè quàm cunque
religionem posse profiteri, teste G. Marcellò in Conspectu Chro-
nologix; eum etiam amplexi sunt Weigeliani fanatici contenden-
tes, *absque cognitione Christi Judæos, Turcas, & Gentiles optime salvari
posse, unamq; esse universalem religionem communem omnibus populis*, hòc
nomine à B. Nicolao Hunnio in libro, cui titulus est: *Ausführlicher
Bericht von der neuen Propheten (die sich Erleuchtete / Gottesgelahrte/
und Theosophos nennen) Religion/ Lehr und Glauben; reprehensi*. In
specie hunc religionum indifferentismum defendit Angelus Marianus
(qui dicitur esse Johann. Angelius Werdenhagen) in libello ann. 1632.
edito, cujus titulus est: *Eröffnete Herzens-Porte vom wahren Reich
Gottes*. Huc etiam propendit Antonia Bourignonia, ceu videre est
apud Clariss. Colbergium in *Platonisch-Hermetischem Christenthum*
part. I. cap. x. p. 406. & Autorem Defensionis Relationis Lipsiensis
de Antonia Bourignonia pag. 131. sqq. Defendit etiam hunc religio-
num indifferentismum Autor Tractatus *de ratione humana*, cujus sum-
ma capita recensent Collectores Actorum Eruditorum Lipsi. Tom. I.
in ann. 1683. p. 306. qui *nec Turcis, nec idololatriis, nec ipsis atheis cælum
claudit*. Cumque eadem propemodum opinio per Belgium serpere
inciperet, Synodus Gallo-Belgica ann. clo lxxc. Amstelodami
coacta damnavit illam doctrinam, quâ asseritur, *quòd salus obtineri
possit in omni religione, dum adsit bona fides & intentio*.

XXXVI. Ex quibus patet, non abs re asseruisse Apologiam A. C.
de Dilect. & Implet. Leg. Respon. ad Argum. Advers. pag. 142. *Ideo
semper extiterunt in mundo, qui hanc carnalem justitiam solam docuerunt,
oppressâ justitiâ fidei, & tales Doctores semper etiam existent*.

XXXVII. Postquam verò non paucos in medium produximus,
qui de Gentilium salute optima quæque sperant, ordinis ratio po-
stulat, ut fundamenta, quibus hæc eorum sententia nititur, attinga-
mus. Istâ verò diversa sunt. Alii namque hunc effectum gratiæ &
misericordiæ divinæ transcribunt, quam tamen nunc solummodò
generalem esse ajunt, nunc fidem aliqualem, licet citra verbum di-
vinum, accendentem, nunc lumen salutiferum congenerantem,
nunc eam extraordinariam esse volunt intuitu meriti Christi, quam-
vis non agniti, oblatam. Alii verò rem istam tanquam effectum ju-

flitiæ divinæ considerant, qui non possit gentibus denegari, vel ob ignorantiam invincibilem culpæ expertem ac proinde excusationem jure suò merentem, vel ob præclara honestatis facta, quæ remuneratione non possint esse indigna. Tandem alii gentium ignorantiam respicientes cœlum quidem iisdem non recludunt, sed extra illud locum atque statum beatitudinis assignant.

XXXIIX. Antequam singula ista seorsim expendamus, de sanctæ Ecclesiæ Patrum doctrinis supra recensitis nonnihil est præmonendum, ne quis eorum auctoritate animum occupari patiat. Sciendum itaque 1. est, istam Patrum nonnullorum sententiam in hoc negotio prorsus esse peculiarem, neque Ecclesiæ catholicæ consensu niti, eosque à reliquis Doctoribus omnibus deseri. Quod si autem etiam in ipsa vetustate duorum aut trium hominum, vel certe civitatis unius, aut etiam provincie alicujus error deprehendatur, tunc omnino curandum est, ut paucorum temeritati vel inscitie, si qua sunt, universaliter antiquitatis universalis Ecclesiæ decreta præponantur. — Et quicquid non unus, aut duo, sed omnes pariter unò eodemq; consensu aperte, frequenter, perseveranter tenuisse, scripsisse, docuisse cognoscitur, id quisque sibi quoque intelligat absq; dubitatione ulla credendum; inquit Vincentius Lerinensis in Commonitor, cap. IV. 2. Sciendum, Patres interdum minùs cautè esse locutos, nec semper juxta Scripturæ morem; verba tamen non semper eò rigore esse accipiendâ, quò primum ad aures auditorum perveniunt; ut Sixtus Senensis Bibliothecæ sanctæ, quam vocat, libr. VII. Annot. CLII. loquitur. Excusationem itaque nonnunquam pro ratione circumstantiarum inveniunt, quæ ex aliis eorum doctrinis est petenda. Ideoque 3. de Patrum minùs cauta assertione in hoc negotio non immeritò usurpamus verba Augustini in Enchirid. cap. LXVII. *Qui hoc credunt, & tamen Catholici sunt, humanâ quâdam benevolentia mihi falli videntur. Quibus & hoc ejusdem Augustini dictum addimus: Qui error in sanctis navi instar est, is in pravis doctoribus est tartarea fuligo.*

XXXIX. Ceterum qui adeò mitissimè de gentilibus sentiunt, inter alia in gratia & misericordia divinæ causæ suæ patrociniū solent quærere, quam quidem generalem vocant, talem tamen non esse dicunt, quâ Deus totum hoc universum fovet: *miseretur enim omnium operum suorum*, Sap. XI. 24. sed quâ erga homines in ordine ad æternam salutem ipsis conferendam est affectus. De ea sanè luculentum

tum testimonium perhiberi dicunt Plalm.LXXVII.v.8.9.10. *Numquid in secula repellat me Dominus, nec addet, ut bene velit adhuc? Numquid in seculum defecit misericordia ejus? defecit verbum in generationem & generationem? Numquid oblitus est misereri Deus? nam conclusit in ira misericordias suas?* I.Tim.II.v.4. *Deus omnes homines vult servari & ad agnitionem veritatis venire.* II.Petr.III.9. *Non tardat Dominus, qui promissit (adventum,) sed patiens est erga nos, nolens ullos perire, sed (volens potius) omnes ad resipiscentiam tendere.* Quæ conformia sunt verbis ipsius Dei Ezech.xxxiii.11. *Vivo ego! nolo mortem impii (mortem in peccato & hanc secutam mortem æternam,) sed ut convertatur & vivat.* Id. quod, ut de voluntate seria tantò magis constet, non solum de impii, qui convertitur, sed & de impii morientis morte est accipiendum: nam neque hanc se velle Deus affirmat Ezech.xix.32. Conf. Rom.V.8.10. I.Petr.I.8. Atque hæc gratia & misericordia divina non ad paucos tantum homines pertinet, sed omnibus est oblata. *Non enim est personarum acceptio apud Deum.* Rom.II.11. Ephes.VI.9. Et Act.X.34. Petrus apertò ore proficitur: *in veritate comperio, Deum non accipere personam, sed in omni gente acceptum ei esse, qui ipsum timeat & operetur justitiam.* Hujus gratiæ generalis effectum Marcus Antonius de Dominis dicit esse, quòd boni gentilium motus non fuerint in herba suffocati & suppressi, sed in actum externum traducti, quibus etiam idem animæ beneficium gentilis obtineat, quod bonus Judæus assequitur in circumcisione.

XL. Fatemur omninò, magnam imò nostro encomio longè superiorem esse Dei *Φιλανθρωπίαν* atq; misericordiam; fatemur etiam, gratiam hanc divinam inter salutis nostræ causas locum invenire: imò etiam hoc fatemur, gratiam illam omnibus hominibus esse oblata; attamen & hoc certum esse debet, eam non absolutè hominibus esse oblata, sed si homines saluari ejus effectui frui cupiverint, à parte eorum certam requiri conditionem adimplendam, quæ nulla alia est, quàm fides in Christum, sanctissima ejus merita sibi applicans, atque ita ad certum individuum eadem pertrahens. Hinc qui electi sunt, electi sunt *καὶ προγνωσιν θεῶ Πατρὸς*, secundum prescientiam Dei Patris, I.Petr.I.1.2. Rom.IIX.29. imò *καὶ πρόθεσιν* secundum propositum ejus [DEI,] qui omnia efficit ex consilio voluntatis sue. Ephes.I.11. Nihil verò est, quod in homine, cui meritum Christi sit impu-

tandum, quique salutis æternæ sit destinandus, à Deo prævisum fuerit, quàm fides in Christum; nullum etiam aliud est propositum & consilium voluntatis Dei, quàm cujus indicium factum est ab ipso Servatore Joh. VI. 40. *Hæc est voluntas ejus, qui misit me, ut omnis, qui videt Filium, & credit in eum, habeat vitam æternam.*

XLI. Quamvis ergò gratia & misericordia Dei omnibus fuerit oblata, atque hæc ratione Deus non sit *ωρεσσωπολήτης*, ea tamen oblatio demum facta fuit secundum voluntatem Dei antecedentem: ab hac verò finis intentione ad ejusdem consecutionem non licet instituere collectionem: neque enim hujus gratiæ & misericordiæ fructu ulli gaudent alii, nisi credentes, idque secundum voluntatem Dei consequentem; reliquos verò culpâ suâ à vera fide alienos, quales gentiles esse toties diximus, secundum eandem voluntatem Dei consequentem potius justitiæ & iræ divinæ rigor premit: siquidem non solum Deum misericordem statuere oportet, verum etiam justum, sicuti & misericordia & justitia divina conjunguntur Rom. XI. 22. *Vide igitur benignitatem atq; severitatem Dei: in eos quidem, qui ceciderunt, severitatem: in te verò benignitatem, si permanseris in benignitate: alioquin & tu excideris.* Et cap. II. 8. 9. 10. *Is, qui veritati quidem non obtemperant, sed obtemperant injustitiæ, reddetur excandescencia & ira: oppressio & angustia adversus omnem animam hominis perpetrantis malum, tum Judæi imprimis, tum etiam Græci; gloria verò & honor & pax cuivis operanti bonum, tum Judæo imprimis, tum & Græco.*

XLII. In eo quoque fallitur Marcus Antonius de Dominis, quòd arbitretur, bonos gentilium motus in actum externum secundum gratiam Dei generalem abeuntes ipsis ad salutem profuisse. Etenim ex quo status integritatis fuit deperditus, per opera legis homo salutem obtinere nequit. Ephes. II. 5. 8. 9. Rom. III. 20. cap. XI. 5. 6. Gal. II. 16. 21. cap. III. 21. Ut de eo non dicatur, opera illa majori laborasse imperfectione, pluribusque defectibus apud gentiles inquina fuisse, quàm ut medium ad salutem perveniendi esse potuerint. Malè etiam supponitur, Judæos per opera legis sub pacto Mosaico salutem æternam esse consecutos: siquidem tantum effectum non legi, aut legis observationi, sed fidei ipsorum tribui par est, eumque consecuti sunt vi pacti Evangelici, quod neque per pactum Abrahamicum, neque per pactum Mosaicum fuit sublatam. Unde no-

tanter

tanter Petrus Actor. XV. II. inquiebat: *Per gratiam Domini Jesu Christi credimus nos servatum iri, quemadmodum & illos, Patres nostros.*

XLIII. Alii 2. gratiam & misericordiam Dei gentibus ad salutem in incredulitate sua affluentem ita describunt, ac si per illam fides aliqua in horum animis, quamvis citra verbi divini prædicationem, accendatur. Hoc beneficium Senecæ aliisque, & quidem secundum gratiam aliquam extraordinariam, contigisse nonnulli sunt opinati, quorum §. XXIII. fecimus mentionem. Andradius apud Chemnitium l.c. dicit, *nullum dubium esse, fidem necessariam esse ad justitiam & vitam æternam: justus enim ex fide vivit; illam verò fidem & veram Dei cognitionem ad justitiam & salutem æternam non ex sacris tantum literis, divinisq; oraculis, sed ex rebus etiam iis, quæ sensibus subjiciuntur, haberi posse.* Rursus ait: *Philosophos illâ fide Deiq; cognitione non fuisse destitutos, per quam impius justificatur, & ex qua justus vivit: imò non posse Deum vel ab injustitia, vel à crudelitate defendi, si non arbitremur, ad salutem satis fuisse illam Dei notitiam, quæ & naturaliter hominum mentibus insita est, & consideratione creaturam acquiri potest.* Cumque objectum ei esset, cognitionem illam, quam lumen naturæ de Deo promittit, esse tantum generalem, præter hanc verò requiri specialiozem, quæ fidem salvificam accendat, eam verò à revelatione divina pendere, nec aliunde, nisi ex verbo Dei hauriri; Rom. X. 13. 14. 15. respondit, *in ipsa divina providentia, quâ gubernantur res creata, implicitè & absconditè contineri humani generis redemptionem; Philosophos igitur, qui generalem illam Dei providentiam perspectam habebant, simul sanè intellexisse, nihil Deum prætermisurum, ut homines sempiternâ felicitate perfruerentur; atq; ita non prorsus ignorasse Christum Jesum crucifixum, etsi rationem, quam Deus esset initurus humane salutis curanda compertam minime habuerint.* Quæ ipsa sanè Roberto Barclajo non possunt non valdè ad palatum esse, quippe qui sicuti *historicam*, quam vocat, de rebus credendis *cognitionem*, ita & ipsam fidem explicitam absolute necessariam esse inficiatur.

XLIV. Verum enim verò quemadmodum fidei salvificæ objecta sunt supra rationem, ita nec eadem ex lumine naturæ sibi relicto possunt cognosci. Ubi autem notitia objecti deficit, ibi neque assensus, neque fiducia esse potest. Opus igitur est revelatione verbi divini, absque qua si foret, objectorum fide apprehendendorum no-

titia nos fugeret, sicuti absque Spiritus Sancti *ἐνεργεία* cum verbo divino conjuncta si foret, vires & facultates credendi essent defuturæ. Fidem igitur salvificam Spiritus Sanctus demum operatur, non tamen absque verbo, sed potius mediante illò: verbum namque Dei est *semen immortale, ex quo renascimur*. 1. Petr. I. 23. Neque etiam notitia illa de Deo naturalis fidem salvificam includit, etiamsi fortè in homine ad fidem deducendo supponatur. Imò si vel maximè illam fidem quodammodo includeret, notitia tamen illa non nisi implicita esset, quæ nec sufficit, nec fides esse potest. Etenim si generalis & confusa de Deo & providentia ejus notitia suffecisset, ut Andradius putat, non videretur opus fuisse *spem vite æternæ, quam promisit Deus ille mentiri nescius ante tempora secularia, patefieri per Christum temporibus suis*, Tit. I. 5. neque necessum fuisset *mysterium à seculis & ætatibus absconditum à Deo ad cognitionem magis distinctam patefieri sanctis ejus*. Rom. XVI. 25. Ephes. III. 5. 9. Coloss. I. 26.

XLV. 3. Nonnulli gratiam conversionis, justificationis & salvationis gentibus extra Christi cognitionem oberrantibus obvenire dicunt per peculiare lumen connatum, quod internum sit, supernaturale simul & salutiferum, ac sufficiens, quod citra verbi prædicationem fidem & salutem in hominibus operetur. De hoc Barclajus ita ait in Apolog. pag. 97. *Deus unicuique dedit mensuram aliquam salutiferi sufficientis & supernaturalis luminis*. Pag. 99. addit, hoc lumen esse Christi, per quod omnes debeant credere; esse illud supernaturale, salutiferum & sufficiens; imò illud in utero matris accendi, & si recipiatur, nec ei resistatur, illud omnium salutem operari, etiam eorum, qui & Ada lapsus, & Christi adventus, & mortis ignari sunt; p. 79. & 120. imò quia lumen illud vel semen dicitur esse Dei vehiculum, in quo Deus & Christus semper habitant, & à quo separari nequeunt, hinc ait, sensu latiori dici posse, Christum omnibus inesse; imò hoc lumen subsistere in cordibus impiorum, dum in impietatibus manent, p. 84. 86. Et quia hoc lumen omnibus inesse ait, non solum Judæo, sed & Gentili, & Turca, & Scyta, & Indo, & Barbaro, ratione ejus unicuique pro sapientia divina certum servari tempus perhibet, quò Deus à singulorum condemnatione satis exoneretur, licet tempus istud uni citius, alteri tardius superveniat. p. 82. 88.

XLVI. De hujusmodi verò lumine interno hominibus citra verbi

verbi prædicationem infuso, quod vel ipsa fides sit, vel per quod fides accendatur ad salutem, nihil nobis ex Scriptura constat. Qui enim *tenebrae* sunt, imò in *peccatis mortui*, quales sunt omnes irrogeniti, Ephes. II. 3. 5, cap. V. 8. nihil vel lucis, vel vitæ spiritualis in se neque à natura, neque per ipsam naturam habere possunt. Ut ergo hi à tenebris ad lucem, à morte ad vitam convertantur, *visum est Deo per hoc medium, & non aliò modò, nimirum per sanctum verbum suum, cum id vel prædicari auditur, vel legitur, & Sacramentorum legitimum usum homines ad aeternam salutem vocare, ad se trahere, convertere, regenerare & sanctificare*; inquit Autores Form. Concord. de liber. Arbitr. p. 170. Atque huc referunt loca I. Cor. I. 21. *Placuit Deo per stultam prædicationem* (quæ mundo suâ sapientiâ abundanti talis videtur) *servare credentes*. Nec non verba Angeli ad Cornelium, Act. XI. 14. *Petrus loquetur tibi verba, per quæ salvus eris & tu, & tota domus tua*. Rom. X. 17. *Fides ex auditu est, auditus autem per verbum Dei*. Joh. XVII. 17. *Sanctifica eos, Pater, in tua veritate: sermo tuus veritas est*. & seq. v. 20. *Oro pro iis, qui per sermonem eorum in me sunt credituri*.

XLVII. Ne verò Robertus Barclajus sine Scripturæ Sacræ autoritate quicquam asseruisse videatur, nonnulla Scripturæ loca pro interno suo lumine adducit. Nostri instituti ratio non patitur singula seorsum excutere, sed sufficit, si unum vel alterum attigerimus. Potissimum allegat verba Joh. I. 4. 9. quibus de τὸς λόγος dicitur: *In ipso vita erat, & vita erat lux illa hominum; & lux ista in tenebris lucet, sed tenebra eam non comprehenderunt*.— *Hic erat lux illa vera, quæ illuminat omnem hominem venientem in mundum*. Sicuti & Joh. IX. 5. Christus de se ipso dicit: *Quamdiu fuero in mundo, sum lux mundi*. Conf. cap. IIX. 12. XII. 35. Admittimus, per *lucem* intelligi Christum per Evangelii prædicationem salutis radios in universum orbem diffundentem, atque ita quantum in se est, omnes homines ad vitam æternam illuminantem: Dum tamen hæc lux per Evangelii demum prædicationem accenditur, non est congenita & naturalis; quod tamen Barclajus in se susceperat probandum; & vel idèò naturalis non est aut omnibus congenita, quia *tenebrae* (homines in statu peccati perseverantes Ephes. V. 8.) *lucem* hanc sibi oblatam non acceptarunt aut comprehenderunt. Joh. I. 5.

XLIX. Adducit quoque Barclajus locum Rom. X. 8. *Prope est*

verbum in ore tuo, & in corde tuo: hoc est verbum illud fidei, quod prædicamus. Sciendum verò est, sermonem Apostolo esse de iis, qui in Christum credunt, eumque ore confitentur; his verbum salutis ubique per Apostolos annunciatum *prope est*, nec gratia salutaris amplius denegata, est & *in ore eorum*, dum Christum confitentur. Non autem est *prope eos* per internum & congenitum lumen, sed potius *per verbi prædicationem*. Provocat idem quoque Barclajus ad verba Tit. II. II. *Illuxit gratia Dei salutifera omnibus hominibus.* Sed frustra ad illa verba fit provocatio, Nam gratia illa salutifera non est à lumine interno congenito, sed venit per Evangelii prædicationem.

XLIX. Porro causæ suæ hoc valdè patrocinari arbitratur Barclajus, quòd Evangelium Jacob. I. 21. vocetur λόγος ἐμφυτός, *verbum insitum*. Sed neque hæc appellatione rem conficiet. Nam τὸ ἐμφυτόν l.c. non est idem, quod *connatum* sive *naturale*; aut id, quod cum ipsa natura hominis esse incipiat, sed potius idem est, quod ἐμφυτεύεται, sive ἐμφυτεύμενον, *implantatum*, per fidos ministros seminatum; quam significationem optimè expressit B. Lutherus, voces h.m. reddens: das Wort/ das in euch gepflanget ist. Cui interpretationi non solum verbum δέχεσθαι respondet, sed & confirmatur ea v. seq. 22. ubi Apostolus eos, quibus verbum fidei implantatur, vult esse ἀνεργατοὺς, imò non ἀνεργατοὺς μόνον, ἀλλὰ καὶ ποιηταὺς τοῦ λόγου, quales etiam ipse Servator similitudine ab homine sementem faciente desumptâ usus requirit Luc. IX. 15. Confirmat eandem locus Prov. III. 3. ubi præcepta legis à quovis *in tabula cordis sui scribi* jubentur. Et de lege Evangelii Jer. XXXI. 33. dicitur: *Indam legem meam* (legem fidei) *in medio eorum, & in corde eorum describam eam*; quæ verba repetuntur Hebr. IX. 10. Sanè si rerum lumine naturæ notarum cognitione intellectus humanus ab ortu suo non est consitus, multò minùs *mysterii voluntatis divinæ* (Ephes. I. 9.) cognitio hominibus poterit esse congenita. Vid. hac de re Max. Rev. Dn. D. Wideburgii Disp. de Lumine salutifero omnibus congenito §. xxiix. sqq.

L. Sunt tandem 4. nonnulli, qui gratiam illam, quæ salvandis gentilibus obtingere dicitur, non quidem ordinariam esse dicunt, attamen *extraordinariam & superabundantem*, talem tamen, quæ ipsis obtingat propter Christum, non quidem vi alicujus promissi divini: cùm nihil repugnet, quin ex *superabundante gratia Deus plura præstet, quam promise-*

miserit; attamen cum respectu ad Christum: posse quippe Deum per extraordinariam gratiam fructus sacrificii Christi etiam imputare illis, quibus nullâ suâ culpâ Christi cognitione carere contingit. — Potest enim Deus beneficium homini ignotum ex superabundante gratia applicare; quæ est sententia Philippi à Limborch Theol. Christ. I. IV. cap. IV. §. XIII. & cap. XI. §. XI. Quam ipsam exemplò eorum, qui ante Christum vixerunt, probat, inquit: Nemo salvabitur, nisi per redemptionem in sanguine Christi; quæ profuit illis, qui ante Christum vixerunt, licet eum aut non, aut saltem non nisi obscure admodum ac per umbras ac typos cognoverint.

LI. Fundatur hæc conjectura non solum in gratiæ Dei, sed & insuper in meriti Christi universalitate, quæ utraque utut rectè admittatur, sciendum tamen est, quòd quemadmodum Deus suam gratiam nemini denegat, nec tamen eam absolutè, sed sub certa demum conditione offert, neque etiam actu eandem confert, nisi iis, qui conditionem, à quâ salutare ejusdem fructus sunt suspensi, adimplent; ita quamvis meritum Christi ex intentione ejus sic præstitum sit pro totius mundi peccatis, I. Joh. II. 2. ut sicuti per unius offensam reatus ad condemnationem venit in omnes homines, ita per unius (Christi) dignationem, justè factum, meritum, justitia veniret in omnes homines, Rom. V. 15. 18. 19. non tamen quisquam fructus ejusdem degustet, nisi qui verâ fide illud sibi applicat, ut cum certa cordis fiducia dicere possit: *Filius Dei dilexit ME, & tradidit semetipsum pro ME.* Gal. II. 20. Conf. I. Tim. I. 15. 16. Id quod etiam ex Joh. III. 16. 17. 18. ultrò intelligitur. Certè qui ante Christum in carne exhibitum salvi sunt facti, ex fide sua vixerunt, Habac. II. 4. quam habuerunt in mundi Messiam suò tempore exhibendum, tanquam semen mulieris caput serpentis contritum, Gen. III. 15. atque adeò opera Diaboli dissoluturum, I. Joh. III. 9. & quidem eò modò cognitum, qui ad salutem ipsorum tum quidem requirebatur & sufficiebat. Quòd si ergò hi sine Messiæ cognitione & fide in eundem non sunt salvi facti, certè ex quo exhibitus est mundi Redemptor, promissio non aliter, nisi ex fide Jesu Christi datur credentibus. Gal. III. 22. Benè proinde Augustinus Epist. CLVII. Profectò quod scriptum est, non esse aliud nomen sub cœlo, in quo oporteat salvos fieri nos, (Act. IV. 12.) ex illo tempore valet ad salvandum genus humanum, ex quo in Adam vitiatum est genus humanum.

LII. Atque ita vidimus eorum sententias, qui gentilium salutem

tem gratiæ & misericordiæ divinæ adscribunt. Consideranda nunc est eorum opinio, qui hunc effectum ad justitiam divinam adeò referunt, ut si Deus gentiles promiscuè omnes ab æterna salute arceret, *ab injustitia aut crudelitare vix posset excusari*; ut Andradius supra loquebatur. Cui tamen sententiæ pariter non unum, ceu jam tum innuimus, supponitur fundamentum. Alii enim causantur, gentilibus æternam salutem à Deo denegari non posse ob fidei salvificæ defectum, quandoquidem hic oriatur ex ignorantia invincibili culpæque experte, qui proinde morali ratione nec imputari, nec homines ad oppositam cognitionem tanquam sibi moraliter impossibilem obligati censi possint, cum aliàs *ad impossibilia nulla queat esse obligatio*. l. 185. ff. de divers. Regg. jur. antiq. Conf. H. Grot. libr. II. de J. B. & P. cap. XIII. §. ix. Alii verò virtutis atque honestatis opera gentilium tam præclara esse perhibent, ut Deus non possit illa odio habere, sed potius æternæ vitæ remuneratione digna debeat reputare.

LIII. Ignorantiam verò hujusmodi nonnulli dicunt eas tantum excusare gentes, quæ ante Christum natum vixerunt; alii verò excusationem hujusmodi ignorantiae innitentem ad istos quoque extendunt, qui Christo exhibitò luce Evangelii manserunt destituti, eademque hodiernum destituuntur. Huc tendere videtur Clemens Alexandrinus in Protreptico inquit: *ὁ μὴ ἀπὸ τοῦ λόγου συζητῶν μὴ τὴν πλάνην ἔχει τὴν ἀγνοίαν. Qui verbum non audit, ei venia datur propter ignorantiam*. Et libr. VI. Strom. p. 639. *Esset non levis iniquitatis, eos, qui ante adventum Domini excessissent, cum nec eis fuisset annuntiatum Evangelium, nec in credendo, vel non credendo nulla posset in eos culpa conferri, vel salutem assequi, vel puniri. Neque enim fas est illos quidem in dicta causâ fuisse condemnatos: solis autem eis, qui fuerunt post ejus adventum, frui divinâ licuisse justitiâ*. Et libr. VII. Strom. p. 760. *Sunt quidem tres animi affectiones: ignoratio, opinio, scientia: qui in ignoratione quidem versantur, sunt gentes: qui autem in scientia, vera Ecclesia: qui verò in opinione, ii qui sectantur hereses*.

LIV. Ignorantiam quoque istiusmodi ad gentes ab æternæ damnationis reatu absolvendas sufficientem arbitratus fuit Andradius apud Chemnitium Exam. Concil. Trident. de Operibus infidel. p. 109. *a. Neque enim, inquit, duritas atq. immanitas terrior ulla esse potest, quam*
sens-

*fempiternis cruciatibus mancipare homines propter illius fidei inopiam, quam consequi nullâ ratione potuerunt. Rursus: Impossibilia in obligationem cadere, ferus solum, teter, humanitatisq; hostis quispiam poterit existimare. Philippus Limborgius l.c. ita inquit; Nemo illa cognoscere tenetur, quæ Deus ipsi non revelavit, aut revelare noluit, Joh. XV. 22, 24. nec ob illius cognitionis carentiam quisquam damnabitur. Rom. II. 12. Et rursus: Ger-
tum & indubitatum credimus, neminem, quem Deus Evangelii cognitione dignatus non est, condemnandum, quia officia Evangelio ad salutem adipiscendam necessario requisita, qualis potissimum est fides in Jesum Christum, non prestitit; sed solummodo, quia natura legem transgressus est. Rom. II. 12. Luc. XII. 48. Nemo enim ea cognoscere tenetur, quæ ipsi Deus non revelavit, neque per illam ignorantiam poena reus esse potest, Joh. XV. 22. Robertus Barclajus in Apolog. Theol. VI. Oblationis & victimæ Christi beneficium extenditur non solum ad eos, qui distinctam & externam mortis passionisq; ejus habent cognitionem, sicut ea in Scripturis est declarata, sed etiam illos, qui ab hujus cognitionis beneficio, casu aliquò inevitabili, necessario excluduntur, quam cognitionem libenter concedimus perutilem & consolabundam, sed non absolute necessariam illis, quibus ipse Deus eam fecit impossibilem. Et Autor revelationum §. 32. Die unwissenden Völker verwerffe niemand schlechter dinges.*

LV. Juxta hos itaque rerum ad salutem creditu necessariarum ignorantia, eaque invincibilis, ita quidem, ut opposita peritia acquiritu fuerit impossibilis, eos, qui hujusmodi ignorantia, nullâ suâ culpâ, laborant, ab æterna damnatione exemerit. Quam suam sententiam à Servatoris doctrina haud alienam esse putant. Is enim Joh. XV. 22, 24. inquit: *Si non venissem & locutus essem eis, peccatum non haberent: nunc autem non habent, quod preterant peccato suo. Si opera non fecissem inter eos, quæ nemo alius fecit, peccatum non haberent. Et cap. ix. 41. Si cæci essetis, non haberetis peccatum; nunc verò dicitis: videmus, itaque peccatum vestrum manet.* Quibus ipsis verbis putant doceri, Evangelicæ doctrinæ ignorantiam in iis, quibus salutaris lux non est exorta, haud esse culpabilem, nec ipsis in damnum, multò minùs in æternum animæ exitium imputari posse, aut si hoc fieret, id nimis crudele fore.

LVI. Quod ipsum antequam pluribus expendamus, disquirendum est: an etiam gentium, quæ luce Evangelii vel olim fuerunt destitutæ, vel hodiernum destituuntur, ignorantia prorsus fuerit in-

voluntaria, & præterea ita invincibilis, ut aliquam coram Deo mereatur excusationem? Ita verò omninò sentiunt, qui erga gentes in cœcitate mentis suæ perseverantes adeò mites sese præbent. Quod enim gentes ante Christi adventum degentes attinet, si eæ viam salutis cognoscere debuissent, per Judaicum populum eandem fuissent edoctæ. *Salus enim ex Judæis est*, Joh. IV. 22. h. e. sicuti Salvator mundi ex tribu Judæ erat nascendus, ita & vera ejus cognitio & colendi ratio à Judæis debuit peti, quippe quibus ea per Prophetas à Deo fuit manifestata. *De Sion enim lex debuit prodire, & verbum Domini de Jerusalem*, Esa. II. 3. nec minùs Dominò in cœlos sublato prædicanda fuit pœnitentia & remissio peccatorum apud omnes gentes incipiendo ab urbe Hierosolymorum. Luc. XXIV. 47. At verò ajunt, non ignotum esse, quàm difficilis conversationis Judæi fuerint cum gentibus, quibuscum commercium à Deo non solum sibi interdictum putarunt, sed & cum illis agendi vix occasionem invenerunt. Qua de re testari potest Josephus libr. I. contr. Appion. ita inquires: *Nos neq, terram habitamus, quæ mari vicina est, neq, negotiationibus gaudemus, neque earum causâ consuetudo nobis cum aliis gentibus est, sed sunt urbes nostræ procul à mari sitæ: ipsi autem nos regionem bonam incolentes hanc cum labore exercemus*. De gentibus verò vel circa Messias exhibiti tempora viventibus, vel eadem excipientibus rem claram esse contendunt ex mandato Servatoris Matth. X. 5. *Apostolos in vias gentium abire, & in urbem Samaritanorum ingredi prohibentis*, nec non Spiritûs Sancti Paulum ac Timotheum in Asia æquè ac Bythinia sermonem loqui interdicentis Act. XVI. 67. Quibus ipsis experientiam haud fallacem rerum testem adjungunt, quâ constare dicunt, nondum omnes gentes in hunc usque diem esse vocatas, sed plures in ignorantia Evangelii relinqui. Hos itaque miseros homines comparant partim cum iis, qui à prima sua nativitate vel cœci vel surdi fuerunt, partim cum infantibus; à quibus tamen fidem in Christum juxta normam Evangelii sub periculo amittendæ salutis requirere velle ideò valdè foret durum, quòd ceu sæpiùs dictum, ad impossibilia nulla detur obligatio.

LVII. Ex his validè concludi posse arbitrantur, quòd gentes, sicuti gratiâ vocationis sibi oblatâ non gaudent, ita propterea quòd Christum nullâ suâ culpâ ignorent, non promiscuè omnes æternæ damna-

damnationi sunt subjiciendæ. Quæ ut tantò facilius ordine quæ-
mus discutere, ante omnia observandum ducimus, ignorantiam,
quæ excusare debet, non oportere esse ignorantiam juris, neque
ullâ ratione voluntariam, sed prorsus invincibilem, tam in se, quam
in sua causa. Talis verò non est gentilium ignorantia, de qua loqui-
mur; unde adeò non erit, ut propter eam gentiles censeri debeant
ἀναπολόγητοι. Eorum enim ignorantia omnino est juris, saltem ex
suppositione finis supernaturalis, qui est vita & salus æterna: etenim
qui hunc finem obtinere cupiunt, media ad eum pertingendi non
debent ignorare, sed potius, quantum in se est, sollicitè investiga-
re. Præterea etiam ista gentium ignorantia suò modò est volun-
taria, & quidem interpretativè ob virtuales consensum in eandem
per majores præbitum; est etiam voluntaria implicitè, quia cum
occasionem habuerint veritatem cœlestem cognoscendi, eam ta-
men non acceptarunt, aut saltem eò, quò par erat, studiò quære-
re neglexerunt. Nosse enim possunt, idololatriam, in qua multæ
gentes olim hæserunt, atque nonnullæ adhuc hærent, rem esse abo-
minandam, neque sufficere, ut quis eam linquat, sed insuper necessum
esse, ut agnitâ falsitate religionis paganæ quisque veram atque ad
salutem sufficientem religionem quærat, repertæque totò pectore
se addicat. Lux Evangelii ubique est accensa, quam ut admittant,
jure ab ipsis exigitur. Propagationem autem Evangelii in omnes
gentes cum alia quamplurima, tum etiam translationes Scripturæ
sacræ in omnes propemodum linguas mirificè adjuverunt; id quod
de Græca Scripturæ Sacræ Veteris Testamenti versione observat
Clemens Alexandrinus libr. I. Strom. pag. 288. inquit: *Propterea*
Gracâ voce expositæ sunt Scripturæ, ut nullum unquam ignorantia possint
prætextum afferre, cum possint, quæ sunt apud nos, audire, si tantum vo-
luerint. Conf. pag. 342. Ut adeò gentilium hæc ignorantia sit vinci-
bilis, si non in se, saltem in sua causa; causa verò hæc est negligen-
tia partim propria, partim aliena in majoribus, quæ tamen per inter-
pretationem quandam juris suò modò etiam propria & in posteris
voluntaria est dicenda.

LIIX. Quod dicitur, temporibus Christi adventum in car-
nem antecedentibus veritatis cœlestis cognitionem à Judæis non

potuisse expectari, id facile dissolvitur. Sufficit enim, vocationem hominum universalem fuisse, antequam Abrahami posteritas peculiarem constituerit Rempublicam; sufficit, Israëlitas præ aliis gentibus in Dei peculium electos aliquandiu hæsisse in Ægypto, unde in Græciam, & porro inde in universum terrarum orbem veritatis cœlestis cognitio famâ indubiâ perferri poterat. Ex quo autem peculiarem Rempublicam constituerunt, eorum mores, instituta, religio, miracula ingente hac perpetrata non poterant omnino ignota esse. Accedit, quòd quamvis Judæi non facile cum exteris nationibus commercia instituerint, non tamen omnem eorum amicitiam sunt averfati, nec iis ignoti manserunt. Nota est Hiram, Tyrionum Regis, amicitia cum Davide inîta II.Sam.V.II. I.Paral.xiv.I. quam & cum filio ipsius continuavit I.Reg.V.I. Regina Austri ad ipsum Salomonem accedebat, I.Reg.X.I. II.Paral.ix.I. Math.xii.42. Luc.xi.31. Cum Romanis & cum Lacedæmoniis fœdera pangebant Judæi I.Maccab.ii.17. sqq. cap.xii.2.5. Iqq. Ipse filius Dei, *per quem Deus ultimis temporibus ad homines locutus est*, Hebr. I. I. non solum Judæam obiit, sed & ad gentium fines penetravit. Quòd si ergò salutarem fidei cognitionem non omnes gentes immediatè à Judæis acceperunt, licuit tamen eandem adipisci saltem beneficiò istorum populorum, qui ipsis vel finitimi erant, vel amici & familiares. Ut de eo non dicamus, gentes viam salutis potuisse edoceri per profelytos, in quibus conquirendis tanta legum Hebræorum peritis fuit industria, ut eam certis de causis Christus arguendam duxerit. Math.xxiii.15. Sufficit universalitatem vocationis in Scriptura Sacra clarissimè fuisse assertam, licet historiæ circumstantias singulas non consignârint: Ignorantia enim circumstantiarum rei in Scriptura sacra clarissimè assertæ negationem non potest inducere. Accommodare interim ad hoc institutum licet verba Hebr.IV.2. *Nobis evangelizatum est, sicut & illis: at non profuit illis auditionis sermo.*

LIX. Quod loca Scripturæ contra hanc vocationis universalitatem §.LVII. adducta attinet, sciendum est, gratiæ vocationis divinæ, quæ ex intentione & oblatione Dei universalis est, actualem perceptionem secundum imperscrutabilem voluntatem divinam varia-

variare partim ratione temporis, partim ratione modi vocationis, partim ratione gradûs vocationis, imò & ratione dispensationis divinæ, cujus varietatis rationes non possumus indagare, sed easdem vel gratiæ, vel iustitiæ divinæ cogimur relinquere, quâ fit, ut nonnullis vocationis gratia denegata vel subtracta sit, nonnullis tardius obtigerit, nonnullis lux Evangelii denuò accensa sit, aliis non item; & si qui alii sunt diversitatis modi. Interim gratia vocationis ex parte & intentione Dei omnibus patet; quod verò actu ipsò nonnulli de eadem non participant, fit hominum culpâ, quorum etiam culpâ fit, quod misericordia Dei & meritum Christi non in omnibus sit efficax. In specie itaque verba Servatoris Matth. x. 5. inspicientem fugere non potest, Dominum non simpliciter prohibuisse Apostolis, ne in vias gentium abirent, sed hoc mandatum definitò tempore fuisse circumscriptum, eò nimirum, quò Servator adhuc in terris degeret. Eò verò in cœlos sublatò *predicandum erat Evangelium regni cœlorum in universo orbe, ut esset testimonium omnibus*, idque ante finem urbis sanctæ & Reipublicæ Judaicæ destructionem. Matth. xxiv. 14. Conf. Matth. xxix. 19. Ita quamvis Paulus Asiaticis verbum, procul dubio ob eorum pertinaciam prævisam, loqui ad tempus sit prohibitus, Act. xvi. 6. 7. iis tamen deinceps Evangelii prædicatio largiter obtigit, ut apparet ex Act. xix. 10. l. Petr. i. 1. Apoc. i. 4.

LX. Ceterum ad gentilium in incredulitate sua perseverantium excusationem adhiberi quoque solet eorum cum infantibus, imò & cum cœcis ac surdis, qui à nativitate tales sunt, facta comparatio; licet nec satis accommodatè, nec sufficienter. Quamvis enim qui Christo adducendi sunt, infantibus comparentur, I. Corinth. iii. 1. 2. quibus non solidus cibus, sed lac potius præbendum fit, h. é. quibus prius elementa religionis Christianæ, quàm exacta ejus perfectio, sint proponenda, comparatio tamen illa non nimis latè est extendenda. In hanc autem partem qui similitudine utuntur, eam pertrahunt: Quemadmodum infantes morte abrepti non damnantur, licet fide in Christum careant, idemque pronunciandum est de iis, in quibus sensus aliqui v. g. visus & auditus deficiunt, propter quorum defectum salutari cognitione Dei & Servatoris nostri imbu

imbui non possunt; ita quibus non contigit Evangelii prædicatio, iis fidei ignorantiam dicunt obstaculo esse non posse, quò minus æternæ salutis admoveantur.

LXI. Istò verò pactò hæc similitudo sicuti justò latius extenditur, ita rem non usque quaque conficit. Etenim si infantes in Ecclesia à fidelibus parentibus geniti vel in utero materno, vel in ipso partu extinguantur, vel etiam subita mors eorum Baptismum & per hunc factam regenerationem antevertat, nulli dubitamus, quin Deus parentum & Ecclesiæ specialibus precibus, quæ pro ipsorum infantum voto & voluntate habentur, per motus eos extraordinariè salvare possit, cum mediis semel institutis absolute non alligetur, nec Sacramentorum privatio, sed potius contemptus damnet, juxta Augustinum. Quòd si verò extra Ecclesiam ex parentibus infidelibus nascantur, sunt quidem nonnulli, qui rigidiorè damnationis sententiam in eos statuunt, ita tamen, ut cum Augustino libr. V. contra Julian. cap. IIX. arbitrentur, eos quia *solum habent peccatum originale, nec ullis propriis (actualibus) aggravantur, in damnatione omnium levissimè futuros*, h. e. non quidem poenam sensus, sed solam poenam damni experturos esse. Alii tamen in mitiorem propendent sententiam, quos inter est Tobias Wagnerus Inquisit. in Act. Henot. Sect. IV. cap. XIX. §. ult. nec non B. Dn. D. Hildebrandus in Theol. Dogm. cap. X. §. XXVII. & cap. XIX. §. LXXI. Deum precibus generalibus Ecclesiæ pro omnium hominum conversione & salute æterna fufis, circa omnes, qui gratiæ divinæ obicem non ponunt, efficaciam habituris hoc daturum esse arbitrantur. Nos misericordiæ divinæ hos relinquere, quàm damnare malumus, certissimè persuasi, nihil Deum in hos & horum similes statuturum, quod misericordiæ suæ sit indignum, memores insuper moniti Paulini I. Cor. V. 12. 13. *Quid ad me eos, qui foris sunt, judicare? — De extraneis Deus judicat; & sequentes dictum Augustini libr. IIX. de Genes. ad lit. cap. IIX. Melius est dubitare de occultis, quàm litigare de incertis.*

LXII. Interim tamen ex horum infantum statu gentilium reliquorum sortem ob intercedentem disparitatem colligere non possumus. Hi namque in actuali sunt culpa, dum vel rationis di-

ctamen

flamen opprimunt, vel quod per actus pædagogicos facere poterant & debebant, negligunt, unde nec ignorantia, in qua perseverant, *in totum* eos excusat, ut ut forte *in tantum* eosdem excuset. Sunt enim & gradus poenarum in statu damnationis pro delictorum & ignorantie varietate. Matth. XI. 15. cap. xxiii. 14. Luc. x. 13. cap. xii. 47. 48. Id quod etiam Augustinus libr. xxi. de C. D. cap. XXVI. & libr. de Baptismo contra Donatistas cap. XIX. libr. IV. contra Julianum Pelagianum cap. III. confirmat, cujus verba B. Calixtus libr. de Bono perfecte summo p. 68. adduxit. Eo etiam referri possunt verba Joh. ix. 41. *Si cæci essetis, & mediis veritatem cognoscendi destitueremini, atque ita ex ignorantia & simplicitate peccaretis, non haberetis peccatum*, tantum videlicet, quantum nunc habetis cognitione lucis vobis oblata. Et Joh. XV. 22. *Si non venissem & locutus essem eis, tantum peccatum non haberent*, quantum nunc habent, veritate contumaciter repudiata, possentque videri aliquò saltem modò in ignorantia sua prætextum quærere, quod tamen nunc amplius facere nequeunt. Bene Ambrosius in Psalm. cxxix. Serm. II. *Quanto tolerabiliorem causam gentilis habet, qui potest dicere: Non cognovi legem, non audiui Prophetas, idè non credidi, quam ille, qui legit omnia, ex quibus venturum Jesum crederet, & non credit. Neuter quidem excusatur, nec ille qui legit, nec ille qui legere voluit, sed plus delinquit, qui negavit, quod legerat. Atque sic qui sunt sine lege h. e. gentes legem scriptam non habentes, nec sub pacto evangelico viventes, sine lege peribunt, nec gratia salutis omnibus exorta suos fructus ad æternam vitam in eos diffundet. Rom. II. 12. Conf. Clariss. Dn. Pfanneri Theol. Gentil. cap. xxii. §. xxiii.*

LXIII. Superest in hoc negotio, ut eorum quoque expendamus rationes, qui gentibus Christum ignorantibus non tam ex misericordia divina, quam vi justitiæ divinæ spem salutis æternæ facere audent, & quidem non tam ob ignorantiam, in qua hærent, quam ob præclara virtutis & honestatis opera ab ipsis edita, quæ ut Deus possit odisse aut propter eadem vindictam in agentes statuere tantum absit, ut eadem ipsi, tanquam legi naturæ convenientia, non possint non placere, ac remuneratione digna censerent: *liquidem redditurus est Deus unicuique secundum opera ipsius. Rom. II. 6.*

Lex quippe naturæ est quoque ipsius Dei lex, unde adeò quod ei congruit, Deo nequit displicere. Quò accedere dicunt, quò Scholastici perhibeant, *facientibus quod in se est, gratiam salutarem non deesse.*

LXIV. De Gentilibus verò ipse Apostolus Rom. II. 14. 15. ita inquit: *Gentes, quæ legem externâ & solenni promulgatione propositam non habent, ut Judæi (Rom. IX. 4.) naturâ, quæ legis sunt, faciunt, isti legem non habentes sibi ipsis sunt lex: ut qui ostendant opus legis scriptum in cordibus suis.* Et rei exemplum præbere videtur Cornelius centurio ex cohorte, quæ erat Italica. Is enim cum esset pius ac timens Deum cum tota domo sua, & præstans eleemosynas multas populo, & Deum precans assidue, intellexit, eleemosynas suas ascendisse memoria causa in Dei conspectum. Actor. X. 1. 2. 4. 31. Quin imò Petrus ipse v. 34. 35. fatetur: *In veritate comperio, Deum non accipere personam, sed in omni gente acceptum ei esse, qui eum timeat, & operetur justitiam.*

LXV. Non pauci fuerunt, qui legis naturæ observationem iis præfertim, qui ante promulgationem legis Mosaicæ, & per consequens quoque ante mundi Messiam in carne exhibitum vixerunt, ad salutem æternam sufficienter profuisse sunt arbitrari. Fuerunt etiam, qui tantum beneficium propter eandem legis naturæ observationem gentibus quoque ad Christi pridem patefacti cognitionem huc usque nondum deductis nullò jure denegari posse contendere sunt ausi. Quos licet suprâ recensuerimus, iisdem tamen ex recentioribus hæc vice jungimus Guilhelmu Scherlockium in Discurs. pract. de judicio extremo pag. 351. nec non Petrum Chauvinum libr. de naturali religione libr. I. cap. ix. de quibus legi possunt Acta Erud. Lips. anni 1693. pag. 266. & 501. Ex Veteribus, & quidem ex Sec. V. addimus Lucidum presbyterum, Prædestinatianorum sectæ primum alumnum, ex erroribus tamen, in quos inciderat, operâ Fausti Rhegiensis in Synodo Arelatensi triginta (ut perhibetur) Episcoporum, annò, ut nonnulli putant, cccc LXXV. coactâ, revocatum. In ea namque Synodo Lucidus non solum erroris sui capita quasi impia & sacrilegiis repleta condemnavit, sed & illis contraria dogmata fuit professus, quæ inter & hoc fuit: *Assero etiam per rationem & ordinem seculorum alios lege gratia, alios lege Moysi, alios lege*

lege naturæ, quam Deus in omnium cordibus scripsit, in spe adventus Christi fuisse salvatos: tamen ab initio mundi ab originali nexu, nisi intercessionem sacri sanguinis, non absolutos.

LXVI. Verum enim verò quod Lucidum attinet, is quamvis profiteatur, homines lege naturæ, item lege Mosaicâ fuisse salvos factos, in eo tamen à reliquis, quos supra commemoravimus, secessum facit, quòd remissionem peccatorum, & æternæ beatitudinis, tanquam finis supernaturalis, adeptionem non tam observationi legis naturæ, aut etiam Mosaicæ, tanquam causæ impulsivæ, quàm gratiæ ac merito Christi, fideique illud meritum apreudenti sibi que applicanti attribuat, cujus fidei fructus & signa deinceps fuerunt voluntati divinæ vel per legem naturæ, vel per pactum cum Abrahamo & Mose initum declaratæ conformia opera, salvificæ illius fidei indubitata inter reliquos homines signa. Id quod sic satis rectè partim secundum Actor. XV. ii. partim secundum Jacob. II. 26. ab eo fuit assertum.

LXVII. Omnino enim ut ea, quæ huc pertinent, rectè intelligamus, & quæ considerationem merentur, seorsim ac specialius expendamus, supponere debemus, justificationem & salutem nostram haudquaquam ab operibus nostris tanquam causa impulsiva aut meritoria pendere. Qui enim justificandus est, & spem salutis æternæ consequi desiderat, est homo hætenus *impius* atque peccator, ad agnitionem tamen peccatorum deductus, qui hòc ipsò, quòd impius & delictorum suorum varietatem agnoscens peccator est, bonorum operum nihil ad justitiam coram Deo impetrandam asferre potest. Unicum ergò hoc agit, ut ad Christi meritum confugiens in eo remissionem peccatorum suorum ex mera gratia & misericordia inveniat. Atque ex quo credit, *fides ei imputatur ad justitiam*, Rom. IV. 5. nec amplius est impius, sed justus coram Deo reputatur, locumque inter eos invenit, de quibus Apostolus I. Cor. VI. ii. ait: *Eratis quondam tales, sed abluti estis, sed sanctificati estis, sed justificati estis in nomine Domini Jesu, & per Spiritum Dei nostri.* Non itaque nisi fide justificatur homo absque operibus legis. Rom. III. 24. *Gratiâ estis servati per fidem; non ex operibus, ne quis gloriatur.* Ephes. II. 8. 9. *Quòd si per gratiam, jam non ex operibus: alioquin gratia non esset gratia.*

Rom. III. 6. Quòd si ergò fidelium & renatorum bona opera non sunt meritoria salutis æternæ, neque hæc iisdem debetur ex justitia, multò minùs hominum irrogenitotum & infidelium opera tanti sunt futura, ut salus æterna ipsis ex justitia debeatur. Sicùti & propterea S. Augustinus sententiam illam, quâ perhibebatur, aliquos fuisse salvatos sine agnitione & fide Evangelii, solâ lege naturæ, disertè refutat & damnat ut Pelagianam. libr. de Natur. & Grat. cap. II. de Peccat. Orig. libr. II. cap. XXVI. Et Pelagianos libr. IV. contra Julianum cap. III. ita alloquitur: *An forte Fabriciis, Regulis, Fabiis, Scipionibus, Camillis, ceterisq; talibus provisus est aliquem locum inter damnationem regnûmq; coelorum: ubi non sint in miseria, sed in beatitudine sempiterna, qui Deo non placuerunt, cui sine fide impossibile est placere, quam nec in operibus, nec in cordibus habuerunt? Non opinor, perditionem vestram ad istam impudentiam posse proflire.*

LXIIII. Quod attinet Scholasticorum illud pronunciatum, quò post alios Herbertus quoque & Franciscus de la Mothe nituntur: *Facientibus, quod in se est, non deesse gratiam salutarem*; id ipsum B. Lutherus Artic. Smalcald. part. III. Art. I. accenset meris erroribus & portentis, ortis ex inscitia & ignorantia peccati, & Christi Servatoris nobis; imò accenset illud dogmatibus verè & merè ethnicis. Ipse Bellarminus libr. VI. de Grat. & Lib. Arbitr. cap. VI. non dissimulat, illud ipsum effatum, si vel hòc modò accipiatur: *hominem faciendo, quod in se est, solius naturæ viribus præparari ad gratiam, aut cum suis viribus à Deo desiderare & petere posse gratiam*: vel isò modò: *hominem propriis viribus posse servare omnia præcepta moralia & innocentem vitam agere secundum rationem, & hæc sanctitate morali provocare Deum ad auxilium speciale sibi donandum, quò tandem ad fidem gratiamq; perveniat*; Pelagianam hæresin alere. Hinc cum S. Thoma I. 2. dæ Quæst. 109. artic. 6. ad 2. & Quæst. 112. art. 3. ad 1. nec non S. Bonaventura in 2. Sent. Distinct. 28. Art. 2. Quæst. 1. memoratum pronunciatum tantum de Conversione secunda accipit; h. m. *cum homo facit, quod in se est, cooperando gratiæ Dei, à qua movetur, gratiam ei non denegari.*

LXIX. Hòc autem pactò Scholasticorum illud pronunciatum ad rem præsentem non faciet. Nihilominus ut constet, quò usque gentilium opera legi naturæ consentientia Deo placeant, dicendum est,

est,

est, Deum posse dupliciter considerari: 1. tanquam autorem naturæ, 2. tanquam autorem gratiæ. Si priori modò consideratur, utique laudabilia hominum extra Ecclesiam constitutorum facta Deo placent, sicuti quod contra naturæ legem suscipitur, ipsi non potest non displicere. Sed simul sciendum est, Deum eâ ratione, quâ autor naturæ est, salutem æternam non conferre: hoc enim demum est ex gratia. Quòd si verò Deus posteriori ratione spectetur, opera ista gentilium in ordine ad finem illum supernaturalem eidem non placent, sicuti nec persona placet, quandoquidem non sunt ex fide, sine qua Deo placere est *ἐκ τῶν ἀδυνάτων*. Hebr. XI. 6.

LXX. Neque verò ista gentilium opera Deo, tanquam auctori gratiæ spectato, solum intuitu pacti Evangelici non placent, sed nec eidem placent habitò respectu ad pactum legale. Etenim quamvis hi homines *faciant ea, quæ sunt legis*, h. e. ratione externæ observantiæ operentur, quæ legi sunt consentanea, interiorum tamen perfectionem non afferunt, atque ita *legem non faciunt*, h. e. perfectè eam non implent, Rom. II. 13. 14. cujusmodi tamen *ποινῆς ἔνους* demum dicuntur *justificari*. I. e. & qui ea ita fecerit, in iis vitam est habiturus. Levit. XIX. 5. Rom. X. 5. Gal. III. 12. Sed nemo mortalium est, cuius vires perfectam legis moralis adimplerionem promittere possint, unde *nullum amplius per legem justificari apud Deum, manifestum est*. Gal. III. 11. Certè si historiam consulamus, nemo sanctorum est, quin fateri cogatur: *in multis labimur omnes*, Jac. III. 2. multò minùs apud τὸς ἔξω ullus ejusmodi homo ex historia potest monstrari, qui legem adeò exactè impleverit, ut nullâ labe, nullâque vitiosâ actione vitam aliàs honestè actam unquam contaminaverit. Catones enim, Socrates, aliq. horum similes, qui inter Ethnicos sanctissimi judicati sunt, multis vitiis coopertos fuisse, facile demonstrari posset, --- ut adeò pro uno aut altero bono opere morali, quod fortasse fecerunt, plurima peccata lethalia sine dubio commiserint; inquit Bellarminus I. c. habetque tunc locum illud Jacobi cap. II. 10. *Quisquis totam legem servaverit, offenderit autem in uno, omnibus tenetur*.

LXXI. Malò tamen huic & peccatis obrepentibus remedium nonnulli inveniri posse arbitrantur in poenitentia, quæ irritum quasi faciat, quod ab homine pravè ad Numinis divini offensionem est

gestum; sicuti & Niniuita poenitentiam egerunt ad prædicationem Jonæ. Matth. XII. 41. Luc. XI. 32. Quod etiam à mente Clementis Alexandrini non ita alienum esse videtur. Is siquidem libr. VI. Strom. p. 639. ita inquit: *Quæcumq; vestrum fecit aliquis in ignorations, Deum aperire non cognoscens ductus fuerit poenitentia, ei omnia peccata remittentur.* In hanc sententiam citò gradu contendunt Naturalistæ, præcipuè verò eorum antesignanus, qui libr. de Relig. Gentil. inter articulos, quos optima, imò sufficientia ad meliorem vitam comparandam media reputat, hunc quintum esse voluit: *Dolendum esse ob peccata, ab iisq; resipiscendum.* Item: *Vitia & scelera quæcumq; expiari debere ex poenitentia.* Eòdem libr. de Relig. gentil. pag. 195. ait: *Sensum vitiorum sive peccatorum suorum habuerunt gentiles.* Et p. 197. Poenitentiam vocat remedium malorum, quæ quasi tabula post naufragium fuerit gentilibus, & ad quam, etiam in delictis minimis, confugiendum esse crediderit Antiquitas. --- *Sola morborum animi salutaris crisis est poenitentia.* Item: *Poenitentia tanquam universale natura piamentum vel sacramentum inter gentiles est habita.* Pag. 202. *Si sacerdotes (ritus expiationis proponentes) poenitentiam veram, horroremq; scelerum in animos populi plenum induxissent, haud ita male cum humano genere actum fuisset.*

LXXII. Verùm enim verò ut de eo non dicamus, Contritionem sive dolorem de peccatis præsupponere agnitionem eorundem, omnia autem peccata à gentilibus, soli rationis ductui inhærentibus, non agnosci, ac proinde non omnium peccatorum dolore & contritione eisdem duci posse, id etiam sciendum est, nudam contritionem, sive dolorem de admissis peccatis & detestationem eorundem (quæ est poenitentia non totaliter, sed tantum partialiter accepta,) non sufficere ad expianda flagitia & peccata, sed insuper requiri satisfactionem læso Numini debitam: quamvis enim Deus benignus sit, & ad ignoscendum facilis, neque quicquam statuatur, quod misericordia sua indignum sit, justus tamen esse non desinit, neque juri suo satisfactionem debitam exigendi renunciavit. Quemadmodum enim creditori manet jus æs suum stricte repetendi à debitore, qui sponte sua paupertatem sibi contraxit, ita nec Deus de jure suo cedere & obligationem legis ab homine, qui sponte sua viribus legem exactè implendi se exuit, tollere tenetur. Cum itaque homo nec

ea, ad quæ obligatus erat, adimplere, nec satisfactionem pro illata læsione præstare possit, necessum est, ut ad alienam satisfactionem confugiat, eandemque verâ fide apprehensam Deo offerat. Hoc sanè Ninivitarum operâ Jonæ ad salutarem fidem profelytorum more conversi faciebant; ejusmodi etiam poenitentiam, quæ fidem in Christum includeret, Apostoli proposuerunt Act. III. 19. inquentes: *Resipiscite & convertimini, ut deleantur peccata vestra.* Unde & Clemens Alexandrinus l.c. subjicit, *cum populum sanctum esse cum Judæo, qui convertitur, imò qui prædicabatur profelytus.*

LXXIII. Ceterum suprâ §. LXIV. vidimus allegari exemplum Cornelii Centurionis Act. X. 2. 4. qui cum esset Romanus, nihilominus erat *εὐσεβὴς καὶ φοβούμενος τὸν Θεόν*, pius ac religiosus timensq; Deum, nec solum ipse solus talis erat, sed & cum omni sua familia, qui multas eleemosynas populo præstabat, atque insuper orationibus assidue vacabat. Hujus preces & eleemosyna ascenderunt memoria causâ in Dei conspectum; ac licet esset Romanus, adeoque vir præputium habens, non autem ex circumcissione, nihilominus Petrus ejus exemplò edoctus fuit, in omni gente Deo acceptum esse quemcunq; qui Deum timet & justitiam operatur. l.c. v. 35. Unde adeò colligi posse videtur, etiam eos, qui fidem non habent, modò secundum legem naturæ honestè vivant, viam salutis sibi apertam videre.

LXXIV. Verùm enim verò id quidem ex historia Cornelii concludi non potest. Hoc quidem certum est, Deum in sinum gratiæ non solum Judæos recipere, sed & gentiles, sed quòd absque fide quisquam Deo placeat, id quidem inde non sequitur, quin contrarium potius legitur Hebr. XI. 6. Non igitur Cornelius gentilibus ita est adscribendus, ut prorsus infidelis fuerit: Deum enim peccatores non audit: sed si quis Dei cultor est, & voluntatem ejus exequitur, hunc audit; Joh. IX. 31. sed fuit ille profelytus, licet non justitia, sed tantum porta, qui sicuti jus incolatus apud Judæos erat consecutus, ita ejurata idololatriâ verum Deum agnoscebat & colebat, & in univèrsam ad septem præcepta filiorum Noë se adstringi erat passus; ac quamvis neque pactum Mosaicum esset amplexus, paris cum Judæis fortunæ consors futurus, neque pactum Abrahami circumcissionem injungens, eòque ipsò peculiarem sortem ac dignitatem Abrahami poste-

posteris promittens suscepisset, fiduciam tamen in benedictum mulieris semen habuit repositam, atque ita inter pios illos & fideles, qui tamen circumcisi non essent, fuit referendus, non secus atque Æthiops eunuchus, Candaces, Regina Æthiopum, dynastes, cujus Actor. IIX. 27. fit mentio, & σεβόμφοι προσήλυτοι Antiocheni ex Paulo & Sila eadem verba audire cupientes, quæ Judæis & profelytis iustitiæ in Synagoga annunciaverant, Actor. XIII. 43. nec minùs σεβόμφοι Ἕλληνες Thessalonicae. Act. XVII. 4. Vid. Selden. de J. N. & G. ex disc. Hebr. libr. II. cap. III. Ex quo autem Cornelius centurio in mundi Messiam credidit, ejusque adventum devotis precibus à Deo flagitavit, non potuerunt non preces ejus ex vera fide profectæ Deo esse acceptæ. *Cornelius, antequam fidem Christianam audiret, non erat omnino infidelis.* — Proinde ex fide orabat, & auxiliò Dei elemosynas faciebat; inquit Bellarminus libr. VI. de Grat. & Lib. Arbitr. cap. VI. Imò quia talis fuit Cornelius, Deus ulteriùs hanc ipsi gratiam fecit, ut de mundi Messia non ampliùs expectando, sed jam tum exhibitò ipsum per Petrum admoneret. Hic itaque Cornelius centurio non ab similibus videtur fuisse centurioni, cujus tanta erat fides, ut ei similis in Israël à Christo non fuerit inventa, Matth. IIX. 10. nec non alteri centurioni, qui unà cum aliis Jesum in cruce morientem servantibus dicebat: *Verè Filium Dei erat iste.* Matth. XXVII. 54.

LXXV. Neque obstat, quòd Cornelius v. 28. vocetur ἀλλόφυλος, & v. 45. nec non cap. xi. 18. gentibus adscribatur, tanquam vir præputium habens, & fidelibus, qui ex circumcissione erant, contradistinguatur. v. 2. 3. Etenim ἀλλόφυλος dicitur omnis ille, qui non est de tribu aliqua Israël, & Syro Interpreti vocatur *inquilinus incircumcissus*, Jonathani *profelytus incircumcissus*. Talis autem revera fuit Cornelius, utut fortè Petrus unà cum reliquis fratribus ignoraverit, eum hujusmodi profelytum fidelem fuisse, qui in spe Israël requievisset. Benè autem factum, quòd Deus Evangelii lucem in omnes gentes diffusurus hujusmodi profelytos noluerit præterire, sed per hos, tanquam inter Judæos gentesque medios, atque ita per gradus ad reliquarum gentium conversionem contendere fuerit dignatus.

LXXVI. Hunc verò Cornelium centurionem fidelem profelytum

tum fuisse, ipse quoque B. Lutherus cum alibi agnovit, tunc præcipue in Artic. Smalcald. part. III. Artic. iix, ubi Deum nemini Spiritum vel gratiam suam largiri, nisi per verbum & cum verbo externo præcedente, contra Enthusiastas contendens, ista inter alia addit: *Cornelius Actor. X. longè antè audierat apud Judæos de venturo Messia, per quem justus coram Deo preces & eleemosynas Deo gratas præstat ex fide (sicut Lucas eum nominat justum, pium & timentum Dei) & sine præcedente illo verbo atq; auditu credere atq; justus esse non poterat. Petrus autem patefacere ei jubebatur, Messiam (in quem venturum hætenus ille crediderat,) jam advenisse, ut fides ejus de venturo Messia, eum apud induratos & incredulos Judæos non captivum teneret, sed ut sciret, se salvandum esse per præsentem Messiam, & hunc cum Judæorum turba non negaret, nec persequeretur. Conf. B. Calixti Tractatus de Pactis §. xxc.*

LXXVII. Quæ cum ita sint, meritò dicimus cum Philippo Melanchtone Tom. I. Oper. p. 416. *Quare illi, qui fingunt, Aristidem & similes propter disciplinam justos fuisse & hæredes Dei, & Ecclesia adjungunt multitudinem sine voce Evangelii & sine vocatione, non rectè judicant. Eisi enim nescimus, qui sint gradus talium post mortem, & valde mirum videtur humanis judiciis tantam hominum multitudinem rejectam esse à Deo, tamen nos necesse est ex voce Evangelii judicare. Qui credit in Filium, habet vitam æternam. Qui non credit Filio, non habet vitam, sed ira Dei manet super ipsum. Joh. III. 36. Et Rom. IIX. Quos elegit, hos vocavit. Quæ sententia planè affirmat utrumq; & semper aliquos electos esse in cœtu vocatorum, & extra cœtum vocatorum non esse electos.*

LXXIIX. Atque ita, quantum instituti nostri ratio passa est, non solum eorum opiniones expendimus, qui gentilibus spem salutis æternæ faciunt ob gratiam & misericordiam divinam, sed & eorum vidimus doctrinas, qui hunc effectum justitiæ divinæ deberi tantum non causati sunt, quippe quæ neminem ad impossibilia obliget, invincibili ignorantia ullum statuatur reatum, quin potius legis naturalis observationi hujusmodi tribuat præmium; qui tamen parum attendunt, quòd debita reddatur pœna damnato, indebita gratia liberato; ut cum Augustino Epist. cv. loquamur. Superest eorum sententia considerata, qui quamvis gentes in Christum non credentes damnationi æternæ non adjudicent, cœlo tamen non inferunt, sed

peculiarem eorum extra cœlum beatitudinis statum fore contendunt.

LXXIX. Philippus à Limborch Theol. Christ. libr. IV. cap. XI. §. II. etiamsi eò propendeat, credibile esse, hominibus naturali lumine rectè utentibus, quibus in suo statu absque ulteriori Evangelii luce oppetere contingat, salutem ob Christum, licet ipsis incognitum, ex superabundanti gratia donari, tamen si id nolimus, dicit, antequam divina bonitas eos ad inferni cruciatus damnari credatur, sicut triplex hominum in hoc ævo. est status, credentium, incredulorum: & ignorantium: ita etiam triplex post hanc vitam hominum status concedendus videtur: vitæ æternæ, qui est credentium: cruciatuum infernalium, qui est incredulorum: & præter hosce status ignorantium, quem licet expresse, qualis futurus sit, definire nequeamus, tamen à duobus prioribus esse distinctum, probabiliter ex Rom. II. 12. & Luc. XII. 47. colligitur.

XXC. Hujusmodi statum medium Pelagiani quoque parvulis sine baptismo & regeneratione defunctis assignabant: His enim tanquam non regenitis, non justis, adeoque ad regnum Dei obtinendum non idoneis denegabant quidem regnum Dei, extra illud tamen vitæ & salutis æternæ locum ipsis concedebant; quò nomine ab Augustino non minùs, quàm à Gelasio I. Pontifice Romano sunt reprehensi. Vid. Forbesius Instruct. Historico-Theolog. libr. II. cap. II. §. 20. & libr. X. cap. V. §. 2. Interim tamen tale quid de adultis non audebant statuere, ut vel ex verbis Augustini §. LXVII. à nobis adductis apparet. Sed hujusmodi status, qui post hanc vitam inter cœlestem beatitudinem & damnationem infernalem sit medius, nullum in Scriptura fundamentum invenit. Sicuti enim qui sunt in mundo, dispescuntur in credentes & non credentes, in justos & injustos, in benedictos & maledictos, neque inter hos Scriptura medium genus novit, ita præter statum salutis æternæ, & damnationis æternæ nullum alium medium statum agnoscit. Atque illum quidem nomine cœli, regni, vitæ designat, hunc verò appellatione inferni, ignis æterni, mortis secundæ, opprobrii & condemnationis describit. Vid. Dan. XII. 2. Matth. XXV. 34. 41. Marc. XVI. 16. Joh. III. 16. 18, cap. V. 29. Addi meretur locus Matth. VII. 13. ubi duplicis tantum vitæ, & duplicis portæ fit mentio, quarum altera stricta & angusta est, altera spatio-

tiosa & lata: illa ad salutem, hæc ad exitium ducens, Matth. III. 12. duplicis tantum horrei fit mentio, in quorum alterum triticum colligendum, in altero autem palea igne extinguibili erit exurenda. Hinc & Augustinus libr. I. de Remiss. peccator. cap. xxix. inquit: *Non est ullus ulli locus medius, ubi non sit cum Diabolo, qui non est cum Christo.*

XXCI. Admittere videtur Limborgius, non dari genus hominum, quod inter credentes & non credentes sit medium, quandoquidem hæc extrema contradictorias rationes involvunt; interim tamen non credentes dispescere videtur in *incredulos* propriè dictos, qui nempe gratiam conversionis & regenerationis sibi oblatam malitiosè repudiant, & Spiritui Sancto obluantur; & in *ignorantes*, quibus conversionis & regenerationis gratia non sit oblata, quique adeò illam malitiosè non excusserunt, sed in sua ignorantia, (quam culpæ expertem esse causatur,) hæreere coguntur. Verum enim verò quicquid hujus sit, tamen non solum *increduli* illi, sed & *ignorantes* manent in classe & genere non credentium, quorum status qualis post hanc vitam sit futurus, ex Marc. XVI. 16. constat. Præterea dum Limborgius *ignorantes* & *incredulos* ita à se distinguit, falsò supponit, gratiam vocationis non omnibus esse oblatam. Omnino enim ea vel ipsis gentibus Christum hucusque ignorantibus immediatè obtigit, vel saltem in majoribus earundem. Porro etiam non satis causæ suppetit *incredulos* ab *ignorantibus* distinguendi: siquidem omnis incredulitas est ignorantia earum rerum, quæ firmò assensu sunt apprehendendæ, & in quas fiducia est reponenda; & vice versâ harum rerum ignorantia est ipsa fidei carentia, infidelitas & incredulitas, quique hanc ignorantiam laborant, infideles & increduli vocantur. Hinc & fidei ista carentia sive incredulitas in Scriptura Sacra *ignorantia* appellatione venit, Act. XVII. 23. 30. Ephes. IV. 18. I. Petr. I. 9. 14. Sic uti & ἀνείδεα Rom. XI. 32. & passim *cæcitas* ac *stultitia* appellatur.

XXCII. Quin tamen ignorantia illa in iis, qui sunt extra Christum Jesum, subs habeat gradus, ac proinde morali ratione diversimodè sit imputanda, neutiquam est dubitandum. Atque hinc est, quòd sicuti *beati omnes dissimili fulgore futuri sunt pares*, ut Paulinus in Natal. Felicis loquitur; Conf. I. Corinth. XV. 41. 42. ita nec dubitandum est, ipsas poenas, quibus cruciantur, qui regnum Dei non possidebunt,

pro diversitate criminum esse diversas
 aeterno pro disparibus ponderibus peccati
 inquit Augustinus libr.IV. de Bapt.
 libr.XXI. de C.D. cap.xvi. Nequaquam
 ignem pro diversitate meritorum, quod
 futurum esse graviolem, five ipsius vitii
 varietur, five ipse equaliter ardeat, se-
 tinent huc Scripturæ loca Rom. I.
 V. 10. Matth. XI. 22. cap. XXIII. 14.

XXCIII. Quæ cum ita sint, cap.
 XXI. de C.D. cap.xvi. Quisquis cupit
 baptizetur, verum etiam justificetur
 solo ad Christum. Etenim ut idem
 cap.II. ait: omnis humana natura just
 hoc est, vindicta, nullò modò potest, nisi
 Christi. Et rursus: Si possibilitas nat
 cognoscendum, quomodo bene vivere
 sibi, ergò Christus gratis mortuus est,
 Cur non etiam ego hic exclamem! imò
 Christiano. Evacuati estis à Christo,
 excidistis. Ignorantes enim Dei justiti
 justitia Dei non estis subjecti, sicut
 humana vitiose Salvator C
 crede



*diversas, & alias aliis acriter, ut in ipso igitur
bus peccatorum sint disparia tormenta poenarum;
I. de Baptism. contra Donatistas cap. xix. Et
Nequaquam negandum est, etiam ipsum eternum
rum, quamvis malorum, aliis leviores, aliis
e ipsius vis atque ardor pro poena digna cuiusque
ardeat, sed non aequali molestia sentiatur. Per
a Rom. II. 6. I. Corinth. III. 8. II. Corinth.
XXIII. 14. Luc. X. 13. cap. XII 47.*

*ita sint, concludimus verbis Augustini libr.
quis cupit poenas evadere sempiternas, non solum
stificetur in Christo, ac sic verè transeat à Dia-
ut idem Augustinus libr. I. de Nat. & Grat.
atura justificari & redimi ab ira Dei justissima,
potest, nisi per fidem & sacramentum sanguinis
bilitas naturalis per liberum arbitrium, & ad
è vivere debeat, & ad bene vivendum sufficit
tuus est, ergò evacuatum est scandalum crucis.
nem! imò exclamabo, & istis increpabo doctore
Christo, qui in natura justificamini, à gratia
Dei justitiam, & vestram volentes constituere,
ecti, sicut enim finis legis, ita etiam natura
alvator Christus ad justitiam omni
credenti.*

